



Ex Bibliotheca
majori Coll. Rom.
Societ. Jesu

13-24-M-12



M

Colley Rex.

IOAN.

sol. Resu

RAVISII TEX-

TORIS NIVERNEN.

Cat. Inscr. C. B.

DIALOGI ALIQVOT FE-

STIVISSIMI, STUDIO SAE

*iuventuti cum pri-
mis viles.*

*

13-24-M-12

ITEM EIVSDEM.

EPIGRAMMATA NON PAUCA,

VT DOCTISSIMA, ITA

& lepidissima.

*

*Omnia recens diligenter recognita
& emendata.*



Libr. Vat. Græcæ & Latine

EXTRACT DV PRIVI-
LEGE DV ROY.

*



AR grace & priuilege du Roy, est permis à Hierosme de Marnef, libraire iuré en l'vniuersité de Paris, d'imprimer ou faire imprimer, vne ou plusieurs fois, en grand' marge: moyenne ou petite, vn liure intitulé

IOAN. RAVISII TEXTORIS NIVER-
NEN. *Dialogi aliquot festiuissimi, studiose, &c.*

Lequel auroit esté nouuellement reueu, visité, & corrigé. Et faict defense ledit seigneur à tous autres libraires & imprimeurs & personnes quelconques, de

non l'i-
quelq
tribu
ceux
ques
que l
pein
nées
cens

mer en
ne di-
es que
e ius-
n iour
ur les
don-
cing
me.

LVDOVICVS FA- BER PARISIENSIS

IOANNI MORINO
PRAETORI
CLARIS-
SIMO.
S.



Olebam vehemēter me non posse nan-
cisci tempus, prator equissimē, in
quo & de beneuolentia erga me tua,
& pro tot meritis in literatos tot of-
ficiorum atque amoris signis vnde ti-
bi gratias egisse maximas oportuit,
prolixæ & beneficæ tuæ naturæ testimonium facerem,
hoc mihi somnum frequenter excutiebat, hoc me sine
molestia vigilare non patiebatur. Est enim molestum
homini debenti, ei de quo sit optime meritus nullam re-
ferre gratiam, longēque alienum à memore & grato
beneficia prætermittere, cum repente oblatum hoc mihi
fuit scribendi argumentum in commendationem huius
opusculi, quod non tam velim animo prospicias, quàm
perpetuum meum tuarum virtutum iudicium, quas
nemo literis consequi potest: hoc enim agis vt omnibus
nominibus apud omnes bene audias, te mirifice singu-
laris eruditio, doctrinæque, commendant: & quod in
plerisque iudiciis hodie desideras ingenium velox &
ad gerendam rempublicam aptissimum, nihil humile,
nihil caducum, sed vnumquodque magnificum, excel-
sum immortalitate dignum, consiliis mentis agitas,
mentem istam tuam Morine & te dignam, & omni-
bus bonarum literarum studiosis cum voluptatum præ-
sidio futuram, & laudo & agnoscio, teque ista graui-
tate, dignitate, doctrina virum admiror, qui si bene te
cognitum habeo, non sane possis, etiam vt velis, sine li-
teris viuere, quare ad huius opusculi lectionem, quæ ti-
bi & lectoribus incredibilem pariet voluptatem, te vel

forte currentem incito, hoc tamen pusillum non aspernabere, quanuis nescio quā nouæ editionis cupiditate, tam repentē, nec satis expunctē, calcographus in apertum protulerit, ita ut non permiserit sibi doctorum diligentiumque virorum consilium limamque interponi. Si quid offensum fuerit Henricus Laberius eruditorum hominum eloquentissimus, eloquentium eruditissimus, tibi & Brageloniis in formando senatu Catonianis, qui & iuris & fori tui duo velut relucēt lumina, intra paucos dies hoc volumen castigatissimum, longēque maiora Textoris, & suæ fæturæ opera temere non communicanda designauit, hic permultos, si nescis, honorifica in scribendo mētionē ad cælum vocauit, qui tamen, ita in votis habet, nullam putabit suis laboribus missionem tantisper impetrauisse, dum in te si non licet ut vult, saltem ut potest, fuerit exspaciatus, adeo illi atque adeo omnibus ex integro commendandus videris. Habebit interim iuuetus hosce dialogos, quibus se oblectet, in his etenim Rauisus Textor aureum suauitatis flumen effudit. Tu vero, vir circumspecte, quod te legentem exhilaret, & quod spem alat nostrarū vigiliarum, quarum ad quemnam potius, quā ad te, fructū, si quis futurus sit, detulero? Perficiā etiam omni opera, studio, assiduitate, ut me semper memorem intelligas, neq; tuæ ad me amādum vnquam pœniteat voluntatis. Interim patrocinandum tibi est doctis hominibus, quos tu tam constanter coluisti quā qui maxime, tuas delicias appellas, supparasitatrices tamen semper, ut soles, oderis obseruantias, & quos per omnem vitam adamaſti vehementissimē, ab iniuria fortissimē defendas. Vale.

HENRICI LABERII AD

EVNDEM EXASTICON.

Cultor apollinei studioſe Morine laboris,
Nec minus in celebri vir numerande choro.
Ecce quod à magnis confirmet tractibus arcum:
Rugo sique terat signa supercilij.
Hunc horis igitur leuibus complectere vatem,
Auribus hic fructum læticiamque parit.

3

DIALOGI ALI- QUOT IOANNIS RAVISII TEXTORIS.

INTERLO-
quuntur.

*

Terra, Ætas, Homo, & alij plerique.

Terra.

QUIS mihi tot linguas, quot creditur Ar-
gus ocellis
Perdus & pernox Phariam seruasse
iuuencam,

Præbuerit? quis tot mihi conferet ora, quot annos
Garrula fatiloquis ascribit fama sybillis?
Quis tot præbuerit fibras, quot vana deorum
Milia primorum veteres habuisse dierum
Ascrei referunt monumenta disertæ poëtæ?
Ferreæ quis dederit tot guttura, quot tibi Xerxes
Spicula fecerunt stupidum tenebrescere Phæbum?
Quis tot inundantes lacrymarum det mihi riuos
Immersum quot propter æquum te Cyre vetustas
Audacem memorat sparsisse in flumina Gangem?
Quis tot verborum clamiosa tonitrua mæste
Suppeditet? stomacho tot flumina rauca latrant
Quot Romanorum ferales milia Cannæ
Fecistis patrio post arma carere sepulchro?
Mi dolor est? quem nec verbis æquare, nec vlla
Flere satum gemitu liceat: phæton te ruinam
Perpeffo, multum viduæ fleuere sorores.
Nunc quoque rugosis stillare electra feruntur

Corticibus. multum cæsis ab Apollinis arcu
 Pignoribus doluit Niobe: dum corpore verso
 Facta lapis, tignit, vehemens dolor Orphea rosæ,
 Dum misera Eurydice calcato extincta colubro
 Suavidice cantu cithara exorata recessit
 In furas iterum tenebras, tibi vulnus acerbum
 Cor pupugit misera Andromache, tabicq; cruenta,
 Dum post occisi lacrymas fletusque mariti
 Parvulus Astyanax patrij solamen amoris,
 Aeris cecidit præceps è culmine turris,
 Et multum doluit, multum miserabilis Aegæus,
 Dum pullo, credens occisum Thesea, velo
 Præbuit Aegeo nomen lachrymabile ponto.
 Tormentum magni passa est Iocasta doloris,
 Dum vidit cæsos alterno vulnere natos.
 Aeger multa tibi traxit suspiria pulmo
 Dadale, dum fictis nimium temerarius alis
 Icarus, vndigenas inmerso corpore pisces
 Paut: & Icareis nova nomina contulit vndis.
 Conticeo Progne gemitus post stupra mariti.
 Authonoës lachrymas laniato Aëteone: fletus
 Antigones cecū Oedipodem per saxa trahentis.
 Omnia si numeres qui tormenta prioris
 Siue breves gyaros, seu vincula, siue reorum
 Pauperiem, erumnas, tenebras, ergastula fletus.
 Siue homicidarum furcas, vilescere cuncta
 Agnosces, habita nostri ratione doloris.
 Nil erit attacto colubri periisse veneno.
 Nil tetricas tolerasse hyemes, nil vulnera mille,
 Nil donasse cibum ieiunis in cruce corvis,

Pascenti catulos nihil occurrisset leana.

Aetas.

Que dea, que tanto mittis suspiria luctu?

Terra.

Terra parens rerum.

Aetas.

Quid fles?

Terra.

Quid lugeo? nunquid

Iusta datur matri miserae querimonia, natos

Dum videt incerto miseros occumbere fato.

Aetas.

Iusta datur.

Terra.

Nunquid dolet immansueta leana

Si videat catulum nota fortasse cauernæ

Ablatum?

Aetas.

Mæret.

Terra.

Nunquid dolet aspera tygris

Si fœtum crypta nemoris fortasse latentem

Perdiderit?

Aetas.

Mæret.

Terra.

Nunquid gallina gemiscit

Si pullum vorax raptarit ab æthere milum?

Aetas.

Tristatur.

Terra.

*Nunquid tenerum tristatur ouile
Si lupus errantes forsan ingulauerit agnos?*
Aetas.

Mæret.

Terra.

*In vmbrosis nam mugit buccula syluis
Si decurrentem vitulum laniauero vrsa.*
Aetas.

Mugit.

Terra.

Aper quid agit fatum si perdidit vnum?
Aetas.

Clamat.

Terra.

*Ego quid agam, si quicquid profero: quicquid
Procreo, quicquid alo, quicquid gero, quicquid
in auras*

*Emitto, videam ad certum decurrere finem?
Quid nonne hoc mirum quod tandem sylua putrescit,
Putrescunt frutices: Cariemque vmbraeque arbor
Sentit, & arescunt folijs morientibus vlni.*

Aetas.

Est mirum.

Terra.

*Quid quod salices, alni que, rubi que,
Quod quercus, quod acer, quod nix, quod spina
putrescunt*

Aetas.

Fata iubent.

Terra.

*Quid quòd multis fabricata diebus
Mœnia, cœstilibus quod cinctâ palatia muris,
Quod turres, quòd pyramides, quòd castra, quòd
Ad finem properant? [vrbes*

Aetas.

Cunctorum est linea rerum.

Terra.

*Dura quòd exigua rodantur marmora gutta:
Quod brevis vnda cauat lapidẽ, q. vincula ferri,
Quod Chalybẽ rubigo terat. quòd queq; teratur
Duricies, sensimq; adamas etate fatiscat,
Non mirum est?*

Aetas.

Mirum est fateor, putrere necesse est.

Terra.

*Ferrea quid quòd habent finem simulacra deorũ,
Proceræ quid quòd statuae, grandẽsq; Colossi,
Templaq; marmoreis multum præciosa columnis,
Porticibus spaciõsa, tholis miranda sacratis,
Aurea reliquiis, exili tempore finem
accipiunt?*

Aetas.

Ita diis placitum.

Terra.

Sententia diuum.

*Ferrea frugipara quicquid tellure creatum
Prodierit. Quicquid gremio fecunda creauit
Terra suo. Quicquid sancto sobolescere partu
Fecerit, in cariem verti absumiq; necesse est.*

Aetas.

Expedit.

Terra.

O rabies & non solabilis angor.

Aetas.

Fata volunt.

Terra.

Quæ cœligenis clementia fati?

Nec satis est vrbes euerti, mœnia frangi,

Marmora consumi, lapides putrescere, turres

Excidere, in cariam statuas transire, ruinam

Castra pati, absumi carie atq; rubigine ferrum.

Amisissique prius foliis putrescere sylvas,

Ni pariter pereant homines, & more caduca

Vanescant bullæ: currantque ad spicula mortis.

Aetas.

Fata volunt.

Terra.

Quæ cœligenis clementia fati?

Sed dum me varia verborum ambage moraris

Quæ dea, dic nomen.

Aetas.

Vocor ætas.

Terra.

Falsa virago.

Tu sola es, quæ cuncta rapis, quæ tempore cuncta

Destruis, & dubia submittis cuncta ruina.

Tempus edax rerum, tûque inuidiosa virago

Omnia corrumpis.

Aetas.

*Rebus finem esse caducis
Fata volunt.*

Terra.

*Vbi pyramides dic improba leana,
Barbara quas longo fabricauit tempore Mēphis
Artificum multis sudoribus?*

Aetas.

Omnia finem accipiunt.

Terra.

*Vbi nunc Pharos insula, grande sepulchrum
Mausoli, & triuiae moles speciosa Diana,
Dic meretrix?*

Aetas.

Abiere.

Terra.

*Vbi nunc tarpeia moles
Centifores Thabæ, Babilon circumdata muris
Coctilibus, grandis Ninive, sublime theatrum
Cæsaris, Et Rhodij simulachrum informe Colossi.*

Aetas.

Prauisæ superis iam succubere ruina.

Terra.

*Troia quid est, quid Sparta vetus, quid celsa
Corynthus,
Aut enervati Salomonis nobile templum,
Dic meretrix impura?*

Aetas.

Suam sensere ruinam.

*Tu frustra assiduo verborum fulmine mentem
Concutis, atque dolens quarula me voce fatigas,*

*Terra parens oculis lachrymarum mittito riuos.
 Frange tibi fauces, pulmonem rumpe, medullas
 Exere, corrumpas stomachum, diuellito fibras,
 Non poteris certas fatorum rumpere leges.
 Certus inest rerum Parcis fatalibus ordo:
 Cui nequeunt vires magnorum obsistere regum,
 Non bellatorum clypei, non ara potentum,
 Non oratorum doctrina, aut carmina vatum.*

Terra.

*Saltem si tanta Parca feritate trahuntur,
 Tantæque cæligenas rapit inclementia diuos,
 Consule quid faciam.*

Aetas.

*Æternis obsistere fatis
 Non potes, ut verbis desistas pluribus uti.*

Terra.

Nolo igitur.

Aetas.

*Moneas hominem qui currit ad umbras,
 Qui ruit ad mortis iaculum, ne spem sibi vanis
 Collocet in rebus, ne forte superbiat vllâ,
 Doctrina, aut opibus, mæbrorū aut viribus vllis:
 Et dicas, dites, doctos, fortesque, ruinam
 Iam passos.*

Terra.

*Quantum præbes lenimen acerbo
 Morori?*

Aetas.

Nihil est aliud.

Terra.

Parebo, futurum

Quicquid erit : mortalis homo.

Homo.

Qui tu?

Terra.

Tua mater.

Homo.

Quæ mater?

Terra.

Quæ? terra.

Homo.

Parens charissima salve.

Quid quaris?

Terra.

Doleo fili.

Homo.

Compeſce dolorem

Mater: habes ne aliquid quod nos lenire queam?

Terra.

Non, fili.

Homo.

Quid flet igitur?

Terra.

Scis me eſſe parentem

Cunctorum, quæcunq; hominis ſibi poſtulat uſus.

Homo.

Eſſe ſcio mater.

Terra.

Scis me producere ſylvas,

Præbere arboribus ſuccos, educere grana,

TEXTORIS

*Nutrire in gremio lapides, dare vitibus uvas,
Quercus hybernas glandes, producere pisces,
Gignere pennatas volucres, pratis date fanum,
Multicomas hortis violas, & gramina campo,
Ac postremo hominē lachrymoso educere partu.*

Homo.

Cognosco mater.

Terra.

Doleo charissime fili.

*Quod cum tanta meo sobolescant germina foetu,
Tot rerum veniant species, tot corpora crescant.
Cuncta tamen rabido morsu mihi conterat atas:
Hæc sylvas perimit, consumit marmora, ferrum
Atterit, evertit turres, pallatia frangit,
Castra domat, muros laniat, simulachra deorum
In cineres redigit, delubra putrescere cogit.
Quodq; magis doleo, lachrymas, tormentaq; passus
Incertis hominem iugulet scelerata diebus.
Propterea caueas fili, dulcissime fili,
Ne te vlllo moneat ventosa superbia fastus:
Hoc facies fili?*

Homo.

Faciam suauissima mater.

Terra.

*Iamprimum ne te seducat bellica virtus
Immemorēque tua reddat putredinis, audi
Heroas diuis similes, quos labilis atas
Attriuit, fecitque suo succumbere ferro.*

Hector.

Ne quis corporeis fortasse superbiat unquam

*Viribus, aut geticis quòd sit validissimus armis,
 Perpendat nostri fuerit quis terminus aui:
 Ecce ego natorum Priami fortissimus Hector,
 Vir magnus bello, quo sospite Pergama nunquã
 Argolicus potuere capi ratibusve, dolisve.
 Quique Menetiadem falsis Patroclon in armis
 Occidi, & Gracos violento Marte furentes
 Ignave dare terga fugæ plerunque coëgi.
 Quique decennali Troiam obsidione gravatam
 Defendi, solum quem formidavit Achilles
 Succubui fati, paruum Astinaëta relinquens
 Vxori viduae. Sic omnia conterit ætas.*

Achilles.

*Ille ego sum gentis Troiana terror Achilles,
 Olim nervosis excellens viribus, olim
 Unica spes Danaum, & capti fiducia belli:
 Me solum timuere Phryges. Ego solus in armis
 Notus eram. Solus tibi formidabilis Hector.
 Languenti Priamo præstans mihi bellica virtus
 Extiterat: valide vires & nobile robur,
 Horrescens facies, corpus compactile, nervi
 Præstâtes, fortes humeri, frons ardua. Tãdem
 Armifera supplex colerem dum sacra Mineræ,
 Ecce Paris missa traiecit arundine tergum:
 Sic fortes pereunt: sic omnia decorat ætas.*

Alexander.

*Vita quid est nisi res fragilis, nisi bulla, vel aura,
 Vel fumus, quum more pile revolutibilis, anni
 Prætereant bulleq; instar brevis hora recedat:
 Temporæque incantis abeant inopina diebus.*

*Ah nihil immites potest corrumpere parcas,
 Mortis & horriferae vehemens vitare flagellum,
 Si nescis, nostri monstrat tibi terminus aui.
 Dicor Alexander Macedo, qui solis ab ortu.
 Herculeae fama transiui littora Calpes,
 Gentibus hesperis, & eois cognitus agris:
 Euerit Thebas, Persarum multa cecidi
 Milia, Phanices, Cilicas, bellacibus armis
 Paphlagones, Persam magna virtute Darium
 Ter domui, Et validam muris Babylona subegi.
 Et post auriferi traiectum flumen Idaeum,
 Quatuor excelsum cubitis, palmisq; potentem
 Edomui Porum, domitum, pietate remisi.
 Quid demum? tantis armorum laudibus actis
 Ex Indis iterum repetens Babylona superbam,
 Hic morbum incurri, atq; ibi mors mihi turbida vi-
 Abstulit, instabilis sic omnia deuorat etas. [ta
 Sanfon.*

*Egregios bello proauos & marte potentes
 Heroas recolat priscorum fama dierum
 Miratrix, adeat qua sol utrunque recurrens
 Aspicit oceanum, visat primordia Nili
 Crescentis, penetret Garamanthas sole perustos,
 Percurrat numidas, mutatoresque domorum
 Sauromatas, reflux perlustret Thetyos amplum
 Circuitum, & quicquid tegit alti machina caeli,
 Authorum si forte legat monumenta priorum,
 Quod conferre meis audebit viribus, usquam
 Non erit: ille ego sum robusto corpore Sanfon,
 Robore magnipotens, & viribus Hercule maior.
 Vinenti*

*Viventi mihi ludus erat iugulare leones,
 Ludus erat cursu volucres praevertere tigres.
 Quid quòd ego parui maxilla armatus aselli,
 Mille Philisteos occidi. Quid quòd & vrbis
 Auulsi portas: fuit hac in corpore virtus.
 Sed nec inhumanas mortis vitare sagittas
 Enalui: velox sic omnia deuorat atas.*

Terra.

*Fœlix quem faciunt aliena pericula cautum.
 Cognoscas fili quòd quicquid profero, quicquid
 Nutrio, tēpus edax mihi deuorat, Et breuis atas.
 Aspicias vt validus bello decesserit Hector?
 Vtq; Mycenaus vita spoliatus Achilles
 Occiderit: dederitq; immūdā verminibus escam?
 Cernis Alexandrū & validū Sansona, fuerunt
 Robusti, periere tamen: rapit omnia tempus.
 Nunc ne forte tibi fastum præstantia formæ
 Afferat, aut aliæ specioso in corpore dotes.
 Audi conspicuas formæ ac ætate puellas,
 Quas auīdū tandem contriuit dentibus atas.*

Helena.

*O cecos homines, quos formæ culta venustas
 Erigit & cultus corporis eximius
 Nunc vīdeo, vīdeo nimium, meminisse necesse est.
 Membra hominū fœdis verminibus esse epulas.
 Pectimus hos crines & torto nectimus auro.
 Fasciolæque caput cingimus aureolæ.
 Ornāmus fūco faciem, speculōque propinquo
 Informes digitis corrigimus maculas:
 Arte caput tegimus, faciem deflectimus arte,*

Cingimus arte comas, volumus arte oculos,
 Et tamen hi crines, hic fucus, & ista venustas,
 Et ceruix, pereunt more fluentis aqua.
 Ecce ego pulchra fui, tandem sum facta cadaver
 Nostra caro foedis vermibus esca data est.
 Si nescis Helena est larua hac umbratilis, olim
 In Menelao rapta puella thoro.
 Me iuuenem rapuit Theseus, raptamq; reliquit,
 Nec mihi quid, prater basia pauca tulit.
 Mox Paris insidias thalamo, fraudesq; parauit,
 Susceptus nostro perfidus hospitio.
 Nãque mihi fraudes, Et subdola verba tetendit,
 Consuluit patrio nescius excidio.
 Hoc olidum corpus repetiuit mille carinis
 Grecia pro vili carne quot arma ferunt?
 O' quàm cruda fugax hoc & deforme cadaver
 Mouit in Argiuis iurgia principibus.
 Te ne Paris decuit patria post terga relicta,
 Nobile ventosis tradere corpus aquis!
 Vt vilem carnem raperes, hoc putre cadaver
 Membra sepulchrigenis hac data vermiculis.
 Vos ne etiam Atreida raptis tot in arma carnis
 Longa decennali bella parare odio.
 Vt prada hac vilis, patrios remearet ad Argos,
 Prada latrinali stercore fetidior.
 Cernite quid pulchra est Helene, nihil est, nisi
 vermis:

Omnia sic etas deuorat atque rapit.

Lais.

Si qua meretrices commendat fabula, si quis

*Aut decor, aut forma gloria conspicua.
Inter formosas ego prima Corynthia Laïs,
Prima meretricum lausq; decusq; fui.
Frons mea vicit ebur, facies candore ligustrum,
Lumina erant prima candidiora niue.
Alta fuit ceruix, collum breue, molia labra,
Candore immixto subrubuere gena.
Non aquilus nec simus erat mihi nasus, at omni
Parte decens, cygnis candidior facies.
Lasciuæ gemino surgebant vertice mamma,
Hic vbi lacteolus non nisi riuus erat.
Venter erat paulum tumidus: velut esse tenellus
Pauo solet, teneris mollior agnicolis.
Hic stomachus veluti tenera prædulce columbæ
Guttur & exiguis se saturans epulis.
Brachia, quis credat, superabant lilia, et herbas,
Quas alit Alcinoi luxuriosus ager.
Crura quis inspiceret mediis nisi vellet in undis
Vri, vasto etiam mersus in oceano?
Quis tremulos clunes, nisi verso corpore formam
Appeteret modici pulicis in thalamo?
Cernendis pedibus quis declinaret ocellos,
Qui non suppositus quereretur esse lapis.
Et tamē hanc faciē, hos oculos hæc labra genasq;
Cervicem, crines, tempora, & auriculas,
Hunc stomachum, hunc ventrem, crura hæc, hæc
brachia & istos
Vermibus immundis fata dedere pedes.
Disce igitur formose puer quod conterit atas
Omnia, nos omnes pulvis & umbra sumus.*

Thifbe.

*Illa ego sum formæ excellēs Babylonica Thifbe,
Nobilis, & puris candidior niuibus.*

*Nulla fuit toto præstans oriente puella
Cui mea non facies inuidiosa foret.*

*Iratum poteram aspectu pacare Tonantem,
Et reuocare graui fulmina torta manu.*

*Et suspecta tibi fueram Saturnia Iuno,
Ne fierem æthereo succuba forte Ioui.*

*Non me vicisset candore caystrius ales,
Frons erat hæc vernis inuidiosa rosis.*

*Nil tamen hæc inuit facies, nil grata venustas,
Lumina nil rutilis æmula syderibus.*

*Quo minus immundos nutrerem corpore vermes,
Omnia sic ætas insaturata rapit.*

Lucretia.

*Quis diuiniloquæ forma laudare sybillas
Audeat, aut Gratiâ prodere Penelopen?*

*Aut quis conspicuæ candorem scribere Didus,
Membræque amatricis candida Leucadia?*

*Ecce ego candidior niueis Lucretia cygnis,
Totâque plumeolis mollior anseribus.*

Et cera tractabilior, peponéque molli

Mollior: & tenera dulcior auricula.

*Hoc ego tam pulchro nutriui corpore vermes,
Et modico caput me brevis urna loco.*

*Mammaq; quæ tigidum flâmis ardere Catonem
Prurire & castum cogeret Hippolytum.*

*In cineres abiit, facta est deformis cadauer,
Tam præstans facies tam speciosa caro.*

*Sic quicquid sibi terra parit, mox deuorat etas,
Vna eadem cunctos meta futura manet.*

Terra.

*Perpendas fili formæ candore venusta
Non hominem redimi. Caro splendida putre
cadauer*

*Efficitur: cernix, facies, oculique petulci,
Auricula, frons, labra, genæ, stomachusq; vterusq;
In cineres abeunt. Sic omnia conterit etas,
Néve aliis homines redimi tibi forte putentur
Dotibus, arrectis paulum auribus esto: docebunt
Perdocti, dices, aliiq; occumbere quicquid
Terra suo partu peperit. Nunc cõprime linguã.*

Virgilius.

*Si quis doctrinæ causa sua cornua tollit,
Aut instar Samij pauonis forte superbit,
Insanit, peccat, fit demens, deuiat, errat,
Ille ego doctorum princeps & gloria vatum
Virgilius: quem teli potens adamabat Apollo,
Cuique etiam sacra semper fauere Camœna,
Et cui frondicomæ dryades simul, atque napeæ
Herbicomæ, violis caput ornauere decoris,
Induperatorum nitidas accitus ad aulas,
Ad metuendorum tractus conuiuia regum
Occubui: mihi frondipetas pauisse capellas,
Frugiparæ docuisse modum telluris arande,
Longa decennalis cantasse homicidia belli
Quid frugis? pavi vermes vt verna canopi,
Sic us ad Euphratem natus, nihil ergo poësis
Profuit, instabilis sic omnia deuorat etas.*

TEXTORIS

Xerxes.

*Ne quem multarum fortasse opulentia rerum
Inflat: & insolito cristas assumere fastu
Cogat: & annosa sibi opem præponere vita
Audiant, ille ego sum regum ditissimus olim
Magnipotens Xerxes: cui tanta pecunia, tanta
Nummorum farrago fuit, tam magna supellex,
Ut pastum dederim, belli stipendia tantis
Militibus, tot collectis oriente cateruis,
Innumeris quarū iaculis tenebrescere Phœbum
Vidimus, ac te etiam multis Neptune carinis,
Perpeßsum pedicas refugóque abiisse natatu,
Per me qui celso feriebat vertice nubes
Cum velis patefactus Athos. Quid copia rerum
Profuit, aut ingens opulentia? vadimus vmbra
Persimiles: Mecum elysiis spatiatur in agris
Cræsus, Pigmalió, Priamus, Crassiusq; mydasq;
Quorum mors etate rapi docet omnia, dixi.*

Nero.

*Si qua cruoribibus habeat modo terra tyrannos,
Si quis sit Marius, si quis Catilina, vel vllus
Contemptor diuūm viuat Mezentius, adsit.
Ille ego sum scelerū sentina, apotheca malorum,
Sanguinis humani bibitor, Nero, cuius & ortus
Solus, & occasus, noscunt homicidia: cuius
Ingluuiam & venerem nili crescentis origo
Nouit, & Hesperia longissima littora Calpes.
Quis nescit media me disseuissse parentis
Viscera, & in media posuissse incendia Roma?
Quis nescit nostro gladio cecidissse disertos*

*Lucanum & Senecā truncata sanguina vena?
 Quis Petriū Et Paulum, quis totū pene senatum
 Ignorat crudi gladio cecidisse Neronis?
 Quis tandem finis, miseri quis terminus aui?
 Impatiens tandem nimia feritatis uterque
 Sexus in arma ruit, puerique, virique, senēsque,
 Quam populi rabiē metuens calidumq; furorem
 Occubui propria violento vulnere dextra,
 Sic Nero mortuus est. Sic omnia deuorat etas,
 Sardanapalus.*

*Si quem mollicies turpisque libidinis usus,
 Fæmineaq; mouet blanda eneruatio formæ,
 Audiat, ille ego sum premollis Sardanapalus.
 Qui quò libens meretrices inter olentes
 Et fædas spurcāsque lupas corrumpere corpus,
 Et votis possem illicitis parere iocisque,
 Fæmineas sumpsi tunicas, paruisque labellis,
 Fucata facie, comptis de more capillis,
 Pienos illecebris simulavi corpore gestus.
 Sed tandē hoc olidū cæpit brevis vrna cadauer,
 Omnia sic pereunt. Sic omnia deuorat etas.*

Terra.

*Nōne vides fili velut omnia conterat etas?
 Robusti pereunt, formosos accipit vrna,
 Docti abeunt, dites properant ad fata Neronēs
 Occumbunt, lasciui obeunt, rapit omnia tempus.*

Homo.

*Quid faciam. Castus si vixero non ero saluus
 Propterea, viuens si fleuero, nihil mihi fletus
 Proderit. Et viuens si risero, nihil mihi risus*

*Obfuerit. Nihil ergo nocet iucunda voluptas.
Quare quicquid erit corpus seu terra cinisve,
Seu vermis, vado ad choreas risusque, iocósque.*

Terra.

*Concludam, licet incertis obnoxia fati
Corpora & in modicos cineres abitura, caducus
Et mortalis homo: videat tamen immemor huius
Excidij, semper sequitur sibi noxia. dixi.*

τέλος.

IN HOC DIALOGO IN

TRODVCVNTVR, TRES MVN-
dani, mors, natura, damnatus peregrinus,
veritas, duo demones, caro, vitium
voluptas, virtus.

Primus mundanus incipit.

Q*Vis Boreas spirat?*
Secundus mundanus.
Quæ sibilat aura?
Tertius mundanus.

*Quis Euris
Deuolat?*

Primus mundanus.
Vnde venit Zephyrus?
Secundus mundanus.
Quo pellitur Auster?
Tertius mundanus.

Qua Notus egreditur?
Primus mundanus.

Socij, Pæana canamus.

Secundus mundanus.

Viuamus socij,

Tertius mundanus.

Curas pellamus inanes.

Primus mundanus.

Nam quid profuerit vitam consumere luctu?

Secundus mundanus.

Quid mœstis animum curis cruciasse iuuabit?

Tertius mundanus.

Quid letis animis semper vixisse nocebit?

Primus mundanus.

Vita fugit.

Secundus mundanus.

Breue tempus abiit.

Tertius mundanus.

Cita deperit hora.

Primus mundanus.

Nos rapimur.

Secundus mundanus.

Sensim morimur.

Tertius mundanus.

Mutamur in horas.

Primus mundanus.

Nunc iuuenes.

Secundus mundanus.

Nunc decrepiti.

Tertius mundanus.

Cras morte perempti.

Primus mundanus.

Quid lachryma profunt?

Secundus mundanus.

Quid cura?

Tertius mundanus.

Quid anxius angor?

Primus mundanus.

Quid gemitus?

Secundus mundanus.

Quid planctus atrox?

Tertius mundanus.

Quid fletus & horror?

Primus mundanus.

Cras forsitan celeres torquebunt fata sagittas.

Secundus mundanus.

Cras subita forsitan claudetur linea vite.

Tertius mundanus.

Cras omnes morbum forte incurremus atrocem.

Primus mundanus.

Si breue tempus abit.

Secundus mundanus.

Si mors inopina propinquat.

Tertius mundanus.

Si levis hora fugit.

Primus mundanus.

Si vita caduca recedit.

Secundus mundanus.

Si cadimus.

Tertius mundanus.

Tacitis si forte recedimus annis.

Primus mundanus.

Quid non letamur?

Secundus mundanus.

*Quid amaris pectora curis
Rodimus?*

Tertius mundanus.

In tanto quid prodest vivere luctu?

Primus mundanus.

Vinamus socij.

Secundus mundanus.

Curas pellamus inanes.

Tertius mundanus.

Letemur.

Primus mundanus.

Fugit hora.

Secundus mundanus.

Dies perit.

Tertius mundanus.

Omne senescit.

Primus mundanus.

Ardua festivo pulsemus sydera cantu.

Secundus mundanus.

Fatidico dignum cantemus Apolline carmen.

Tertius mundanus.

Ducamus volucres planta saliente choreas

Primus mundanus.

Ducamus.

Secundus mundanus.

Placet hoc.

Tertius mundanus.

Cythara dic musica carmen

Primus mundanus.

Quid melius risu,
Secundus mundanus.

Quid cantu suavius?
Tertiùs mundanus.

Aut quid
Saltidicis melius choreis?
Primus mundanus.

Quid suavius ista,
Ambrosia?
Secundus mundanus.

Leti canimus.
Tertius mundanus.

Celebramus amores,
Primus mundanus.

Reiicimus curas,
Secundus mundanus.

Curamus gaudia.
Tertius mundanus.

Fletum pellimus.
Primus mundanus.

Eiicimus lachrimas.
Secundus mundanus.

Nos orgia Bacchi
Delectant.
Tertius mundanus.

Hilari exercemus gaudia plausu
Primus mundanus.

Quid melius?
Secundus mundanus.

Quid candidius.

Tertius mundanus.

Quid suavius extat?

Primus mundanus.

Sobria quid nobis prodesset vitā.

Secundus mundanus.

Quid inquam?

Arida virginitas.

Tertius mundanus.

Quid fons caperata.

Primus mundanus.

Quid horrens

Arte supercilium?

Secundus mundanus.

Longa quid veste iuuaret

Incedens grauitas?

Tertius mundanus.

Quid tanta modestia vultus?

Primus mundanus.

Quid icūna fames siccis contraria membrū?

Secundus mundanus.

*Quid vel Heracleti lachryma, Crassiq; seuera
Maiestas?*

Tertius mundanus.

Modico quid oluscula vecta canistro?

Primus mundanus.

Nobis cuncta licent.

Secundus mundanus.

Nemo est qui mittere verbum

Audeat.

Tertius mundanus.

Obsequitur nostris plebecula votis.

Primus mundanus.

Possumus assiduū populū vexare tributis,

Secundus mundanus.

Possumus antiquas veterum corrumpere leges.

Tertius mundanus.

Possumus atque novas imponere,

Primus mundanus.

Possumus omnes,

Omnia,

Secundus mundanus.

Terrarum domini sumus,

Tertius mundanus.

Omnia nostro

Coguntur seruire iugo.

Primus mundanus.

Si forte seuera

Rupero iustitia leges, quis mittere verbum

Audeat,

Secundus mundanus.

Et si forte hominem ingulauero, quisnam

Murmuret?

Tertius mundanus.

Agricola modicos si extorsero nummos,

Quis contradicat?

Primus mundanus.

Fuero si forsan adulter,

Quis verbum referat?

Secundus mundanus.

Calices si forte deorum

*Aurea si magnis simulachra extorsero templis,
Quis digitum mute?*

Tertius mundanus.

*Quod si percussero clerum
Aut si presbyterum cultris iugulauero quisnam
Arguet.*

Primus mundanus.

*Ad pœnam tetricus si forte senatus
Me vocet, aurilegis ingentia munera tandem
Consulibus dabo pratori dabo, deinde tribuno,
Causidicósque datis faciam raucescere nummis.*

Secundus mundanus.

*Si mea sacrificus carpat peccata, silebit,
Præbendam obtulero pinguem dum forte latrâti,
Præbendam, hoc uti coëgit penuria verbo.*

Tertius mundanus.

*Si populus nostræ feritati resistat,
Accurrent properè famuli, qui mille sonantes
Incutient colaphos, & duro verberare plebent.*

Secundus mundanus.

Cum nobis scelerum sit tanta licentia,

Secundus mundanus.

Tanta

Libertas,

Tertius mundanus.

Tot opes,

Primus mundanus.

Veterum tot stemmata regum,

Secundus mundanus.

Cum nos formidet populus,

Tertius mundanus.

Plebecula adoret,

Primus mundanus.

Cuncta tremant,

Secundus mundanus.

Famuli timeant,

Tertius mundanus.

Et mundus honoret,

Primus mundanus.

Ducamus choreas,

Secundus mundanus.

Ludos venerémque colamus.

Tertius mundanus.

Fatidico dignum cantemus Appolline carmen.

Mors.

O cæcas hominum mentes & operta tenebris

Pectora cymeriis, ô indigna corpora multi

Hellebori, & digna anticyras sorbere meracas,

Si vobis scelerum sit tanta licentia, tanta

Libertas, tot opes, veterum tot stemmata regum

Si vos formidet populus, plebecula adoret,

Cuncta tremet, famuli timeant, et mundus honoret,

Ducatis choreas, venerem geniũmque colatis,

O cæcum mortale genus, vos ne vltima terrent

Supplicia & longa tormenta fœnera gehennæ.

Primus mundanus.

Quæ virgo?

Secundus mundanus.

Tunc illa nigri regina baratri

Persephone?

Tertius

Tertius mundanus.

*An Stigiis Proserpina cincta colubris
Eumenidum mater?*

Mors.

Mors vltima linea rerum?

Primus mundanus.

Nolumus esse tui memores,

Secundus mundanus.

Meminisse pigeret

Funeris,

Tertius mundanus.

Incerta vana est meditatio mortis

Primus mundanus.

Si breue tempus abit,

Secundus mundanus.

Si vita caduca recedit,

Tertius mundanus.

Si cadit hora,

Primus mundanus.

Dies abeunt,

Secundus mundanus.

Perit omne,

Tertius mundanus.

Venit mors,

Primus mundanus.

Quidnam prodesset fati meminisse futuri?

Secundus mundanus.

Quidnam prodesset lachrymis cōsumere vitam?

Tertius mundanus.

Quidnam prodesset tantis incumbere curis?

Mors.

*Si breue tempus abit, si vita caduca recedit,
Si cadit hora, dies abeunt, perit omne venit mors,
Quidnam lethifera mortis meminisse nocebit*

Primus mundanus.

Possumus, an lachrymis inopinū euadere fatum?

Secundus mundanus.

Possum⁹ an lachrymis aliquid deprehēdere lucri?

Tertius mundanus.

Possumus an tetrum plorando euadere funus?

Mors.

Non.

Primus mundanus.

*Igitur præstat latam consumere vitam,
In risu et choreis quā rūpere quæstibus auras.*

Mors.

Vtilius fuerit vitæ meminisse futura.

Secundus mundanus.

Post mortem, vitam non credimus esse futuram.

Tertius mundanus.

Corporis atq; anima mortē esse putamus eādem

Mors.

*O cecum mortale genus, vos ne vltima terrent
Supplicia, esse anima mortem ne putatis eādem
Corporis & subiti quæ nulla morē cadentis
Deperit: & tenues subito vanescit in auras,*

Primus mundanus.

Esto, aliam nostræ liceat succedere vitam,

Nos reges sumus.

Mors.

Ergo suis euadere sceptris

Rex poterit? plectunt eadem tormenta sepultos

Secundus mundanus.

Nos dites sumus,

Mors.

Ergo suis euadere quenquam

Credibile est nummis, si multa pecunia dites

Eriperet, Stigias crassus non isset in vndas.

Tertius mundanus.

Formosi sumus.

Mors.

Ergo aliquos euadere forma

Creditis? at si forma hominem candorq; venusti

Corporis eriperet, pulcher superesset Iulus,

Fata pepercissent Helena, Paridiq; superbo.

Primus mundanus.

Nos iuuenes sumus.

Mors.

Ergo puer decedere acerbis

Non poterit fatis,

Secundus mundanus.

Pulchro vestimur amictu

Mors.

Ergo solus inops lacero vestitus amictu

Occumbet fatis & morte peribit accerba.

Tertius mundanus.

Nutrimus lautis mollissima corpora mensis.

Mors.

Ergo epula rediment hominem, solusque peribit

Ieiunus pauper qui praebebat oluscula ventri.

TEXTORIS

Primus mundanus.

Nos fortes sumus.

Mors.

Ergo hominem tellure creatum

Corporeæ rediment vires, num Troius Hector,

Num validus perist Troia populator Achilles.

Secundus mundanus.

Nos agiles sumus.

Mors.

Ergo, agiles, ubi volsca Camilla,

Quæ volucres poterat cursu prauertere ventos.

Tertius mundanus.

Nos hylares sumus?

Mors.

Ergo, hylares fati esse supremi

Propterea decet immemores nigrique baratri.

Primus mundanus.

Esto procul meretrix

Secundus mundanus.

Fugias rugosa virago,

Tertius mundanus.

Lana recede procul,

Primus mundanus.

Fugias apotheca malorum:

Secundus mundanus.

Nolumus esse tui memores,

Tertius mundanus.

Meminisse pigeret

Interitus,

Primus mundanus.

Socij latum Paena canamus,
Secundus mundanus.

Cantibus argutis neglecta morte canamus.
Tertius mundanus.

Ducamus volucres planta saliente choreas,
Primus mundanus.

Ducamus,
Secundus mundanus.

Placet hoc,
Tertius mundanus.

Cythara dic musice carmen.
Mors.

Heu natura iaces? natura humana quiescis
Surge supina,
Natura.

Quis est qui me vocat,
Mors.

Ultima rerum
Linea, mors.

Natura.

Tu ne illa ferox & dira virago
Que gladio iugulas mortalia cuncta cruento?
Mors.

Illae ego sum
Natura.

Quid vis
Mors.

Tenero dormire cubili
Tu ne quiescitas?
Natura.

Luctus quæ causa recentis.

Mors.

Tu ne tuos natos veneri genioque vacantes

Inspicis & vano miscentes otia ludo.

Natura.

Quid natis oberit ludus, quid diua voluptas?

Quid veneres quid letitiæ, risusque iocique?

Mors.

Perdita quid memoras? volucrè dū clausero vitæ

Perpetuæ incurrent tormenta seuera gehennæ.

Natura.

Credibile est aliquos Stigias descendere ad umbras,

Mors.

Stulta quid ignoras, mundi pars maxima nigros

Tendit ad inferni manes, ubi luctus & ira

Et dolor & male suada fames & turpis egestas.

Pallentesque habitant morbi, tristisque senectus,

Ipsa tuos omnes ingulauit cuspide natos,

Sed paucos vidi supera ad conuexa volantes,

Natura.

Tartareo nati sed quas in carcere pœnas

Captiui tolerant?

Mors.

Quas pœnas? visne doceri?

Horresco saluūq; comæ & vox faucibus hæret.

Non mihi si totidem linguis quot dicitur argus

Gemmatis oculis Phariam seruasse iuuentam

Forte loqui dabitur, percurrere singula possem.

Quod ne forte putes vacui fantasma celebri,

Audi damnatum furiosæ voce tonantem.

Audi quas patitur latebroso in carcere pœnas.

Damnatus

O dolor ô rabies ô stridor dentium & ingens.

Luctus & inferni metuendus carceris horror,

Quas ego nunc patior pœnas, ô magna deorum

Numina, tormentis aliquas imponite metas,

Perpetua vultisue animam torquere gehennæ:

Vultis in his hominem semper retinere cavernis?

O vtinam cum me materni corporis alius

Protulit, insanae datus essem prada leanae.

Aut tenerum rabida suxisset fauce cruorem,

Tigris, & internas lingua penetrante medullas.

Siccine natus eram, tenuisque emissus in auras,

Vt tantam rabiem paterer? clementia diuinæ.

Talis erat, talisue deus quem secula cuncta,

Esse pium referunt? ô qua pietate gementes

Inspicit, aeterna patimur contagia pestis,

Hic incredibilis dolor est, hic maximus horror,

Nec tamen afflicto coelestia numina cernunt.

O iniuste deus quid feci? quid ve cathenis

Tam rigidis dignum vita remanente peregi?

Si genio interdum, ludis, venerique vacavi,

Propterea aeterna tolerabo incendia flammæ.

Hæc ne tua est pietas deus impie? ve tibi mater

Ve tibi cui natum talem peperisse sub auras

Contigit, ô rabies, ô stridor dentium & ingens

Luctus & inferni metuendus carceris horror

Natura.

Dic, fili quid habes?

Damnatus.

TEXTORIS

O quam crudele flagellum!
Perfero.

Natura.

*Quid sentis tua sum Natura creatrix,
 Impositura tuo requiem fortasse dolori.*

Damnatus.

*Dic Natura tuis natis, ne crimine corpus
 Cōmaculēt, caueāntque istas descēdere ad ymbras
 Hic ubi perpetua caligine fœtidus aër
 Pallet, & obscuris horrescunt cuncta tenebris.
 O dolor ô rabies ô stridor dentium, & ingens
 Luctus, & inferni metuendus careeris horror.*

Natura.

Quid pateris fili?

Damnatus.

*Flammis crepitantibus vr̃or.
 Nunc mihi tartar: i corrodunt membra colubri,
 Perfero nunc vehemens frigus, nūc verberare duro,
 Mile cicatrices mutilatis perfero venis.*

Natura.

Solus es inferno qui detinere sub orco.

Damnatus.

*Solus? dñj quid ais, vix mile in tartara lapsis
 Vnus adit cælum.*

Natura.

Quos detinet orcus?

Damnatus.

*Tot reges populum qui corrodere tributis.
 Tot quoq; pontifices summi quibus omnia Romæ
 Sacra fuere prius venalia, tótque tribunos.*

Tótque senatores quos mundi cæca libido
Frangere iustitiam, Et corrumpere sacra coëgit.
Tot praeceptores qui diro verberare quondam
Discipulos rigidis hand afflixere flagellis,
Vix referam paucis, tot milia captiuorum
Spirituum nigris languent detenta cauernis.
Vt nullis numerum fas sit comprehendere verbis.
Filiolos Natura mone, descendere ad istas,
Præcaueant tenebras, vbi nulla est meta dolorũ.

Mors.

Audisti natura?

Natura.

Horret formidine pectus,
Tartara dum propriis completa intelligo natũ,
Mors si consilio forsan cognoueris vllõ,
Dic quid agam,

Mors.

Mittas peregrinum voce potentem,
Qui fines Asia, qui nigros visitet Aphros,
Europamque petat, qui rauco fulmine vocis,
Peccantes carpat populos, & semina plantet
Virtutum.

Natura.

Peregrine

Peregrinus.

Adsum

Natura.

Percurre supremos
Oceani fines, qua sol vtrũque recurrens
Aspicit Oceanum:

Peregrinus.

Faciam natura:

Natura.

Cadentes

Corripias populos, vitiorum destrue germen.

Semina virtutum plantes,

Peregrinus.

Natura recedo,

Natura.

Siccine tartareis herebi mea pignora claustris

Lugebunt captiua, nigrâque prementur abyssos?

Siccine natorum mihi gloria nulla futura est?

Peregrinus.

Iam redeo, Natura parens, vidi vltima terra.

Climata, & Europa populos, Phœbiq; cadentis.

Natura.

At, quæ conditio rerum:

Peregrinus.

Male cuncta geruntur

Natura.

Quid faciunt reges?

Peregrinus.

Quid agunt? dixisse nocere.

Natura.

Pontifices

Peregrinus.

Profugam Petri discurrere nauim

Permittunt.

Natura.

Tetrici regimen sed quale senatus?

Peregrinus.

Frangitur aut precibus, vel amico rumpitur auro.

Natura.

Doctores quid agunt?

Peregrinus.

Tendunt sua retia templis

Vt prædam arripiant.

Natura.

Patronis quæ modo vita

Clamosis?

Peregrinus.

Scabra rancedine sæpe laborant,

Amisssam reparet nisi chara pecunia vocem.

Natura.

Et quæ Phæbeos delectat vita poëtas?

Peregrinus.

Mille sibi voces & nomina mille requirunt.

Natura.

Vidisti Ausoniam?

Peregrinus.

Vidi.

Natura.

Quâ vivitur illic

Conditione?

Peregrinus.

Mala, veneris sunt omnia plena

Et gravida est bello, plena est civilibus armis.

Natura.

Vidisti Hispanos.

Peregrinus.

Illos iactantia nutrit.

Natura.

Intraſti toto diuiſos orbe Britannoſ?

Peregrinus.

*Gens tacitis pragnans arcanis ardua tentans
Ædita tartareis mihi creditur eſſe tenebris,
Vt paucis referam verbis, nunc rara bonarum
Copia virtutum, vitiorum maxima creſcit.*

Natura.

Cur non carpfifti?

Peregrinus.

Carpſi ſed littus arani:

Natura.

*Summe deũ quid agam? vel quo medicamine tãtæ
Occurram peſti, natos deſcendere ad umbras
Perferam? Et aſidui lachrymoſa ergaſtula fletus
Conſule mors quid agam:*

Mors.

Rigidum tibi quere flagellum

Iuſtitia, quæ mox reprimat peccata malorum.

Natura.

*Conſiliis parebo tuis, æquiſſima ſurge
Iuſtitia, vt vinclis & duro carcere natos
Crimine pollutos reprimas, germana reſurgas.
Obdormit, conſurge ſoror, regesque ducẽsque
Quos ſclerum ducit vitioſa licentia, carpas.
Sopita es? conſurge ſoror, natoſque ruentes
In barathrum, ſcutica reuoces duroſque flagellis,
Iuſtitia exurgas, dormit vel conticet, audi
Iuſtitia exiguum natis concede inuamen.*

*Mortua decūbit mors, consule quid sit agendum,
Iustitia, obdormit vel moriua tota recumbit.*

Mors.

*Sacra parens tibi nunc sublimi voce petenda est,
Natura.*

*Matrona almi parens populo succurre cadenti
Naturæ natos releues, & crimina carpas,
Harpocraté simulat, surgas sacra anchora diuū,
Argue natorum maculas & facta meorum,
Ne tantas animas nigro permitte barathro.
Hæc matrona filet: mors cōsule quid sit agendum.*

Mors.

*Scruteris quid agat, quibus est inclusa cauernis.
Natura.*

*Consiliis parebo tuis, germana quiescis?
Veritas.*

*O caput, ô dentes, ô brachia, crura, cerebrum,
Frons, oculi, nares, pulmo, iecur, occiput, aures,
Lingua, oculi, fibra, mentūq; manūsq; pedēsq;
O quantus dolor est membris:*

Natura.

Quis te dolor angit?

Veritas.

*Tantus, vt incertæ videar iam proxima morti,
Iam morior, natura parens mihi quærere cadenti,
Consultorem aliquem.*

Natura.

Quem quæram?

Veritas.

Nescio, reges?

Natura.

Non venient.

Veritas.

Accerse duces,

Natura.

Odiſa ſupremis

Sola eſt principibus.

Veritas.

Videas an forſitan vllus

Mytrophorus veniat praſul,

Natura.

Nullum eſt modo veri

Praſulibus ſtudium.

Veritas.

Perquiras ſi quis heremi

Cultor ieiunis qui rodat oluſcula fibris.

Auditor meus eſſet velit,

Natura.

Reperire nequirem.

Rara avis in terris.

Veritas.

Videas ſi miles acerbus

Extiterit, qui me dignetur forte fateri,

Natura.

Nec tu militibus grata es,

Veritas.

Paſſim ergo requiras,

Si quis verbipotens ſut agat me forte fateri.

Natura.

Sacra parens reticet,

Veritas.

Tetrica grauitate senatum.

Inquiras.

Natura.

Bibulam numerare videbor arenam.

Nunc data purpureum frāgentia dona senatum.

Impediunt, ne vera canant, ne iusta loquantur.

Veritas.

In cōfessa igitur morior,

Natura.

Moriaris oportet.

Veritas.

Ergo vale Natura,

Natura.

Vale germana,

Veritas.

Recedo.

Ad superos, nulli moriens confessa recedo.

PRIMVS dæmon.

Frater surge,

SECUNDVS dæmon.

Quid est frater?

Primus dæmon.

Natura relicta est

Vnica, nec potuit modicum reperire iuuamen.

Quò miseris possit vicio interdicerè natis.

Secundus dæmon.

Nunc capiendorum nobis datur ampla potestas,

Spirituum.

Primus dæmon.

TEXTORIS

Cunctas animas deglubere tuto

Possumus, impedit nemo.

Secundus dæmon.

Cur nemo reluctans

Obstiterit,

Primus dæmon.

Muta est nunc, anchora sacra quiescit.

Iustitia & nullo punit peccata flagello.

Veritas inconfessa abiit nemo est qui vera fateri.

Audeat, imperio potimur.

Secundus dæmon.

Reges sumus,

Primus dæmon.

Ergo

Omnia rodamus,

Secundus dæmon.

Deglubere cuncta necesse est:

Primus dæmon.

Nitamur saturos animabus reddere ventres:

Secundus dæmon.

Venatum ire decet,

Primus dæmon.

Licet ergo vocare ministros,

Secundus dæmon.

Surge caro,

Primus dæmon.

Vitium surgas,

Secundus dæmon.

Exurge voluptas:

Caro.

Surgimus,

Vitium.

Obsequimur votis.

Voluptas.

Parere magistris

Venimus,

Caro.

Ipsorum mandata capescere fas est.

Vitium.

Paremus,

Voluptas.

Me morigeram decet esse ministram.

Primus dæmon.

Ite igitur latis extendite retia campis,

Captivâsque animas firma retinete cathena.

Secundus dæmon.

Ite alacres, volucris feriatîs quenque sagitta,

Obstiterit nemo.

Primus dæmon.

Vacuo ieiunia ventre

Perferimus.

Secundus dæmon.

Volumus lautis accumbere mensis.

Primus dæmon.

Ite igitur,

Secundus dæmon.

Dominis suavem perquirite pastum,

Caro.

Ad fines Asia propero:

Vitium.

Proficiscor ad Aphros,

Voluptas,

Europa ergo animas profligasti in retia ducam.

Primus dæmon.

Interea hic aliquam prædam germane petamus.

Secundus dæmon.

Iam gaudere potest Stygia regina caterue,

Primus dæmon.

In nigris gestire queunt cacodæmones antris,

Secundus dæmon.

Omnia serviunt sceleri virtute relictâ:

Primus dæmon.

Nos reges erimus,

Secundus dæmon.

Nobis famulabitur orbis,

Primus dæmon.

Frater, adest grauius numerosa caterua virorum,

Visamus quid agant.

Secundus dæmon.

Arrectis auribus astant.

Primus dæmon.

Queramus si forte daptes, si vina supersint

Secundus dæmon.

Queramus

Primus dæmon.

Saluete patres,

Secundus dæmon.

Saluete Catones:

Primus dæmon.

Carceris inferni vos curia tota salutat,

Secundus dæmon.

Venimus ad vestra conuiuia dulcia mensæ:

Primus dæmon.

Venimus vt toti pastum cumulemus Auerno.

Secundus dæmon.

*Manibus infernis rabidum diuturna furorem
Suscitat esuries.*

Primus dæmon.

Cruciat triduana magistrum

Iam Plutona fames,

Secundus dæmon.

Ieiuna Proserpina languet

Esurit.

Primus dæmon.

Nostris epulas onerate canistris:

Secundus dæmon.

Reliquias saturi nostro concedite ventri.

Primus dæmon.

Implete hos calathos epulis.

Secundus dæmon.

Onerate canistrum.

Primus dæmon.

Depressos inclino humeros,

Secundus dæmon.

Ego deprimo corpus.

Caro.

Rectores properate.

Vitium.

Alacres incumbite mensis.

Voluptas.

Afferimus pastum,

Caro.

Maiori insistere prada

Non licet

Vitium.

Afferimus quicquid ieiunus Avernus

Postulat.

Voluptas.

Afferimus quicquid Proserpina querit.

Primus dæmon.

Heus germane veni,

Secundus dæmon.

Quid queris?

Primus dæmon.

Adesse ministros

Anne vides,

Secundus dæmon.

Video

Primus dæmon.

Saturando incumbere ventri

Expedi.

Secundus dæmon.

Infernis reliquas portabimus escas

Demonibus.

Primus dæmon.

Iam quid referens cognoscere fas est,

Secundus dæmon.

Nunc curare licet quas istius nostra vocarint

Iura.

Primus dæmon.

Caro,

Caro,

Princeps:

Primus dæmon.

Traxisti in retia multos

Mortales?

Caro.

Numerus bibulis non maior arenis

Illecebris multos pellexi in vincula reges,

Et veneris perferre iugum, flammâsque coëgi,

Tabidâque internis contagia serpere venis.

Secundus dæmon.

Tu vitium nullâsne animas in retia duxti?

Vitium.

Non tot pensilibus foliis Dodonia quercus.

Tôtque hortis violæ, vel grato vere tot herbe,

Infaustas animas quot ego hæc in vincula traxi,

Null⁹ homò est aliqua quæ nõ maculauero noxa,

Sit rex, sit consul, sit parui cultor agelli,

Sit pummis opulens, sit inops.

Primus dæmon.

Tu dira voluptas

Fecisti ne aliquos scelerum succumbere turpi

Servitio?

Voluptas.

Non tot grauidis oneratur aristis

Terra ferax æstate noua, non tot mare pisces

Enutrit, non tot stellis depingitur æther,

Non tot fecundæ granis onerantur aristæ

Quot secreta vagis animabus vincla tētendi,

*Rarus homo cui nō aliquas fabricauero technas
Quēmq̃ meis pedicis non irretiuero.*

Caro.

Matris

Tela Dionea lasciuaque semina passim

Effudi:

Vitium.

Duce me pomposa superbia multos

Inflauit:

Voluptas.

Per me durum pertesa laborem

Segnicies multos pigro torpere veterno

Fecit, & in molli tempus consumere pluma.

Caro.

Omnibus inieci flammās

Vitium.

Mea tela per omnes

Europa atq; Asia populos, p̃erque Aphrica regna

Contorſi,

Voluptas.

Nouere mea plerique sagittae

Quas habeant vires:

Caro.

Pleno cratere venenum

Sape miniſtraui ducibus.

Vitium.

Peccata latentes

Inter heremicolas sparsi,

Voluptas.

Succumbere ludis

Venales feci genio stimulante puellas.

Caro.

Omnia percussu iaculis,

Vitium.

Ego cuncta veneno

Perfudi,

Voluptas.

Nihil intactum, lenibusque reliqui

Illesum iaculis.

Caro.

Passim mea spicula torsi.

Vitium.

Quemque meis rapui,

Voluptas.

Mea sub iuga cuncta vocavi

Caro.

Rectores properi lautis accumbite mensis,

Vitium.

Pastus adest,

Voluptas.

Epulis stomachum replete labantem.

Caro.

Immundas purgate manus,

Vitium.

Iam de fero peluim,

Voluptas.

Ipsa feram tonsis igitur mantilia vilis.

Primus dæmon.

Frater terge.

Secundus dæmon.

Absit.

Primus dæmon.

Quidni?

Secundus dæmon.

Tu maior honore

Primus dæmon.

Quid tum?

Secundus dæmon.

Tu maior, tibi me seruire liceret.

Primus dæmon.

Perge precor.

Secundus dæmon.

Non non, prior incipe,

Primus dæmon.

Gloria parua est,

Incipiam, germane laua,

Secundus dæmon.

Cito lauero frater,

Primus dæmon.

Nunc reliquas afferte dapes,

Secundus dæmon.

Afferte cerebrum

Præpinguis monachi, qui religionis honorem

Spreuerit,

Caro.

Afferimus rabido consumite morsu.

Vitium.

Sacrifici elixas doctoris rodite carnes,

Ocia qui tenero exercens ignaua subilo

Torpuit, & sacri non fudit semina verbi.

Primus dæmon.

O quàm dulce epulum frater,

Secundus dæmon.

Nil corpore pigro

Doctorem melius,

Voluptas.

Mammæ deglubite lenæ,

Ignaros iuvenes tacita quæ fraude fefellit.

Caro.

Has insanorum costas deglubite regum,

Qui miserum exactis populum afflixere tributis.

Vitium.

Vultis pontificis carnes, qui de grege lanam

Rosert, & nulla seruavit ouilia cura.

Primus dæmon.

Da volumus, frater comedas,

Secundus dæmon.

Indulgeo ventri,

Plus satis,

Voluptas.

An ne auido vultis consumere morsu,

Hos preceptores modicis qui sæpe flagellis

Corpora leserunt iuuenum?

Primus dæmon.

Dic hanc mihi prædam,

Tartaræ regina domus Proserpina querit.

Secundus dæmon.

Est ne senatoris tibi pulmo aut consulis auro

Corrupti?

Caro.

Teneas tibi pinguem præparo morsum.

Vitium.

Rodite lascivæ meretricis crura, pedesque.

Quæ toties se prostituit corpusque subactum

Vanale exhibuit nummis:

Voluptas.

Deglubite rauci

Linguam hanc caufidici,

Caro.

Iecur hoc mordete patroni,

Vitium.

Præsidis has fibras & pingua crura vorelis,

Voluptas.

Hæc est abbatis pigri caro.

Primus dæmon.

Trade voluptas,

Caro.

Hæc mercatoris sunt crura pedesque dolosi,

Rodite. Ruricolæ ignaros sæpe fefellit

Mercurio similis.

Vitium.

Quorundam absomite fibras.

Qui curiosi simulant & bacchanalia viuunt

Voluptas.

Præsulis hic pes est quæ nil nisi turba latrantum

Oblectare canum, nil præter pigra solebat.

Ocia.

Secundus dæmon.

Quid memoras frater?

Primus dæmon.

Lautissima nobis.

Eſca datur.

Secundus dæmon.

Saturi vix perſero pondera ventris.

Primus dæmon.

Et mihi turgidus eſt venter.

Secundus dæmon.

Surgamus eundem eſt,

Ieiuno quidquid reliquum eſt portemus auerno.

Primus dæmon.

Tu caro quod ſupereſt noſtris impone caniſtris,

Virtus.

Siccine tartæreo miſſi cacodæmones antro

Omnia deglubent, modicum mihi tradite paſtum

Mortales, cruciat ieiunum languida ventrem

Eſuries.

Secundus dæmon.

Vitium quanam hæc rugoſa virago,

Vitium.

Virtus

Primus dæmon.

Quid querit?

Voluptas.

Paſtum: ſed littus arabit,

Nil erit in terris manibus quod capere poſſit.

Virtus.

Siccine mortales omnes deglubet abyſſus?

Sic ieiuna famem patiar. Sic ibit ad umbras

Quicquid ſumma parens rerū Natura creauit?

Nulla igitur dabitur ſpatioſa portio terræ

Cælitibus : sic cuncta rapax absument abyssus?

Secundus dæmon.

Hanc germane licet meretricem expellere terris.

Hæc adimet nobis animas.

Caro.

Abfiste moueri.

Vitium.

Non nisi perpetuo verborum fulmine venas

Ruperit, inueniet quidquam,

Voluptas.

Ieiuna recedet.

Virtus.

O gentem ingratham: summi vos ætheris author

Virtutisque pater magna bonitate creauit,

Nil tamen esuriem patienti tradere nata

Vult: erit ne igitur latranti totus auerno

Mundis, & ad nigros descendent omnia manes.

Virtuti saltem modicum mihi tradite pastum

Sacrifici donate epulum. surdis cano, Reges

Virtutem nutrite, silent. veneranda senatus

Virtutem foueas, non audit. maxime consul,

Si quis es ætherei quem tangat gloria cæli,

Da modicas epulas quaeso, mihi nemo ministrat,

Omnis homo modicum virtuti porridge frustum,

Omnis homo pastum virtuti denegat: ergo

Cū mihi nemo epulas, pastū mihi nemo ministret

Austera merore famis confecta recedo.

Primus dæmon.

Vadit ad exilium virtus,

Secundus dæmon.

Inhonora quiescit

Iustitia,

Primus dæmon.

Æthereos tenet inconfessa penates veritas

Secundus dæmon.

Pagina sacra flet:

Primus dæmon.

Mundi nos ergo tenemus

Imperium,

Secundus dæmon.

Nostras tolerabunt omnia leges.

Primus dæmon.

Cras ergo celebrem de te natura triumphum

Ducemus,

Secundus dæmon.

Cras adueniet rex maximus orci,

Qui te lenniacis ducat per colla cathenis,

Primus dæmon.

Interea saturo incundas ventre choreas

Ducamus:

Secundus dæmon.

Placet hoc, cythara dic musice carmen.

Natura.

Cras nisi mens melior modicū mihi forte iuamē

Attulerit, de me celebrem rex ille triumphum

Accipiet, qui tartareo dominatur auerno.

Conandum est igitur remis velisque, iacentem

Iustitiam æthereas iterum reuocare sub auras.

Pascere virtutes, Inconfessamque fateri.

Amisssamque iterum tibi pagina sacra loquelam

*Reddere, vel nigras populus descēdet ad vmbra.
Sic patres breuibz verbis concludo. valete,*

FINIS.

IN HOC DIALOGO ARGV-

MENTVM PRÆSTAT SINISTRA
Dionysij Iunioris cōditio, qui quū Syracusis prin-
ciparetur, multis amicis & parasitis fumos inanes
venditantibus, & aures verbis diuitantibus stipa-
tus, incedebat: vbi autē nouercāte fortuna, ab equis
(quod dicitur) ad asinos deiectus, & Corinthi gre-
garius ludi magister factus exulauit, eorū nemo re-
pertus est qui dominum satis iniquis adaētū iuu-
are. aut in exilium comitari voluerit. In hoc itidem
aētū, introducuntur adulatōres duo, qui gloriosum
diuitem miris praeconiis efferent & lenocinabūtur,
cum cœlitibus fœliciores prœdicabunt, ad eius nu-
tum omnia facient. Vbi autem dissuadente ratione,
voluptati, quæ hominem ipsum in prosperitate ma-
xime titillat, sese dederit, & ab ea diuitiis & ve-
stimentis spoliatus fuerit, amicos inuocabit. Inuo-
cati conticebunt, ac petenti suppetias denegabant.
Quinetiam ignotum sibi fingent, cuius prius famu-
los sese dicebant infimos. Sic fiet conclusio. Ami-
cum in aduersis vt aurum in fornace probari.

Primus adulator.

SI possem Boreæ stridentis tollere pennas,
Eriperem somnum domino, ne forte iacenti
Excuteret.

Secundus adulator.

Zephiris si possem tollere flatum,
Eriperem, ne forte caput crinesque iacentis
Princeps excuteret.

Primus adulator.

*Populi si pellere murmur
Fas esset, facerem tacitum mussare theatrum.*

Secundus adulator.

*Si verbosorum linguas truncare liceret,
Truncarem ne forte iacens somnóque sepultus
Surgeret è stratis dominus.*

Primus adulator.

*Cohibete labellum,
Rex dormit.*

Secundus adulator.

*Dormit, sinitote quiescere regem,
Rex dormit.*

Primus adulator.

*Capiti pulvinum subdere fas est,
Incumbens humeris ne cervix blanda grauetur,
Néve fatigentur vena.*

Secundus adulator.

*Suppone. Sed audi,
Præcaueas tacitum manibus turbare soporem.*

Primus adulator.

Dormit adhuc.

Secundus adulator.

Satis est.

Primus adulator.

*Fælicibus votis
Suscipiat,*

Secundus adulator.

*Pylæ deus illi Nestoris annos
Conferat,*

Primus adulator.

*Astrioloqua videat numerosa Sybilla
Tempora,*

Secundus adulator.

Sit voti compos.

Primus adulator.

*Mendacia verbo
Defuerint. rex est dignus cui syderis aula
Assurgat,*

Secundus adulator.

Dignus superis accumbere mensis.

Primus adulator.

Et saturnigena Iunonis adesse cubili.

Secundus adulator.

Dignus adesse Ioui.

Primus adulator.

*Dignus quem praferat aether
Caeligenis,*

Secundus adulator.

*Dignus pariter cui victima pinguis
Decidat ante focos,*

Primus adulator.

Dignus quem terra salutet.

Secundus adulator.

Et populi recolant,

Primus adulator.

Fragilis quem mundus adoret,

Secundus adulator.

*Cui distillantis diues Panchaia myrrhe
Dona ferat.*

Primus

Primus adulator.

*Nam quid melius, vel suavius unquam
Reperies?*

Secundus adulator.

Quid dulce magis?

Primus adulator.

*Quid corpore pulchro
Lucidius?*

Secundus adulator.

*Quid mollicula ceruice videtur
Mitius?*

Primus adulator.

Et tenero quid blandius ore repertum?

Secundus adulator.

Quid digitis mage compositum?

Primus adulator.

*Quid pulchrius ipsis
Vnguibus?*

Secundus adulator.

*Auratis quid pulchrius inde capillis
Esse potest?*

Primus adulator.

*Non talis erat speciosa venustas
Palladi Cecropiae.*

Secundus adulator.

*Non talis forma superbae
Tyndaridis.*

Primus adulator.

Non talis erat Bryseis Achilli,

Secundus adulator.

Non talis puer Iliacus,
Primus adulator.

Non candida Thisbe,
Secundus adulator.

Si ridet, cogit lapides emittere risum,
Primus adulator.

Dum cantat, remorantur aues,
Secundus adulator.

Phylomena quiescit,
Primus adulator.

Pan silet.
Secundus adulator.

Et citharam refugit lesbous Arion
Primus adulator.

Dulcia formosae veniunt ad cantica nymphae,
Secundus adulator.

Dulcia & auritae veniunt post carmina sylvae
Primus adulator.

Si salit innumeras motare cacumina quercus
Conspiceres, rapidumque Iovis cōtēnere fulmen,
Secundus adulator.

Si mittat lachrymas lachrymosae faucibus nymphae
Pectora contundunt.
Primus adulator.

Si dormit, viscera blandus
Intima somniculus lenit, curasque, doloresque
Eiicit, & tacitis infundit Morpheae venis.
Secundus adulator.

Est deus,
Primus adulator.

Immo deis maior.

Secundus adulator.

Privatus Apollo

Ambrosia Hemonij duxit pecuaria regis

Atque tuus Amphrise sitim restrinxit in undis.

Rex noster servile iugum non pertulit,

Primus adulator

Ergo

Est superis maior.

Secundus adulator.

Maiorem quisque fatetur.

Primus adulator.

Quid dicis Pylades.

Secundus adulator.

Tacito sermone loquaris

Primus adulator.

An dormit?

Secundus adulator.

Non, non.

Primus adulator.

Si dormit littus aramus,

Secundus adulator.

Si dormit nihilum nostræ præconia lingue

Profuerint

Primus adulator.

Igitur propius pergamus ad aures,

Ut, si dormierit surgat, stratisque supinum

Eripiat corpus, ne quicquid dicimus, auster

Sorbeat: & vacuum dierberet aëra sermo.

Author.

Auditor si pro aliquātula vel murmuris vel consabulationis interruptione liceat, istuc aures paulisper diuertere, propiusque cōsidera, quāta sit adulatorum solertia, quā solers astutia, qui quos vel presentes esse vel vigilātes dominos nouerūt dormiētes vel absentes fingūt, quo facilius illis adulentur, seq; illorū amātissimos esse persuadeant.

Secundus adulator.

Et quis, summe deūm, motare sedilia nostri Principis est audax.

Primus adulator.

Quis amicum rumpere sonnum?

Secundus adulator.

Scire decet

Primus adulator.

Nostro facta hac iniuria regi?

Secundus adulator.

Testor Auernales umbras, Erebusq; , Chaosque Saturnum & metuenda trinominis ora Dianæ Si quis compulset regem, atque agnouero, ve, ve, Ve tibi quisquis eris repeto.

Primus adulator.

Propius decet istud

Inspexisse.

Secundus adulator.

Mori cuperem pro principe tanto,

Primus adulator.

Principe pro tanto mihi mors iucunda veniret,

Secundus adulator.

Hunc summo præferre Ioui, reliquisq; deorum

Non dubitem.

Primus adulator.

Mihi stat propriis mage charus ocellis,

Secundus adulator.

Hunc amo plus vita,

Primus adulator.

Propriis mihi charior extat

Visceribus,

Secundus adulator.

Somnum simulat,

Primus adulator.

Simulare sciebam.

Secundus adulator.

Pergamus nil verba nocent,

Primus adulator.

Hunc ipse medullis

Praefero,

Secundus adulator.

Tartareas, si mandet, abibo sub umbras.

Diues gloriosus.

Quisnam, dum somnum capio, sermonibus istis

Obloquitur?

Primus adulator.

Salve magnorum summe deorum

Iuppiter,

Diues gloriosus.

Esse Iouem censes?

Secundus adulator.

Quin, & Ioue credo

Maiorem.

TEXTORIS

Diues gloriosus.

Quid ita?

Primus adulator.

Aeternis tibi gloria maior

Numinibus,

Diues gloriosus.

Nosti quæ sit mihi gloria?

Secundus adulator.

Noui,

Primus adulator.

Vis aliquid princeps,

Secundus adulator.

Cælum si iusseris ibo.

Primus adulator.

Ire sub antrosus Erebi, si iusseris, umbras,

Parebo properè.

Secundus adulator.

Quantum coma fundit odorem,

Primus adulator.

O coma diuinis fragrantior undique succis

Herbarum.

Secundus adulator.

Quid ais pylades?

Primus adulator.

Violis mihi visa est

Suauior,

Secundus adulator.

Egregie quales in corpore dotes,

Primus adulator.

Pulcrulæta chlamys quâtas habet undiq; plumas,

Diues gloriosus.

Felix cui licuit tales habuisse ministros,

Secundus adulator.

Inspice rex, vestis maculata est pulvere,

Diues gloriosus.

Totum

Excute

Secundus adulator.

Parebo.

Primus adulator.

Tibi calcens undique cano

Pollutus.

Secundus adulator.

Purgare decet,

Diues gloriosus.

Purgetis uterque,

Primus adulator.

Vnde ruber faciem maculat cruor?

Diues gloriosus.

Ablue, si quid

Comperies.

Primus adulator.

Quid ais Pylades de principe tanto?

Secundus adulator.

Fortunata puto fecunda viscera matris,

Cui tam diuino licuit sobolescere partu,

Primus adulator.

Rex quid ais

Diues gloriosus.

Mihi parta deum iam fausta videtur

TEXTORIS

*Prosperitas, famulis si semper talibus uti
Contigerit: prognatus ero felicibus annis.*
Secundus adulator.

Rex quid ais?
Diues gloriosus.

Sitio.
Primus adulator.

Sitio pariter,
Diues gloriosus.

*Mihi corpus
Aestuat*
Secundus adulator.

Et caleo.
Diues gloriosus.

Mihi pes gelidissimus algere,
Primus adulator.

Alget uterque mihi,
Diues gloriosus.

*Germinis lux solis ocellis
Est odiosa,*
Secundus adulator.

Iubar Phœbi spectare nequirem.
Diues gloriosus.

*Nescio quid patior, sed vini gustus amarus
Est lingua.*

Vini pariter mihi gustus amarus.
Diues gloriosus.

*Altera iam nostris accescit passio membris
Non sitio.*

Primus adulator.

Nec ego sitio,

Diues gloriosus.

Nullum ipse calorem

Sentio,

Secundus adulator.

Non caleo,

Diues gloriosus.

Nec pes mihi frigidus extat,

Primus adulator.

Nec mihi frigidus est.

Diues gloriosus.

Phœbus delectat ocellos

Secundus adulator.

Lux est grata mihi,

Diues gloriosus.

Nectar mihi dulce videtur,

Primus adulator.

Comperio vinum succo incundius omni.

Author.

Iam ut palam est parasitis edacibus nihil magis subdolum, nihil magis versutum putes, ut qui dominis gratulentur, eorumque gratiam sibi devinciant: nutui, votis, ac desideris, eorundem acquiescunt. Ita ut si quid molestum illis fuerit morte sibi magis odiosum fingant. Sed si quid illos delectet, id vita sibi incundius cominiscantur. Clyso-phum, & Charisophum imitantes, quorum ille claudium se fingebat quod Philippus Macedo crux fractio haberet. Hic ridebat quum Dionysium procul videntem cum amicis inspicere.

Teneas tibi pinguem praparo morsum.

Vitium.

Rodite lascivæ meretricis crura, pedesque.

Quæ toties se prostituit corpusque subactum

Vanale exhibuit nummis:

Voluptas.

Deglubite rauci

Linguam hanc caufidici,

Caro.

Iecur hoc mordete patroni,

Vitium.

Præsidis has fibras & pingua crura voretis,

Voluptas.

Hæc est abbatis pigri caro.

Primus dæmon.

Trade voluptas,

Caro.

Hæc mercatoris sunt crura pedesque dolosi,

Rodite. Ruricolæ ignaros sæpe fefellit,

Mercurio similis.

Vitium.

Quorundam absumite fibras.

Qui curiosi simulant & bacchanalia viuunt

Voluptas.

Præsulis hic pes est quæ nil nisi turba latrantum

Oblectare canum, nil præter pigra solebat.

Ocia.

Secundus dæmon.

Quid memoras frater?

Primus dæmon.

Lautissima nobis.

Escadatur.

Secundus dæmon.

Saturi vix perfero pondera ventris.

Primus dæmon.

Et mihi turgidus est venter.

Secundus dæmon.

Surgamus eundem est,

Ieiuno quidquid reliquum est portemus auerno.

Primus dæmon.

Tu caro quod superest nostris impone canistris,

Virtus.

Siccine tartareo missi cacodæmones antro

Omnia deglubent, modicum mihi tradite pastum

Mortales, cruciat ieiunum languida ventrem

Esuries.

Secundus dæmon.

Vitium quamam hæc rugosa virago,

Vitium.

Virtus

Primus dæmon.

Quid querit?

Voluptas.

Pastum: sed lituus arabit,

Nil erit in terris manibus quod capere possit.

Virtus.

Siccine mortales omnes degiubet abyssus?

Sic ieiuna famem patiar. Sic ibit ad umbras

Quicquid summa parens rerum Natura creauit?

Nulla igitur dabitur spatiosa portio terre

Cælitibus : sic cuncta rapax absumet abyssus?
 Secundus dæmon.

Hanc germane licet meretricem expellere terris.
Hac adimet nobis animas.

Caro.

Absiste moueri.

Vitium.

Non nisi perpetuo verborum fulmine venas
Ruperit, inueniet quidquam,

Voluptas.

Ieiuna recedet.

Virtus.

O gentem ingratam: summi vos ætheris author
Virtutisque pater magna bonitate creauit,
Nil tamen esuriem patienti tradere nate
Vult: erit ne igitur latranti totus auerno
Mundis, & ad nigros descendunt omnia manes.
Virtuti saltem modicum mihi tradite pastum
Sacrifici donate epulum. surdis cano, Reges
Virtutem nutrite, silent. veneranda senatus
Virtutem foueas, non audit. maxime consul,
Si quis es ætherei quem tangat gloria cœli,
Da modicas epulas quaeso, mihi nemo ministrat,
Omnis homo modicum virtuti porrige frustum,
Omnis homo pastum virtuti denegat: ergo
Cū mihi nemo epulas, pastū mihi nemo ministret
Austera merore famis confecta recedo.

Primus dæmon.

Vadit ad exilium virtus,

Secundus dæmon.

Inhonorata quiescit

Iustitia,

Primus dæmon.

Æthereos tenet inconfessa penates veritas

Secundus dæmon.

Pagina sacra silet:

Primus dæmon.

Mundi nos ergo tenemus

Imperium,

Secundus dæmon.

Nostros tolerabunt omnia leges.

Primus dæmon.

Cras ergo celebrem de te natura triumphum

Ducemus,

Secundus dæmon.

Cras adueniet rex maximus orci,

Qui te lenniacis ducat per colla catenis,

Primus dæmon.

Interea saturo incundas ventre choreas

Ducamus:

Secundus dæmon.

Placet hoc, cythara dic musice carmen.

Natura.

Cras nisi mens melior modicum mihi forte iuamē

Attulerit, de me celebrem rex ille triumphum

Accipiet, qui tartareo dominatur auerno.

Conandum est igitur remis velisque, iacentem

Iustitiam athereas iterum reuocare sub auras.

Pascere virtutes, Inconfessamque fateri.

Amissamque iterum tibi pagina sacra loquelam

*Reddere, vel nigras populus descēdet ad vmbra.s.
Sic patres breuibus verbis concludo. valete,*

FINIS.

IN HOC DIALOGO ARGV-

MENTVM PRÆSTAT SINISTRA
Dionysij Iunioris cōditio, qui quū Syracusis prin-
ciparetur, multis amicis & parasitis fumos inanes
venditantibus, & aures verbis diuitantibus stipa-
tus, incedebat: vbi autē nouercāte fortuna, ab equis
(quod dicitur) ad asinos deiectus, & Corinthi gre-
garius ludi magister factus exulauit, eorū nemo re-
pertus est qui dominum fati iniquis adaectū iuuā-
re. aut in exilium comitari voluerit. In hoc itidem
aectū, introducuntur adulatores duo, qui gloriosum
diuitem miris preconiiis esserent & lenocinabūtur,
cum cœlitibus fœlicitem prædicabunt, ad eius nu-
tum omnia facient. Vbi autem dissuadente ratione,
voluptati, quæ hominem ipsum in prosperitate ma-
xime titillat, sese dederit, & ab ea diuitiis & ve-
stimentis spoliatus fuerit, amicos inuocabit. Inuo-
cati conticebunt, ac petenti suppetias denegabant.
Quinetiam ignotum sibi fingent, cuius prius famu-
los sese dicebant infimos. Sic fiet conclusio. Amī-
cum in aduersis vt aurum in fornace probari.

Primus adulator.

SI possem Boreæ stridentis tollere pennas,
Eriperem somnum domino, ne forte iacenti
Excutere.

Secundus adulator.

Zephiris si possem tollere flatum,
Eriperem, ne forte caput crinesque iacentis
Principis excutere.

Primus adulator.

Populi si pellere murmur

Fas esset, facerem tacitum mussare theatrum.

Secundus adulator.

Si verborum linguas truncare liceret,

Truncarem ne forte iacens somnôque sepultus

Surgeret è stratis dominus.

Primus adulator.

Cohibete labellum,

Rex dormit.

Secundus adulator.

Dormit, finitote quiescere regem,

Rex dormit.

Primus adulator.

Capiti pulvinum subdere fas est,

Incumbens humeris ne cervix blanda grauetur,

Néve fatigentur venæ.

Secundus adulator.

Suppone. Sed audi,

Præcaueas tacitum manibus turbare soporem.

Primus adulator.

Dormit adhuc.

Secundus adulator.

Satis est.

Primus adulator.

Fœlicibus votis

Suscipiat,

Secundus adulator.

Pylæ deus illi Nestoris annos

Conferat,

Primus adulator.

*Astrioloqua videat numerosa Sybilla
Tempora,*

Secundus adulator.

Sit voti compos.

Primus adulator.

*Mendacia verbo
Defuerint. rex est dignus cui syderis aula
Assurgat,*

Secundus adulator.

Dignus superis accumbere mensis.

Primus adulator.

Et saturnigena Iunonis adesse cubili.

Secundus adulator.

Dignus adesse Ioui.

Primus adulator.

*Dignus quem praferat aether
Caeligenis,*

Secundus adulator.

*Dignus pariter cui victima pinguis
Decidat ante focos,*

Primus adulator.

Dignus quem terra saluet.

Secundus adulator.

Et populi recolant,

Primus adulator.

Fragilis quem mundus adoret,

Secundus adulator.

*Cui distillantis diues Panchaia myrrha
Dona ferat.*

Primus

Primus adulator.

*Nam quid melius, vel suavius unquam
Reperies?*

Secundus adulator.

Quid dulce magis?

Primus adulator.

*Quid corpore pulchro
Lucidius?*

Secundus adulator.

*Quid mollicula cervice videtur
Mitius?*

Primus adulator.

Et tenero quid blandius ore repertum?

Secundus adulator.

Quid digitis mage compositum?

Primus adulator.

*Quid pulchrius ipsis
Vnguibus?*

Secundus adulator.

*Auratis quid pulchrius inde capillis
Esse potest?*

Primus adulator.

*Non talis erat speciosa venustas
Palladi Cecropiæ.*

Secundus adulator.

*Non talis forma superba
Tyndaridis.*

Primus adulator.

Non talis erat Bryseis Achilli,

Secundus adulator.

Non talis puer Iliacus,

Primus adulator.

Non candida Thisbe,

Secundus adulator.

Si ridet, cogit lapides emittere risum,

Primus adulator.

Dum cantat, remorantur aues,

Secundus adulator.

Phylomena quiescit,

Primus adulator.

Pan silet.

Secundus adulator.

Et citharam refugit lesbous Arion

Primus adulator.

Dulcia formosae veniunt ad cantica nymphe,

Secundus adulator.

Dalia & aurita veniunt post carmina sylva

Primus adulator.

Si salit innumeras motare cacumina quercus

Conspiceres, rapidumque Iovis cōtēnere fulmen,

Secundus adulator.

Si mittat lachrymas lachrymosae faucia nymphe

Pectora contundunt.

Primus adulator.

Si dormit, viscera blandus

Intima somniculus lenit, curasque, doloresque

Eiicit, & tacitis infundit Morphæa venis.

Secundus adulator.

Est deus,

Primus adulator.

Immo deis maior.

Secundus adulator.

Privatus Apollo

Ambrosia Hæmonij duxit pecuaria regis

Atque tuus Amphrise sitim restrinxit in undis.

Rex noster servile iugum non pertulit,

Primus adulator

Ergo

Est superis maior.

Secundus adulator.

Maiores quique fatetur.

Primus adulator.

Quid dicis Pylades.

Secundus adulator.

Tacito sermone loquaris

Primus adulator.

An dormit?

Secundus adulator.

Non, non.

Primus adulator.

Si dormit lituus aramus,

Secundus adulator.

Si dormit nihilum nostræ præconia lingue

Profuerint

Primus adulator.

Igitur propius pergamus ad aures,

Vt, si dormierit surgat, stratisque supinum

Eripiat corpus, ne quicquid dicimus, auster

Sorbeat: & vacuum diuerberet aëra sermo.

Author.

*Auditor si pro aliquātula vel murmuris vel con-
fabulationis interruptione liceat, istuc aures pau-
lisper diuertere, propiúsque cōsidera, quāta sit adu-
latorum solertia, quā solers astutia, qui quos vel
presentes esse vel vigilātes dominos nouerūt dor-
miētes vel absentes fingūt, quo facilius illis adu-
lentur, seq; illorū amātissimos esse persuadeant.*

Secundus adulator.

*Et quis, summe deūm, motare sedilia nostri
Principis est audax.*

Primus adulator.

Quis amicum rumpere somnum?

Secundus adulator.

Scire decet

Primus adulator.

Nostro facta hac iniuria regi?

Secundus adulator.

*Testor Auernales umbras, Erebusq; , Chaosque
Saturnum & metuenda trinominis ora Diane
Si quis compulset regem, atque agnouero, ve, ve,
Ve tibi quisquis eris repeto.*

Primus adulator.

Propius decet istud

Inspexisse.

Secundus adulator.

Mori cuperem pro principe tanto,

Primus adulator.

Principe pro tanto mihi mors incunda veniret,

Secundus adulator.

Hunc summo præferre Ioui, reliquisq; deorum

Non dubitem.

Primus adulator.

Mihi stat propriis mage charus ocellis,

Secundus adulator.

Hunc amo plus vita,

Primus adulator.

Propriis mihi charior extat

Visceribus,

Secundus adulator.

Somnum simulat,

Primus adulator.

Simulare sciebam.

Secundus adulator.

Pergamus nil verba nocent,

Primus adulator.

Hunc ipse medullis

Præfero,

Secundus adulator.

Tartareas, si mandet, abibo sub umbras.

Diues gloriosus.

Quisnam, dum somnum capio, sermonibus istis

Obloquitur?

Primus adulator.

Salve magnorum summe deorum

Iuppiter,

Diues gloriosus.

Esse Iovem censes?

Secundus adulator.

Quin, & Ioue credo

Maiorem.

TEXTORIS

Diues gloriosus.

Quid ita?

Primus adulator.

Aeternis tibi gloria maior

Numinibus,

Diues gloriosus.

Nosti quæ sit mihi gloria?

Secundus adulator.

Noui,

Primus adulator.

Vis aliquid princeps,

Secundus adulator.

Cælum si iusseris ibo.

Primus adulator.

Ire sub antrosus Erebi, si iusseris, umbras,

Parebo properè.

Secundus adulator.

Quantum coma fundit odorem,

Primus adulator.

O coma diuinis fragrantior vndique succis

Herbarum.

Secundus adulator.

Quid ais pylades?

Primus adulator.

Violis mihi visa est

Suauior,

Secundus adulator.

Egregia quales in corpore dotes,

Primus adulator.

Pulcrulèta chlamys quâtas habet vndiq; plumas,

Diues gloriosus.

Felix cui licuit tales habuisse ministros,

Secundus adulator.

Inspice rex, vestis maculata est pulvere,

Diues gloriosus.

Totum

Excute

Secundus adulator.

Parebo.

Primus adulator.

Tibi calcens undique cæno

Pollutus.

Secundus adulator.

Purgare decet,

Diues gloriosus.

Purgetis vterque,

Primus adulator.

Vnde ruber faciem maculat cruor?

Diues gloriosus.

Ablue, si quid

Comperies.

Primus adulator.

Quid ais Pylades de principe tanto?

Secundus adulator.

Fortunata puto fecunda viscera matris,

Cui tam diuino licuit sobolescere partu,

Primus adulator.

Rex quid ais

Diues gloriosus.

Mihi parta deum iam fausta videtur

Nec ego sitio,

Diues gloriosus.

Nullum ipse calorem

Sentio,

Secundus adulator.

Non caleo,

Diues gloriosus.

Nec pes mihi frigidus extat,

Primus adulator.

Nec mihi frigidus est.

Diues gloriosus.

Phæbus delectat ocellos

Secundus adulator.

Lux est grata mihi,

Diues gloriosus.

Nectar mihi dulce videtur,

Primus adulator.

Comperio vinum succo incundius omni.

Author.

Iam ut palam est parasitis edacibus nihil magis subdolum, nihil magis versutum putes, ut qui dominis gratulentur, eorumque gratiam sibi deinceps nutui, votis, ac desideriis, eorundem acquiescunt. Ita ut si quid molestum illis fuerit morte sibi magis odiosum fingant. Sed si quid illos delectet, id vita sibi incundius comminiscantur. Clyso-phum, & Charisophum imitantes, quorum ille claudium se fingeat quod Philippus Macedo cruce fractum haberet. Hic ridebat quum Dionysium procul ridentem cum amicis inspicere.

Voluptas.

Salve rex

Diues gloriosus.

Salve pariter incunda voluptas

Voluptas.

Rex quid ais?

Diues gloriosus.

Fidos inter delector amicos,

Voluptas.

Nonne tibi magna est opulentia, nonne metallis

Scrinia plena tument?

Diues gloriosus.

Magna est opulentia, nummis

Arca tument.

Voluptas.

Et tu vituli de more marini

Indormis, tacitos perdens inglorius annos.

Diues gloriosus.

Quid facerem?

Voluptas.

Quid? ama, lude & letare, superbi,

Indulge choreis, veneri famulare, puellas

Dilige, nutrito meretrices, turpe lupanar

Insequere, & letis petulans incumbito ludis,

Sic vacuum deges, curis & fletibus auum.

Diues gloriosus.

Non decet his annos fragiles consumere ludis,

Voluptas.

Non decet: O vacuum, sensu & ratione cerebrum

Sed cur non deceat?

Diues gloriosus.

Mortis suprema timenda est

Linea.

Voluptas.

Dij quid ais, cur linea summa timenda est?

Diues gloriosus.

Tartarea saltem metuenda est pœna gehennæ.

Voluptas.

Deterius semper loqueris. Quid pœna timēda est?

Nullum adeo deforme potest dirumque parari

Flagitium, quod non superet clementia Christi,

Num peccatrici Mariæ, Pauloque pepercit?

Furtivum nunquid venia donasse latronem

Creditur, insano dementior esse videris,

Sunt tibi diuitiæ, sunt auri larga talenta,

Nummorumque opulens myrmecia: denique fidis

Quod melius duco, semper stiparis amicis.

Quid gelida raperis formidine? parce timori,

Lude, iocare, soli genio famulare, superbi,

Cum potis es, requiesce, canas, incumbere choreis,

Congestas cui vis tot opes dimittere? Coruis?

Quid tibi post mortem tot opes, aurique talenta

Profuerint? nihil: ergo vetus formido recedat.

Diues gloriosus.

Et prius arreptos fas consuluisse ministros.

Voluptas.

Consule.

Diues gloriosus.

Vos famuli prouidet ne decora voluptas?

Primus adulator.

Vtilius nihil est,

Diues gloriosus.

Prodest ne incumbere ludis?

Est ne scelus, furtim nitidas rapuisse puellas?

Secundus adulator.

*Quid scelus esse putas? crede, est opus hercule
dignum?*

Diues gloriosus.

Est ne scelus propria stuprum intentasse sorori?

Primus adulator.

Quid scelus? est virtus.

Diues gloriosus.

Est ne utilis alea?

Secundus adulator.

Quid ni?

Vtilius nihil est,

Diues gloriosus.

An profint oia?

Primus adulator.

Profunt,

Quis dubitat?

Diues gloriosus.

Speciosa Venus prodest ne?

Secundus adulator.

Quis inquam

Ambigit?

Diues gloriosus.

Ergo licet placidis incumbere ludis?

Primus adulator.

Nil timeas, posita lude audacissimus archa.

Author.

*Nunc merito parasitos domi alienæ lubentius
quàm suæ sumptû faciētes expellendos cōsulerem:
qui his à quibus velut hiantes corui prædam expe-
ctant, nihil præter inhonestû, turpe dictu, & fa-
ctu turpißimû suadēt, virtutibus dominorum cō-
mercio interdiciūt? scelera vel grauißima mētibus
inducūt. hinc non abs re Antisthenes eosdem mere-
tricibus comparabat: quæ authoribus omnia bona
exoptant, præter mentem, & pudorem.*

Ratio.

*Sed semper tacita sceleratos aure ministros
Audierim, nūquā ne loquar, nunquā ne reponā?
Scribendæ nunquam satyræ se noster Apollo
Conferet? O hominē stultû & rationis egentem,
Ridiculum caput & nasuti fabula vulgi.*

Diues gloriosus.

Men? stultum dicis.

Ratio.

Stultum, & rationis egentem.

Diues gloriosus.

Cur stultum?

Ratio.

*Quod te in pedicas & retia duci
Non videas.*

Diues gloriosus.

Qui me in pedicas & rhetia ducunt?

Ratio.

Hi, quos perpetuo iunctos tibi credis amore.

Diues gloriosus.

Cur ducunt?

Ratio.

Suadent etenim ut virtute relicta

Ipse voluptatem, genium, ventremque sequaris,

Diues gloriosus.

Quid tum si suadent,

Ratio.

Si te damnosa voluptas

Perdiderit, quosnam tunc implorabis amicos

Diues gloriosus.

Hi mihi subsidium tradent,

Ratio.

O perdit, nescis

Quid referas, ventis si te fortuna sinistris

Opprimeret. Si destrueret damnosa voluptas,

Diffugerent, neuterque tuis succurrere vellet

Erumnis,

Diues gloriosus.

Verum ne refers?

Ratio.

Verum esse putato,

Diues gloriosus.

Quae dea?

Ratio.

Consiliis opulens, praesaga futuri,

Appellor Ratio.

Diues gloriosus.

Nunc experiemur amicos

Hem famuli,

Primus adulator.

Quid ais princeps?

Diues gloriosus.

Dominum ne sinistris

Casibus oppressum, & magna pietate redactum.

Fortunã in miseram, vestrũ releuaret vterque.

Secundus adulator.

Quis dubitat?

Diues gloriosus.

Negat hoc ratio,

Primus adulator.

Putri ne veterno

Cõfectam hanc audis vetulã? quæ nil nisi nugas.

Nil præter gerras simulatãque somnia nouit.

Pro te mille hyemes paterer,

Secundus adulator.

Pro te volo fatis

Immergi.

Primus adulator.

Pro te vitam committere ventis

Non dubitem,

Secundus adulator.

Pro te Zancleam intrabo Charibdi

Primus adulator.

Infestum profugis intrabo capharea nautis.

Secundus adulator.

Pro te perpeterer morbi contagia mille.

Primus adulator.

Pro te centimani flammæ tolerare gigantis,

Optarem.

Secundus adulator.

TEXTORIS

Pro te ruerem per tela per ignes,
Primus adulator.

Pro te conficerer gladio,
Secundus adulator.

Pro te mihi nares
Euelli paterer,
Primus adulator.

Paterer mihi viscera raptim
Discerpi,
Secundus adulator.

Pro te paterer niueos mihi dentes
Euelli,
Primus adulator.

Pro te vellem vitalibus auris
Priuari.
Secundus adulator.

Pro te paterer me mille sagittis
Consumi,
Primus adulator.

Pro te subitis immergerer undis.
Primus adulator.

Pro te (quo periit Laurentius igne) perirem.
Primus adulator.

Pro te qua periit nece (Bartholomaeus) obirem
Secundus adulator.

Pro te perpeterer vermes mihi rodere corpus.
Primus adulator.

Pro te pulcibus comedenda hac viscera vellem
Tradere,
Secundus adulator.

Marmarico vellem certare leoni,

Primus adulator.

Pro te immansuetis certarem tygribus,

Vrsos

Secundus adulator.

Aggrederer

Primus adulator.

Rodenda lupis hæc membra pararem.

Secundus adulator.

Pro te phasiacis biberem medicata venenis

Pocula,

Primus adulator.

Boletum pro te quem Claudius edit,

Acciperem,

Secundus adulator.

Vellem Socratis potare cicutam,

Primus adulator.

Pro te me propria iugularem vulnere dextra

Secundus adulator.

Pro te Phæbeo patiens consumerer æstu,

Primus adulator.

Pro te conficerer iaculis,

Secundus adulator.

Pro te mihi collum,

Truncari paterer,

Primus adulator.

Paterer mihi brachia rumpi

Secundus adulator.

Ossa mihi frangi,

Primus adulator.

Mihi mollia crura reuelli

Diues gloriosus.

*Quid dicis Ratio, famuli mihi mira relatu
promittunt,*

Ratio.

Facile est promittere mira relatu,

Sed dare difficile est. pariet lapidosus olympus,

Ridiculum tanto in partu consurgere murem

Aspicias: vsu contingere saepe videmus,

Multidicis vt qui promittunt plurima verbis,

Vel nihilum donet, vel saltem paucula praestent.

Primus adulator.

Neglige rex vetula nugas,

Secundus adulator.

Hac vana repellas

Somnia,

Primus adulator.

Me semper fidum experiaris amicum.

Secundus adulator.

Et tibi me famulum, crede, experire fidelm.

Diues gloriosus.

Discedas igitur ratio, mihi diua voluptas

Assistet comes, & nostris requiescet in vlnis,

Ratio.

Consiliis nostris non audiuisse pigebit,

Diues gloriosus.

Et pigeat,

Ratio.

Pigeat? verba hac dixisse pigebit,

Tempus erit quo te perdet larvata voluptas,

*Quum presens magno tibi forte optaueris auro
Consilium. Sed nil post turpia facta iunabit
Pœnituisse,*

Diues gloriosus.

Procul fugias,

Ratio.

Spreuisse pigebit

Consilium,

Diues gloriosus.

Pigeat, soli mihi pœna futura est

Iam placidis ludis licet indulgere voluptas,

Voluptas.

Quis te delectat ludus?

Diues gloriosus.

Placet alea,

Voluptas.

Grata est

Et mihi,

Diues gloriosus.

Ludamus,

Voluptas.

Depromas mille talenta,

Diues gloriosus.

Deprompsi, ludas igitur,

Voluptas.

Prior incipe,

Diues gloriosus.

Ludo,

Voluptas.

Subsequor,

TEXTORIS

/ Diues gloriosus.

Amisi,

Voluptas.

Simili vis ludere ludo,

Diues gloriosus.

Non renuo,

Voluptas.

Ludas,

Diues gloriosus.

Ludo,

Voluptas.

Tria sunt tibi puncta,

Quinq; mihi, lucror. Totidem vis ludere numis?

Diues gloriosus.

Ludamus totidem nummis,

Voluptas.

Prior incipe,

Diues gloriosus.

Lusi,

Voluptas.

Subsequor,

Diues gloriosus.

Amisi, fatis me credo sineſtris

Progenitū, amitto quicquid depromo, reponam,

Quicquid nummorum ſupereſt, utcūq; ſequatur.

Voluptas.

Perdis adhuc,

Diues gloriosus.

Quid agam iam nulla pecunia reſtat,

Voluptas.

*Mille auri drachmas depromo, porrige vestem,
Diues gloriosus.*

*Exuo, ludamus,
Voluptas.*

*Lusi,
Diues gloriosus.*

*Sequor, omnia perdo.
Sum miser, infausto me suspicor hercule natum
Absumptis opibus nudum media voluptas
Destituit, Quo diua fugis? nudum ne relinquis?
Saltem mille mihi misero concede Philippos,
Ter centena tibi superabunt milia. Surda est,
Nunc video quid fraudis habet dānosa voluptas.
Cum nummis hominē incautum spoliauit & auro,
Aufugit, atque opibus vacuū scelerata reliquit,
Expedit ut veteres nunc imploremus amicos,
Heus socij,*

Primus adulator.

Quis tu?

Diues gloriosus.

*Non nostis? vester Orestes.
Subdola, quem tanta decepit fraude voluptas,
Hei me destituit nudum: nunc si quid amoris
Antiqui vos pungit adhuc, præstate iuuamen.*

Secundus adulator.

Nescio quid referas,

Primus adulator.

Nunquam te nouimus.

Diues gloriosus.

Is sum.

*Quem Ioue maiorem (dum foelix aura faueret)
Dixistis,*

Secundus adulator.

Nunquam te vidimus.

Diues gloriosus.

Haccine vestra

Vincula sunt fidei?

Primus adulator.

Nunquam te nouimus.

Diues gloriosus.

Is sum

Pro quo tanta pati vos velle pericula quondam

Dixistis, nudo modicos nunc tradite nummos,

Pauca peto, Saltem lacerum concedite pannum,

Quo nudum hyberno defendam à frigore corpus.

Secundus adulator.

Non mihi notior es, quam barbarus accola nili,

Diues gloriosus.

Sic promissa fides perit?

Primus adulator.

Peregrine recedas.

Barbarus es tu furciferi fortasse Latronis,

More rapis quaecunque potes.

Diues gloriosus.

Num viuere furto

Dicitis? O nostra vanos atatis amicos,

Pollicis fuerant se mille pericula mortis,

Pro me passuros. Quò nunc fortuna sinistris

Me pepulit Zephyris, ignotum me sibi fingunt.

Viuere quinetiam scelerati more latronis,

*O stultus qui consilium Rationis, & aequi.
Spreuerit, & blando quem traxerit ore voluptas.*

Ratio.

Celebre est adagium. Sero phryges sapere. i. stultos & inconsultos nunquam nisi ubi sinistrum aliquid attulerit fortuna prudentes fieri. Monueram te saepenumero stultissime, ut horum blandimentorum lenocinia respueres, palpum retruderess, voluptatemque detestareris. Verba tamen ludibrio tibi & neglectus fuere, fore videbā quicquid contigit. Solent enim nostri saeculi mortales si ad perpinguem fortunam sublimentur, multis amicis subdolis tamen & praedam expectantibus stipari.

At si satis urgentibus sinistrum aliquid incurrant, neminē reperiunt qui egentibus subsidio velint adesse. Merito igitur cum elegiographo.

Nasone concluderimus,

Prospere si fuerint multos numerabis amicos

Tempora: si fuerint nubila, solus eris,

Scilicet ut fulcum spectatur in ignibus aurum:

Tempore sic duro est inspicienda fides.

P I N I S.

COMOEDIAE PERSONAE

SYNT IVVENIS. PATER.

VXOR. IVVENIS.

A *Mabo pater, agessis quid agendum mihi fiet, quominus vitā hanc breuiusculam & bulla fragiliorem in erumnis degero.*

Pater.

Quid inquam tibi est animi? gauderem si quid facerem quod tibi non esset molestum.

TEXTORIS.

Iuuenis.

Verum ego te eam ob rem cōsultū volui, quoniam iam ex ephæbis excessi, ut mihi atatis prouecta aperires, quod mihi factū videres utile.

Pater.

Nihil fili magis in rem tuam esse cōspicio, quā ut ludum sequare literarium.

Iuuenis.

Non, si clamando medius crepueris, istud in animum inducas meum pater.

Pater.

Quid ni induxero.

Iuuenis.

Pol, literis nihil vnquam magis odiosum mihi visum est:

Pater.

Quid ita?

Iuuenis.

Vt enim opulento homini seruitus dura est. Ita delicato corpori odiosa scholaris disciplina.

Pater.

Odiosa!

Iuuenis.

Odiosa adepol.

Pater.

Quod eius rei fecisti periculum?

Iuuenis.

Ex aliis hercle periculum feci, atque iis potissimū qui in pedotribarum carceribus & moletrinis aliquandiu fuere relictī.

Pater.

Illic ne miseriarum aliquid esse dicunt?

Iuuenis.

Quin ipsam esse miseriam dicunt:

Pater.

Ain verum?

Iuuenis.

Aio enimvero.

Pater.

Quid causa est?

Iuuenis.

Aiunt autem mollicella corpuscula, noctes & dies flagris illic contundi, crura ipsa pedum tenus detunicari.

Pater.

Aiunt ne ullum venia locum?

Iuuenis.

Nullum hercle, sed quotidie morbos augiscari, puerulorum scapulis undantes sanguinis riuos vbertim elici dicunt, ipsosque interdum non prius eiulantes relinqui, quam spiritum pene emiserint.

Pater.

Istud proba indolis adolescentibus fieri nō dicūt.

Iuuenis.

Nullū sane discrimen asserunt, eadē est præceptorū in omnes toruitas, Idem furor, eadem violētia.

Pater.

Erras si credis fili

Iuuenis.

Adepol, & credo pater,

Pater.

Hocine credibile est quenquam esse tanta feritatis ludimagistrum, qui infantulos ad mortem usque verberitet.

Iuuenis.

Credibile non putassem pater, nisi nuper vnū plagis pessime cōfectū, protinus inhumari vidissem.

Pater.

Morbo fortasse laborabat, & aegritudini succubuerat,

Iuuenis.

Nullum mediū fidius morbi cōtagium senserat.

Pater.

Quonam igitur modo perisse dicunt?

Iuuenis.

Dicunt, à leonina toruitatis sanguinario præceptore flagris primo cruentatū, demū pedibus misere turbulentatū. postremo in parietes, dictū horrendum, impetuose iaculi more contortum.

Pater.

Erras inquam si credis fili

Iuuenis.

Nec erro ad eol, & credo pater,

Pater.

Aliter tibi persuades velim.

Iuuenis.

Pol non si Demosthenes & Tullius suaserint mihi vnquam persuaserint,

Pater.

Saltē id patris vel mādato, vel precibus cōdones.

Iuuenis.

Pater quicquid aliud voles impera, mādatis tuis stetero, sed quod scholas ingrediar, & ferula me submittā, non, si me pugnitus interficias, obediā.

Pater.

Hei fili.

Iuuenis.

Tuus hercle filius sed pater nō esses, si in eum me compelleres pristinum, vbi me minutatim discerpendum conspicias.

Pater.

Discerpendum conspicerem, isthuc nunquā vellem excogitare.

Iuuenis.

Missā istec faciamus velim pater, siquidem mihi nauseam excitant.

Pater.

Quid igitur aliud feceris, quo tibi victum querites? vis militiam sequendo Troianorum vel Romanorum numero conscribi?

Iuuenis.

Deterius loqueris, nullum officiū genus mihi gratum est quod plagis et vulneribus sit obnoxium.

Pater.

Aliquid agas oportet, vis instar eorum qui latrinas exhauriunt inhonesto victitare lucro?

Iuuenis.

Te ne tui puderet, qui filium eo deprimi velles?

Pater.

Eo deprimi nolim, Quoniā tamē scriptum est qui

TEXTORIS

*non laborat non manducet: aliquid agas expedit,
Iuuenis.*

*Pater vis verba in pauca tibi conferam, quid est
quod me titillet maximè.*

Pater.

Volo.

Iuuenis.

Votis meis non acquiesces.

Pater.

Forſitan,

Iuuenis.

Sed dic bona fide quaſo, acquiesces?

Pater.

Si factu iustum fuerit quod petueris

Iuuenis.

Iustum putes factu, & licitum.

Pater.

Nunc igitur petas.

Iuuenis.

*Quum ſim forma adeo venuſta & liberali vt ni-
hil ſupra, vxorem velim ducere.*

Pater.

Pape! quid audio?

Iuuenis.

Hocſine acquieſcendi primordium?

Pater.

Hei iuuenem delirum.

Iuuenis.

*Nefcio quid facturus ſim, quod ſtomachũ tuum
delectet.*

Pater.

*Vxorem queris miserrime nigrōt. Quid aliud est
quam iugum & onus appetere?*

Iuuenis.

Si onus, esto, ducam tamen si permittas?

Pater.

Id meo non fiet consilio.

Iuuenis.

Saltem non relucteris,

Pater.

*Non reluctabor. sed si stultitia tua te pœniteat
neminem prater te vnum arguas.*

Iuuenis.

Neminem arguam. vale pater,

Pater.

Bene vale fili.

Iuuenis.

*Mea camilla sopiti ne quiescunt antiqui amores
noſtri?*

Vxor.

Meus quotidie augeſcit.

Iuuenis.

*Et meus incrementum ſuſcipit, iam vt aliquan-
do his qua amantes duriter excruciant ſinem im-
ponamus, ad connubia descendamus.*

Vxor.

Perplacet.

Iuuenis.

*Hunc ego anulum in amoris perpetui pignus
confero,*

Vxor.

Hoc egomet fidei xenium tibi præsto.

Iuuenis.

*Iamiam vt moris est presbyterum adeamus, qui
nos indissolubili vinculo copulet.*

Vxor.

*Adeamus. valete spectatores tantisperdum è
templo redierimus,*

Pater.

*O perdeliram iuuenum recordiam. O inopes con-
silij animos, qui patribus inuitis ad protogamiã,
seu primas nuptias accedunt, miseriarum & fa-
ctionum ignari, quas affert cõingalis thalamus.
Laborum inexpertes, quos nutriendorum libero-
rum sumptus expetit. impendiorum nescij: quæ
domestica necessitas exigit. Hinc vxor oblatrat,
hinc in cunabulis vagiunt filij. Hinc aliquanto
proiectiores cornuorũ more cibum appetunt. Hinc
mundina maritum ad questum vocant. voluit
tamen fatuellus meus filius dissuadente frustra
parente vxorẽ ducere, putans leticiam illam, quæ
primo nuptiarum die titillat, perpetuam fore. Ve-
rũ experietur quod scripsit Hyponactes, duos
tantum dies vxoris esse dulcissimos, nuptiarũ vi-
delicet & mortis. Experietur inquam verum,
diem videlicet nuptiarũ multorum malorum ini-
tium. Aderitque, vt opinor, tempus quo sibi ac-
cidisse vellet quod Eupolidi & vxori contigisse
asserit Ouidius, quos prima nuptiarũ nocte, rui-
na lecti interfectos his asserit versibus.*

Sit tibi coniugij nox prima, nouissima vitæ.

Eupolis hoc perit. & noua nupta modo.

*Sed adesse video meum vxorium fatuellum cum
sponsa. Ego igitur hic tantisper quiescam, donec
videro quo more vna vixerint.*

Iuuenis.

Vxor mea.

Vxor.

Mi marite.

Iuuenis.

Quanta est in coniugio voluptas?

Vxor.

Quàm vehemens & suavis amor,

Iuuenis.

Quot concharum oscula?

Vxor.

Quot risus?

Iuuenis.

Maritus cum vxore oblectatur,

Vxor.

Vxor cum marito ridet.

Iuuenis.

Vna competant,

Vxor.

Vna comedunt.

Iuuenis.

Quis igitur nuptias vituperet?

Iuuenis.

*Quis Aristoteli non cōdescendat in Æthicis scri-
benti, viro politico ducedam esse vxorem, non*

TEXTORIS

solum liberorum sed victus & auxilij causa?

Iuuenis.

Quis cum Heracleo nõ fateatur genus hominis sociale esse, ipsius autem societas principium esse coniugium, sine quo neque ciuitates consistere, neque domus perfecta esse potest?

Vxor.

Pythagoras, Socrates, Crates etiam qui tenui suppellectile fuit, vt à maioribus meis accepi, vxorem duxerunt, eisque cohabitauere, nec impedimento esse philosophiæ putauerunt.

Iuuenis.

Quid queso secundum naturam magis est quàm vxorem ducere?

Vxor.

Facebant igitur, qui nuptias, velut periculosum aliquid respuunt.

Iuuenis.

Facebant qui ducendā non esse vxorem dicunt.

Vxor.

Sed heus marite hoc nuptiarū die laute Et genialiter viuimus, quid verò die crastino comedemus.

Iuuenis.

Iam quæ futura sunt prospicis?

Vxor.

Nisi id in rem meam fore cōspicerem, quæ futura sunt non cōtemplarer. Opus est igitur vt tete operi accingas, quo nostrum vtriq; victum quarites.

Iuuenis.

Men discruciare iam quaritas?

Vxor.

Vxor.

*Quid discruciare? sed nostræ duorum utilitati cō-
sulere velim, propere igitur quicquam feceris:*

Iuuenis.

Aliquādiu saltem adhuc requiescere permittas.

Vxor.

Vin nos in ædia consumi?

Iuuenis.

Nolim.

Vxor.

*Propera igitur inquam, secus ignaviā tuam mihi
non placere periclitaberis,*

Iuuenis.

Marito molesta esse iam incipis?

Vxor.

*Quid hic verborum est? satis ne tibi videor oblo-
quata miserrime.*

Iuuenis.

Heu voluptas, ut nunquam es perpetuo bona.

Vxor.

Nullū ergo mādatis meis locū reliqueris? vapula.

Iuuenis.

*Hei mea vxor, ne tam duriter in me sauias, quic-
quid voles exequar propere.*

Vxor.

*Has clitellas humeris superpone, ac lignum ve-
nale compitatim deferas, quo nostrum utrique vi-
etum quarites. Perge negot.*

Iuuenis.

O quān miseri sunt qui vxoribus suis nubūt, mi-

seri inquam, quibus vxores imperant, verum nunc
 experior quod mihi pater prädixerat, multas in
 matrimonio esse misérias, miserum me, quid agam.
 Si domum nummis vacuus rediero sathanica illa
 muliercula diriter me iugulabit. Heus tu, qui
 propinquus hic astas, hoc me exoneres ligno, sti-
 pemque aliquam mihi cõferas, secus hodie postremum
 me vides. Nunc parta pecunia ad vxorem redeo.
 Hem vxor, adest diurnum lucrum.

Vxor.

Id tantum nobis comparasti. sceleratissime nigot?
 vapula vapula.

Iuuenis.

Pol ego plura non perferam,

Vxor.

Insurgis in me nepharie? ego sane faciem vngu-
 bus tibi deformabo.

Iuuenis.

Hei vxor sit saltem venia locus, nunquam in fla-
 gitia reuerti mihi contigerit,

Vxor.

Surge igitur.

Iuuenis.

Faciam quicquid iusseris.

Vxor.

Aquam situlis exanclaturus propera,

Iuuenis.

Dislo citius pareo. Hei quam miseri sunt qui vxo-
 ribus suis nubunt: vellem primo nuptiarum die me,
 subitanea morte consumptum fuisse. Hei misero

mihī, quid faciam, redeo vxor, aquam afferō.

Vxor.

Hem quid hic lachrymarum est.

Iuuenis.

Non lugeo.

Vxor.

Non si sapiſ. Telā hāc ad rinū lauātū propera.

Iuuenis.

Nā vxor parco.

Vxor.

Properes inquam.

Iuuenis.

O in fortunatam maritorum conditionem. vellem me terra abſorptum quū mater me peperit. Quid faciam? Quo me vertam? miſerum me qui hanc mulierculam in vxorem duxerim, redeo vxor, nūdam refero.

Vxor.

Sceleſte quid labeculam hanc non abluiſti? vapula, Tu me tantisper dum rure rediero, domi remane, ac ibidem opperire, & caue ſi pedem commutaueris.

Iuuenis.

Ah pater pater,

Pater.

Ha fili fili.

Iuuenis.

Verum nunc experior quod eſſe prädixeras,

Pater.

Quid illud

TEXTORIS

Iuuenis.

Per multas in matrimonio esse miseras.

Pater.

Periculum fecisti?

Iuuenis.

Plus satis expertus sum, sathanica vxor mea scapulas flagris mihi mutilauit, neque magis mutilare licet, si lapideus essem. Suis mandatis parere cogor. vellem me primo nuptiarū die terra fuisse absorptum.

Pater.

Tu quoniam consilio meo acquiescere recusasti perpetere quicquid merito pateris. Nā quod pertulisti nihil est, longe plura passurus es. Quod si soli tibi id contingere cogitas, audi turbulentam Socratis Xantippem. Audi quibus conuiciis maritum insectetur obtundere.

FINIS.

SEQUENTIS DIALOGI

INTER LOQVVTORES SVNT

Sapiens, Iuuenis, Senex. Sapiens loquitur.

D*ic elate puer, tumida quid frōte superbis?
Quid rigido caperis ora supercilio?*

Iuuenis.

*Quod Pactolinis sit turgida bulga metallis
Quodque Corinthæ sint mihi diuitiæ?*

Sapiens.

Si tibi diuitiæ fuerint quas alta Corynthus,

*Quasque opulens habuit diuitis arca Myda.
 Et quicquid pariter vomit auri lydius Hermus,
 Et croceis quicquid Thracius Hebrus aquis.
 Quid tū? nūquid opes abeūt fragilesq; recedunt
 Diuitia? Cræsi diruta regna probant.
 Diuitis inspicias vbi nunc opulentia Cræsi,
 Aut vbi thesaurus diu Cleopatra tuus?
 Pygmalioneis vbi sunt turgentia nummis
 Scrinia. vbi gazæ rex Lodoice tuæ?
 Dic elate puer tumida quid fronte superbis?
 Quid rigido caperas ora supercilio?*

Iuuenis.

*Quod mihi diuinum terra impartitur honorem
 Et populus curuo poplite dicat aue.*

Sapiens.

*Si tibi perpetuos populus decernat honores
 Et te, Semidem vanula turba vocet.
 An tamen erecta debes procedere crista?
 Et turgere tuis pauo superbe oculis?
 Augustum innumeri saluum fecere triumphis?
 An tibi profuerit gloria magne Cato?
 Tēne redemit honos elatis Scipio pennis?
 Vos gemini eripuit gloria Scipiadae?
 Dic elate puer tumida quid fronte superbis?
 Quid rigido caperas ora supercilio?*

Iuuenis.

*Quod mihi lucentis fuerit præstantia formæ,
 Multus & in croceo fulgeat ore lepos.*

Sapiens.

Nōne velut lapsa moribunda papauera collo

TEXTORIS

Intereunt, hominis forma caduca perit?
 Quid niueam inuit species formosa lachenam,
 Profuit aut nymphis gloria sydereis.
 Et quid cesaries te, pendula inuit Adonis
 Mansisti croceis flava locasta comis?
 Corporis an splendor Ganymedē à morte redemit?
 Thyodamanteum forma redemit hylam?
 Quum subitis igitur flaccescant membra diebus
 Et subito fragilis tempore forma cadit.
 Dic elate puer tumida quid fronte superbis
 Quid rigido caperas ora supercilio?
 Iuuenis.

Quod mihi sit clare resonans argutia vocis
 Argutōque canat lingua diserta sono,
 Sapiens.

Seruari arguto syrenas carmine censes?
 Quod suis nautas cantibus alliciant,
 Falleris: ergo puer tumida quid fronte superbis
 Quid rigido caperas ora supercilio?
 Iuuenis.

Quod sum fatidico clarissimus ore poëta
 Orāque Pyerio mersa liquore geram.
 Sapiens.

Capti oculis præstans an musa redemit Homerū
 Quid Danaa celebrat Pergama rupta manu?
 Num cithara resonās Eagrius occidit Orpheus?
 Num docto vidua est Mantua Virgilio?
 Corduba Lucanum, nunquid Verona Catullum
 Perdidit? implicitum Gallus & Ausonium?
 Nūquid ad infernas descēdit Horatius umbras,

N. 121

W. 170. N.

Peligni vatis gloria nonne iacet?

Si vates igitur nequeat seruare poësis,

Ergo quid elata fronte superbe tumes?

Iuuenis.

Sum bonus orator.

Sapiens.

Fueris licet, inspicere Crispum

Romane princeps qui fuit hystoria,

Dic ubi sit Latij sermonis buccina Marcus

Tullius: inclusum per breuis vna tegit.

Iuuenis.

Praualidae mihi sunt neruoso in corpore vires,

Sapiens.

Viribus Herculeis saluus abire putas?

Bellica robustum virtus non tuuit Achillem,

Armiferoque nihil profuit Aeonide.

Iuuenis.

Num clavis prognatus auis?

Sapiens.

Virtutis auita

Conspicui nullos eripiunt tituli

Iuuenis.

Aurea candidulum velant redimicula corpus,

Sapiens.

Non redimit sommos purpura tincta duces.

Dic igitur tumida quid adhuc nunc fronte superbis,

Quid rigido caperas ora supercilio?

Iuuenis.

Vis mihi surgentis fastum contundere vultus

Elatumque animum vincere? dic quid agam,

TEXTORIS

Sapiens.

Virtutum perquire vias,

Iuuenis.

Metiris harenam

Virtutis herebo dum capularis ero

Senex.

Nescio si canos sis peruenturus ad annos

Ne referas igitur dum capularis ero

Iustitia incumbas.

Iuuenis.

Dum venerit vltima vite

Linea.

Sapiens.

Sis iustus

Iuuenis.

Dum capularis ero.

Sapiens.

Aetatem renuent tibi numina forte senilem.

Ne dicas igitur dum capularis ero.

Tu nudos operi.

Iuuenis.

Faciam dum venerit atas

Vltima,

Sapiens.

Pasce inopes:

Iuuenis.

Dum capularis ero.

Sapiens.

Porrige mendicis pastum,

Iuuenis.

Dum venerit ætas

Ultima.

Sapiens.

Sis humilis.

Iuuenis.

Dum capularis ero.

Sapiens.

Longa viris plerumque nocet dilatio pigris

Ne referas igitur dum capularis ero,

Virtutes imitare.

Iuuenis.

Sequar dum grandior ætas

Venerit, at pueros alea sola decet.

Sapiens.

In superos supplex summo famulare conatu,

Diuinæq; colas religionis opus.

Quando senex fuero ducar virtutis amore,

Sed ludos ætas iam puerilis amat.

Sapiens.

Sic iuuenum præceps semperque volubilis ætas

Virtutum studius est inimica bonis.

Nil nisi lata refert iuuenili congrua barba.

Cuncta sed incuruum mæsta decere senem.

Sic fore perpetua sese virtutis amicum

Promittit iuuenis dum capularis erit.

Sed perit ignotis occulta volatibus ætas,

Sic cito decrepitus qui puer ante fuit.

Et quum decrepitis anni venere seniles

Nil agit imbelli curua senecta manu,

Experiar si decrepitum virtutis amantem

Reddidero. Pueris sit ne senex melior.
Salve annosa pater
 Senex.

Salve charissime fili
Quis tu? iam miserum lumina deficiunt,
Noscere te nequeo, referas quod sit tibi nomen.
Iam sensus omnes curua senecta hebetat.
 Sapiens.

Sum sapiens.
 Senex.

Quid ais fili? non audio. Clama
 Sapiens.

Sum sapiens
 Senex.

Sapiens? sit tibi fausta salus
O fili fili puerilis decidit atas
Et subito primi deperiere dies.
Nunc careo nervus? nullasq; in corpore vires
Sentio: sicca suo robore membra carent.
 Quid queris fili?

Sapiens.
Tibi sanum ferre iuuamen
Consilij, & modicas tradere suppetias,
Vt quum fatalem tibi finiet Atropos annum,
In cælum faciles dent tibi fata vias.

Senex.
Porrige consilium fili.
 Sapiens.

Pater optime nutri
Mendicos: Pauperum porrige pauperibus

Et nudos operi, sitienti vina propines.

Senex.

*Ah quid ais, nullæ sunt mihi diuitiæ.
Vix habeo quo decrepitum nutriuero corpus
Quid dabo mendicis? desine. litus aras,*

Sapiens.

*Auditor videas, semper crescentibus an-
Insane stimulus crescit auaritiæ.
Multa iuuentutis sepelit peccata senectus.*

*Inuisam pueris auget auaritiâ
Ergo pater veterate deo famulare*

Senex.

Nequirem:

*Flacida prostratis viribus ossa cadunt.
Vix possum geminas orans coniungere palmas,
Vix possum verbū fundere, sed quid agam?*

Sapiens.

Templa subi.

Senex.

*Subeam? pedibus subsistere firmis
Non possum. Quid agam decrepitus morior*

Sapiens.

Aegrotis fer suppetias.

Senex.

*Quid ferre valebo
Externū egeam quum miser obsequiū*

Sapiens.

Tu viduis igitur præstes solatia,

Senex.

Præstem?

TEXTORIS

*Membra gero assiduū saucia vulneribus
Præstabōne aliis quod nō mihi præsto iuamen?*

*Ah quantis plena est tarda senectū malis,
Ah quantos generat morbos miserāda senectus,
Quanta decrepitos anxietate grauat.*

*Caligant oculi, cernix adiuncta cerebro
Palpitāt, & tremulus lingua cadit labiis,
Curuāturq; humeri: vēter labat: intima læguent
Viscera: & exhaustis viribus ossa cadunt:
Deficiūt sensus: & languida crura putrescunt,
Sic humana caro vertitur in cineres.*

*Sic morimur: sic vita hominis peritura recedit,
Sic viles vmbri soluinus inferias.*

*Filioli dum primi novæ lanuginis ætas
Regnat: & in croceo plurimus ore decor
Virtutis captare vias, virtutibus vti
Viribus exhaustis mæsta senectū nequit.
Sapiens.*

*Ne ledat patulas versus prolixior aures
Iam clausus modico carmine finis erit,
Virtutem renuunt iuuenes: virtutibus vti
Viribus exhaustis mæsta senectū nequit.*

*Æpta igitur nulla est sacris virtutibus ætas
Carminis hæc summa est linea: finis adest.*

FINIS.

*IN HOC DIALOGO INTER-
loquuntur pleraq; personæ quarum numerus
coligi poterit quàm facillime.*

*Mundus incipit.
Sicut in Enboica puppis vaga fluctuat unda.*

Quam variis circum verberat aura nothis
Ut tremulis nutat foliis agitabilis arbos
Quam premis oppositis Æole spiritibus.
Sic animus semper dubio mihi pendulus hæret,
Qua viuens possim tutius ire via.
Quum deus ex nihilo diuersa elementa creauit
Atque damasceno corpora prima luto.
Contulit & refugis habitandas piscibus undas,
Aerâque exiguis præbuit alitibus,
Libera tunc homini infusa est & prona voluntas
Ut proprio liber viueret arbitrio.
Utq; vel hoc sequeretur iter vel caperet illud,
Aut hac aut illa posset ut ire via.
Eligeretq; sacris malet virtutibus uti.
An scelerum turpi se maculare luto,
Sic vtriûsque via quoniam datur optio nobis.
Alterutrum liceat carpere, sum dubius,
Si virtutis ero vestigia forte secutus.
Visceribus nostris inferet arma caro.
Me titillabit porrecto melle voluptas
Cor mihi Cecropiis tinget & ora fauis.
Hinc venus aligeri pruritum inducet amoris
Me premet Aethneo non minor igne calor.
Hinc mihi fulgētē ostēdet meretricula vultum,
Et me prominulis attrahet vberibus.
Verbaque compositis finget peramœna labellis,
Irato fulmen depositura Ioui.
Diriget arte pedes & vinciet arte capillos,
Proferet arte manus, diriget arte oculos.
Siq; propinatum mens suxerit agra venenum

Obiectâsque calens ebibat illecebras.

Nullius virtutis amor reuocare furentem

Tunc poterit sensum, quin ruat in furias

Si contra illecebris animam commiserô, virtus.

Tartareæ obüciat verbera Persephones.

Offeret armatam colubris flammisq; Megeram

Anguigeras oculis præferet Eumenides.

Armatum horrissonis finget Plutona flagellis,

Qui velit incautas illaqueare animas.

Et mihi perplexo quid agendum nescio, pectus

Fluctuat: & dubiis vota ruunt Zephiris

Te deus humanis socium coniunxit, vt illuc

Aut huc ancipitem dirigeres animum.

Dic igitur quas ire vias quas ire per vndas

Quaque licet vitæ conditione fini.

Liberum arbitrium.

Quis tu cui tantæ versant præcordia cura

Cui mens Aeolis est leuior Zephirus.

Mundus.

Mundus ad illecebras, Et ad ocia pronus, Et omnes

Delicias scelerum defluus in maculas.

Liberum arbitrium.

Quid petis?

Mundus.

Irritat stomachum mellita voluptas,

Subdola visceribus præparat arma caro.

Hinc mihi molliculum præteitant ocia somnum

Assidua stimulis pronocat ossa quies.

Hinc mihi provenere amplex⁹ tactûsque iocôsque

Basiâque ostendit luxuriosus amor.

*Hinc atram iecori parat indignatio bilem
 Intimâque obscæno viscera felle tument.
 Emulus hinc tenebrata grauat præcordia liuor,
 Lumine & obliquo nascitur inuidia.
 Suscitât hinc tetricos animosa superbia fastus,
 Despiciens toruo quenque supercilio
 Dic igitur quid agam?*

Liberum arbitrium.

*Laxum tibi præbeo frenum
 Et quacûmq; uoles tu potes ire via.*

Mundus.

*Sed quas ire uias deceat, mihi consule,
 Liberum arbitrium.*

Nauium

*Dirige, quâ uentus traxerit Acoliis.
 Quicquid amas facito, laxas præbeamus habenas
 Et quocunq; uoles dirige remigium.*

Mundus.

*Si mihi turgentem fortasse superbia fastum
 Suppeditet, stimulis obsequar illicitis.*

Si rugas fronti caperat a forte seueras

*Afferat & tetrici signa supercilij.
 Utque superbificiis aspernen quenque loquelis*

*Et tumeam cauda pako superbe tua,
 Parebo? ancepiti mihi consule. Præna uoluntas*

*Obscænum ne mens corruat in uicium
 Consule quid faciam.*

Liberum arbitrium.

*Quid ages? potes esse superbus
 Et non elati tu potes esse animi*

Alterutrum fecisse potes.

Mundus.

Si pectora forsan

Insana stimulus pungat avaritia

Vrgenti si sacra fames ac dira libido

Compungat stimulo. Cōsule tunc quid agam?

Liberum arbitrium.

Aut nummis inhiare potes vel spernere nūmos

Alterutrum facias, elige, nanque potes.

Nec tibi præsigno metas votisque resisto.

Secura tamen est tutius ire via.

Mundus.

Si mihi pruritum attulerit mellita voluptas,

Suadeat aut teneris incubuisse iocis,

Obsequar?

Liberum arbitrium.

Alterutrum perfeceris, elige: metas

Non statuo: duplici tu potes ire via.

Monstrat iter geminum tibi litera lata vetusti

Pythagoræ, est votis optio certa tuis.

Aut servire potes veneri, aut præcingere lūbos,

Elige: virginitas & venus ante oculos,

Mundus.

Nil aliud suades

Liberum arbitrium.

Animis est nata voluptas

Libera. stat votis optio certa tuis.

Elige nam scelerum patefacta est semita cunctis.

Virtutisque iidem semper aperta via est.

Mundus.

*Quum mihi nil aliud referas, virtute relicta
Harebo vicis.*

Liberum arbitrium.

Elige quid agas

Mundus.

*Estē procul lachrymæ. procul hinc procul ite
dolores*

Sit procul & tetrici ruga sempercilij.

Latæque pullatas deponant corpora vestes,

Exornet bene olens atria lata crocus.

Splēdida nunc Paphia decorēt mea limina myrto

Pestanis halent tecta superba rosis.

Hortulus huc virides mittat pheacius herbas

Melliferos mittat fertilis hybla fauos.

Indulgete animis Pueri, concessa voluntas

Libera, Pythagora litera lata docet.

Mors.

Surgite fatales parca

Clotho.

Paremus

Mors.

Adeste.

Lachesis.

Adsumus,

Mors.

Arrectis auribus estē:

Atropos.

Sumus,

Mors.

Sensibus humanis quoniam est infusa voluntas

*Libera: quod primum mentibus arbitrium,
In scelerum maculas nullis detentus habenis
Mundus, & innumeras fluxit in illecebras
Nec videt incerta pereuntia tempora vita.*

*Nec quæ sit miseris pœna futura videt,
Nec furvas metuit tenebrofi carceris umbras,
Nec paradisiacas querit anhelus opes.*

*Ite igitur famula volucresque reuoluite fusos,
Ducatîsque agili tradita pensa manu.*

*Vt perfecta colos vacuas cum stamina linquent
Et fragilis vita lubrica finis erit.*

*Quenque hominum cunctisq; venena propinem,
Clotho.*

*Paremus votis,
Lachesis.*

*Vadimus,
Atropos.*

*Obsequimur,
Clotho.*

*Si mundus saperet pereuntes cerneret annos,
Quàmque ruat leuibus lubrica vita rotis.
Lachesis.*

*Si mundus saperet periturum cerneret auum,
Prospiceretque lenes ocyus ire dies.
Atropos.*

*Si mundus saperet vita fortasse futura
Consuleret: tacitis tutus in excubiis.
Clotho.*

*Si mundus saperet non venaretur honores,
Denia nec quicquid suggerit ambitio.*

Lachesis.

*Si mundus saperet nunquam virtute relicta,
Pollueret spurcis corpora flagitiis.*

Atropos.

*Si mundus saperet non exarderet in iras
Nec faceret siccum bile tumere iecur,*

Clotho.

*Si mundus saperet veneris fomenta malignæ
Sperneret: & vanas corporis illecebras*

Lachesis.

*Si mundus saperet rebus fortasse futuris
Consuleret misera prospiciens animæ.*

Atropos.

*Si mundus saperet lusus rixasque iocósque
Basia & amplexus sperneret & choreas.*

Clotho.

*Si mundus saperet rabidum Plutona timeret,
Et serpentigeræ verbera Persephones.*

Lachesis.

*Si mundus saperet stellati gaudia cæli
Prospiceret: lati nunc memor Elysi.*

Atropos.

*Si mundus saperet raptus virtutis amore
Pelleret obscenum corpore flagitium.*

Clotho.

Munde fugax quid agis?

Mundus.

Letis indulgeo ludis.

Lachesis.

Munde fugax quid agis?

TEXTORIS

Mundus.

Respuo tristitiam.

Atropos.

Munde fugax quid agis?

Mundus.

Quicquid caro blandula suadet.

Clotho.

Munde fugax quid agis?

Mundus.

Ocia lenta sequor,

Lachesis.

Stulte quid insequeris?

Mundus.

Quicquid Venus alma ministrat.

Atropos.

Stulte quid insequeris?

Mundus.

Quod dat amena caro,

Clotho.

Perdite quo tendis?

Mundus.

Quo me via ducit euntem,

Lachesis.

Perdite quò tendis?

Mundus.

Quò meus error agit

Atropos.

Perdite quò tendis?

Mundus.

Quo ducit amica voluptas

Quoque vocat mentem deliciosus amor.

Clotho.

An nos non nosti?

Mundus.

Quid cognouisse iuuares.

Lachesis.

Prodesset misera proxima mors anime.

Atropos.

Fatales mortis nos noueris esse ministras

Mundus.

Esto, fera mortis spicula non timeo.

Clotho.

Humanam subito metimur stamine vitam,

Mundus.

Non curo tereti stamina tracta manu.

Lachesis.

Nos facimus miseris inopinum accedere fatum.

Mundus.

Aspernor dubij funeris exequias,

Atropos.

Nos facimus dubiis hominem discedere morbis,

Qui nunc incolumi corpore sanus erat.

Mundus.

Tanta nec incutiunt modicum mihi verba timore,

Et morbi & mortis dememinisse velim.

Clotho.

Viuerе perpetuis nullum permittimus annis.

Mundus.

Cognosco vita tempus abire mea.

Lachesis.

TEXTORIS

Pauci adeunt cœlos.

Mundus.

Cœlorum gaudia sperno.

Atropos.

In tenebris abeunt maxima pars hominum.

Mundus.

*Pars hominum in tenebras descendit maxima
quid tum?*

Nec mihi de cœlo cura nec atro herebo,

Clotho.

Quid factu comites nunc creditis utile.

Lachesis.

Eamus,

Nos surdo canimus.

Atropos.

Nos numeramus aquas.

Clotho.

Festivo teretes & dulci pollice fusos,

Traximus: atque alacri tradita pensa manu,

Nunc dominae morti responsa referre necesse est,

Quo maculet mundus corpora flagitio.

Lachesis.

Vadamus, siquidem refluxum nunc littus aramus?

Atropos.

Mittimus Æoliis irrita verba Nothi,

Clotho.

Mors, tua contemnit fugitivus vulnera mundus,

Hunc nihil anguiferi territat ira canis.

Mors.

Ostendam quantas habeat mea dextera vires,

Et quo percussos vulnere damnificet.
 Nunc eo tortilibus iactura hastilia nervis
 Vibratura arcu spicula sarmatico.
 Munde tuæ vecors renuis meminisse salutis,
 Nec gelida mortis vulnera dira times.
 Contemnas utcunque voles, tamen esse timendum
 Ostendam, & stigij carceris omne chaos,
 Nunc virosa tuis immittam spicula natis;
 Ut discant misera flebile mortis onus.
 Tu qui natura natos excellis in orbe
 Papa veni,

Papa.

Quo mors me vocat?

Mors.

Ad choreas,

Papa.

Ad choreas! quales choreæ, mihi trina corona

Nunnam profuerit?

Mors.

Nil tibi profuerit

Expedi hac omneis homines decedere vita,

Da cultris iugulum papa scvere meis.

Induperator ades.

Imperator.

Quis me vocat?

Mors.

Ultima rerum

Linea, mors,

Imperator.

Quò mors me vocat?

TEXTORIS

Mors.

Ad choreas!

Imperator.

Ad choreas! quales choreas.

Mors.

Accedere fas est,

Imperator.

Nil mihi subsidio lucidus ensis erit?

Mors.

Nil tibi profuerit.

Imperator.

Mundi ne fuisse Monarcham,

Mors.

Nil dyadema tui proderit imperij.

Expedi hac omneis homines decedere vita

Da cultris iugulum fumida bula meis

Rex propera.

Rex.

Quis tu.

Mors.

Mors ultima linea rerum.

Rex.

Quo mors me ducit.

Mors.

Te vocat ad choreas.

Rex.

Ad choreas! quales choreas

Mors.

Decedere fas est.

Rex.

*Nihil mihi profuerint lilia, nil aquila,
Nil crux alba, nihil pariter me rubra iuuabit,
Nil terra domini ruga supercilij.*

Mors.

*Nil tibi profuerit moriendum est, accipe vulnus
Da cultro iugulum fumida bula meo.*

Miles ades.

Miles.

Venio quid vis?

Mors.

*Nunc arma relinquo
Exue lorica, reicias clypeum.*

Miles.

*Cur me ferratis tandem exarmabo sagittis,
Cur arma abiiciam?*

Mors.

Mors furiosa iubet.

Miles.

*Mors furiosa iubet, quid me sudasse iuuabit
Quid rabidam toties sustinuisse famem.*

Mors.

*Nil tibi profuerit moriendum est, accipe vulnus,
Da gladio fauces umbra caduca meo.*

*Surge potens iudex vilem nunc indue pannum,
Tollaturque humeris purpura rubra tuis.*

Iudex.

*Quis tu qui lacero vis cingere corpus amictu,
Vestimentum humeris tollere purpureum.*

Mors.

Mors:

TEXTORIS

Iudex.

Quid ais, quid vis?

Mors.

Fragilem tibi claudere vitam.

Iudex.

Nil ne mihi grauitas tetrica profuerit?

Mors.

Nil tibi profuerit grauitas, occumbere fas est:

Da gladio fauces umbra caduca meo

Causidice exurgas.

Causidicus.

Quis me vocat?

Mors.

Vltima rerum

Linea mors.

Causidicus.

Quid vult?

Mors.

Te vocat ad choreas,

Causidicus.

Ad choreas, quales choreæ:

Mors.

Decedere fas est,

Causidicus.

Auxilij ne aliquid lingua diserta fere?

Mors.

Nil tibi raucifonæ clamosa tonitrua vocis

Profuerint: nostro da iugulum gladio.

Doctor ades.

Doctor.

Quid vis?

Mors.

Agilem tibi claudere vitam

Doctor.

Nil doctrina iuuat?

Mors.

Nil iuuat, intereas

Vos praeceptores duo surgite

Primus praeceptor.

Quis mihi somnum

Rumpit?

Secundus praeceptor.

Quis tacito me vocat è thalamo?

Mors.

Mors: quae cuncta rapit quae nulli parcere nouit,

Primus praeceptor.

Sudaui in studiis.

Secundus praeceptor.

Discipulos docui.

Mors.

In studiis sudasse bonum, sed abire necesse est

Nunc cultro iugulum detis vterque meo.

Dispensator ades.

Dispensator.

Quis tu?

Mors.

Mors vltima rerum

Linea.

Dispensator.

Mors quid vis.

TEXTORIS

Mors.

Te trahere ad choreas,

Dispensator.

Ad choreas, quales chorea.

Mors.

Decedere fas est.

Da cultro iugulum bulla caduca meo.

Surge coce & pingui cesses servire culina.

Mors inopina vocat.

Coquus.

Quo vocat?

Mors.

Ad choreas.

Coquus.

Me ne mori fas est?

Mors.

Moriendum est, accipe vulnus

Hoc tibi traiciam saucia membra veru.

Ambitiose veni, laudis sitibunde poeta.

Poëta.

Quid vis?

Mors.

Te cultro nunc iugulare meo

Poëta.

Me.

Mors.

Te.

Poëta.

Me aeternum peperit cui nomen Apollo,

Quem molli gremio calliopea fouet.

Mors.

Nil tibi profuerint musæ nil augur Apollo,

Nil docti princeps calliopea chori.

Da iugulum cultris, moriendū est, accipe vulnus

Intereas iaculis vmbra caduca mei.

Ebrie consurgas.

Ebrius.

Quid vis?

Mors.

Te tradere morti.

Ebrius.

Tradere me morti!

Mors.

Tradere, surge iterum,

Ebrius.

Vos ne ergo vites dilectæ & pocula bacchi

Destituam: Et nunquam vina Falerna bibam?

Mors.

Da iugulum.

Ebrius.

Tradam, tamen ante breuissimus haustus

Sit mihi concessus.

Mors.

Iam bibe,

Ebrius.

Bacche vale.

Mors: quid me subita liceat decedere vitæ

Atque alio dubiam protinus ire animam?

Hic saltem requiem præstes vbi dulcibus vuis

Et dulci vino floreat almus ager.

TEXTORIS

Mors.

Nunc morere,

Ebrius.

Hunc haustum saltem concede secundum,

Bacche vale, valeas, optime bacche vale

Mors.

Surge puella virens & plenis nubilis annis.

Puella.

Quis?

Mors.

Mors.

Puella.

Quid quaris?

Mors.

Te trahere ad choreas.

Puella.

Nil mihi profuerit nitida praestantia forma?

Mors.

Inspice Tyndaridi profuerit ne Helena.

Puella.

Nil tumida mamma?

Mors.

Nihil.

Puella.

Et nihil amula gemmis

Lumina.

Mors.

Nec gemmis amula profuerit

Puella.

Amplexus ne aliquid

Mors.

Nihil.

Puella.

*Et nihil oscula vernis
Vel mage amœna rosis?*

Mors.

Oscula nulla inuant.

Puella.

Fidita nunc formæ iuuenes,

Mors.

Occumbe puella.

*Da gladii fauces pulchra puella meis.
Deserte properes tu sobrie cultor hæremi.*

Hæremita.

Quis?

Mors.

Mors.

Hæremita.

Quid queris?

Mors.

Te trahere ad choreas.

Hæremita.

*Nil mihi sobrietas, ieiunia nil mihi quicquam
Profuerint.*

Mors.

*Prodest sobria vita animæ
Non tamen eripiet corpus, decedere fas est.
Hic igitur mortis vulnere suscipias.*

Lixa veni.

Lixa.

TEXTORIS

Quis tu?

Mors.

Mors rerum linea.

Lixa.

Quid vis?

Mors.

*Dispositas cunctis te trahere ad choreas
Da iugulum cultro, moriendū est, accipe vulnus.*

Te vacuis umbris mittimus inferias.

Nunc quoniā nostris clades patet ampla sagittis

Extremum fas est addere iudicium.

Arbiter incorrupte veni Rhadamante.

Rhadamantus.

Quid optas?

Surgo tuis semper deditus obsequiis.

Mors.

En mundi pueros & caesa cadauera passim,

Ad tetricum fontes nunc trahe iudicium.

Pollutas animas nigris include baratris

Carceribus: sanctas mitte per elysium

Rhadamantus.

Incipiam. Clotho.

Clotho.

Iudex,

Rhadamantus.

Quid Papa patrauit

Clotho.

Venales venias & sacra proposuit.

Rhadamantus.

Ad stygij nigras ducatur carceris undas.

Papa.

Papa.

*Hei Rhadamante inopis nunc miserere mei,
Rhadamantus.*

Hunc rapias Pluto.

Pluto.

Rapiam flammisque peruram

Infigam ridigis vulnera verberibus.

Rhadamantus.

Perge, inquam Clotho, quid miles criminis egie

Dic, tetricum fas est claudere iudicium.

Clotho.

Agrícolas rosit violenti principis instar,

Gallinas rapuit, par feritate lupis,

Rhadamantus.

Rodendus patulo tibi cerbere detur hiatu,

Qui nudum viuens roserit agricolam.

Miles.

Hei iudex.

Rhadamantus.

Stygias inquam tradatur ad umbras.

Hic ubi perpepetuo cuncta dolore gemunt.

Quid fecit iudex Lachesis?

Lachesis.

Cupidissimus auri

Extitit, & fluxas semper amauit opes.

Corruptus nummis flauo corruptus & auro

Non timuit sacram frangere iustitiam,

Donauit cornis veniam: laqueisque columbas

Implicuit.

Rhadamantus.



TEXTORIS

Nigro langueat in baratro.

Iudex.

Hei Rhadamante anima profuga miserere.

Rhadamantus.

Trahatur.

*Quo iubeo nigras languidus in tenebras
Quidnam caufidicus fecit famula Atropos.*

Atropos.

Olim.

*Exitit infana seruus auaritiæ
Quique etiam causas non agnouere forenses
Hos propriis fallax implicuit pedicis.*

Rhadamantus.

Ducatur rapidè in flammæ in tecta chimæra.

Caufidicus.

Hei Rhadamante inopis nunc miserere mei.

Rhadamantus.

Perge, inquæ, Clotho quid doctor criminis egit.

Clotho.

*Fastosi cupidus semper honoris erat.
Primos accubitus petiit, persanctus haberi
Optauit: viuens ambitiosus erat.*

Rhadamantus.

*Anguifera præceps rapiatur in Antra Megeræ
Hic ubi stat Siculo non minor igne calor.*

Doctor.

Hic Rhadamante anima profuga miserere.

Rhadamantus.

Trahatur,

Hei ubi perpetuus stat sine fine calor.

En adsunt Lachesis præceptores duo.
Lachesis.

Verum est

Sed tamen haud similis vita utriusque fuit.

Rhadamantus.

Quid prior hic sceleris fecit?

Lachesis.

Deforme relatu.

Afflixit rigidis corpora verberibus.

Hic iuuenū scapulas mutialuit Et ossa flagellis.

Elicuit riuos sanguinis ex humeris.

Nec timuit pedibus pueros calcare tenellos.

Nec croceam manibus vellere casariem.

Rhadamantus.

Vera refers?

Lachesis.

Ego vera cano.

Rhadamantus.

Præbete cathenas.

Ferrea tradantur vincula licetor ero.

Primus præceptor.

Hei Rhadamante anima profuga miserere,

Rhadamantus.

Sceleste.

Audebis veniam querere, perge miser.

Clausus in obscura baratri fornace latebis,

Fœda veneniferi membra trahent colubri.

Persephone hunc rapias tortorem, ac igne peruras

Verbera quæ pueris intulit, ipse ferat.

Quidnam posterior præceptor criminis egit

Atropos.

Atropos.

Est fœdis criminibus vacuus.

Hic nunquam pueris inflixit verbera: nunquam

Calcauit pedibus, percussit aut manibus,

Horruit vnguiculis pexos dinellere crines,

Quin nunquam rigidas hic tetigit ferulas,

Discipulos placido clemens incumbere ludo

Sustulit: & lautis viuere deliciis

Rhadamantus.

Ironia.

Inter semideos igitur requiescet & altor

Heros viridi latus in Elyfio.

Perge igitur: Tua te in pueros clementia saluum

Reddit, & aternis persimilem superis.

Ambrosia viues & amicum nectar habebis,

Et ganymedea vina parata manu.

Hic tu tantisper nitido requiesce sedili,

Dum rectum & tetricum clausero iudicium.

Dic Clotho, quodnam dispensator scelus egil?

Clotho.

O fera tartareum pascere digna canem!

Quid sceleris fecit? non totum tolleret aquor

Non totus maculas tergeret Oceanus.

Vina propinauit pueris, sed aquatiqua: vel qua

Nec sitiens vnquam Tantalus ebibere.

Rhadamantus.

Ergo sit inclusus cum præceptore maligno,

Et lateat stygiis obrutus in colubris

Dispensator.

Hei Rhadamante anima profuga miserere.

Rhadamantus.

Trahatur

*Ad metuenda nigra verbera Persephones,
Quid fecit coquus hic Lachesis.*

Lachesis.

Macram dedit offam

*Cui nec erat sapidi paruula mica salis.
Et nummis parcens nullas immiscuit herbas,
Sape etiam tetigit fumida flamma cibum
Prebuit & carnes crudas & sanguine plenas
Pisa dedit spurca non tribuenda sui.*

Rhadamantus.

*Dispensatorem stygio comitentur in antro
Et medios inter langueat hic colubros.*

Coquus.

Hei Rhadamante anima profuga miserere

Rhadamantus.

Trahatur.

*Quo nulla est miseris gloria: nulla quies.
Atropos & quodnam fecit scelus iste poeta?*

Atropos.

*Hic laudis cupiens ambitiosus erat:
Séque superbifica iactabat voce disertum.
Qui resonum posset vincere Virgilium.*

Rhadamantus.

*Cum reliquis igitur furuas mittatur ad umbras
Ad Proserpine regna cruenta domus.*

Poëta.

Grandiloqui Rhadamante pater miserere poeta

Rhadamantus.

*Nec Stygios flectunt carmina docta deos.
Ebrius hic etiam reliquos comitetur euntes,
Multi hunc esse liquet participem sceleris.
Ebrius.*

*Hei Rhadamante animæ profuga miserere
Rhadamantus.*

Trahatur.

*Ad serpentigeræ verbera Persephones.
Quid sceleris fecit Clotho speciosa puella.
Clotho.*

*Distinxit croceam pectine casariem,
Turgida pertenui velauit & vbera lino,
Fucavit faciem, lauit & arte genas.
Vreret ut tali puerorum corda veneno.
Rhadamantus.*

*Tartareas igitur rapta sit in tenebras.
Quid fecit vaste patiens habitator harem
Lachesis.*

Nil sceleris

Rhadamantus.

*Salvus pergat in elysium
Atropos haustor aqua quid fecit lixa?
Atropos.*

Parauit

*Qua dispensator vina perfudit aquam.
Rhadamantus.*

*Dispensatoris Stygias comes esto per umbras
Ut videat quid sit tingere nectar aquis.*

Fatales parca iam pars abit vna laborum.

*Perfecta est nostri linea iudicij.
Vado igitur domina dicturus singula morti
Mors nostrum propera clausimus arbitrium.*

Mors.

*Quot sunt quos erebus rapuit?
Rhadamantus.*

Tot milia

Mors.

*Quot sunt.
Qui campis gaudent suauiter Elisiis
Rhadamantus.*

*Inter tot populos, tot milia, vix duo salui
Milibus è tantis vix duo ad astra volant.*

Mors.

*Qui sapit ergo suæ studeat memor esse salutis.
Rhadamantus.*

Qui sapit incerta consulat ergo anima.

FINIS.

EPITAPHIUM PHILIPPI

HALENINI EQVITIS AVRATI

*primo die nuptiarum ab equo sternace inter-
fecti. Interlocutores Viator & Mors.*

Viator.

Q *Uæ lapidum moles hic surgit in aëra?
Mors.*

Scito

Extremam humani corporis esse domum.

Viator.

*Et quæ pestiferis armata virago sagittis,
Contracto caperans ora supercilio?*

I iij

T E X T O R I S

Mors.

*Mors inſperatus fugitiui terminus aui,
Cuncta venenata corpora falce metens,*

Viator.

*Quid quaſo tetrica notat inclementia frontis,
Aut quid depreſſi ruga ſupercilij?*

Mors.

Quod nullis moueat precibus.

Viator.

Quid flexilis arcus?

Mors.

Me iaculatrici mittere tela manu,

Viator.

Quid terra cumulus tibi proximus?

Mors.

Hanc ego Cryptam,

Hanc foueam cunctis preparo corporibus.

Viator.

Et ſi quis turres habitarit, & aurea caſtra,

Huncne teget modico tam breuis urna loco?

Mors.

Conteget.

Viator.

Et quid agent famuli dominone cadenti

Suppetias potuerunt tradere?

Mors.

Non potuerunt.

Viator.

Quem tegis hic aſtans?

Mors?

Haleninus rupe philipus

Clauditur, & vermi nunc datur esca suo

Viator.

Quisnam haleninus?

Mors.

Eques, pugna præclarus, & armis:

Insignis, modicos vertitur in cineres.

Ornatus magnis opibus titulisque parentum,

Privatus titulis, clauditur hoc scopulo.

Viator.

Magnus erat bello, nunquid?

Mors.

Fuit optimus armis,

Promptus ad armiferi bella cruenta dei,

Quingētos habuit pedites, quos præfuit, & quos

Audita primus traxit in arma tuba.

Sub patris insigni venetum certavit in hostem,

In campis pariter brixia capta tuis.

Certantem oppressæ viderunt castra Rauanna,

Certantem Brigide vidit acerba dies.

Viator.

Cur tua tela igitur non flexit bellica virtus

Armæque Cecropia sanguinolenta deæ?

Mors.

Cur mea tela igitur non flexit bellica virtus?

Quem saluum Herculeo prospicis esse animo?

Huic potero aterna tempus concedere vita

Parcere quæ Phrygio non volui Priamo?

Huic ego vulnificas timeam vibrare sagittas,

Quæ nequeo magnis parcere Caesaribus?

TEXTORIS

*Hector ubi est, ubi nunc Troia populator Achilles.
Spartane petulans nunc ubi prado Helena?
Aut ubi lerneæ truncator clauiger Hydra
Et duo beilorum fulmina Scipiada?*

Viator.

*Num claros habuit proavos clarosque parentes?
Mors.*

*Ægregia generis nobilitate fuit.
Nāq; Halenins erat pater huic Lodoic⁹, & armis
Clarus, & immensis diuitiis opulens.
Cui modo rectori spaciosa Picardia servit,
Quique etiam aurati gaudet honore equitis.
Ghystella de progenie fuit inclita mater,
Conspicui fratres vita & honore duo.
Quorū alter proprio Franciscus nomine præsul.
Moribus excelens Ambianensis erat,
Alter Ioannes.*

Viator.

*Generis cur ergo superba
Nobilitas nequit eripuisse virum?
Mors.*

*Lanificas nihil est quod possit flectere parcas
Quod mortis valeat flectere tela, nihil,
Viator.*

*Quod fati genus incurrit?
Mors.*

*Mirabile dictu.
Hoc lybicus lachrymas tygribus excutiat,
Hoc immanis rabiem deponeret vrsis,
Mansuetos etiam redderet istud apros.*

Viator.

*Dic igitur, nec me diuturna ambage moreris,
Nosse lubet tanti fata sinistra viri.*

Mors.

*Dum Choreas alacres celebraret ludicer Hymen,
Contraherétque noui fœdera coniugij.*

*Dum teneræ canerent sponsa ridente puella,
Plauderet & letis tota caterua iocis.*

*Regia & auratas onerarent fercula mensas,
Et Ganymedea vina parata manu,*

*Dum canerét cithara, dū stridula plēctra sonarēt
Et gratum efferrent organa tacta melos.*

*Ecce inter choreas clarorum turba virorum,
Latitiam miris accumulabat equis.*

*Inter quos toto super astans vertice, sponsam
Oblectant, nitida veste Philippus erat.*

*Qui quum cornipedem resilire per aëra saltu
Cogeret: & plantis surgere fulmineis.*

*Erectum fortassis equum stimulauit: at ille
Supposito in tergum mox cecidit domino.*

*Sic sternacis equi sella confossus, & amplo
Corpore, & auratis implicitus phaleris.*

*In lachrymas vertit choreas, sponsaq; iocanti
Pro thalami ludis attulit exequias.*

*Vidisses teneras fletu miaduisse puellas,
Et laxam manibus vellere casariem.*

*Vidisses lautis auferri fercula mensis,
Quémque serenatas dilaniare genas,
Quæq; prius pictis radiauerat aula tapetis,
Fulserat & lectis vndique lampadibus.*

TEXTORIS

*Attritis pannis momento nigrui vno,
Totâque diffusis emaduit lachrymis.
Fleuit hymen, sparsos charites traxere capillos.
Mœstarum gemuit cetus amadriadum.
Quinetiam tacuere tubæ. Clypeoque relecto,
Mars insperatis præfuit exequiis.*

Viator.

*Cur igitur lachrymis te non mouere puella,
Aut lachrymosarum fletus hamadriadum!*

Mors.

*Nec lachrymis nec blâdiis mors dura mouetur.
Exuat vt rigidam pectore duritiem.*

Viator.

*O mors corporibus quàm dira venena propinas,
O quantum insana tu feritatis habes
Non te forma mouet, nec virtus bellica flectit
Innumere nequeunt flectere diuitia
Nec te virtutum dotes, generisque superba
Nobilitas, nec vis corporis vlla mouet.
Quo minus occultis absumas quémque sagittis
Æqualem aut factas regibus agricolam.
Fœlicem hunc igitur, fœlicem dixero. Quisquis
In mortem vigilēs protrahit excubias.
Qui transis igitur fati memor es to supremi,
Certa est mors, mortis te tamen hora latet.
Hoc satis hic stanti præcibus succurre Philippo,
Oris, vt longa pace quiescat Amen.*

D I N I S.

DIALOGI PERSONAE

SUNT MALVS RV MOR,

Concordia, commune bonum,

Gallia, Hymen,

Anglia,

Prædo.

Prædo.

CUr modo non serpunt veteris contagia belli
 Augusti ne dies redeunt, an prima quieti
 Secula saturni? Quid agunt furor, ira, feróxque
 Impietas, martis comites, vbi tela, sagittæ
 Mucrones. Clypei cur inquam pace quiescunt
 Omnia? & Europa regio sine sanguine dormit.
 Et quod præteriti nutrice incendia belli
 Gallia destiterit, quodq; Anglia morte relicta
 Venerit ad pacem subit admiratio maior.
 Quam si blanda lupo colluderet agna, lepúsque
 Ieiuno sua terga cani committeret, ohe
 Et quid id est? pol quicquid inops plebecula dicat
 Quicquid Et affirmant homines: ego strepi-
 tus omnes

Armorum & belli non credo quiescere motus,
 Quin damnosa aliquas dimiserit ira fauillas.
 Propterea dum restat adhuc scintilla furoris,
 Expedit iratis dare belli cornua Gallis.
 Et stimulos Anglis, ne pacis fœdera iungant.
 Gallia cur dormis? tibi præparat Anglia fraudes,
 Anglia cur dormis? fallax tibi Gallia multas
 Præparat insidias. Quid agis stulta Anglia? Galli

Sceptra tui penitus sat agunt euertere regni:
 Gallia stulta iaces? Angli iam carbasa tendunt
 Vt vicina tuæ populentur mœnia gentis.
 Gallia iūge tibi Heluetios, habet Anglia Mauros,
 Anglia habet Turcas iūxit sibi Gallia Persas
 Gallia centum equitum, sunt Anglis milia, fas est
 Vt quingenta tibi peditum sint milia. Surgas.
 Anglia? nam Galli venient, tua templa do-
 mōsque

Funditus evertent, nulli sua proderit etas.
 Gallia surge, adsunt multis cum milibus Angli,
 Vt populum interimant, rapiant araria, diuum
 Reliquias spolient, sacraria & omnia furto.
 Et furiosorum fraudulentos more leonum,
 His certum est abolere tuæ templa omnia terræ
 Mortem decrepitis intendere stupra puellis
 Omnia vel flammis aut omnia perdere ferro
 Heu nimis imprudens & talpa cœcior omni
 Gallia, quid recubas, Angli tua lilia querunt
 Te probris tacerant genuino vulnere rodunt.
 Esuriuntque tuæ vlciscere demens.

Concordia.

Vade malis auibus fallax & pessime rumor.
 Diique deæq; omnes subito te fulmine perdant.
 Nonne vides commune bonum quæ semina luti
 Quæ commenta malus rumor, quas cogitet artes,
 Dum venit ad Gallos fallacē pradicat Anglum
 Dum comes est Anglus de Gallo turpia cantat.
 Vt vanis populus verbis animatus vterque
 In bellum redeat, nec pacis fœdera curet.

Bonum commune.

*Fælices, & iure, soror concordia reges
Dixero quum vanis populi rumoribus aures
Occludunt.*

Concordia.

Rumor populi malus omnia fingit.

Bonum commune.

Omnia mentitur.

Concordia.

Reges impellit ad iram:

Bonum commune.

Suscitat arma.

Concordia.

Odium conflatur.

Bonum commune.

Belli inuenit artes.

Concordia.

Ingenerat rabiem ducibus,

Bonum commune.

Regna omnia terret.

Concordia.

Non patitur dormire duces

Bonum commune.

Non crescere regum

Diuitias.

Concordia.

Vadit

Bonum commune.

Remeat.

Concordia.

Phantasmata fingit.

Bonum commune.

Nunc dicit.

Concordia.

Modo dicta negat.

Bonum commune.

Nunc verba recantat.

Concordia.

Felices igitur reges quos rumor iniquus

Non mouet & semper clamosi murmura vulgi.

Bonum commune.

Dum reges in pace manent rumor petit arma.

Concordia.

Et dum bella mouent commendat tempora pacis.

Bonum commune.

Dum pax cuncta fouet dicit torpescere reges.

Concordia.

Si gladios arment, ait ambitione moueri.

Bonum commune.

Heu populum incautum.

Concordia.

Populum ratione carentem.

Bonum commune.

Pace quid utilius?

Concordia.

Miseris quid durius armis?

Bonum commune.

Pace vigent vrbes.

Concordia.

Rumpuntur mania bello.

Bonum

Bonum commune.

Pace augentur opes.

Concordia.

Minuuntur tempore belli.

Bonum commune.

Pax homines nutrit.

Concordia.

Quod pax alit, arma trucidant.

Bonum commune.

Pace ferax terra est.

Concordia.

Sterilescit tempore belli.

Bonum commune.

Organa pace sonant.

Concordia.

Et classica tempore belli

Bonum commune.

Pax manet in cantu.

Concordia.

Bellorum tempora planctu

Bonum commune.

Pax alitur risu.

Concordia.

Pascunt suspiria bellum.

Bonum commune.

Gaudia pace sonant, & tristia pace recedunt.

Concordia.

Bella madet lachrymis & bello tristia surgunt.

Bonum commune.

Pax nutrit segetes.

TEXTORIS

Concordia.

Messis non crescit in armis.

Bonum commune.

Pax onerat terram populis.

Concordia.

Et bella sepulchris.

Bonum commune.

Nullus pace timor.

Concordia.

Timor vndique tempore belli.

Bonum commune.

Pax est fraudis inops.

Concordia.

Fraus est comes vnica belli.

Bonum commune.

Dum pax populis tunc crescit copia rerum.

Concordia.

Dum bellum est populis oritur penuria rerum.

Bonum commune.

Pace rigente casae habitat securus arator

Concordia.

Nemo est in castris securus tempore belli.

Bonum commune.

Quid Babylonis opes auxit? Concordia.

Concordia.

Demum

Quid Babylonis opes fregit? discordia.

Bonum commune.

Roma.

Quid tot subiecit populos? Concordia.

Concordia.

*Romanus**Quid tot magnificis potuit spoliare triumphis?*

Bonum commune.

*Factio.**Quid Troiam excoluit? Concordia.*

Concordia.

*Troiam**Quid pariter rupit? violenti semina belli.*

Bonum commune.

Fœlices igitur populi qui pace fruuntur.

Concordia.

Et miseros itidem populos quos arma fatigant.

Bonum commune.

*Dic ergo germana mihi concordia, nunquid
Térque quaterq; etiam fœlix foret Anglia, fœlix
Gallia, si gentem pax firma ligaret utranque.*

Concordia.

*Fœlix alme deus, fœlix foret Anglia, fœlix
Gallia.*

Bonum commune.

*Nos igitur populum studeamus utrunque
Iungere, & ad solum studium connectere pacis.
Gallia liligera salve redimita corona.*

Gallia.

Tu salve commune bonum. Concordia salve.

Concordia.

Gallia dic quid habes animi?

Bonum commune.

Quid mente volutas?

Gallia.

*Dum mecum arumnas, strages, homicidia, fletus,
Bellorum meditor, dum quanti in Marte furores,
Quanta sit armorum feritas, tota ardeo, tota
Distillo in lacrymis quod corpora tanta, tot inquam
Cervices gladio pereant, & fulmine belli,
Tot videam resupina cadauera defunctorum.*

Concordia.

Expedit ut regno pacem populoque reducas.

Gallia.

*Quero etiam regno populoque reducere pacem,
Sed quo more?*

Bonum commune.

Habeas vicinos semper amicos.

Gallia.

Quos?

Concordia.

Anglos.

Bonum commune.

*Gallis si iunxerit Anglia foedus
Et semper populum pax firma ligarit utrumque,
Utraque gens omnes poterit componere leges.*

Gallia.

*Hoc mihi consilium gratum est, nunc scire iuvabit
Quis modus, aut ratio Gallis coniunxerit Anglos,
Et Gallos Anglis.*

Concordia.

*Crescit tibi parvulus infans,
Anglorum regi est & parva puella, Britanne,
Fas est infantem Gallum sociare puella.*

*Sic coalescet amor patribus, vincloq; futuro
Coniugij crescent diuturnæ fœdera pacis.*

Gallia.

*Vtile consilium, sed quis mihi nuncius?
Bonum commune.*

Hymen.

*Hic solus firmos nouit coniungere nexus
Connubij? & solus tēdas iungere iugales.*

Gallia.

*Vade ergo genialis hymen, gentēque potētem
Anglorum nostra incundus voce salutes.*

*Quere velit ne meo parua sociare puellam
Frāncisco vt regno pax longa insurgat vtrique,
Nec timeat ne nostra fides mutata recedat.*

*Nam prius hoc corpus terra deglubat hiatus
Quā semel accepta violē data fœdera pacis,*

Hymen.

*Vado igitur, salue eximiis præclara triumphis
Anglia, diuitiis opulens, aptissima bellis,*

*Nobilis argento, prædonum ignara luporum,
Frugiferax, syluis umbrosa & stridula ramis*

Plena bonis lanis, locuples & fertilis auro.

Gallia mater opum, frugum suauissima nutrix.

Iustitiæ columen vere pietatis asyllum,

Copia cunctarum rerum, clarissima lampas

Virtutum, rosa terrarum dea diuitiarum

Altera frumentis libia prædiues oliui.

Persia aromatibus precioso tenerus oëstro,

Hybla fauis, Erimæthus apris. Gorthina sagittis

Argos equis, Babilon auleis. Corsica gemmis.

TEXTORIS

*Aegyptus calamis, Costo, India, & Ida cupressis
Fertilibus vastis Ephire. Maurusia citro
Floribus Æthna, herbis Epirus, Eritra lapillis,
Marmore, tægetus, nucibus Thasos, Ida metallis
Cunctarumq; parens rerum te voce salutat.*

Anglia.

Gallia Cur queso fausta me voce salutat?

Concordia.

Vult tecum aeterna connectere fœdera pacis.

Anglia.

Et quod pacis erit vinculum?

Hymen.

Rogat, ut tua præstans

Filia? quæ veneris digitos Helenaq; capillos

Et faciem aurora superat, risumq; Diana

Francisco nubat delphino: copula tanti

Connubij regno diuturnum fœdus utrinq;

Affert, & longa populos in pace tenebit.

Anglia.

Et cur nobiscum vult Gallia iungere fœdus?

Concordia.

Cur? varia est ratio: prima est vicinia regni.

Bonum commune.

Vos brevis à nostra seiungit portio terra,

Separat & modicus limes.

Hymen.

Duo regna propinqua

Si certant odiis quid barbara, quidve remota

Efficient?

Concordia.

*Nos prater ea morum populique
Impellit paritas,*

Bonum commune.

*Itali sunt corpore macro
Et gestu pleni.*

Hymen.

*Germani corpore longo,
Extensisq; humeris.*

Concordia.

*Tumefacto ventre bibaces
Heluēcij.*

Bonum commune.

*Nigra facie nigróque capillo
Hispani.*

Hymen.

*Gallis albus color atque Britannis
Membrorumque decens modus.*

Concordia.

*Est clarissima gallis
Religio.*

Bonum commune.

Est etiam vicinis chara Britannis

Hymen.

Proditione carent Galli,

Concordia.

Simul atque Britanni.

Bonum commune.

Galli venatu gaudent,

Hymen.

Itidémque Britanni.

TEXTORIS

Concordia.

Gallis Rex iuuenis, regno tamen aptus et armis.

Bonum commune.

Anglis rex iuuenis, prudens tamē et bonus armis.

Hymen.

Gallia in occasum vergit,

Concordia.

Simul Anglia.

Bonum commune.

Galli, sunt homines vacui fuco.

Hymen.

Caret Anglia fuco.

Concordia.

Gallia alit multas segetes,

Bonum commune.

Alit Anglia fruges.

Hymen.

Gallia habet lanas.

Concordia.

Preciosas Anglia lanas.

Bonum commune.

Hac plena est herbis,

Hymen.

Illa est viridissima pratis.

Concordia.

Parturit hac flores,

Bonum commune.

Violas habet illa decoras.

Hymen.

Exultant choris Galli.

Concordia.

Latantur & Angli.

Bonum commune.

Vtuntur Galli iaculis

Hymen.

Vtuntur & Angli.

Concordia.

Francia terra potens armis.

Bonum commune.

Valet Anglia bello.

Hymen.

Gallis forma decens,

Concordia.

Clara est & forma Britannis

Bonum commune.

Hæc duo perpetuo si fœdere regna quiescunt.

*Quis dominus, quis rex? quis princeps dicere
verbum*

Audeat, & tumidas aliquantum tollere cristas?

Hymen.

Anglia nunc igitur meditare quid utile factu

Esse putes, regi ut celeres tua dicta feramus.

Anglia.

Ite, & diligero regi gratum mihi fœdus

Dicite, & ut regno socialis nexus utrique

Æternam pariat pacem, mea filia vestrò

Nubat Delphino, sic pax coalescet, utrinque.

Accedet. Sic pax populum servabit utrumque.

Hymen.

Gallia te nostris verbis formosa salutat.

TEXTORIS

*Anglia, letaturque tui de fœdere pacti.
Promittitque fidem qualem nec secula norint
Prima, nec etatis ventura postea noscent.*

Gallia.

Clamet io populus.

Bonum commune.

Plebs verberet aëra cantu.

Concordia.

Pax rediit populis Gallia

Nunc omnia regna quiescunt

Prædo.

Ah prædo quid agam, me bella antiqua fouebāt.

Gallica dum signis certabant signa Britannis

Pascebantq; meas aquilas furti, atque rapina:

Nūc quia pax rediit, quia bella antiqua recedūt

Latranti esuriens patiar ieiunia ventre.

FINIS.

HVIVS DIALOGI IN.]

TERLOQVVTORES SVNT

Tres, Epicuri, Morbus, Demon

Angelus, & Mundus.

Incipit Secundus Epicurus.

V*Nde fit vt breuibus pareāt ingentia causis
Attritisq; cadant mœnia marmoribus?*

Tertius.

Vnde fit vt quondam cœloque Ioui; propinquas

Verna ruinosas nunc tegat herba domos?

Secundus Epicurus.

Vnde fit vt subita Babylon subiecta ruina

In modicos cineres iam resoluta cadat?

Tertius Epicurus.

Vnde fit vt res fluo Memphis contermina Nilo

Præcipitis casum viderit exitum?

Secundus Epicurus.

Vnde fit vt pharum turris prænuncia portus

Decidit, & Danais Troia perusta rogis?

Tertius Epicurus.

Vnde fit vt niniuem cariota attriuerit ætas,

Abstulerint Lybicum tempora metropolim?

Secundus Epicurus.

Vnde fit vt factas lirico modulamine Thæbas

Temporis annosi ruperit vna dies?

Tertius Epicurus.

Cur doctis Pallas prodesse nequinit Athenis?

Cur non Dardania profuit alma Venus?

Secundus Epicurus.

Cur non Iuno suæ iuuat Carthaginis arces

Ne Didonis opus Scipio dirueret.

Tertius Epicurus.

Vnde fit vt tacitas lacerarit tempus Amiclas?

Aut quid Sparta suis legibus orba iacet?

Secundus Epicurus.

Dic Epicure

Tertius Epicurus.

Tuæ referas mihi scrinia mentis.

Secundus Epicurus.

Quid pereunt rapidis omnia temporibus?

Tertius Epicurus.

Cur homo diuitiis spoliatur, frondibus arbor?

Secundus Epicurus.

Torrída ramosis vinea palmitibus?

Primus Epicurus.

Nam corruptibilis quicquid natura creauit,

Materia subitum currit ad interitum.

Materia corruptibili sunt infima rerum

Corpora. sic sensim deperitura cadunt.

Nã qd hoc est, anima incertũ, nisi putre cadauer

Quod cito ieiuniis vermibus esca datur?

Quidve humana caro nisi quedam terrea moles

Quæ fugiente anima mortua tota cadit?

Hoc caput, hi crines, hæc frõs, cervixq; manusq;

Hæ miseri partes corporis intereunt.

Secundus Epicurus.

Post mortem quid homo est?

Tertius Epicurus.

Nil est nisi terrea moles.

Terrea, quæ bulla more tumentis abit.

Secundus Epicurus.

Ergo Philoetete lachrymas quid fundere pdest?

Et gemuli questum spargere in ora viri?

Epicurus.

Nil prodest.

Tertius.

Dubiis quid rodere pectora curis?

Epicurus.

Nil iuuat.

Secundus.

Effusas dilaniasse comas?

Epicurus.

Nil seruit,

Tertius.

*Faciem manibus rapuisse cruentis
Et miseris visus tollere luminibus?*

Epicurus.

Nil itidem prodest.

Secundus.

*Homini quid credis agendum
Si lachrymis studeat parcere, quid faciat?*

Epicurus.

*Eoliis pereat cum vita rapacior Euris
Et Iouis irati fulminis instare a.*

*Consulerem aeterno vitam consumere ludo
Et madidis lachrymas eripuisse genis.*

*Arsiduasq; graui noctes transire Falerno
Spargereq; immixtis dulce cubile rosis.*

*Consulerem redimire comas, implere capillos
Vnguento, & niueis comere pectinibus.*

*Consulerem niueas digitis imponere gemmas
Arsiduisque gulam pascere deliciis.*

*Suaderem celebrare iocos, seruire puellis
Et lateri domina composuisse latius.*

Secundus.

Quid sublime bonum tibi cernitur esse?

Epicurus.

Voluptas.

Tertius.

Vtilius ne aliquid?

Epicurus.

Nil reor vtilius,

TEXTORIS

Secundus.

Cum nihil ergo iuuat mentem consumere curis

Et manibus fufas dilaniare comas.

Nec profit stomachum rudibus cōtundere pugnis

Aut gemulas lachrymis immaduiffe genas?

Quid non ergo iocis, vino, ludisque vacamus

Concutimurque nouis aëra carminibus?

Tertius Epicurus.

Cum vaga siluifragis fit vita rapacior Euris

Et Iouis irati fulminis instar eat?

Quid non Orpheis concentibus aura redundat

Quod perit, hoc vacuum fletibus esse decet

Secundus.

Quidnam discipulis suades Epicure?

Epicurus.

Canamus,

Mobilibus digitis organa tacta sonent.

Cantus.

Audi Bacche pater, famuli tibi vina propinant.

Argutisque tibi cantibus aula sonat.

Epicurus.

Quid ludo melius?

Tertius.

Quid risu suauius vnquam

Exitit, aut hilari nobilius genio?

Secundus.

Qui gaudet spernit dubie contagia mortis,

Nec timor extremi hunc percutit exitij.

Epicurus.

Qui flet inexhaustis rodit praecordia curis,

Infernisque parat manibus inferias.

Tertius.

*Qui ridet spernit creperi discrimina belli,
Clangere tortilibus non pauet arma tubis.*

Secundus.

*Qui luget semper lachrymis humectat ocellos
Nec speciosa vagi lumina solis amat.*

Epicurus.

*Qui ridet tacitus pulsus agit ocia Curis,
Tempora perpetua grata quietis habet.*

Tertius.

*Qui dolet inuisa mœstissima tadia vita
Sustinet, & misera vulnera mortis amat.*

Secundus.

*Qui canit expertes mœrorum perficit annos
Risibilisque tedet gaudia Democriti.*

Epicurus.

Ergo licet subitum ludis absumere corpus.

Tertius.

Ergo licet lautis viuere delitiis

Secundus.

*Ergo animum curis qui vexat inanibus, errat.
Tutius est latis incubuisse iocis.*

Quidnam discipulis suades Epicure?

Epicurus.

Canamus.

Mobilibus digitis organa tacta sonent.

Flet Boreas

Tertius.

Spiret Zephyrus.

TEXTORIS

Secundus.

Sua fulmina mittat

Iuppiter.

Epicurus.

Aërium iaculis perterreat Ossam

Tertius.

Eolis Zephiros patiatur abire cauernis

Hippotades

Secundus.

Agitent concussi Nerea venti

Bile dei tumeant.

Epicurus.

Neque enim latissima turba

Curamus summumque Iouem diuosq; beatos.

Tertius.

Porrectis pedibus dormimus.

Secundus.

Pectora curis

Immutata vacant.

Epicurus.

Facimus trieterica Baccho

Tertius.

Tranquilli canimus, lati quoque viuimus.

Secundus.

Omnes

Viuimus expertes famis, & sitis

Tertius.

Ocia semper

Ducimus.

Secundus.

Ac hyemes contemnimus.

Epicurus.

Et Iouis iras

Spernimus

Tertius.

Internas nam quid cruciari medullas,

Profuerit curis?

Secundus.

Stomachum quid rumpere pugno?

Dic Epicure parens, nunquid speciosa voluptas

Est homini sublime bonum?

Epicurus.

Sublimius vllum

Esse nequit. Nam cum subitis peritura diebus

Vita fugit, titubátque annis pereuntibus etas

Et mortalis homo nihil est nisi terrea moles,

Terrea, quæ tandem vermi datur esca supino

Quid querulo tempus subitum consumere luctu

Proderit, aut fibras miseris absumere curis?

Tertius.

Quidnam discipulis suades Epicure?

Epicurus.

Canamus,

Mobilibus digitis organa tacta sonent.

Morbus.

Turba relinque iocos & nullis organa pulsant

Cantibus, indultum satis est ludisque iocisque,

Sat veneri genioque datum, nocturna lyæi

Orgia pratereant, aliis libamina fas est

Ponere numinibus, reliquasque frequentius aras

Excolere, & veteris mores expellere vita.
 Mortales, alia ex aliis in fata vocamur,
 Discedant venter, abeant conuiuia, risus
 Exilio lateant, immixtaque basia ludis
 Permixtusq; ioco bacch^{us}, quid enim organa psunt
 Quid venus? in teneris impressaque basia labris?
 Quidve puellaris nutus, quid risus amantum,
 Aut collatini saniosa repletio ventris?
 Aut visi in speculo crines faciesque peruncta
 Unguento, in digitis vel cum carbunculus ardet?
 Turba relinque iocos & nullis organa pulsant
 Cantibus, indultum satis est ludisque iocisque.
 Desistas Epicure pater, venerisque lyeique
 Haud meminisse iuuat.

Epicurus.
 Quid non meminisse iuuabit?

Morbus.
 Expedit extrema meditari tempora vite.

Primus.
 Et quid profuerit curare nouissima vita
 Tempora?

Morbus.
 Profuerit, supremum respice finem.

Epicurus.
 Cum periturus homo nihil est nisi putre cadaver
 Post obitum, duris annos corrodere curis
 Quid iuuat?

Morbus.
 Insana discedat opinio mentis,
 Vitalis subitum corpus dum vita relinquit

Cum scdis ne putas animas discedere membris?

Epicurus.

Censo.

Morbus.

Deciperis, viuunt post corpora:

Epicurus.

Viuunt?

Si uiuant quid agunt?

Morbus.

Vel syderis atria scandunt,

Aut futuris clausa tenebris tormenta sequuntur:

Epicurus.

Que sunt qui clausa tenebris tormenta sequuntur.

Morbus.

Queis virtus odiosa fuit.

Epicurus.

Qui syderis aulam

Conscendunt?

Morbus.

Scelerum expertes.

Epicurus.

Quid obesse voluptas

Blanda potest?

Morbus.

Hominem mæstas detrudit ad umbras.

Epicurus.

Verba moues lapidi.

Morbus.

Lapidi quid verba mouemus?

Epicurus.

TEXTORIS

Quæ memoras, gerris Siculis leuiora putamus.
Morbus.

Quid nugis leuiora putas?
Epicurus.

*Quod blanda voluptas
Est homini sublime bonum.*
Morbus.

*Resipiscere nunquam
Incipies?*

Epicurus.

Nunquam:
Morbus.

*Subita tibi morte cadendum est.
Mors iubet vt rapidis fodiam tibi viscera telis.*
Epicurus.

Verane tu narras?
Morbus.

Verissima morte cadendum est.
Epicurus.

Quam cito?
Morbus.

Nunc primum.
Epicurus.

Sed quid differre nocebit?
Morbus.

Mors differre vetat.
Epicurus.

Vetat? ò sententia præceptum?
Sed quid tu?

Morbus.

Morbus, qui termino cuncta dolore.

Epicurus.

*Permittas annis saltem maioribus uti,
Si placet:*

Morbus.

Armigera nulla est dilatio morti.

Epicurus.

Si placet.

Morbus.

Obtusas non si mihi ruperis aures,

Epicurus.

Si placet,

Morbus.

Aſſiduis precibus non si tibi fibras

Ruperis: hunc nostri fatalem vulneris ictum

*Accipe, tartareas propera moribundus ad
umbras*

Nunc discas quid consilio illuisse salubri

Profuerit, quid & illicitis in cumbere ludis.

Tertius.

Hæus Pilades, cernis ne Epicurum occumbere?

Secundus.

Cerno:

Tertius.

Sed quid ais?

Secundus.

Stupeo.

Tertius.

Quid tandem credis agendum?

Secundus.

Ignoro,

Tertius.

Videas moritur.

Secundus.

Vox faucibus haret.

Tertius.

Queramus quid agat.

Secundus.

Queramus: docte magister,

Hei quid agis? dormisne parēs Epicure? resurgas.

Tertius.

Magne parens Epicure taces? Epicure resurgas.

Epicurus somnians inquit.

Arma sonant, cultor componit aratra iuuenis,

Adsunt Helvetij, rumpuntur mœnia, vinum

Porrigit & manibus clipeos imponite, fas est

Deposito fletu lautis incumbere mensis.

Tertius.

Hei Pilades quid ait?

Secundus.

Vacuo fantasia cerebro

Hunc rapit & quid agat nescit.

Epicurus somnians.

Properate ministri.

Tertius.

Somniat.

Epicurus somnians.

Horrendis veniens armata flagellis

Nunc Bellona fremit, nunc mugit taurus in agro,

Rex ero,

Secundus.

*Quid quaeso memoras Epicure, relinquo
Somnia, tolle oculos, veteres non noscis amicos.*

Epicurus somnians.

*Ibo, & plenam imponam mira canistris,
Et nigris niuib. montes onerabo.*

Tertius.

Magister, Aspice nos.

Epicurus somnians.

*Armenta sequar, multosque sagittis
Interimam, & rudibus stella scindentur aratris.*

Secundus.

Preceptor quid agis?

Tertius.

*Fantasmata vana relinquo,
Ad caelos extolle animum, meditare parumper,
Qui nos qui caelum, qui cuncta elementa creauit,
Et scelerum veniam poscas.*

Secundus.

Epicure quiescis?

Non loqueris? mutusne manes?

Tertius.

Expirat. Iesus,

Dic Epicure pater noster, dic, optime Christe.

Secundus.

Dic miserere mei, moritur.

Secundus.

Miserere: Nequiret

Affari.

Tertius.

*Tenuēs animam nunc efflat in auras
Mortuus est:*

Secundus.

Periit.

Tertius.

Iam spiritus ossa reliquit.

Secundus.

Hec Pilades?

Tertius.

Quid ais?

Secundus.

Videas cacodæmona nigris

Cornibus elatum,

Tertius.

Miserere redemptor Iesu

Quid petit?

Secundus.

Infernas animam detrudere ad umbras.

Secundus.

Quis contra niueo incedit velatus amictu?

Tertius.

Angelus ætheris ut opinor, missus ab astris

De præda subito confliget uterque ferenda.

Dæmon.

Quisquis es indutus niueo qui pergis amictu

Siste gradum. reprimasque pedem, ne accedere pergas

Ne propius forsitan pigeat venisse.

Angelus.

Recedas.

Belua tartareis veniens emissæ cavernis.

Dæmon.

At tu cœlesti properes qui mitteris aula,

Angelus.

Quid petis hic?

Dæmon.

Epicuri animam,

Angelus.

Violenta recedas

Belua, vel iustum quod inest vtrîque geratur

Ostendas sceleris quîdnam commiserit,

Dæmon.

At tu

Ostendas dignum quid laude peregerit olim.

Angelus.

Multotiens inopem nummis nutriuit egenum.

Dæmon.

Sacrilegis manibus decies delubra deorum

Diripuit.

Angelus.

Decies mendicis contulit aurum:

Dæmon.

Vndecies voluit patrem iugulare veneno.

Angelus.

Seruiuit superis.

Dæmon.

Sed diues spreuit & omnes

Cœlicolas,

Angelus.

Duxit peregrinos saepe vagantes.

Dæmon.

Incestum decies nota cum matre peregit.

Angelus.

Quattuor hospitio miseros donauit egenos.

Dæmon.

Corpus adulteris ter mille infecit.

Angelus.

Honorem

Exhibuit doctis.

Dæmon.

Ignaros saepe fefellit.

Angelus.

Multoties vacuo tenuit ieiunia ventre.

Dæmon.

Ebrius undecies propriam stuprare sororem.

Non timuit.

Angelus.

Falsum est sauisima belua

Dæmon.

Verum est.

Angele conspicias nostris inscriptas papiris

Hæc documenta, fidem perhibent.

Angelus.

Se semper amicis

Præstiterat fidum:

Dæmon.

Patrem quater vrere flammis

Infensus studuit.

Angelus.

Dilectos inuit amicos.

Munifici manibus.

Dæmon.

Ter fratribus intulit arma.

Angelus.

Iustitiam coluit cultor verissimus equi.

Dæmon.

Latronum semper coluit commercia.

Angelus.

Falsum est,

Belua.

Dæmon.

Conspicias nostris inscripta papiis

Hæc documenta, fidem perhibent.

Angelus.

Quater obtulit armis

Et morti corpus patriæ stimulatus amore.

Dæmon.

Mille meretrices habuit quas ære paterno

Nutrivit.

Angelus.

Sacros altaribus obtulit ignes.

Dæmon.

Sepius immensi fuit olim prodigus aris.

Angelus.

Hic clemens fuerat.

Dæmon.

Fuerat sitibundus honoris.

Angelus.

Indoctos docuit.

Dæmon.

Lenones mille fovebat.

Pluribus & quid opus fuerit confligere verbis
 In sacris natam decies stuprare sacellis
 Non timuit. decies pueros inducere furto
 Et pro re nihil vitam committere ventis.
 Undecies ter periurum se prestitit ipsis
 Iudicibus. semper lingua detraxit iniqua
 Vicinis. gaudens alienam rodere famam.
 Non mihi si centum fuerint in corpore lingue
 Innumeros scelerum cumulos patefecero longis
 Temporibus.

Angelus.

Fallax mentiris belua.

Dæmon.

Nunquam

Mentior inspicias nostris inscripta papiis.

Hæc documenta, fidem perhibent.

Angelus.

Obstare nequirem

Cum scelerum numerus virtutum vincat acervos,

Hanc animam rapias.

Dæmon.

Procede miserrima, perge

In tenebras, luctū, lachrymas, tormēta, colubros,

Ad furias, æstūmq; hyemēsq; sitimq; famēmque

Ad furcas, laqueos, stridorem, dētium, ad ignes.

Epicurus.

Ve ve ve ve ve ve ve ve mihi ve ve.

Ve matri qua me peperit. ve ve tibi nutrix

Qua me lactasti. ve mammis quas ego suxi.

Ve patri qui me genuit. ve denique stellis

*Quæ mihi fulserunt, ve soli qui mihi lumen
 Fudit, ve pannis quibus implicuit mihi corpus
 Obstetrix. terræ ve quæ semper euntem
 Me tulit. atq; ipsis elementis omnibus inquam
 Ve repeto, cur cum nudus genitrici ab aluo
 Processi: rapidus tunc me non abstulit vsus?
 Non lupus abripuit, non tygris cassia rosæ,
 Non leo discerpsit, catulis non dira leana
 Obtulit, aut caput hoc durus non sustulit ensis?
 O multum damnosa viris damnosa voluptas.
 O nimium dānosa viris venus, & dānosa libido.
 Damnosi risus, damnosaq; basia, torpor
 Damnosa. damnosus amor damnosaq; scorta,
 O multum damnosa viris damnosa voluptas,
 Nunc qui per subita pereuntia tempora vitæ
 Indulsi genio. Ludisque iocisque vacavi,
 Mortuus æternis adiudicor ignibus, unde
 Nemo redit, stat nulla quies, lux nulla, voluptas
 Nulla, sed æterni æternus quoque carceris horror.
 Fœlix qui nostro fict discrimine vitæ
 Cautior, hinc abeo*

Dæmon.

Procede miserrima, Perge.

Tertius.

Dic Pilades quid ais?

Secundus.

Tremulis vox faucibus hæret:

Tertius.

Aspicis ut nigras Epicurus pergat ad ymbrae,

Secundus.

Aspicio.

Tertius.

Quid ais? miseris quid credis agendum?

Secundus.

Expedi eiecto virtutem quærere luxu.

Tertius.

Quæramus.

Secundus.

Procul hinc ludis que iocisque relictis

Pergamus subito, stultum est ob gaudia vitæ

Æternis animam tandem committere flammis.

Tertius.

Fœlix quem faciunt aliena pericula cautum.

Secundus.

Fœlix qui socij nauim periisse procellis

Cum videt, in tutum flectit sua carbasa portum.

Tertius.

Vestibus eiectis lacerum carpamus amictum.

Secundus.

Dimissis populis vastam subeamus haremum.

Tertius.

Quæramus, licet hinc alio diuertere passum.

Mundus.

Stete viri, quæ causa viæ, quidve estis in agris,

Quodve tenetis iter?

Secundus.

Vastam scrutamur haremum.

Mundus.

Quid causa est?

Tertius.

Fragilis pereuntia gaudia mundi.

Nunc animam Stygias Epicuri tēdere ad umbras

Vidimus, & torto insanum cacodæmona cornu,

Fœlix quem faciunt aliena pericula cautum.

Mundus.

Hæc animo formido, cadat metus atq; recedat,

Tranquillam mecum vultis deducere vitam?

Secundus.

Nolumus.

Mundus.

Et quid non?

Tertius.

Vitare pericula cauti

Est animi.

Mundus.

Summos acquireret vterque triumphos

Secundus.

Et quid Cæsareus prodesset vtrique triumphus:

Diuinis modo tutius est incumbere rebus.

Mundus.

Vos ego Theologos reddam

Tertius.

Nos nolumus.

Mundus.

Vnde hoc,

Secundus.

Ambitione loci primi non ducimur.

Mundus.

Ergo,

Vos reddam arguto facundos ore sophistas.

TEXTORI 8

Tertius.

Nolumus his frustra tempus consumere nugis.

Secundus.

Nos veri volumus non apparere, sed esse.

Mundus.

Doctores faciam.

Tertius.

Nos pingues rodere costas.

Non volumus.

Mundus.

Faciam primates gymnasiorum.

Secundus.

Clamores iuuenum ac opprobria mille parentum.

Ferre nequiremus.

Mundus.

Faciam vos mitra coronet.

Pontificum.

Tertius.

Semper conamur viuere iusti.

Dispensatores.

Mundus.

Faciam vos ergo loquaces.

Causidicos.

Secundus.

Linguam venalem exponere nummis.

Nolumus, aut aurum plenius excerpere dextris.

Mundus.

Faciam reges.

Tertius.

Regum aspernamur honorem.

Mun-

Mundus.

Cur?

Secundus.

*Quia continuis agitantur semper in armis,
Inter equos, inter clipeos, per tela, per ignes.
Formidantque sui diadema relinquere regni.
Ocia tranquilla nunquam diuturna quietis
Suscipiunt. ubi Gallorum Franciscus habenas
Sumpsit, & optati possedit Lilia regni:
Protinus armorum subitas mouere procellas
Heluetij, venitque iterata in praelia Maurus
Sic Italas rursum transcendere cogitur Alpes
Gallus, Et Ausonias bellis inuadere gentes.
Iniusto nuper certabant Marte Britanni
Hispanique alia sitiebant parte cruorem,
Lilia turbantur veteres habitura procellas.
Insanos pariter nunquid modo sentio turtas
Qui nostra fidei sacras contundere leges
Nituntur? desiste igitur promittere regnum:*

Mundus.

*Desistam, soli si forte colatis haremum,
Et quid profuerit vesci campestribus herbis?*

Tertius.

*Tutius est inhiare polo campestribus herbis,
Quàm lautis epulis Stygias mernisse cauernas,*

Mundus.

Et quid profuerit corpus punire flagellis?

Secundus.

*Tutius est carnem stimulis domuisse rebellem,
Quàm post aligera pereuntia tempora vite,*

TEXTORIS

*Pro modico tenebris animam committere luxu,
Sed quis qui patulo blandiris molliter ore
Et frustra regum vanos promittis honores?
Mundus.*

Mundus.

Tertius.

*Abeſto procul, non ſperes ſeclere verbis
Conſtātes animos, Pylades intremus haremum,
Vidimus ad Stygias Epicurum pergere flāmas.
Felix quem faciunt aliena pericula cautum.*

Secundus.

*Felix qui ſocij nauim periſſe procellis
Cum videt, in tutum ſeclit ſua carbaſa portum.*

FINIS.

DIALOGI INTERLOQV-
TORES CALLIOPE, LECTIO

Quarta, Tres Pugiles.

Calliope.

G*Audeo ſopitas prius & microrē ſepultas
E ſomno ad cantus ſurgere Pyerides.
Gaudeo quod cythara ludit rediniuus Apollo,
Et priſcos reparat docta Minerva iocos.*

Nec me maiori titillant gaudia plauſu,

Nec magis arguta geſtio latitia.

Quā cum ſuauidicis video reſilire theatrum

Canitibus & lepidis cuncta ſonare iocis.

Tunc ergo tunc ſemper veteris reminiſcor arena

Occurritque animo prisca paleſtra meo.
 Hic ubi tyrones exercebantur ephœbi,
 Hi iaculis, alij corpore, pars clypeis.
 Pars cantu tragico vilem aspirabat ad hyrcum,
 Dedita liuentes pars erat ad satyras.
 Scribebant alij teneris elegidia culmis,
 Mixt.âq; erat lachrymis Nenia flebilibus.
 Et lyricis alij feriebant cantibus auras.
 Rhetoricis aliis legibus arma dabant.
 Atq; alij falsis epygrammata plena cachinnis,
 Et pars flebilibus bella canenda tubis.
 Tunc clari spelunca dei reſerata patebat,
 Totâque Parnasi ſtabat aperta domus.
 Peruia fatidica fuerat cortina Mineræ,
 Omnia vaticines fata dabant tripodas.
 Viſiſes nitidum per Phocida currere fontem
 Quem rapidi præceps ungula fecit equi.
 Nunc etiam tantis reſonat concentibus æther
 Tam lepidum ſpargit fuſilis aura melos.
 Totus vt in media videatur Apollo Nauarra
 Conſtituiſſe ſue iam pietatis opus.
 Audiui Græce quondam documenta Mineræ
 Viſi Italis quantum robur in ingeniis.
 Viſi myrtigenæ multos certare Maroni
 Qui canerent doctis verſibus arma virum.
 Et lyrico multos viſi contendere Flacco,
 Et multis vehemens cum Iuuenali odium.
 Nil tamen antiquis memini viſiſſe diebus
 Quod tulerit regio Græca vel Anſonia.
 Quod doctæ merito poſſim præferre Nauarra

Dulichiam quanuis surgat in Æadem?
Hic siquidem pueros video qui vel tibi Phæbe,
Plus placeant tali carmine Virgilij.
Pars cantant lyricis, scribunt epygrammata multi,
Pars satyras scribunt, pars recinunt elegos.
Est & cuique suus (quod plus miraberis) ordo,
Atque suam seriem lectio quæq; tenet.
Prima mihi visa est sacra dignissima lauro,
Visa corymbiferis digna secunda hederis.
Tertiâque elæa visa est dignissima palma,
Fausti ut video dulcis Apollo tribus.
Sed dum ad me redeo tres tantum ludere classes
Vidit Apollineo tota catherua choro.
Quarta ubi dormitat Clariône quiescit in antro?
An querit solitis abstinuisse iocis?
Nondum Phæbeæ sese commisit arena,
An nullo penitus murice tineta fuit.
Hanc ut conicio doctus non spreuit Apollo,
Nec pepulit gremio Pallas amica suo.
Cur ergo silet & clausis taciturna labellis
Hic remanet: mutum fingit & Harpocratem
Desperâtne sibi speranda premia palma?
Lectio quarta, tuus surge triumphus adest.
Surge, tui venit tibi palma beata triumphi,
Palma etiam doctis inuidiosa deis.
Quid facio: surdus nota est querimonia ventis,
Nostra leues secum verba ferunt Zephyri.
Lectio quarta iacet, nisi forte est illa puella
Quæ nigra accelerat veste adoperta humeros.
Accedam & nomen secura rogabo puellam,

*Cūr ve gemat pullo tegmine cincta caput.
 Tu passim dubiis tantum quæ ambagibus erras,
 Cur facies querulis tota madet lachrymis?
 Dic quod nomen habes?*

Lectio quarta.

*Sum lectio quarta Nauaræ,
 Infaustus ut ego iudico nata auibus.
 Infaustus auibus simul & bubone sinistro
 Et Scyllæ magicis pota veneficiis.*

Calliope.

*Pota veneficiis auibusque creata sinistris?
 Cur ita te misero natam ais augurio?
 Te ne aliquis crudo voluit mutilare flagello?
 Durorum ne times verbera carnificum?
 Dic soror, ipsa tuo forsân medicamina morbo
 Inueniam: si quid nostra potest deitas.*

Lectio quarta.

Quæ dea?

Calliope.

*Calliope doctarum prima sororum,
 Prima mei dicor Calliopæa chori.*

Lectio quarta.

*Calliope, per te has lachrymas per Apollinis aras,
 Pèrque nouem (quorum tu dea prima) deas
 Te precor, hoc misera saltem concede sorori.
 Assiduus mœrens pèrsetet ut in lachrymis,
 Pèrsetet et insanum saturet male sana dolorem,
 Nanque aliud mœror non petit obsequium.*

Calliope.

Stulta quid hæ lachrymæ tibi profunt?

At iiij

Lectio quarta.

Quid mihi profunt?

Qua lachrymis plena est nam mihi vita placet

Calliope.

Cur placet?

Lectio quarta.

In tenebris miseri magis esse laborant,

Quam roseum nitidi solus habere iubar.

Sic miser occisi post tristia vulnera patris

Luminibus visum sustulit odipodis.

Quid facerem si nunc lachrymis imponere finem

Coner?

Calliope.

Solitò te licet esse ioco.

Lectio quarta.

Nunc mihi nulla ioci est occasio.

Calliope.

Quis tibi fletus?

Lectio quarta.

Quis? nisi lugerem dicerem, esse lupa.

Dicerem aut fœtam catulis suxisse leanam,

Aut inter Libycas tigris iniqua feras,

Calliope.

Remigū priscos quæris ne extinguere ludos,

Et sola antiquum nunc sepelire melos,

Ecce tua ludunt comites, iam lectio prima

Cantavit Clario scripta probanda Deo.

Et classis pariter sonuit peramoena secunda

Buccina bellifonis inuidiosa tubis.

Tertiaq; in toto cecinit sua carmina circo,

*Carmina Pindaricis proxima carminibus.
Sola ne mœstifico sectaberis oia cantu,
Sola dabis lachrymas, sola dabis gemitus?*

Lectio quarta.

*Non bene conveniunt lachrymoso leta dolori
Carmina, nec mœsta cantica tristitia.
Occisis natis miserandam turpe fuisset
Risu plena sequi gaudia Tantalidem.
Non decuit ridere Hecubam, quū durus Achilles
Hectoreas victor sustulit exequias.
Turpe tibi Andromache infœlix gaudere fuisset
Dum cecidit muris parvulus Astianax.
Et mihi turpe foret teneris incumbere ludis,
Luctificas mœror dum petit exequias.*

Calliope.

*Cras petit exequias mœror? nunc omnia rident,
Vicino plaudunt omnia remigio.
Et tu sola taces, iam tres cecinere sorores,
Dixerunt tragicis verba sonanda tubis.*

Lectio quarta.

*Multos titillat nunc vani occasio risus,
Quos trahet insanas cras dolor ad lachrymas.
Nuper ego tumida tollebam cornua cristæ,
Sed nunc depresso vertisse mœsta gemo.*

Calliope.

*Si tibi nuper erat iocundi occasio risus,
Si tibi erant tenera tempora letitia,
Cur non ridebas aliarum more sororum,
Dum fuerat lepidis plena Nanarra iocis?*

Lectio quarta.

Quando.

Calliope.

Dum regis Lodoici nobile festum

Traxerat huc tetrica tot grauitate viros.

Tunc cecinere tuae Syrenum more sorores

Proxima Romano carmina Virgilio.

Cur igitur reliquis modulantibus vna tacebas.

Torpebas lenta cur ita pigricia?

Lectio quarta.

Sed tum Cecropiae recitassem docta Minerva

Carmina Phœbeis amula carminibus.

Calliope.

Cur non?

Lectio quarta.

Vel Deus est quum spumant vina cerebro

Et somnum saturi sarcina ventris amat.

Impleti ventres post fercula non nisi lectum.

Et plumas querunt Sardanapale tuas.

Calliope.

Tu primo forsan recitasses ordine.

Lectio quarta.

Nunquam,

Cuique suo dandus ordine circus erat.

Quam meruere alij nolo mihi carpere palmam,

Ordo mihi dandus non nisi quartus erat.

Calliope.

Cur ergo quarto nihil ordine sola parasti?

Lectio quarta.

Nam saturis nimius tedia sermo parit,

Altera praterea fuerat mihi causa doloris

Non risus

Calliope.

Sed quæ causa doloris erat?

Lectio quarta.

Plus mihi profuerit clauso tacuisse labello.

Quàm nostri quæ sit dicere causa mali.

Calliope.

Cur?

Lectio quarta.

Reficatur siquidem repetitus vulnera sermo

Sopit, imque acuit non nisi mæstitiam.

Calliope.

Dic dic.

Lectio quarta.

Musa tuis non quero resistere dictis,

Verum animus, si rem dixerò, tristis erit.

Mi studiosus erat viduata nauita classis

Nauta infucatis moribus atque animo.

Nauta mei semper cupidus (dum vixit) honoris

Nauta meo semper deditus obsequio.

Vir vacuus fucò verbis à felle remotis,

Vir nullis unquam deditus insidiis.

Nomen adulandi vitans velut acre venenum,

Verba etiam fugiens blanda velut scopulum.

Hic sex lustra sui nondum compleuerat aui,

Nec mediæ ætatis secula pelegerat.

Dum mors quam nulla possunt auertere dotes,

Hunc iaculo ad manes misit acerba suo.

Calliope.

Quòd nomen?

Lectio quarta.

Nomen renuit lex carminis huius

Dictus erat Graco nomine Nicoles.

Si carmen viciare licet Nicolaus amator

Doctrina & vera cultor amicitia.

Calliope.

Si crudas nihil est possit quod vincere Parcas

Si nihil est mortem quod reuocare queat.

Quid facias, agris singultibus illa rumpas,

Frangere tibi fauces, quis tibi fructus erit?

Mors etenim claudit surdis lachrymantibus aures,

Claudit, & Æolus omnia dat Zephyris.

Lectio quarta.

An mihi iocandum censes?

Calliope.

Ego credo iocandum

Quò tibi plus risus profuerint gemitu.

Lectio quarta.

Quid mihi profuerint gemitu lachrymosa docebo.

Quòd prius accepti sum memor obsequij.

Calliope.

Propterea antiquas veterum corrumpere leges

Non licet & solitos nunc sepelire iocos.

Tu renuis satyras & blandos scribere amores,

Plenæque lasciuis verba cupidinibus.

Funebres elegos & carmina digna sepulchris

Aggredere, & tristem quæ deceant tumultum,

Ne solitos videare iocos sepelire Nauarra,

Maiorumque sacras destituisse vias.

Lectio quarta.

Aggrediar pugilesq; meos lachrymosa docebo.

Vt mœstas referat (quod decet) exequias.

Ergo mea queruli tyrones surgite clāssis,

Vestra etenim mater Lectio quarta iubet.

Surgite, ne priscum videamur frangere morem

Iussūque Phœbæa spernere Calliopes.

Mos fuit hoc semper spectacula ferre theatro,

Adueniente sacri tempore remigij.

Ergo triumphas est recitemus more sororum

Hoc petit arrectis tota caterna oculis.

Primus pugil.

Ros matutinis citò deperit.

Secundus pugil.

Herba virescens

Protinus arcescit.

Tertius pugil.

Flos citò quisque perit.

Primus pugil.

Protinus intereunt viola.

Secundus pugil.

Cito lilia languent.

Tertius pugil.

Protinus infirmis frugibus aret ager.

Primus pugil.

Alba ligustra cito flaccescunt.

Secundus pugil.

Et rosa vernans

Tota fit exiguis arida temporibus

Tertius pugil.

Et modo quæ viridem pingunt violaria campum

*Protinus inualidis sunt spoliata comis
Primus pugil.*

*Et vernos hodie flores qui parturit hortus,
Cras erit amissus horrida terra comis.*

Secundus pugil.

*Ambrosiis hodie renitet quæ frondibus arbor
Cras sterilis nudo vertice truncus erit.*

Tertius pugil.

*Prata hodie viridi sese extollentia fano
Cras aestu nimio mortua deficient.*

Primus pugil.

*Quæ modo producit speciosos vinea ramos,
Cras hyemes nudo stipite nuda fereat.*

Secundus pugil.

*Quæ modo nube tenus patulas sylua erigit vltimos
Cras erit obductis peruisa vomeribus.*

Tertius pugil.

*Et modo serpillū quæ parturit humida tellus,
Cras erit hyberna forsā operta niue.*

Primus pugil.

*Flos suus omnibus his momento deperit vno.
Secundus pugil.*

Et cito deposito cuncta virore cadunt.

Tertius pugil.

*Hac cito florigeri deperdunt veris honorem,
Primus pugil.*

Fluxa cadunt.

Secundus pugil.

Pereunt lubricæ.

Tertius pugil.

Vana cadunt.

Primus pugil.

Sed citiùs vaneſcit homo.

Secundus pugil.

Citiùſque fatiſcit.

Tertius pugil.

In mortem amiſſo flore cadit citiùs.

Primus pugil.

Flacceſcit leniùs.

Secundus pugil.

Breviori tempore languet.

Tertius pugil.

Inualido citiùs corpore morte perit.

Primus pugil.

Vnde ergo Samü pauonis more ſuperbit?

Secundus.

Cur ergo obſcœnam labitur in venerem?

Tertius.

Cur ergo torpet?

Primus.

Cur ergo accenditur ira?

Secundus.

Cur nummos cumulat?

Tertius.

Cur ſtudet inuidiæ

Primus.

Cur inſtar pecudum ventri tam pronus obedit

Secundus.

Cur odio linet?

Tertius.

Cur vacat illecebris?

Primus pugil.

Si saperent homines, propius sua facta viderent.

Secundus.

Si saperent homines, consulerent dubiis,

Tertius.

Si saperent homines, studium virtutis amarent.

Primus.

Si saperent homines, deficerent viciis.

Secundus.

Si saperent homines, ab acerba morte caverent.

Tertius.

Si saperent homines, à maculis fugerent.

Primus pugil.

Qui modo ramosa modulatur in arbore passer,

Cras forte argutis præda erit aucupibus.

Secundus.

Que modo per segetes dormit securæ cothurnix

Cras in fallacem forte cadet laqueum.

Tertius.

Et qui nunc vitrea lasciuit piscis in unda,

Cras piscatorum perferet insidias.

Primus.

Et lepus herbofo qui nunc spaciatur in agro.

Forte in latrantum cras cadet ora canum.

Secundus.

Et quæ nunc hylares condent virgulta capellæ,

Cras fient rapido præda sinistra lupo.

Tertius.

Et qui nunc vitulus tenera lasciuit in herba,

Cras erit hyrcanæ forte rapina læ.

Primus pugil.

*Qui Libycas hodie terret formidine sylvas
Venantum iaculis cras leo forte cadet.*

Secundus.

*Quique hodie plumis oculosus pavo superbit,
Cras ducis ad cœnam forte paratus erit.*

Tertius.

*Cygnus arundiferi modularis ad præta Caystri
Cras erit immundis pabula vulturibus.*

Primus.

*Et pariter tetrica qui nunc granitate superbit,
Cras insperata febre peremptus erit.*

Secundus.

*Quique hodie tumida tollit sua cornua crista,
Cras impronissus decedit in tumulum.*

Tertius.

*Qui sibi nunc vitæ promittit sæcula longæ,
Cras subitum cernet mortis adesse diem.*

Primus.

*Et qui nunc epulis ventrem saliaribus implet,
Cras misero vermes nutrit in tumulo.*

Secundus.

*Et qui nunc hylari consumit tempora ludo
Cras vitæ studio tempore raptus erit.*

Tertius.

*Et qui nunc tendit longævis Rhætia cernis,
Cras subito mortis raptus erit ilaqueo.*

Primus.

Nunc exporrecto sequitur qui gaudia riso

Cras insperatis plenus erit lachrymū.

Secundus pugil.

*Quem nunc nō saturat numerosa pecunia Cræsi
Contentus tumulto cras erit exiguo*

Tertius.

*Et qui nunc valido credit se corpore sanum,
Cras forte inualido corpore fata petet.*

Primus.

*Si saperent homines, seruarent breuia secla
Et lenius volucris tempus abire rota.*

Secundus.

*Si saperent homines fugerent mala gaudia vite
Seruantes festis corpus ab illecebris*

Tertius.

*Nam tu qui rides, quid eris nisi putre cadauer?
Plūsque latrinali stercore fœtidior?*

Primus pugil.

*Et tu qui cantas, quid eris nisi flatilis umbra?
Umbra, inquam, Zephris vanior Æolis.*

Tertius.

Et tu qui cumulas aurum, quid eris nisi puluis?

Primus.

Quid nisi vermiculis prada sepulchri colis.

Secundus.

Quid nisi putrescens caries,

Tertius.

Aut quid nisi vermis?

Primus.

Quid nisi (si liceat dicere) stercus eris?

Secundus.

Quid

Quid nisi latrina sanies, nisi terrea moles,
Tertius.

Quid nisi putredo, quid nisi marcor eris?
Primus?

Tu rides tamen,
Secundus.

Insanis tamen,
Tertius.

Et tamen instat,
Quem tibi non speras mortis adesse diem.
Secundus.

Et tamen hora fugit,
Secundus.

Volucris tamen interit atas.
Tertius.

Et tamen incerta est funeris hora tui.
Primus.

Quot mala circumstent hominem?
Secundus.

Quot damna?
Tertius.

Quot, inquam,
Milia morborum proxima sunt homini?
Primus.

Multa floricomae violae nascuntur in Hybla
Dum rediit veris candida temperies.
Secundus.

Et multis teretes granis onerantur arista,
Dum calidos ardens Syriusurit agros.
Tertius.

TEXTORIS

*Et multis foliis oneratur fertilis arbor
Dum viret vmbrosis sylua beata comis.*

Primus.

Multis sylua floret ramis,

Secundus.

Multis mare ventis.

Tertius.

Floriger & multas pascit hymetus apes.

Primus.

Multas prata ferunt herbas,

Secundus.

Multos mare pisces.

Tertius.

Alcinoi multas hortus habet violas

Primus.

Multos nutrit Athos lepores,

Secundus.

Dodona columbas:

Tertius.

Et multas ranas parturit vda palus.

Primus.

Vineæque & multos portat fecunda racemos,

Secundus.

Et multas vuas quisque racemus habet.

Tertius.

Multas aura gerit volucres,

Primus.

Multas habet vndas

Oceanus,

Secundus.

Multos Caucasus & scopulos.

Tertius.

Marmora multa Paros,

Primus.

Et multas Gargara messes,

Secundus.

Multos Sparta canes,

Tertius.

Spicula multa Cydon.

Primus.

Sed plures hominem circundant vndique morbi:

Secundus.

Plures insidia,

Tertius pugil.

Plura venena premunt.

Primus pugil.

Plures perpetuò febres,

Secundus pugil.

Discrimina plura.

Tertius pugil.

Tormentis viuens pluribus afficitur.

Primus pugil.

Plures emitit lachrymas,

Secundus pugil.

Plura vlcera sentit;

Tertius pugil.

Pluribus ossa gerit subdita vulneribus.

Primus pugil.

Pluribus emoritur languoribus,

Secundus pugil.

Et mala plura

Sustinet:

Tertius pugil.

Erumpis pluribus afficitur.

Primus pugil.

Et tamen hora fugit,

Secundus pugil.

Volucris tamen interit aetas.

Tertius pugil.

Et tamen incerta est funeris hora tui.

Primus pugil.

Quot tibi promittis fugientum lustra dierum?

Secundus pugil.

Quot tibi spectandas credis Olympiadas.

Tertius.

Quot speras annos?

Primus.

Quot menses?

Secundus.

Quotve minores?

Tu tibi promittis mensibus hebdomades?

Tertius.

Quotve tibi speras vitam superesse dierum?

Primus.

Puncta tibi horarum quot superesse putas?

Secundus.

Tu rides, tu bella geris,

Tertius.

Tu ludicra quaris:

Secundus.

Tu ventri indulges,
Tertius.

Tu petis illecebras.
Primus.

Tu venerem sequeris,
Secundus.

Tu dicis turpia dictu.
Tertius.

Tu cristas tollis,
Primus.

Tu fremis inuidia.
Secundus.

Quàm cito vana tua peritura est linea vita.
Tertius.

Quàm cito lapsuri morte iubente dies!
Primus.

Mobilis est Zephyrus,
Secundus.

Levis est rota,
Tertius.

Mobilis Eurus.
Primus.

Fama levis,
Secundus.

Levis est pulvis,
Tertius.

Et aura levis.
Primus.

Turbo levis,
Secundus.

TEXTORIS

Levis est tempestas,
Tertius.

Et leue cælum:
Primus.

Ros levis,
Secundus.

Vnda levis,
Tertius.

Funda voluta levis.
Primus.

Sed lenior vita est,
Secundus.

Hominis velocior atas:
Tertius.

Et freno leuior non remorante dies.
Primus.

Inde puer,
Secundus.

Bibe tu leno,
Tertius.

Scorteris adulter:
Primus.

Sis meretrix mulier,
Secundus.

Sis latro caufidice.
Tertius.

Rex spolia populum,
Primus.

Index corrumpere nummis:
Secundus.

Tu requiesce piger,
Tertius.

Ebrie pasce gulam.
Primus.

Congere diuitias sitibunde,
Secundus.

Sequaris honores
Ambitiose:

Tertius.

Et tu sis homicida Nero.
Primus.

Sardanapale miser sexum mentire virilem,
Secundus.

Miles mendicos opprime ruricolas.
Tertius.

Te tuus expectat finis,
Primus.

Tua lineæ,
Secundus.

Præcept:

Terminus.
Tertius.

Accelerat mortis iniqua dies.
Primus.

Fatales properant absolvere fila sorores.
Secundus.

Festinant anni,
Tertius.

Meta caduca venit.
Primus.

TEXTORIS

Hæc condiscipuli doctæ spectate Navarra.

Secundus.

Nos mæstas vobis tradimus exequias.

Tertius.

*Qui subitò pereunt memores estote dierum,
Nunquam etenim redeunt qui periere semel.*

Primus.

Ridetis, quid tum?

Secundus.

Valido estis corpore, quid tum?

Tertius.

Docti estis, quid tum?

Primus.

Nunquid habetis opes?

Quid tum?

Secundus.

Vosne estis claris orti natalibus? ergo?

Tertius.

Estis formoso corpore, quid sequitur?

Primus.

Estis robustis membris nervisque, quid inde?

Secundus.

Robusti pereunt,

Tertius.

Et validi intereunt.

Primus.

*Aspicitis vestri manes tumulúmque magistri,
Quem brevis angusto contegit vna loco?*

Secundus.

Fortis

Fortis erat,

Tertius.

Nervosus erat,

Primus.

Florebat & annis,

Secundus.

Syncera fuerat vir pietate bonus.

Tertius.

Hunc commensalem vestra vidistis in aula?

Primus.

Cernite: quid vestra est vita, nisi umbra levis?

Secundus.

Se bene sperabat presentibus ad fore ludis,

Tertius.

Et quarta classis ducere remigium.

Primus.

Decessit tamen,

Secundus.

Interiit tamen,

Tertius.

Et tamen duo

Defunctus, nostra hac secula deseruit.

Primus.

Mortuus est,

Secundus.

Obiit.

Tertius.

Docuit nos esse caducos

. Morte sua, & nostra mortis adesse diem.

Primus.

Dij faciant, ut syderea requiescat in aula,

TEXTORIS

Secundus.

Sit quoque diuina tuta salus anima.

Tertius pugil.

Sit semper requies & vita beata sepulto.

Primus.

Sit diuinorum gloria spirituum.

Secundus.

Præceptor studiose vale, tua lectio quarta

Has tibi funebres contulit exequias.

Auditor videas, morimur, cito labitur ætas,

Et freno pereunt non remorante dies.

FINIS.

SEQUENTIS DIALOGI IN-

TERLOQVVTORES SVNT,

Pecunia, Piger, Labor, Pa-
tiens laboris.

Pecunia.

P Risca qđ astriloquas miraris fama Sibyllas?
Aut Glauci qđ Deiphobē? Cur Phasidis ora
Te Medea tumet? Cur Sparta superba lacenam
Erigit: aut nitidam clarissima Troia Creusam?
Induperatrices angustas Martia Roma?
His fateor species fuerat clarissima, candor
Corporis egregius, flauum qui vinceret aurum.
At tamen in thalamum pauci petiere iugalem.
Membrorum fuerat tibi Tyndari mira venustas,
Quæ non splendidulis quas parturit India gēnis
Inuideat: solum tamen hæc commouit Atridam

Et Paridem Troia excidium. Sidonia Dido
Pulchra fuit, rutilis etiam nitidissima membris,
Formoso cuius cedat carbunculus ori,
Sed tamē hāc solū fama est Phœnica Sichæum
Exarsisse: fuit Medea in corpore pulchro
Excellens facies albo inuidiosa ligustro.
Hanc tamen Æsonides solus quesivit Iason,
Quamq; opibus præstās eduxit Troia Creusam,
Vnicus uxorem petiit sibi Troius heros.
Me multi petiere proci: perquirere nunquam
Desistunt: multis post longos nubo labores
Multos degeneres renuo, multis ego pastum
Confero, quosque mihi soci auero forte maritos,
Non mihi dant epulas: sed eos ego nutrio: quanuis
Vxores nullis tradant alimenta maritis.

Piger.

Est ne tibi talis virtus, & tanta potestas,
Vt quos in thalamum susceperis ipsa iugalem,
Enutrire queas?

Pecunia.

An sit mihi tanta potestas?
Quis nitidas epulas & fercula lauta ministrat
Regibus, & flauo vestem qua splendeat auro
Porrigit? aut multis inuoluit colla catenis
Tortilibus? quis equos vel quis calcaria præbet
Aurea? quis digitis aurum pulchrosque lapillos
Implicat? aut equites candentibus induit armis?
Quadrupedes armat phaleris? quis tela ministrat
Velutibus? nineis quis pulchra monilia nymphis
Porrigit? & claris dat munera larga puellis?

Nunquid ego?

Piger.

*Felix igitur si te mihi fausto
Connubio sociaret hymen: felicibus onis
Essem progenitus, gallina filius alba.
Sed ne nos lateas, quæ diua?*

Pecunia.

Pecuna dicor.

Piger.

*O toties votis mihi sæpe vocata diurnis,
Nocturnis toties precibus quasita: secundo
Veneris auspicio. Corruptum in littore multis
Carminibus quasiuit Hylam Tyrinthia proles,
Sed maiora dedi conuicia, pluribus auras
Questibus impleui, maior querimonia nostro
Guttore manauit. tandem post multa vocantis
Verba venis: igitur felici veneris Euro.*

Pecunia.

Mi tantis oro desiste applaudere verbis.

Piger.

Cur tibi non verbis applausero?

Pecunia.

Forte repulsam

Votis stulte tuis tandem patiere.

Piger.

Repulsam?

Nónne petis forma egregiũ vultuque maritum?

Pecunia.

*Non ego prestantes vultu formæque maritos
Inquiro: sed me ad connubia lata marito*

Sape vocant.

Piger.

Renuis mihi nubere?

Pecunia.

Nescio qui sis.

Piger.

*Sum piger, in pannis & pluma Sardanapali
Torpescens, somno semper vinóque sepultus,
Quinetiam putri solitus torpere veterno.*

Pecunia.

Qui te delectant mores?

Piger.

Ego more marini

Dormito vituli, nec me preuenteret vlllo

Latmius Endymio somno. quñ cœna peracta est,

Ad lectum propero. quum me iam longa soporis

Tadia ceperunt, pigrum mox extraho corpus

E lecto: ad ludum me confero, deinde reuertor

Ad pastũ. saturi quum plena est sarcina vëtris,

Ad ludum redeo. calefactas saepe ego thermas

Ingredior. curas abigo. meminisse doloris

Non volo, non aliquas mentem mihi rodere curas

Permitto. paucis, mihi sola ignauia grata est.

Pecunia.

O lepidum caput, & dignum sorbere meracas

Anticyras hominem! vis me tibi nubere?

Piger.

Quid ni?

Pecunia.

Ignauis nunquam quesita pecunia nubet.

Piger.

Quos igitur gaudes thalamo sociare iugali?
Pecunia.

Qui vigilant, sudant, patiuntur frigora, longam
Esuriem tolerant: qui sicco gutture possunt.
Tantaleam perferre sitim: qui ducere noctes
Insomnes: crebris simul impallescere chartis:
Qui sua committunt incertis carbasa ventis,
Qui nec aquas metuunt, nec dira spicula mortis
Formidant, qui multa pati tormenta, dolores,
Aerumnasq; graues possunt, & tempore longo
Annosisq; iugo collum supponere lustris,
Qui senibus dominis seruire fideliter audent,
Ipsumq; minas, factosaq; verba benignis
Auribus accipere, & pressum cohibere labellum,
Et qui permultis studium exercere lucernis
Sicco ventre queunt, ferula supponere dextras
Et bibere exiguis Acheloia pocula vasis,
Quos lactuca sedens aluit, & sectile porrum.
Qui sine culcitra, sine pannis, & sine plumis
In duro somnum potuerunt carpere scamno
Puluini immemores; quos Codri curta supellece
Contentos aluit, pro vili & paupere cultu,
Frigida queis actus calefecit membra caminus,
Et queis mensa breuis pastum dedit, his ego nubo;
Hos proprio admittit dilecta pecunia lecto.

Piger.

Sed nequeo tormenta pati.

Pecunia.

Tibi nubere nolim.

Piger.

Non possem perferre sitim.

Pecunia.

Consuescere fas est,

*Aut nunquam proprio te chara pecunia lecto
Suscipiet, nunquam tibi nubet, nullus aceruus
Nūmorum tibi erit, tibi nulla opulentia crescet.*

Piger.

Dic igitur paucis, quid agam?

Pecunia.

Perquire laborem.

*Qui tibi quod factu censebitur vtile, paucis
Expediat verbis, nec longa ambage moretur.*

Primus.

*Scrutabor quibus occuluit sua membra cauernis,
Quasq; habitet terras, aut qua regione vagetur.*

*Ah video, video quod amica pecunia nullis
Nubat, quorum animos plumosa ignaua vincit
Implicet, & putri faciat torpere veterno.*

*Iam non (vt video) pigris opulentia crescit,
Non aurum, nec opes, nec lati iugera campi,*

*Vinea non multas etiam quae proferat vnas,
Non multas itidem messis quae portet aristas.*

*Conandum est igitur, remis velisq; studendum,
Scire vbi deliteat labor, aut qua parte moretur.*

*Sed dum spinosos vepres, & lustra ferarum
Peruagor, & dumos & sepes deuus erro,*

*Quis mihi sese offert, facie horres, crinibus hirtus,
Callosis manibus, nervosis viribus, ingens*

Corpore homo, veras opus est agnoscere voces.

TEXTORIS

*Dic igitur, quis tu, rigidis cui brachia setis
Horrent: & facies rugis caperata seueri?
Labor.*

Sum Labor.

Piger.

*At tetrica quid denotat hispida fronte
Ruga?*

Labor.

Mihi nullo perfundi pectora succo.

Piger.

Quid callosa manus?

Labor.

*Quòd ego torpentia spernam
Ocia.*

Piger.

Quid macies?

Labor.

Tenui me viuere pastu

Innuic.

Piger.

Impexi quid signant inde capilli?

Labor.

Molliniem calui me non curare cinedi

Piger.

Quid lacer hic pannus?

Labor.

Quòd purpura nulla palato

Grata sit: aut viridi textum velamen Acantho

Piger.

Pollutus ceno quid signat calceus?

Labor.

Labor.

Omne

Corporis infirmi luxum contemnere.

Piger.

Tandem

Consule quid faciam. quid agendum, nescio.

Labor.

Nescis?

Quid vis?

Piger.

Vt misero mihi chara pecunia nubat.

Labor.

Vt tibi mendico dilecta pecunia nubat?

Quis tu?

Piger.

Tranquillo gaudens torpere vterno

Sum piger.

Labor.

O quid ais? tibi chara pecunia nubet,

Et torpere cupis? nullos capit illa maritos,

Languida continuo ni membra labore fatigent.

Piger.

Dic igitur, quid agam?

Labor.

Fas est tolerare labores.

Tormentis igitur patiens assuesce ferendis.

Piger.

Quid faciam?

Labor.

Tardis connectas bobus aratrum.

TEXTORIS.

Piger.

*Non possem a statis rapidos tolerare labores,
Non frigus deforme pati.*

Labor.

*Da lintea ventis,
Carbasa committas zephyris, sis navita.*

Piger.

*Nauta?
Contiguum nitido cernes prius aquor olympo:*

Labor.

Cur?

Piger.

*Timeo ventos, rapidas formido procellas.
Quid facerem si me scopulis illideret Auster?*

Labor.

Sis miles.

Piger.

*Quid ais? iaculo fortasse perirem,
Opprimerer mediis forsân resupinus in armis;
Aut rapide volucres inhumatû corpus in agris
Arriperent: traheret ieiunus & ilia vultur.*

Labor.

*Clitellis igitur lignum venale per urbis
Compita deportes.*

Piger.

Humeros ego ledere nolim.

Labor.

Te mercatorem profugum decet esse.

Piger.

Nequirem.

Labor.

Cur?

Piger.

Quoniam timeo viscosi tela latronis.

Labor.

*Desistas igitur tantis me obtundere verbis,
Quum nolis tolerare hyemes, perferre laborem
Frigora dura pati, rigidas sentire pruinas,
Turgida & Æolis committere vela procellis,
Pauperiem te ferre decet, desiste morari.*

Patiens laboris.

Salve dure Labor

Labor.

Quis nostra ad limina tendit?

Quis tu qui graderis?

Patiens laboris.

Patiens vocor ipse laboris.

Dic quaeso cur pigrum hominem ignauumque repellas?

Labor.

Quod velit ut coniux sibi chara pecunia nubat,

Qui nullis animum velit exercere iacentem

Officiis.

Patiens laboris.

Si forte hyemem aestiuumque laborem

Pertulero: mediis dormiuero nudus in austris

Sub dio gelidas plerumque attriuero noctes,

Esuriem tulero, sudauero, sensero frigus,

Æoliis pariter mea vela tetendero ventis,

An mihi propterea speciosa pecunia nuber?

Labor.

Nubet.

Patiens laboris.

*Abibo igitur ventos passurus & imbres.
Seruabo latomis, ero nauita, Martis ad arma
Ibo, iugo collum supponam, bobus aratrum
Iungam, glebosa mandabo semina terra.*

Labor.

Vade, age, nec dubites, tibi chara pecunia nubet.

Patiens laboris.

Vado: vale.

Labor.

*Pigri cupiunt opulescere nummis,
Et gazis inhiant, cupiunt araria Cræsi,
Deliciosa petunt sibi fercula: prandia quærunç,
Pontificum, gaudéntq; merum potare Falernũ,
In molli noctem satagunt consumere lecto:
Purpureas querunt tunicas, mirisque catenis
Colla onerare volunt, placidis incumbere ludis.
Vtq; loquar paucis: homini si forte liceret,
Regificis cuperent diuorum accumbere mensis:
Nec tamen algores, hyemes, gelidasq; pruinas
Pertulerint, nullumq; volent tentare laborem.
Non sic ignauis dilecta pecunia nubet:
Non sic ignaua poterunt opulescere mentes*

Patiens laboris.

Hem redeo studiose Labor.

Labor.

Phæbine calores

*Atq; hyemes, strictumq; gelu, gelidasq; pruinas
Sensisti?*

Sensisti?

Sensisti?

1. 1.

Patiens laboris.

Sensi.

Labor.

Varias maris atque procellas

Sensisti?

Patiens laboris.

Sensi, paucis absolvere fas est:

Sudaui, fremui, emisi suspiria, nudus

Sub dio iacui sine pannis & sine plumis:

Puluiniq; loco silicem plerumque iacenti

Supposui capiti. conuicia plurima surdis

Auribus accepi, ac rapidis velut irrita ventis

Commisi, domini mandata seuera benigno

Cepi animo, mihi nec tetricis obfistere votis

Contigit, aut vllum contra dimittere verbum.

Ligna tuli, vxi lapides, puteisq; profundis

Lymphā hausi, sensi quicquid natura laborum

Reperit, & pigrum non norunt ocia corpus.

Labor.

Ergo doloriferi patiens studiose laboris,

Post multas hyemes tibi chara pecunia nubet,

Hanc habeas, tutum te nutriet, hac tibi castra

Extruet, auratas vestes tibi conferet, agros

Conquiret, multos tibi conciliabit amicos,

Hac duce te dominum dicet plebecula, blando

Corde salutabit vulgus, famuliq; sequentur.

Regificis viues epulis, tibi fercula nulla

Defuerint, nulla ambrosia, conclusio fiat:

Pauperies sequitur pigros, opulentia gnauos.

FINIS.

TEXTORIS
SEQUENTIS DIALOGI IN-
TER LOQVVTORES SVNT,

*Ecclesia, duo episcopi, Tres hy-
pocrita, Stultus, Mere-
trix, Dives,*

Ecclesia.

DI I immortales quàm siniſtre mecum agi-
tur: nemo hercule quisquam infœlicior me
viuit hodie. nulla fuit vnquam tam agreſtis aut
barbara natio, quæ maioribus ceremoniis mihi nõ
aſſurrexerit, quàm nũc huius ſeculi mortales. Sed
ſi decentius nequeat inueniri remediũ, ad paſtores
morbum meum deferam. Saluete igitur episcopi.

Primus episcopus.

Salue nata Ecclesia.

Ecclesia.

*Mea, Et humani generis calamitas, me coëgerunt
huc accedere.*

Secundus episcopus.

Quam ob rem nata?

Ecclesia.

Poſtulatum opem.

Primus episcopus.

Eſt' ne aliquis qui male te habeat morbus?

Ecclesia.

Eſt eſt, & tantus, vt vix audeam profari.

Secundus episcopus.

*Si quid obſequij nõſtra duorum virtus queat af-
ferre, erimus inſtar medicorum, cauſam ergo*

vulneris tui detege.

Ecclesia.

Episcopi, vestra oves gregatim pereunt.

Primus episcopus.

Pereunt, bone Iupiter! quid audio?

Ecclesia.

Lupi turmatim gregem deuorant.

Secundus.

Papa! quid istud est?

Ecclesia.

Omnia paulatim eunt pessum.

Primus episcopus.

Quid agunt igitur curati & vicarij nostri?

Ecclesia.

Gregis salutem nihili faciunt.

Secundus episcopus.

Prædicantne interdum audiente populo viam salutis?

Ecclesia.

Et quid per Iouem prædicarent? elementarij & idiota sunt propè omnes.

Primus episcopus.

Elementarij? seriò loqueris, an ioco?

Ecclesia.

Extra iocum loquor, vidi vetulas plerunque doctiores.

Secundus episcopus.

*Quoniam huc verborum ventum est, nihil omit-
tas queso: profer in publicum, quicquid videbitur
dignum censoria nota.*

Ecclesia.

Si cuncta seriatim vellem exprimere, dies me deficeret: propterea paucis admodum verbis enunciarbo, quæ grauiora sunt.

Secundus episcopus.

Age ergo, ut medeamur, si modò curabilis sit hic morbus.

Ecclesia.

Primum omnium maxima pars sacerdotum (quos verbo & opere ceteris præstare decet) abecedarij sunt, ut iam diximus, plerique syllabas articulatis nequeunt compingere, & ne auditoribus innotescat ea turpido, multas interim dictiones saltuatim omittunt, ne scrupulum videatur reperiisse. Et quum omnes castitatem vouerint, pauci admodum reperiuntur qui nõ scortentur liberius quàm muliones aulici, nonnulli comam nutriunt, & (quod magnum errorem parit) reperiuntur qui more Longobardorum barbas habeant vnguentatas. Alij sericati apparent, prospiciunturque, & adeo compositè se vestiunt, ut saltatriculis elegantiores videantur.

Primus episcopus.

Verba tua magnopere me terrent, si vera sunt.

Ecclesia.

Vera ut ex Tripode. Quod ad curã gregis spectat & animarum, minus curant quàm de ranis palustribus: dum tondeant lanas, & ad cutem usque rasitent, imò vero glabant, satis est. Alij sunt vinolenti, & instar Menadum noctes atque dies

pergracantur. Ut semel omnia dicam, nihil omnem ex parte reperies non corruptum, non contaminatum.

Secundus episcopus.

Absolve si quid superest.

Ecclesia.

Parum adhuc à portu promouì, multos reperias qui mercatorum more emendis vendēdisque rebus intendant. licitantur quæ sub hasta veneunt, pecuniam fœnori credunt, iudicares esse mercatores Nabathaos.

Primus episcopus.

Res se habet contra quàm opinabar.

Ecclesia.

Nihil audisti, permulti sunt qui familias seruant nepotum, ita enim vocare solent filios.

Secundus episcopus.

Nihilne comminisceris?

Ecclesia.

Nota cunctis & testata loquor. qui in matrimonio degunt, vxoribus suis cauere nequeunt.

Primus episcopus.

Ariolari ergo licet cultum religionis apud eos multum frigescere.

Secundus episcopus.

Frigescere? vix certe: quia nunquam incaluit.

Quum ad aram properant, videntur esse porci ad haram.

Secundus episcopus.

In cantu quam habent harmoniam?

Stultus.

*Asinorum symphoniam rudunt, ululant, balant.
Quñ eos audio, audire videor grūnientes porcos.*

Primus episcopus.

Incipit me pudere tantæ turpitudinis.

Ecclesia.

*Eorum probris aures omnium calent, nihil est
theatro notius.*

Secundus episcopus.

Sūntne multi eius notæ?

Ecclesia.

*Omnes ferè ad vnum. Propterea nisi huic tantæ
pesti properè obsistatur, actum est de Christiana
pietate, de salute animarum iacta est alea.*

Primus episcopus.

Suspensi miramur quod memoras.

Ecclesia.

*Ego vero desleo, & hac in re vestram imploro fi-
dem: quam si recusetis, iam vos lapideos & fer-
reos voco. Grauem enim faciet iacturam grex
animarum: si hoc diutius contagium serpere per-
miseritis. Date ergo operam, ne quid detrimenti
capiat ecclesia.*

Secundus episcopus.

*Si habes ad manum quo modo hac inueterata pe-
stis euelli queat ab radice, eloquere: faciemus quæ
vñ fore videbimus.*

Ecclesia.

*Preficite vestris ouibus pastores bonos, anima-
rum curiosos, qui lucrum nihili faciant, vera*

bo doceant *Et* opere, lepram à lepra dignoscant, putridis ulceribus medeantur, cum grege maneant, *Et* ab omnibus luporum insidiis caueant.

Primus episcopus.

Si qui tales reperiantur, tuo parebimus consilio.

Sed non parū timeo ne rare sint huiusmodi aues.

Ecclesia.

Aduertite quæso, adsunt nescio qui palliati philosophi, qui miram vultu sanctitatem promittunt.

Primus hypocrita.

Omnipotens deus rerum humanarum opifex, oro te per mortem vnigeniti filij tui, per crucem, per plagam, per coronam, per resurrectionem, per ascensionem, auerte oculos meos ab omni vanitate.

Secundus hypocrita.

Esto mihi domine turris fortitudinis à facie inimici. tu es refugium meum, tu deus meus, tu creator, tu redemptor. pone custodiam ori meo: conserva me ab omni via iniquitatis.

Tertius hypocrita.

In matutinis meditabor in te.

Secundus hypocrita.

Vespertina oratio mea ascendat ad te domine.

Primus hypocrita.

Ego te concupisco deus meus, ego te sitio, absit mihi gloriari, nisi in cruce tua.

Secundus hypocrita.

Domine meditabor in te, quia fuisti adiutor meus.

Primus episcopus.

Magna hercle est horum philosophorum sanctitas, aut ego fallor.

Secundus episcopus.

Miram præ se ferunt religionem.

Stultus.

Attēdite à falsis pphetis, qui veniūt ad vos in vestimentis ouiu, intrinsecus autē sunt lupi rapaces.

Primus hypocrita.

Me miseret humane calamitatis: nemo curat salutem animarum.

Stultus.

Hic multum curat: scilicet,

Secundus hypocrita.

Dolet mihi quod gravitatem sceleris expendat nemo, corpus scelere contaminatum fœdius est cadauere.

Stultus.

Quam egregiē sanctitatē simulant isti cucullati.

Tertius hypocrita.

Fratres mei ego vos oro per viscera charitatis, populum hunc palàm moneamus suæ salutis: horrore est mihi videre tot animas turmatim pereuntes.

Stultus.

Aliquid lucri sperant.

Primus hypocrita.

Fratres mei charissimi,

Audite verbum salutis.

Audite dilectissimi

Verbum plenum sanctitatis.

Secundus hypocrita.

Christus nostra redemptio

Pro nobis nasci voluit.

Tertius hypocrita.

Ante Christi passionem

Omnes anima peribant.

Primus hypocrita.

Christus nostra protectio

Pro nobis pati voluit.

Secundus hypocrita.

Omnes ad perditionem

Cateruatim descendebant.

Tertius hypocrita.

Christus sua pietate

Seruile corpus induit,

Et immensa bonitate

Nos vinculis eripuit.

Stultus.

Quam bene lachrymas sibi excutiunt,

Vt sanctitatis opinionem mereantur!

Primus hypocrita.

O mortalis creatura

Sumpta seruili natura,

Vide vide quid patitur

Qui labe nulla tingitur.

Secundus hypocrita.

Potes lachrymas tenere,

Dum prospicis creatorem

Confossum plagis languere?

Heu non cadit in horrorem?

Stultus.

Vide lachrymosas & fictas hypocritarum exclamationes.

Tertius hypocrita.

Nemo finem considerat,

Et tamen omnes morimur:

Mors nostra sensim properat

Omnes ad fatum labimur.

Primus hypocrita.

Hei quid dicet creatura

Tanto referta vitio,

Summo deo responsura

In tremendo iudicio?

Stultus.

Quem non falleret tam portentosa eiulatio?

O fallax hominum genus, aliquā sperant prædā.

Secundus hypocrita.

Hic aterna miseria,

Luctus, & stridor dentium:

Hic tristis querimonia

Damnatorum gementium.

Tertius hypocrita.

Quid dices homo mortalis,

Quum tot patebunt tormenta,

Quum lucebit flamma talis,

Tot emittentur lamenta?

Stultus.

*Vtinam lingua non dissentiret à corde, esset-
que talis operatio vestra, qualis oratio, fratres
cucullati*

Primus hypocrita.

Nos morimur.

Secundus hypocrita.

Finem petimus.

Tertius hypocrita.

Nos fata morantur.

Primus hypocrita.

Tempus abit.

Secundus hypocrita.

Certa est mors,

Tertius hypocrita.

Fugitiva dies,

Primus hypocrita.

Vermis ero,

Secundus hypocrita.

Caro putris, ero,

Tertius hypocrita.

Me conteget vna.

Tertius hypocrita.

Conquerar,

Secundus hypocrita.

Ardebo,

Tertius hypocrita.

Verbera mille feram

Primus hypocrita.

O lachryma,

Secundus hypocrita.

O gemitus.

Tertius hypocrita.

O poena.

Primus hypocrita.

Fleatis amici,

Secundus hypocrita.

Ibimus in cineres,

Tertius hypocrita.

Ibimus in tenebras,

Primus episcopus.

*Pol, ego nunquā mihi persuasero non esse miram
sanctitatem in his philosophis.*

Secundus episcopus.

Maximam promittunt religionem,

Primus episcopus.

Non est credibile eos verba dare populo.

Secundus episcopus.

Quis putet tam sanctos viros fucum velle facere?

Primus episcopus.

Damnant vitia.

Secundus episcopus.

Virtutem predicant.

Primus episcopus.

Pra oculis semper habent diem iudicij.

Secundus episcopus.

*Auribus eorum intonare videtur terribilis illa
Hieronymi tuba.*

Primus episcopus.

*Vt semel finia, videtur mihi omnib⁹ virtutū nu-
meris absolutissimi. His ergo cōmittēda est nostra-
rū onū cura, digni sūt sacerdotiis et canonicatib⁹.*

Secundus episcopus.

Iubeamus convocari, & de his bene mereāmur.

Primus

Primus episcopus.

*Bene dixisti, grex noster erit securior ab insidiis
luporum,*

Stultus.

*Cauete episcopi, cauete fraudulentisunt, atten-
dite à falsis prophetis: qui veniunt ad vos in ve-
stimentis ouium, intus autem sunt lupi rapaces.*

Secundus episcopus.

*Quid? lupi rapaces & fraudulentis? imo verò a-
mantissimi virtutis.*

Stultus.

*Egregie dicunt, sed vita non est conformis ora-
tionis*

Primus episcopus.

Quid? sunt similes curiis?

Stultus.

Curios simulant, & Bacchanalia viuunt.

Secundus episcopus.

Nihil frequentius loquuntur quàm de virtute.

Stultus.

De virtute loqui facile est, virtutibus uti

Hoc Sansonis opus.

Primus episcopus.

Deum semper habent in ore.

Stultus.

Longe vero à corde.

Secundus episcopus.

Qua causa hoc facerent?

Stultus.

Ut astutiùs fallant.

TEXTORIS

Primus episcopus.

Falluntne promptius quum ita loquuntur?

Stultus.

Fallunt, quia cum verbis illis fidem sanctitatis populo promittunt: nemo est qui ab eorum insidiis timeat.

Secundus episcopus.

Quid? nihil sitiunt nisi salutem animarum.

Stultus.

Imò verò pecuniam crumenarum.

Primus episcopus.

Falleris: nihil aspernantur magis quàm diuitias.

Stultus.

Imò verò nihil appetunt magis.

Secundus episcopus.

Tu vides contrà, paupertatem predicant.

Stultus.

Paupertas hac etate parit diuitias: vt veritas odium, & familiaritas contemptum.

Primus episcopus.

Sordide vestiuntur, vt vides: & inuoluto toto corpore.

Stultus.

Sedes hypocrisis est cucullus.

Secundus episcopus.

Comas habent supercilio breuiiores.

Stultus.

Ex curtis capillis non est arguenda sanctitas.

Primus episcopus.

Caliguntur laxis, & inelegantibus, ita vt

videantur induti sacco.

Stultus.

Ne videantur suspecti vanitatum.

Secundus episcopus.

Palàm sunt sanctissimi.

Stultus.

Tu nescis quid intus faciunt.

Primus episcopus.

Omnes amant, omnibus bene volunt.

Stultus.

Nullum est hominum genus qui maiore intabescant odio, aut ipsum diutius seruent.

Secundus episcopus.

Pauperes nutriunt : pascunt ieiunos : sitientes possunt : Et nudos operiunt, ut opinor.

Stultus.

Promptissimi sunt ad capiendum, ad dandum tardissimi, maiores sunt eleemosynæ fullonum.

Primus episcopus.

In incessu gravitatem servant.

Stultus.

Vt à transeuntibus salutentur.

Secundus episcopus.

Carpunt omnium peccata.

Stultus.

Vtinam ipsi sua prospicerent, & suo se pede metirètur. Carere debet omni vitio, qui in alterum dicere paratus est, inquit Cicero cōtra Sallustium.

Primus episcopus.

Honores huius sæculi contemnunt.

Stultus.

Illud est quod appetunt maxime.

Secundus episcopus.

Canes etiam reiiciunt.

Stultus.

Vtinam & inuidiam caninam.

Primus episcopus.

Poëtas, musicos, histriones, deuouent flammis.

Stultus.

*Nō sunt, harmonice compositi: similes sunt asino,
qui stramina mauult quàm aurum.*

Secundus episcopus.

Versantur assidue in claustris & templis.

Stultus.

Perquirunt clauēs.

Primus episcopus.

*Damnant pluralitatem beneficiorum: ita eorum
verbis utar.*

Stultus.

*Qui habent, non improbant: qui non habent, la-
trant vt habeant.*

Secundus episcopus.

Lites damnant.

Stultus.

Nusquam hominum maiores reperias factiones.

Primus episcopus.

Macri sunt ieiuniis.

Stultus.

Exterminant facies suas, vt appareant sancti.

Secundus episcopus.

Conuiuia damnant & compotationes.

Stultus.

*Vino tamen utuntur omnium optimo : quod iam
proverbio locum fecit.*

Primus episcopus.

Sobrii sunt.

Stultus.

*Non omnes, nam multos reperias obeso & omni-
potenti ventre : carbunculata & sapphirata fa-
cie, gemmato naso, rubentibus oculis, & stoma-
cho protenso.*

Secundus episcopus.

Pecuniam contemnunt.

Stultus.

Imo verò congregant thesauros.

Primus episcopus.

Vt forte dispergant & dent pauperibus.

Stultus.

Pauperibus nepotibus in prima linea.

Secundus episcopus.

Vinum multa aqua diluunt.

Stultus.

Incendio non possunt resistere.

Primus episcopus.

*Lumbos habent præcinctos, & lucernas ardentes
in manibus.*

Stultus.

In visceribus.

Secundus episcopus.

Quid? eos indignos putas, quibus animarum

committatur cura?

Stultus.

Caute ne oues committatis lupo.

Primus episcopus.

*Per Iouem lapideum, quicquid dicas, persuaderò
mihi non potest quin probatissima sint vite.*

Stultus.

Fronti nulla fides.

Secundus episcopus.

*Frater ut agamus securius, experiamur caute, an
nullis omnino moveantur voluptatibus: si videamus
eos persistere in rigore sua sanctitatis, com-
mitteremus illis greges animarum, & sacerdotia.*

Primus episcopus.

*Astute dicis Et lapide: mittamus cantores pri-
mos omnium qui harmonia suauitate eos pelli-
ciant ad voluptatem.*

Secundus episcopus.

*Properate meliti catores, & nostrorum Catonum
seueritatem suauidiciis cantibus permulcete.*

Cantores cantant.

Primus hypocrita.

*Faceßite hinc illecebrosi musici, faceßite
Abite in malam rem corruptores morum per-
ditissimi.*

Tertius hypocrita.

*Vos inftar Sirenum cantu vestro demulcetis ho-
mines, sopitos demum submergitis.*

Primus hypocrita.

Multo satius est lachrymis vacare.

Secundus hypocrita.

Longe foret vtilius deslere vitia.

Tertius hypocrita.

Multò commodiùs Christo patienti condolere.

Primus episcopus.

Mirum in modum superstitioni sunt, & tetrici.

Secundus episcopus.

Nulla est omnino voluptas quam nō reprobent.

Stultus.

Reprobant lingua, quam intus depereunt.

Primus episcopus.

*Mittamus liberali forma puellam, quæ amœnit-
tate verborum, & oris pulchritudine eos ad vo-
luptatem pelliciat: hoc modo explorabimus quales
sunt eorum animi.*

Secundus episcopus.

*Bene dicis, quoniam nulla est efficacior ad nocen-
dum peñtu, quàm corrupta mulier.*

Primus episcopus.

Heus tu agedum puella, prodi in medium.

Secundus episcopus.

*Sunt hic rugosi nescio qui Catones, qui miram
vultu sanctitatem promittūt potes experiri sintne
fucati an versipelles?*

Meretrix.

Curabo rem astutè factam.

Salute o tetrici & rugosa fronte Catones.

Primus hypocrita.

Salve flammeolis pulchra puella oculis.

Meretrix.

Cur vos conspicio torua gravitate sēueros?

Secundus hypocrita.

Inconstans leuitas mollia corda decet.

Meretrix.

Cur facies madida est lachrymis, oculique rubentes?

Tertius hypocrita.

Nos mortis memores efficit hora breuis.

Meretrix.

Nos mortis memores breuis efficit hora, quid inde?

An lachrymis fatum tardius esse potest?

Primus hypocrita.

Non verum lachrymis (quas illecebrosa voluptas Extrudit) virtus clavior esse solet.

Meretrix.

Crescere virtutem lachrymis fletuque putatis?

Secundus hypocrita.

Delicia risum leticiamque p'tunt.

Meretrix.

Scilicet has tetrica frontis deponite rugas,

Et faciem letis exhilarate iocis.

Pulchra mihi facies, qualis tua Tyndari forma,

Et mihi facundis lingua diserta sonis.

Secundus hypocrita.

Hanc linguam comedent vermes.

Meretrix.

Oculi mihi lucent,

Ardet ut in rutilo lucida concha mari.

Tertius hypocrita.

*Et pulchris Helene formosa micabat ocellis,
Qua tamen immundis vermibus esca fuit.*
Meretrix.

*Aureolum corpus vincit candore ligustrum,
Et primas pariter quas iacit aura nives.*
Primus hypocrita.

*Dormit odorifera coluber plerunque sub umbra,
Vlcera sub niuea putrida pelle latent.*
Meretrix.

*Vosne papilla mouet gemipoma, fauiflua, mordax
Que duo prominulo tubere poma facit?*
Secundus hypocrita.

In mammi putredo latet, iam parce querelis.
Tertius hypocrita.

His verbis tenebras induit alma dies.
Stultus.

*O hypocritarum astutiam! palam damnant, quod
intus cupiunt: nec aliam ob causam quam vt ne-
gligentes voluptatum videantur, & dolosa hypo-
crisi venentur aliquid.*

Meretrix.

*Pastores ego hos Curios quanta verborum maxi-
ma amœnitate potui, delinui: Nulla est voluptas
quam non oderint cane peius Et angue.*

Primus episcopus.

*Nisi mea me fallit opinio, sanctissimi sunt, aut
intus maxime dolosi.*

Secundus episcopus.

*Pergamus adhuc, Et aliis id genus irritamentis
tentemus eorum animos.*

Primus episcopus.

*Mittamus Bacchum aliquem aut vinolentum
hominem, qui eos ad ebrietatem pelliciat.*

Secundus episcopus.

*Mittamus : heus tu anophile, cui cordi sunt cra-
teres Et pocula, viden' superciliosos illos Fabricos?*

Bacchus.

Video.

Primus episcopus.

*Vade ergo, & si ratione vlla fieri potest, diuerte à
temperantia Et sobrietate.*

Bacchus.

*Quæ maior meliôrve potest homini esse voluptas,
Quàm bibere optatum térque quaterque
merum.*

Laudatur gravitas, consultaque vita Catonis,

Et tamen incaluit nectare sæpe Cato.

Vina sitim pellunt, & vires corporis augent :

Gutturibus mutis verba parata ferunt.

Vina fouent risus, sine vino cura dolorque,

Et lachryma in tota surgere plebe solent.

Nunc mecum ad choreas accedite.

Tertius hypocrita.

Vade vorago.

Primus hypocrita.

Vade colubrino vipera felle tumens.

Secundus hypocrita.

Discede hinc nebulo.

Tertius hypocrita.

Fuge corruptissime serpens.

Primus hypocrita.

Vis me mortifero commaculare luto?

Secundus hypocrita.

Visne meam tantis animam potare veneni?

Tertius hypocrita.

Vis me ad tartareas ire Acherontis aquas?

Meretrix.

Si non forte placent choreæ: requiescite mecum.

In thalamo vobis crescet amica venus.

Primus hypocrita.

Ho quid ais multo meretrix infecta veneno?

Secundus hypocrita.

Quid prodest homini deliciosa venus?

Tertius hypocrita.

Quid prodest homini scuticis armata libido?

Meretrix.

Quid? vegetis hominem viribus esse facit.

Primus hypocrita.

Sed potius minuit vires,

Secundus hypocrita.

Effæminat artus.

Tertius hypocrita.

Membra facit musca debiliora breui.

Primus hypocrita.

Hæc scabiem nutrit.

Secundus hypocrita.

Saniosis vlcera membris.

Tertius hypocrita.

Extremosque dies accelerare facit.

Meretrix.

*Si vultis molli mecum requiescere lecto,
Tradite signa, meū basia multa genis.*

Primus hypocrita.

*Quid mihi profuerint tua basia foeda virago?
Meretrix.*

Basium est omni dulcius ambrosia.

Secundus hypocrita.

*Oscula parturiunt flammās, quibus atra libido
Urere cum venis viscera tota solet.*

Tertius hypocrita.

*Oscula porrectis pariunt incendia nervis,
Vix bene quæ totus deleat oceanus.*

Meretrix.

*Spernitis hanc faciem, rutilo quæ clarius auro
Promicat æstivis invidiosa rosis?*

Primus hypocrita.

*Forma tua est cinctum speciosa pelle cadaver.
Secundus hypocrita.*

Forma tua est putris verum adoperta caro.

Tertius hypocrita.

*Forma tua est volucris donum velocius aura.
Meretrix.*

Frons mea pestanas vincit odore rosas.

Primus hypocrita.

*Frons tua putris erit caries: tumuloque tegetur.
Et nitida hac dabitur vermibus esca caro.*

Bacchus.

*Propterea potate patres: genioque fauete:
Natura Et genius vina Falerna petunt.
Hanc cape tu primus pateram.*

Primus hypocrita.

Vade ebrie Bacche.

Quid mihi cum vino? quid mihi cum pateris?

Secundus hypocrita.

Ebrie vis homines sanctos corrumpere vino?

Stultus.

Sanctos homines!

Tertius hypocrita.

Discede, atque aliò pocula rubra feras.

Primus hypocrita.

Vina adimunt sensus

Secundus hypocrita.

Lites & iurgia gignunt.

Tertius hypocrita.

Imponunt miseris cornua pauperibus.

Primus hypocrita.

Ebrie, vade foras, aliò tua vina reportes.

Bacchus.

Nonne solet vino surgere blanda quies?

Secundus hypocrita.

Dum molli baccho interna caluere medulla,

Viscera flammifero mox cremat igne venus.

Tertius hypocrita.

Vita brevis satis est nobis, & paruula mensa,

Et gelida ad fontem sufficit haustus aqua.

Stultus.

*Quàm abstemij sunt, qui faciem habent rubris
pyropis illuminatam.*

Primus episcopus.

Nihil in eis reperio dignum nota.

Secundus episcopus.

Mittamus adhuc opulentū hominem auro & gemmis ornatum, qui diuitias offerat: quas si spreuerint, sufficiens probata vita argumētum praestiterint. Agedum opulente, perge cum tuis gazis. fac periculum quales sunt rugosi isti veterani.

Diues.

Cur te Fortunam facit ingeniosa vetustas.
Esse deam, terris, caeloq; ereboq; potentem,
Et manibus geminis opulentum ostendere cornu?
Nam sine te nec opes vlla, nec habentur honores.
Tu sola es per quam magnos plebecula reges
Suspicit: ornatosq; auro gemmisq; decoros.
Purpureus duce te magna cum laude Senatus
Iura dat & leges populo: numenq; putatur.
Hoc facit in terris multarum copia rerum,
Diuitiae aeternam pariunt per saecula famam,
Hinc modò laurigeri Crassumq; Mydāq; poëta
Laudibus innumeris cumulant: opulencia rerum
Comparat aeternū diuturna in tempora nomen,
Paupertas modice morituri sine nomine plebis.
Propterea ô tetrica clari gravitate Catones,
Depositis rugis venturo intendite lucro.
Vultis opes? ego diuitiis opulentus & auro,
Possideo quicquid Lydorum regia Sardis
Auriferoq; Rhodos possedit nobilis imbre.

Primus hypocrita.

Nolumus

Hac, locuples tantarum copia rerum,

Secundus hypocrita.

Delicias luxumq; fouet.

Tertius hypocrita.

Malesuada libido

Thesauris alitur.

Primus hypocrita.

Cumulato pascitur auro

Luxuries.

Diues.

Non vultis opes?

Secundus hypocrita.

Nos nolumus,

Diues.

Vnde?

Tertius hypocrita.

Paupertate alitur generosa & candida virtus.

Stultus.

Hi paupertatem amant, scilicet mirabilis hypocritarū fucus: diuitias aspernari se fingunt, quas tamen velis & remis insectantur.

Diues.

Sed sine diuitiis ingloria vita recedit.

Primus hypocrita.

Diuitiis homines Stygia merguntur abyssō.

Secundus hypocrita.

Paupertate emitur cælum,

Tertius hypocrita.

Pænuria rerum

Fœlices animas tenebroso liberat Orco.

Primus episcopus.

Ego plura sanctitatis argumenta non postulo.

Secundus episcopus.

*Per Iouem quicquid garriat hic nugiuendus,
sanctissimi sunt nulla est voluptas quā non repro-
bent. Voluptificis cantorum modulis non mouen-
tur, meretricum blandimenta respuunt, auersan-
tur ebrietatem, diuitias nihili pendunt. Placet mi-
hi vt accersantur, eisque greges animarū & pin-
guia committamus sacerdotia.*

Primus episcopus.

Adeste philosophi, adeste.

Hypocritæ.

Saluete vigilantissimi pastores.

Secundus episcopus.

*Quoniam explorata est nobis sanctitas vestra:
quoniam doctrina vestra fecimus periculum, vo-
lumus greges ouium, & animarum curam fidei
vestrae committere.*

Secundus hypocrita.

*Ha reuerendissimi patres, absit vt curas et bene-
ficia (quod dicitur) accipiamus.*

Stultus.

*Iupiter, quid non fulminas? beneficia nolunt isto
cucullati, quia munera non capit vulpes. odiosum
mihi hominum genus.*

Primus episcopus.

*Velitis nolitis, oportet pareatis, quoniam filia no-
stra ecclesia conquesta est grauissimè quod nullos
habet doctrina & sanctitate pradios pastores.
vultis obsistere mandatis patrum vestrorum spi-
ritualium?*

Tertius

Tertius hypocrita.

Ha, nolumus, vigilantissimi patres.

Secundus episcopus.

Accipite ergo sacerdotia & curas animarum quas offerimus. Ego te, qui primo stas loco, constituo turratum ecclesia Sancti Petri in Remensi diocesi, beati Theodoberti Senonensis, atq; vnà canonicatum Meldensem tibi confero.

Primus hypocrita.

Gratiam ago tibi, sanctissime pater.

Primus episcopus.

Tu secundus, habe curam sancti Nicolai in Lotharingia, beati Adolphi in Aruernia, & sancti Gaudulfi in Burgundia.

Secundus hypocrita.

Gratias ago tue sanctitati pater vigilantissime.

Secundus episcopus.

Tibi tertio conferimus quaternas curas, & binos canonicatus.

Tertius hypocrita.

Dominus velit vt meas pauperrimas oues ad portum salutis possim perducere.

Primus episcopus.

Sed audite cucullati fratres, nos volumus vt gregi nostro assistatis.

Primus hypocrita.

Assistemus pater: quia leo rugiens circuit & querit quem deuoret.

Secundus episcopus.

Caute ne alibi terrarum aut gentium habitetis,

quàm cum vestris ouibus.

Secundus hypocrita.

Nusquam pater, quia qui gregem deserunt, damnati sunt priusquam moriantur.

Primus episcopus.

Præterea nolite omnem succum ab ouibus extorquere.

Tertius hypocrita.

Non faciemus pater, quia boni pastoris est tondere pecus, & non deglubere.

Secundus episcopus.

Abite ergo in pace, & filiam nostram Ecclesiam quâta maxima poteritis diligentia cõseruate, eiusque omnes pascite, & viâ salutis annunciate populo.

Primus hypocrita.

Videte fratres, videte quod prodest mētiri sanctitatē.

Secundus hypocrita.

Hoc nunquam extorsissemus ab episcopis, nisi simulassetus aspernari voluptates.

Tertius hypocrita.

Eamus nunc, & genialiter viuamus cum ceteris hypocritis: vicarij nostri satis studiosè curabunt gregem.

Ecclesia.

Nūquāme aderit requies labori? sic oues meæ gregatim pessum ibunt? Eritne quisquam qui disspantias, errantes, ad bonam frugem renocet? Episcopi, nunquam miscebimini meæ calamitati?

Primus episcopus.

Equidem miseri sumus, Ecclesia: & explorata

*sanctitatis viros ad te misimus, qui gregem tuum
opere & verbo pascere.*

Secundus episcopus.

Vidistine aliquos?

Ecclesia.

Nullos.

Primus episcopus.

*Iupiter, quantum iactura & detrimenti simula-
ta parit sanctitas!*

Stultus.

*Nunquid consulte premonueram, ut attendere-
tis à falsis prophetis, qui veniunt ad vos in vestime-
tis ovium, intrinsecus autem sunt lupi rapaces?*

Secundus episcopus.

*Papa! quid istud est? tanti erat apud me fides eo-
rum, ut quoque vellent naribus me traherent.*

Primus episcopus.

*Quid? latrabant palàm, eosq; fatebatur damna-
tos, qui gregi suo non assisterent.*

Stultus.

Egregie dicunt, sed frigescent opere.

Secundus episcopus.

Eamus queso, & visamus ubinam sunt.

Stultus.

Ellos.

Primus episcopus.

Quid nam rerum istic agunt?

Stultus.

Stant in costulis arietinis.

Secundus episcopus.

Heus philosophi, ubinam est illa predicatio in grege, quam pollicebamini?

Primus episcopus.

Quid? vestra oues sunt sine custode.

Secundus episcopus.

Lupi agnos cum matribus deuorant.

Primus episcopus.

Vultis subsidium afferre?

Stultus.

Tacent, habent enim ora ossibus prepedita.

Secundus episcopus.

Iam nunc video nullam esse fronti fidem. nulla me amplius trahit admiratio si male agatur cum Ecclesia. nam pastores idiotæ populū docere nequeunt, literati nolunt.

Primus episcopus.

Concludamus ergo cum Euangelistā Matthæo spectatores, Attēdite à falsis prophetis qui veniunt ad vos in vestimentis ouium, intrinsecus autem sunt lupi rapaces.

FINIS.

HUIUS SEQUENTIS DIA-

logi personæ sunt. Contemptor mundi,

Mors, Morbus, Fortuna, Salus ani-

mæ, Mortis meditatio, Pecca-

tum, Oblitiō mortis, Iu-

uenis, Vir, Senex.

C Theophilus.
Contemptor mundi quid an?

Contemptor mundi.

Iecur æstuat ira,

Theophile.

Theophilus.

Vnde tument flaua tibi viscera bile,

Contemptor mundi?

Contemptor mundi.

Quòd vita caduca recedet

Theophile.

Theophilus.

Æternis velles obistere fati?

Contemptor mundi.

Nolo ego fatales parcarum rumpere fusos,

Sed doleo quòd nos fugitini terminus æui

Sic lateat.

Theophilus.

Velles mortis præscire futura

Momentum?suprema vetat nouisse potestas.

Contemptor mundi.

*Theophile hoc nihil est, grauior mihi cura me-
dullas*

Compungit, tacita quòd cum venit vltima vita

Linea, & in tenues discedit spiritus auras,

Nemo sciat quòd flectat iter.

Theophilus.

Quid?noscere velles?

Contemptor mundi.

Tu scis hic varias curarum crescere spinas,

Theophilus.

Hoc scio.

TEXTORIS

Contemptor mundi.

*Scis hominem tormentis credo ferendis
Progenitum?*

Theophilus.

Verum est,

Contemptor mundi.

*Variis obnoxia curis
Membra.*

Theophilus.

Scio.

Contemptor mundi.

*Post latitiam cito surgere fletum,
Theophilus.*

Et scio.

Contemptor mundi.

*Scis etiam nihil omni ex parte beatum.
Et quòd vita hominis nihil est, at lubrica.*

Theophilus.

Nosco.

Contemptor mundi.

*Nōne graue est homini, quē semper cura metūsq;
Et sitis, Et maleuada fames, Et turpis egestas
Viuentē oppressat, dum tandem vita peracta est,
Tunc profuga nescire animæ sedemq; domumq;?*

Theophilus.

Quid facias?

Contemptor mundi.

*Saltem si tempora nostra carerent
Ærumnis.*

Theophilus.

Superi prohibent.

Contemptor mundi.

Si tempore saltem

Perfecto, & subiti completis mensibus aui,

Certam anima requiem cæli promitteret aula,

Post huius vitæ exitium.

Theophilus.

Cœlestia nolunt

Numina.

Contemptor mundi.

Si certam mortis cognosceret horam

More pila fugitivus homo, tunc forte futuris

Consuleret rebus, mores mutaret iniquos.

Staret in excubiis: altaria sacra Sabæo

Thure vaporaret: cumulatum traderet aurum

Pauperibus, scelerum maculas purgaret iniquas.

Theophilus.

Cum dñj permittunt faciæ,

Contemptor mundi.

Non te latet, omnes

Maioris semper capit expectatio vitæ.

Theophilus.

At male spes hominem maioris decipit aui.

Contemptor mundi.

Nūquid plenus erit lachrymarū, qui modo ridet?

Qui nunc dulget genio, qui corpore sanum

Se credit, fato cras forte peribit acerbo

Qui risus? qualēsve ioci, quæ gaudia vitæ?

Theophilus.

Et tibi forte etiam mors est vicina loquenti.

Contemptor mundi.

*Nescio quid referas, sed adest rugosa virago
Quæ nos à tergo sequitur.*

Theophilus.

Bone Iuppiter

Contemptor mundi.

Et nunc

Quod cecini verum est: forsitan cras es periturus,

Theophilus.

Quæ dea?

Mors.

Mors,

Contemptor mundi.

Sed quis lateri comes additus haret.

Morbus.

Sum morbus, mortis famulus.

Theophilus.

Bone Iuppiter, & quid?

Cum loquimur sequeris.

Mors.

Nemo est cui terminus aui,

Non instet.

Morbus.

Nemo cui non contagia morbi

Immineant.

Contemptor mundi.

Sequeris pariter, regesne ducésne.

Mors.

Omnia mors æquat.

Morbus.

*Nulla est electio morbi,
Tam subito perimit Crasum, quam vulnerat
Irum.*

Theophilus.

Si fortis fuero?

Mors.

Fortem Sansona peremi.

Morbus.

Et nostris iaculis fortes periere gigantes.

Contemptor mundi.

Si pulcher?

Mors.

Periit Iudith, periere Sibyllæ,

Morbus.

Pulchra Helene, Dido: nostris cecidere sagittis.

Theophilus.

Si sapiens?

Mors.

Cecidit Salomon.

Morbus.

Cecidere Solones.

Contemptor mundi.

Si gravis?

Morbus.

Occubuit Crassus.

Mors.

Cecidere Catones.

Theophilus.

Si locuples?

Mors.

Cecidit Cræsus,

Morbus.

Periere monarchæ.

Mors.

Mortuus est Xerxes

Morbus.

Et mortuus ille Darius,

Contemptor mundi.

Et si bellator validus?

Mors.

Duo fulmina belli

Scipiada cecidere.

Morbus.

Iacet clarissimus armis

Hannibal.

Mors.

Et gemina belli civilis Erinnes

Pompeius gener, & Caesar socer.

Morbus.

Occidit Ajax,

Mors.

Hector decepsit.

Morbus.

Salvus non mansit Achilles,

Theophilus.

Si laetis vivens epulis?

Mors.

Cleopatra recessit.

Morbus.

Ingluies ventris tibi nec famose Vitellæ

Profuit.

Contemptor mundi.

*Et si me comitetur amica voluptas,
Si venus, & veneris petulans ancilla libido.*

Mors.

Nec matricida venus illecebrosa Neroni

Profuit.

Morbus.

Et mollem non iuuit Sardanapalum.

Mors.

Pasiphaë occubuit,

Morbus.

Periitque Corinthia Lai.

Mors.

*Vis semel expediam? quicquid natura creauit,
Currit ad interitum.*

Morbus.

Nulla est res inuia morti.

Theophilus.

*Sed cur pubescens annis iuuenilibus etas
Subiicitur fati, velut enervata senectus?*

Mors.

*Sic placuit superis, ne si prolixior etas
Aut magis certa esset pueris, nunc mortis amara
Immemores, quodcunque nephas sine lege pa-
trarent.*

Morbus.

Multis terrori est incognita linea vite.

Contemptor mundi.

Post mortem quò tendit homo?

Mors.

Duplex via.

Morbus.

Duplex

Mansio.

Mors.

Si vivens bene vixerit, aetheris aulam

Conscendet.

Morbus.

Sed si male vixerit, ibit ad umbras.

Theophilus.

Sufficit. est ne igitur prudens, quisquis bene vivit

Contemptor mundi?

Contemptor mundi.

Prudens, deus optime, prudens,

Theophile, ast etiam vigili vigilantior Argo.

Theophilus.

Est ne etiam stultus, qui cum velocior curis

Defluat, atque instar bullae vanescat in auras,

Non tamen extremi consideret ultima fati

Tempora, non anima studeat, propriae salutis.

Consulat, at semper ludis vacat, ocia quarit,

Et quodcunque nephas sequitur virtute relicta,

Contemptor mundi?

Contemptor mundi.

Stultus, deus optime, stultus,

Theophile, & multum imprudens, et stultior ipsa

Stultitia:

Theophilus.

Certum est, mortale hoc corpus iturum

In cineres.

Contemptor mundi.

*Certum est putre ac deforme cadauer
Hoc hominis corpus vileni fore vermibus escam.*

Theophilus.

*Sensibus attentis igitur perpendere phas est
Quò flectamus iter.*

Contemptor mundi.

Quid in hac re consulis,

Theophilus.

Audi,

Fortuna est quæ dat mortalibus omnia.

Contemptor mundi.

Verum est,

Theophilus.

*Expedit hanc igitur pronis deponere votis,
Et vitæ nobis ritumque modumque futura,
Quò nos posthabitis vitiis, virtutis amore
Ducamur.*

Contemptor mundi.

*Salve mundi fortuna caduci,
Formidatorum nutrix suavisissima regum,
Atque nouerca inopum.*

Fortuna.

Saluete.

Theophilus.

Caduca videntes.

*Tempora & incerti quòd sit rota mobilis aui:
Vtq; etiam duplex post vitam mansio, cæli
Atq; cerebi, vitæ ritumque modumque futura.*

TEXTORIS

*Expetimus, dare nanque potes quò crimine puri
Simus, & aetherea virtutis amore trahamur,
Fortuna.*

*Quid petitis? vultis fieri regésve ducésve
Contemptor mundi.*

*Nolumus, in summis regnat lascivia castris.
Theophilus.*

*Hic fraudes habitant
Contemptor mundi.*

*Hic inuidiosa potestas.
Theophilus.*

*Multa veneficiis illic medicata bibuntur.
Contemptor mundi.*

*Illic vicini ridentis ab ense cauendum est.
Fortuna.*

*Verum incedentes famulorum turba sequetur.
Theophilus.*

*Nec famulis adhibenda fides, fratri ve propinquo
Fortuna.*

*Vestra catenati concludent atria vectes.
Contemptor mundi.*

*Nihil profunt vectes, quando insidiatur amicus
Proditor*

Fortuna.

*At populos vos formidabit.
Theophilus.*

*Amari
Malumus.*

Fortuna.

Armorum priui vexilla feretis,

Contemptor mundi.

Malumus auctores pacis, quàm martis haberi

Fortuna.

Pontificis summi grata est si forte potestas,

Pontifices faciam.

Theophilus.

Christi patrimonia nollem

Vendere, & in Turcas bellũ simulare nequirem.

Contemptor mundi.

Venales rubros exponere nolo galeros.

Theophilus.

Nec plumbum aut calices.

Fortuna.

Summi sed numini instar

Vos humilis recolet populus.

Theophilus.

Popularibus auris

Non lator.

Contemptor mundi.

Subita non laudis amore mouemur,

Fortuna.

Iudicii officium vobis assumite.

Theophilus.

Coruis.

Parcere non volumus.

Contemptor mundi.

Timidas punire columbas

Non volumus.

Fortuna.

Faciam patronos ergo forenses

Theophilus.

Iustitiam colimus.

Contemptor mundi.

Nullo corrumpimur auro.

Fortuna.

Munera multa rei tradent.

Theophilus.

Nos munere nullo

Flectimur.

Contemptor mundi.

A recto nos nulla pecunia flectit.

Fortuna.

Vos mercatores faciam.

Theophilus.

Mihi quastus iniquus

Displicet.

Contemptor mundi.

Et nullus cupio ditescere furtis,

Fortuna.

Vultis bella sequi?

Theophilus.

Miseri mihi displicet usus

Militis.

Contemptor mundi.

Agricolas inopes ego rodere nolo.

Fortuna.

Nescio quid petitis, maiora offerre nequirem,

Vultis opes?

Theophilus.

Non, sunt fragiles, fluxa atque caducæ;

Contemptor

Contemptor mundi.

Multarum paucis prodest opulencia rerum.

Fortuna.

Impartiri aliud nequeo.

Theodorus.

Fluxum atque caducum est

Quicquid promittis.

Fortuna.

Si fluxum est atque caducum,

Ite aliud.

Contemptor mundi.

Frater, conuerte parumper ocellos,

Hicne deam spectas vultu formæque nitentem?

Theophilus.

Aspicio.

Contemptor mundi.

Fas est illuc conuertere passus.

Forsitan angustis tradet medicamina rebus.

Tu quæ diua?

Salus animæ.

Salus anima.

Theophilus.

Nutrixne caduci

Corporis?

Salus animæ.

Hoc hominis moribundum negligo corpus.

Contemptor mundi.

Quid curas igitur?

Salus animæ.

Cœlestia.

TEXTORIS

Theophilus.

Spernis honores?

Salus animæ.

Sperno.

Contemptor mundi.

Voluptates?

Salus animæ.

Contemno.

Theophilus.

Despicias aurum?

Salus animæ.

Despicio.

Contemptor mundi.

Vigilas.

Salus animæ.

Vigilo.

Theophilus.

Sequerisne labores?

Salus animæ.

Insequor.

Contemptor mundi.

Insequeris rixas?

Salus animæ.

Non.

Theophilus.

Iurgia vitas?

Salus animæ.

Effugio.

Contemptor mundi.

Nutris inopes?

Salus animæ.

Ego nutrio:

Theophilus.

Pacis?

Virtutes?

Salus animæ.

Pasco.

Contemptor mundi.

Pellis peccata?

Salus animæ.

Repello.

Theophilus.

Fortuna contemnitis opes?

Salus animæ.

Aspernor.

Contemptor mundi.

Iniqua

Despicis illecebras veneris?

Salus animæ.

Mihi quæq; voluptas

Displicet.

Theophilus.

Ingluniem ventris pellisne?

Salus animæ.

Veneris

More.

Contemptor mundi.

Et desidiæ?

Salus animæ.

Colubri exitiabilis instar

Theophilus.

Quid fugis?

Salus animæ.

Inuidiam.

Contemptor mundi.

Cur quæso talia vitas?

Salus animæ.

Non est pollutis animabus gloria cæli

Peruia.

Theophilus.

Cur spinae horrentes, vrticæque pungens

Te circum apparent.

Salus animæ.

Stimulis caro prava domanda est:

Necnon & flagris reprimendum corpus amaris,

Æthereæ requiem si quis sibi postulet aula.

Contemptor mundi.

Ætheream si forte velim conscendere sedem:

Sed quid opus factu est?

Salus animæ.

Fragilem contemnere mundum,

Spernere diuitias: duci virtutis amore:

Reprimere à vitiis animum.

Theophilus.

Quo more caducum

Hoc reprimam corpus?

Salus animæ.

Quæris cognoscere?

Contemptor mundi.

Quæro.

Salus animæ.

*Est ancilla mihi: cui si noctesque diésque
Impendas animum, nunquam peccata sequeris:
Sed tu perpetuo virtutis amore trahéris.*

Theophilus.

*Est ancilla tibi, cui si noctesque diésque
Tradamus mentem, nūquam peccata sequemur?
Quod nomen famulæ?*

Salus animæ.

Mortis meditatio.

Contemptor mundi.

Mortis

Sic meminisse iuvat?

Salus animæ.

*Memorare novissima: nunquam
Peccabis.*

Theophilus.

*Verum: sed quid si fecero quod tu
Præcipis, extrema quum mortis venerit hora,
Quid mercedis erit?*

Salus animæ.

Paradisi gloria.

Contemptor mundi.

Frater

*Theophile hæc igitur nobis meditatio mortis
Querenda: hæc siquidem vêtura ancilla Salutis,
Nos tandem faciet mensis accumbere diuinum.*

Theophilus.

Queramus.

Contemptor mundi.

Video hic attrita veste copertam

*Nam quem Lugentem & passis stantem post
terga capillis.*

Quæ lachrymis deflet correptum morte cadaver.

Theophilus.

Est ut coniicio, mortis meditatio.

Contemptor mundi.

Salve

Virgo.

Mortis meditatio.

Et vos.

Theophilus.

Nonne?

Mortis meditatio.

Mortis meditatio.

Contemptor mundi.

Tantum

Aspersum lachrymis cur gemis ad tumulum?

Mortis meditatio.

Humanum quid sit lachrymans considero corpus:

Quodque sit immundum, debile, putre, olidum.

Theophilus.

Ergo quid est corpus?

Mortis meditatio.

Nihil est nisi flatilis aura:

Quodque instar Zephyri pratercantis abire.

Contemptor mundi.

Quid caro?

Mortis meditatio.

Vermiculus putris lethale venenum:

Stercoris immundi sordida congeries.

Theophilus.

Quid mortalis homo?

Mortis meditatio.

Quid? mobilis umbra, recedens,

Labilis, & bulla perbrevis effigies:

Contemptor mundi.

Quid pulchra hac facies, quam fuce ornamus:

Et ista

Quam nuneo colimus pectine casaries?

Quid molles oculi? quid frons speciosa? quid aures?

Quid labra? quid verbi lingua diserta novis?

Mortis meditatio.

Quid pulchra hac facies? immundo pastio vermi,

Et sanies fædo stercore sordidior?

Theophilus.

Quid venter, quem deliciis oneramus amcenis,

Et quem replemus nectare, quid stomachus?

Mortis meditatio.

Quid? fæda illuvies: sanies, contagio, marcor,

Putor, & immensa pergræue fecis onus.

Contemptor mundi.

Et quid vita?

Mortis meditatio.

Nihil.

Theophilus.

Quid mors?

Mortis meditatio.

Mirabile visu

Portentum anguicomæ Gorgone deterius:

R iij

TEXTORIS

Contemptor mundi.

Et quid post mortem?

Mortis meditatio.

Multis damnatio: paucis

Parta salus anime.

Theophilus.

Quem tegit hic tumulus.

Mortis meditatio.

Hic stat pontificis defunctum corpus Iuli,

Hic tua stat pariter rex Lodoice caro.

Aspice, mendico quid Rex à pauperè differt:

Papa quid à vili differat agricola.

Contemptor mundi.

Theophile, ecce quod est: omnes sumus ista futuri,

Et modicos tandem vertimur in cineres,

Pontifices pereunt: non prodest regibus aurum:

Nec magnis rerum copia principibus.

Lugentem hanc igitur nigro comitemur amictu,

Depositis vani corporis illecebris.

Theophilus.

Lugere hic tecum volumus, meditatio mortis,

Et fluidas mundi spernere delicias.

Incipe.

Mortis meditatio.

Quis nescit peritura incommoda vita?

Qua niuis in morem sole cadentis abie.

Contemptor mundi.

Quis formidandas mortis neget esse sagittas?

Qua venit incerto sic inopina gradu?

Theophilus.

*Quis neget ad fletus, lachrymas, tormēta, labores,
Ex utero matris progenitum esse hominem?
Mortis meditatio.*

*Cum simul est infans grauida resolutus ab aluo,
Ortus prima sui munera sunt gemitus.
Contemptor mundi.*

*Nudus & in terram iacitur, lugētq; priusquam
Fecerit inflictiū dignum aliquid lachrymis.
Theophilus.*

*Cetera diuerso natura exornat amictu,
Natāque quo primum se tueantur habent.
Mortis meditatio.*

*Corticibus plantas operit, quibus omnia vitent,
Frigora, & imbriferas despiciant hyemes.
Contemptor mundi.*

*Glandibus est cortex,
Theophilus.*

*Nucibus sua testa.
Mortis meditatio.*

*Rigentes
Castaneis spinæ.
Contemptor mundi.*

*Fulcra leuant hederas.
Theophilus.*

*Testa tegit cochleas,
Mortis meditatio.*

*Tauros sua cornua seruant.
Contemptor mundi.*

*Se contra iaculum dentibus armat aper.
Theophilus.*

TEXTORIS

Vngue rigent vrsi.

Mortis meditatio.

Feritas genuina leonem

Protegit.

Contemptor mundi.

Herbiuoras lana tegit pecudes.

Theophilus.

Vestit equos corium,

Mortis meditatio.

Stimulis armantur echini.

Spina frequens hirtis hæret in histicibus.

Theophilus.

Seruatur lenitate lepus,

Mortis meditatio.

Volucres fuga cernos

Liberat.

Contemptor mundi.

Æriæ pluma tegit volucres.

Theophilus.

Squama tegit pisces.

Mortis meditatio.

Et habet domiporta cauernam

Testudo.

Contemptor mundi.

In caueis mus latet improbulus.

Theophilus.

Terra tegit talpas.

Mortis meditatio.

Servat se xana palude.

Contemptor mundi.

Musca suis alis effugit insidias.

Theophilus.

Solus homo luget.

Mortis meditatio.

Soli natura nouerca est.

Contemptor mundi.

Arsiduas solus nascitur ad lachrymas.

Theophilus.

Solus & egreditur nudus genitricis ab aluo.

Mortis meditatio.

Solus & in terra viscera nudus abit.

Contemptor mundi.

Solus humi repit.

Theophilus.

Solus sibi noxia quarit.

Mortis meditatio.

Solus bella gerit.

Contemptor mundi.

Solus in arma ruic.

Theophilus.

Arguitur solus sceleris.

Mortis meditatio.

Solum omnia terrent.

Contemptor mundi.

Soli damnosa est illecebrosa venus.

Theophilus.

Soli damnosa est, & perniciofa voluptas.

Mortis meditatio.

Et soli pariter perniciofa gula est.

Contemptor mundi.

Solus sollicitus mortis.

Theophilus.

Solum anxiosa cura

Comprimat.

Mortis meditatio.

Et solum vulnerat anxietas.

Contemptor mundi.

Solus diuitiis inhians.

Theophilus.

Solum indiga terret

Paupertas.

Mortis meditatio.

Solus dicitur esse nocens.

Contemptor mundi.

Solus tartareas post mortem vadit ad umbras.

Theophilus.

Solus ad inferna verbera Persephones.

Mortis meditatio.

Solus ad inferna tormenta seuera gehennæ.

Contemptor mundi.

Perpetui solus carceris in tenebras.

Theophilus.

Post vita exitium solus damnabitur: ergo

Cum brutis egit mitius ipse deus.

Mortis meditatio.

Et nos ridemus:

Contemptor mundi.

Conuiuia lauta paramus.

Theophilus.

Et nos obliqua rodimur inuidia.

Mortis meditatio.

Et nos impetimus fratres hostilibus armis.

Contemptor mundi.

Et nos perpetuo discimus arma odio.

Theophilus.

Et nos vicinum volumus potare veneno.

Mortis meditatio.

Et nos incautis tendimus insidias.

Contemptor mundi.

Et nobis mentes inflata superbia pungit.

Theophilus.

Nos semper sitiens pungit avaritia.

Mortis meditatio.

Nos semper laqueis irretit iniqua voluptas.

Contemptor mundi.

Nos capit insidiis illecebrosa Venus.

Theophilus.

Eneruant nobis resupinas omnia vires.

Mortis meditatio.

Nos vrit flammis ira prophana suis.

Contemptor mundi.

Nos collatium cogit gula pascere ventrem.

Theophilus.

In nobis virtus non habet vlla domum.

Mortis meditatio.

Nos sacra despicimus.

Contemptor mundi.

Nos non curamus egenteis.

Theophilus.

Nos nihili facimus religionis opus.

Mortis meditatio.

Et nos nescimus pœna tormenta future.

Contemptor mundi.

Nos tetrica mortis viuimus immensores.

Theophilus.

Perpetuum nobis stulti promittimus æuū.

Mortis meditatio.

Credimus æternis viuere temporibus.

Contemptor mundi.

Hi duo vixerunt.

Theophilus.

Multos habuere ministros.

Mortis meditatio.

Vixerunt lautis non nisi deliciis.

Contemptor mundi.

Egregias habuere domos.

Theophilus.

Non defuit aurū.

Mortis meditatio.

Innumeris olim non caruere opibus.

Contemptor mundi.

Regnarunt.

Theophilus.

Vixere hilares.

Mortis meditatio.

Habuere triumphos.

Contemptor mundi.

Terrori populo viuis vterque fuit.

Theophilus.

Nunc ubi sunt?

Mortis meditatio.

Rodunt inhumata cadauera vermes.

Contemptor mundi.

Sed quò discessit fluxa vtriusque anima?

Theophilus.

In cælo dominus requiem concedat vtrique

Mortis meditatio.

Talis erit nostris linea temporibus.

Contemptor mundi.

Nos tales erimus.

Theophilus.

Similis nos vna moratur.

Mortis meditatio.

Qui sapit, in mortem sit vigil excubitor.

Contemptor mundi.

Theophile ecce vides peritura incommoda vita.

Theophilus.

Prospicio.

Contemptor mundi.

Mortis nos meminisse iuvat.

Consulo vt horrentem spinis intremus eremum:

Consulat vt propria tutus vterque anima.

Hoc aurum, has tunicas, hæc aurea vîcula; Et istas

Linquamus vâni corporis illecebras.

Mortis meditatio.

Ite, sed à stimulo carnis venerisq; cauet.

Cauta est: atque dolis vndique plena Venus.

Peccatum.

Quæ mihi tam rigidos peperit natura Solones?

Quæ tot inauditos sæcula Pythagoras?

Quos neque florigero titillet mellè voluptas.

TEXTORIS

*Nec caro blandificis contrahat illecebris.
 Unde tot horrendos accepit terra Solones?
 Qui moneant tracto cuncta supercilio?
 Quorum frons rugas caperās terreret Achillem:
 Barbaq; pugnacem concuteret Priamum?
 Nunc Epicurea quid agit meditatio secta?
 Prisca voluptatum cur documenta silent?
 Hoc auro nullus spectatur ubique locorum
 Contentus modico tegmine Diogenes.
 Regnabat terris quondam speciosa libido.
 Prasuerat regnis imperiosa Venus.
 Quique sagittiferi flamma percussus Amoris,
 Gnosidis aquabat crimina Pasiphaës.
 Ambitio regum tumidas inflauerat aulas:
 Castraq; fallaces tunc habuere dolis:
 Laeta parabantur multis conuiuia mensis:
 Nulla dies Baccho non genialis erat.
 Ridiculis comes ebrietas erat addita rixis:
 Post vinum flammam tunc acuebat Amor.
 Histrio tunc ludis populum ducebat hiantem:
 Nulli non populo fabula dulcis erat.
 Nunc tantum ad lachrymas mortis meditatio cuncta
 Euocat: & multa garrulitate trahit,
 Et contemptores mundi blando allicit ore:
 Colligit & multos undique theophilos.
 Ergo quid hic torpes ancilla Oblivio mortis,
 Cuncta voluptatum iura perire fines?
 Oblivio mortis.
 Peccatum, quid agam?
 Peccatum.*

Quid

*Quid ages? hanc excute labem,
Fac mortis populum non meminisse sue.*

Oblivio mortis.

Si nequeo?

Peccatum.

Factu facile est.

Oblivio mortis.

Cur?

Peccatum.

Nam caro prona est.

In vitium: & fragiles vergit ad illecebras,

Oblivio mortis.

Quos primùm alliciam?

Peccatum.

Iuuenes.

Oblivio mortis.

Quo more?

Supinis

Peccatum.

Illecebris, risu, cantibus, & choreis,

Illud stultitia exerce, ne cernere possint:

Post mortem profuge qua domus est anima.

Dū loquimur, video iuuenē cui forma decora est

Hunc faciliè arcanis pellicies laqueis.

Iuuenis.

Si quem multarum felicem copia rerum

Efficiat, si quem prodiga lauticies,

Sum felix: sed dum morituri corporis annos

Perpendo, & vitæ quàm brevis hora mea

Ex oculis lachrymas nequeo cohibere fluentes:

Et sis rigida penè lapis Niobes.

Oblivio mortis.

Stulte quid hac trutinās?

Iuuenis.

Qua diua?

Oblivio mortis.

Oblivio mortis.

Iuuenis.

Cur tibi frons lata est?

Oblivio mortis.

Nutrior illecebris.

Iuuenis.

Cur oculi rident?

Oblivio mortis.

Lachrymas gemitusque repello.

Iuuenis.

Cur coma sic pexa est?

Oblivio mortis.

Non nisi compta sequor.

Iuuenis.

Qui tibi sunt comites?

Oblivio mortis.

Ludi, risusque, iocique:

Plena voluptificis gaudia deliciis.

Iuuenis.

Ventura ne times tempus lachrymabile mortis?

Oblivio mortis.

Cur timeam? mortis quid meminisse iuvat?

Iuuenis.

Quid contrà meminisse nocet?

Oblivio mortis.

Stultissima ceruix,

Quid nocet? aternas vis cadere in lachrymas?

Iuuenis.

Sed timeo ne delicias, risusque caduci

Corporis, extinguat funeris atra dies.

Oblivio mortis.

Excute ridicula vanum formidinis ictum:

Vis hilares lachrymis post habuisse iocos:

Mortis meditatio.

Fili quicquid agas: semper reminiscere mortis:

Hac meretrix vanas te trahet in pedicas:

Iuuenis.

Quæ virgo?

Mortis meditatio.

Mortis meditatio: respice fili

Hoc speculum: hic mortis flebilis effigies.

Oblivio mortis.

Tu potius meretrix miseris mortalibus hamos

Tendis, & occultas instruis insidias.

Mortis meditatio.

Quos tenda laqueos?

Oblivio mortis.

Miseris tu tollere risum

Niteris, & crebras pellicere in lachrymas.

Mortis meditatio.

Ergo?

Oblivio mortis.

Quid hæ lachrymæ profunt?

Mortis meditatio.

T E X T O R I S

Dant gaudia cæli.

Obliuio mortis.

Scilicet id curant Iuppiter & Superi.

Mortis meditatio.

Scilicet? hic modicis præstat lugere diebus,

Post vitam æternis quàm miserum esse malis.

Obliuio mortis.

Tu formose puer meretricem hanc negliges.

Mortis meditatio.

Fili

Si sapias, occulto subtrahere te laqueo.

Obliuio mortis.

Fraus nulla est speciose puer, depone timorem,

In nostro iaceas blande puer gremio.

Iuuenis.

Quid faciam?

Obliuio mortis.

Ludas.

Mortis meditatio.

Fili reminiscere mortis.

Obliuio mortis.

Dormi lasciuas inter Hamadryades.

Iuuenis.

Sed mortem timeo.

Obliuio mortis.

Metuis, tu vix bene natus?

Et quid maturus feceris ergo senex?

Meditatio mortis.

Fili mors etiam iuuenes rapit, aspice finem.

Obliuio mortis.

*Nil timeas, hilares semper amato iocos.
 Si semper statuas mortis meminisse futura,
 Aeterna duces tempora tristitia.
 Vis tibi formosum pugnīs contundere corpus:
 Et niueam manibus rumpere casariem?
 Vis in perpetuo vitam consumere luctu:
 Vis iuuenum placidis abstinuisse iocis?
 Hei miser, hac placidis fallax matrona sagittis.
 Te rapit.*

Iuuenis.

*Hac mortis me mouet effigies.
 Fluxa recedentis considero tempora vita:
 Et quod post mortem debile corpus erit.
 Membra sepulchrigenis video fore vermibus escā.
 Vis dicam? hac mortis me mouet effigies.*

Obliuio mortis.

*Hoc vanum mortis speculum depone, sequaris
 Quò ducō.*

Iuuenis.

Quò vis ducere?

Obliuio mortis.

Ad illecebras,

Ad risus, ad delicias.

Meditatio mortis.

Reminiscere mortis

Fili, post mortem putre cadauer eris.

Obliuio mortis.

Auertas faciem, ne te hac verbosa virago

Fascinet, aut tacitas ducat in insidias.

Impositum clausis capias velamen ocellis:

TEXTORIS

Me sequere ad risus, gaudia ad illecebras.

Iuuenis.

*Si facerem quicquid mortis meditatio mandat,
Quid facerem?*

Obluio mortis.

*Corpus vile putrisq; caro
Vellet purpureæ florem sibi tollere frontis,
Forcipe promissam radere casariam.
Et tibi quinetiam solito interdicare fuso,
Dilectasque tibi tollere delicias,
Posthabitis igitur lachrymis, gemituq; frequenti,
Me sequere ad risus, gaudia, & illecebras.*

Iuuenis.

Te sequor ergo, vale mortis meditatio.

Meditatio mortis.

Fili

*Quid facis? ô fili tu cadis in tenebras.
O dolor, excecat iuuenes obluio mortis:
Quid mirum si nunc ceca inuenta perit?*

Obluio mortis.

*Peccatum, adduco iuuenem, tibi seruiet, ergo
Hunc inter lautas suscipe delicias.*

Peccatum.

*Accedas fili, redeas obluio mortis,
Et vana allicias ambitione viros.
Ecce virum video, satagas hunc flectere verbis,
Nam quid agat nescit: iactat vtrinq; caput.*

Obluio mortis.

Quas tendam pedicas?

Peccatum.

Verbis si forte moueri

Hic nequeat, vana hunc ambitione trahas.

Ambitio atatem titillat sola virilem.

Obliuio mortis.

Vado igitur. quid ais vir bone?

Vir.

Sum dubius,

Obliuio mortis.

Cur dubius?

Vir.

Video vicinum putre cadauer.

Obliuio mortis.

Ergo?

Vir.

Ferox mortis me mouet effigies.

Obliuio mortis.

Cur mouet?

Vir.

Hac siquidem in cineres hoc corpus iturum

Denotat.

Obliuio mortis.

Ergo isto vis miser esse malo?

Quid faceres aliud?

Mortis meditatio.

Fili reminiscere mortis,

Ocultas meretrix hæc vocat in pedicas.

Vir.

Quid faciam ignoro?

Mortis meditatio.

Memorare nouissima, nunquam

Peccabis.

Vir.

Sed quid commoditatis erit?

Meditatio mortis.

Quid? preciosa salus anima.

Oblivio mortis.

Reminiscere ludi,

Non mortis,

Meditatio mortis.

Fili putre cadauer eris.

Oblivio mortis.

Ne cures.

Vir.

Sed vermis ero.

Oblivio mortis.

Ne sis miser ante

Tempus.

Vir.

Quæ viuam?

Oblivio mortis.

Non sine latitia.

Vir.

Sed lachryma suberunt.

Oblivio mortis.

Lachrymas cur ergo futuras

Prauenies? stultum est anticipare malum,

Vir.

Sed brevis hora fugit,

Oblivio mortis.

Fueris dementior ergo,

*Si quod tam subitum est, attribuas lachrymis
Meditatio mortis.*

*Fili perpetuae timeas tormenta gehennae,
Atque colubricomae verbera Persephones,
Obliuio mortis.*

*Hac meretrix vana mentem formidine terret,
Da quicquid memorat flatibus Zephyris.
Meditatio mortis.*

*Inspectas mortis speculum charissime fili.
Talis eris tandem quale cadaver adest.
Vir.*

*Nescio quò dubium liceat diuertere passum.
Hac vocat ad lachrymas, hac & ad ille-
cebras.*

*Scire licet quid agam, referas obliuio mortis:
Si tibi parvero, quis mihi fructus erit?
Obliuio mortis.*

*Perpetuis semper gaudens latere ludis.
Meditatio mortis.*

*Ludus abit, fili.
Obliuio mortis.*

*Tu speciosus eris.
Meditatio mortis.*

*Forma perit, fili.
Obliuio mortis.*

*Tibi magna opulencia crescet.
Dives eris.*

Meditatio mortis.

*Fili, diuitia pereunt.
Dives erat, tumulo qui nunc requiescit in isto.*

Obliuio mortis.

*Auertas oculos: tu bene comptus eris,
Tu bene nutritus, precioso indutus amictu:
Vina bibes summo non reuenda Ioui.*

Vir.

Nil mihi laudis erit.

Obliuio mortis.

Tibi plebs assurget eunti.

Et magni in populo Caesaris instar eris.

Meditatio mortis.

Gloria fluxa perit, fili.

Obliuio mortis.

Tibi census, honores,

Afferet & multas census amicitias,

Fortunatus erit quem tu dignabere paruo.

Colloquio, felix qui tibi seruus erit,

Felix quique tuas poterit contingere vestes,

Vis dicam? Augusto Casare maior eris.

Consul eris, dictator eris, princeps eris, omnes

Anteferent summis teq; tuosq; deis.

Impositum clausis capias velamen ocellis.

Me sequere ad risus, gaudia, ad illecebras.

Meditatio mortis.

Tu cadis in tenebras, fili, reminiscere mortis,

Nil nisi post mortem putre cadauer eris.

Inspicite ô patres: trahit hæc obliuio mortis

Ad vitium cecos ambitione viros.

Obliuio mortis.

Peccatum, vir adest, epulis hunc excipe lautis.

Peccatum.

*Ille meis stabit proximus illecebris,
Nunc laqueis include senes, obliuio mortis.*

Obliuio mortis.

Quis laqueus vetulos carpit?

Peccatum.

Auaritia.

*Ecce procul video confectum atate senecta
Decrepitum, hunc multis allice diuitiis.*

Obliuio mortis.

Vado senex salue, quid ais?

Senex.

Quid? nescio.

Obliuio mortis.

Nescis?

Senex.

Heu doleo vita tempora lapsa mea.

Obliuio mortis.

Lapsa doles, quid? sunt valida tibi corpore vires.

Senex.

Sed potius membris debile corpus abit.

Obliuio mortis.

Deciperis, tibi sunt robusti in corpore nervi.

Sunt humeri teretes, & caput est vegetum.

Senex.

Ah scio quàm fragiles nervi, iam deficit humor.

Aspicio mortis tempus adesse mea.

Obliuio mortis.

Quid si vidisses Priamum, si Hestoris annos?

Quorum si inspicias tempora, tu puer es.

Senex.

Et periere senes.

Mortis meditatio.

Fili reminiscere mortis.

Si petis aeterna premia latitiae,

Oblivio mortis.

Cum sis decrepitus, risum tua postulat aetas.

Senex.

Cur risum?

Oblivio mortis.

Percunt omnia tristitia.

Nil hominem magis occidit quam cura dolorum.

Si diuturna petas tempora, ne doleas.

Mortis meditatio.

Accipias mortis speculum charissime fili,

Hunc cinerem videas, putre cadaver eris.

Oblivio mortis.

Deponas mortis speculum, meditatio mortis

Protinus infernas te trahet ad tenebras.

Mortis meditatio.

Te potius trahet in tenebras oblivio mortis,

Flecte oculos, reges contegit iste locus.

Senex.

Quid faciam mortis meditatio?

Mortis meditatio.

Gaudia pellas,

Indulge lachrymis, tristitiam insequere.

Sperne voluptates, ieiunum contere corpus,

Solique dum sities, sit tibi potus aqua.

Oblivio mortis.

Audisti veterane pater: tua labilis aetas

Hac ne pati poterit tadia?

Senex.

Non poterit,

Huic oneri corpus miserum succumberet.

Oblivio mortis.

Ergo

Ad nostræ properes atria latitia.

Tu cumulabis opes, & magnos eris aceruos,

Magnificam poteris diues habere domum,

Tantum agri tibi erit, quantum nec miluus oberret

Plena & erunt granis horrea triticeis.

Aurea portabis tunc vincula tortilis auri,

Splendebit digitis undique gemma frequens,

Perdere vis istac solatia? perdere noli.

Me sequere ad risus, gaudia ad illecebras,

Impositum clausis capias velamen ocellis.

Mortis meditatio.

Quid facis? ô fili tu cadis in tenebras.

Ecce quid est mortis fallax obliuio, cæcos

Decrepitos cupida perdit auaritia.

Conclusio.

*Nunc ne verbis maioribus aures vestras oneremus
viri percelebres, talem præcedētis dialogi ponimus
conclusionem. Cōtemptores mundi & theophilos
dei amatores, mortis meditatione ad salutē animæ
proficisci, iuuenes verò stultitia, viros ambitione,
senes auaritia excæcatos mortis obliuione ad pec-
catum, à peccato in damnationem trahi.*

Sic igitur clausa est prima sententia classis,

Hoc speculum mortis lectio prima dedit.

TEXTORIS
SEQUENTIS DIALOGI
INTERLOQVVTORES SVNT.

*Thersites, Vulcanus, mater
Thersitis, & miles.*

Thersites incipit.

M*Ulciber iratis fabricas qui fulmina diuis.
Cuius opus glandes, & ferrea tela fuere,
Que serpentigeros Erebo mersere Gigantes,
Cuius opus fax illa fuit flammata coruscis
Fulguribus, qua tartareas Epidaurius anguis
Concidit in tenebras, si quid tua ferrea Lēnos
Artis habet, si quid chalybis modo parturit ylua
Insula diuersis quondam fœcunda metallis,
Conde mihi galeam lucentem, auroque trilicem.*
Vulcanus.

Quam tibi vis galeam?

Thersites.

*Quam nullus perforet ictus
Quam nulla glandes, contortaq; spicula rūpant,
Non etiam iratum fulmen contorqueat in me
Iuppiter, aut nostrum velit euibrare cerebrum.*
Vulcanus.

*Hanc galeam imponas capiti, te fulmina nulla,
Tellorum nullus saxatilis obruet imber.*

Thersites.

*Nunc ego non timeam rabidis cōtendere tauris,
Armatūque caput Libyco obiectare leoni.
O quales mihi sunt neruoso in corpore vires.
Non fuit Herculeo tam magnū in corpore robur,*

*Quando Erymanthæo fauces Et guttura monstro
 Dissecuit, multisque ferocem mortibus Hydram
 Cõtudit, aut Stygium custodẽ in vincula traxit,
 Mulciber armato mihi vertice mēbra supersunt
 Cetera, quæ fas est præduro cingere ferro
 Fac mihi perpetuo lorica adamante rigentem,
 Et quam Gnostiaca nequeant penetrare sagitte.
 Quæque Carystæo sit marmore durior, & quæ
 Intorta nunquam saxorum mole fatiscat.
 Quam rabide nequeant dentes penetrare leonæ
 Nec quos intorquet bombardæ fragosa molares,
 Nec quod funda solet Balearis mittere plumbū:
 Nanque mihi certum est acri contendere bello,
 Et nisi discedat mihi flava & cerula bilis,
 Et placata suum cito sorbeat ira furorem,
 Constitui Herculeas etiam terebrare columnas.
 Hesperiasq; metu magno percellere Gades.*

Vulcanus.

Quam vis lorica fabricabo?

Thersites.

Quam mihi toti

*Thessaliæ populi nequeant lapidesq; Britannii
 Rumpere, nec misso ballista industria telo.
 Sed nec Amazoniæ metuendus mucro securis.*

Vulcanus.

*Indue lorica si te Scyronia saxa,
 Et Pyrrhi silices, & marmore dura Laconum,
 Et quas intorsit bellator Monychus ornos,
 Si montes quibus Enceladus, fraterq; Typhæus
 Tentare Iovem superis detrudere regnis,*

*Impeterent, caderetq; in te scopulosus Olympus,
Pondere sub nullo rigida hac lorica fatiscat.*

Thersites.

*Quādo ego robustos humeros, nervosaq; membra
Intuor, & magnos membrorum conspicio artus,
Non puto Phlegraos Titanas mole superba
Esse pares. quāt' stomach', bone Iuppiter! Et qui
Quāque graues nerui! videor spectare catenas
Vinclaq; quēis memorāt robustū Ægeona victū;
Quā' latus stomachus! quæ crura rotunda, pedesq;
Expassi, strictaq; manus, humeriq; patentes:
Non puto posse deos tantis obistere membris,
Mulciber, armato stomacho iam crura supersunt,
Fac mihi squallentes ocreas, aurōque decoras,
Quas nequeat catapulta suo disrumpere iactu.
Mox ergo terrigenas omnes in bella vocabo,
Nec rabiem poterunt irati sistere diui.
Quod si defuerint hostes, certabo leanis,
Interimam tauros, apros ingulabo feroces.
Obiiciam corpus colubris, nec torrida Tygris
Nec me cornigeri poterunt terrere cæste.
Non spumofus aper, viroso aut dente chelydrus.
Si mihi fortè fera desint, colubriq; draconesque;
Inuitabo deos, nec me clamosa mouebunt
Fulgura, nec piceas fractura tonitrua nubes.*

Vulcanus.

Quas tibi vis ocreas?

Thersites.

Quas nullus perforet ictus

Aptorumq; armis nec frāgant spicula Parthūm:

Hispanæ

*Hispanæ terebrent non longa hastilia gentis.
Non & Dædalidæ oppressit quæ tegula Pyrrhæ.
Vulcanus.*

*Accipe lucentes ocreas: is tutus in hostem
Sit sansone licet, vel olympifero Hercule maior.
Impetus armorum nullus, nullique molaris
Cui non obsistant reiecto fortiter ictu.
Si te pestifera turme quas duxit Amazon,
Et quas in bellum traxit dux belliger ille
Qui potuit tenebras radiato imponere Phæbo,
Neptunum trahere in pedicas, fluctusque morari
Et plenis per Athon montem decurrere velis
Prospiciant, mox terga dabunt, & fulminis alis
Ocyus, & volucres nimbos æquante sagitta,
Cui non terrorem incuteret tuæ squallida barba.
Dum sic armatus pauidum prodibis in hostem?
Pol si te videat qui cæli fulmina torquet,
Quique diem gelida cogit succedere nocti,
Acrifono rursus Corybantum se occultet antro
Ultoræque iterum sibi credat adesse Gigantes,
O si te videat per quem omnia bella geruntur
Quique bicornigera Gradivus fulminat hasta,
Armorum numen tibi conferet ense relicto:
Teque deum belli primum volet esse cruenti
Atque suum fratrem te diua vocabit Enyo:
Iamq; vale, arma petas nostris circumdatus armis.
Thersites.*

*Mulciber, astringero stabunt dum sydera cælo,
Dumq; iubar Phaëthontis equi, lucemq; coruscis
Naribus efflabunt, nocturnæque sydera vesper*

*Anteibit, tenebrasque nitens aurora repellat,
Æternas tibi agam tanto pro munere grates,
Ne tamen vlla mihi desint mauortia tela.
Cinge latus gladio ancipiti, qui saxa, trabesque
Findat, Et aërias vno impete dissipet ornos.
Hinc manib⁹ iaculū, hinc sanguineāq; sarissam,
Vt procul insidias si forte parauerit hostis,
Corruat hoc telo, & vitā cum sanguine fundat.*

Vulcanus.

*Parco, iam lateri cingatur lucidus ensis,
Et nitidus capulo Et stellatus iaspide fulua,
Fraxinea demū hac humeros tibi cingim⁹ hasta.*

Thersites.

*Discedo, Et multis vitam committo periculis.
Est' ne aliquis cui teligeri discordia Martis
Grata sit, & creperi placeant discrimina belli?
Est' ne aliquis flammās nebulofo gutture spargens
Sparsit vti Cacus, qui capta armenta cauernis
Condebat nigra in cauea, furtimque tegebat,
Oppositum inuersa ducens vestigia cauda?*

Mater.

*Quid memoras fili? cui vis te credere bello?
Vis dare portentis vitam, quæ terra nephando
In tenebris peperit foetu? vis credere vires
Flatilibus Zephyris, animāq; exponere monstris?*

Thersites.

*Ibo ibo, & si quis forsan leo, si qua leona
Terreat attonitos metuendo dente colonos,
Si qua Et in Arcadico metuēda leona Erymātho,
Concidet hīs iaculis.*

Mater.

Fili vis perdere matrem?

Thersites.

Nolo ego dilectæ seuire in viscera matris.

Mater.

Certè ego, si tantis committas brachia monſtris,

Deſiliam in fluctus, & pisces corpore pascam,

Ægæis veluti qui nomina præbuit vndis,

Nudæve transfixo terebrabo viscera ferro,

Et manimas quæ te in cunis pæuere iacentem,

Et lac ieiunns tenerum fudere labellis,

Abſcindam: mortisq; mea ſauisſimus author

Dicæris. fili maternis annue votis.

Thersites.

Littus aras mater, nam me furialis Enyo

Reddidit & Marti & bellis furialibus aptum,

Hei quot bellipotēs dabit hæc mea dextera morti,

Dum me ſanguinea rabies commouerit ira.

Ichibus errabòque aures Et tempora circum.

Arrectus ſtabo in digitos, Et utraque rotabo

Tela manu, feriam lapidoſi fulminis inſtar.

Mater.

Hei fili tua te curuato poplite mater

Orat, ut abſtineas bello.

Thersites.

Metiris arenam,

Verba moues ſurdo, non ſi me Iuppiter ipſe

Atque omnes ſuperi reuocent, & maxima Iuno

Cœlicolùm, paciſque author ſtudioſa Minerva,

Abſtineam bello, nulluſne parabitur hoſtis?

*Si quis erit gladio validus, clauâque trinodi
Amphitryoniades, si quis portenta, ferâsque
Maestet, Et in libyca fœtas regione leenas.
Si Busrû equos moderans quos sanguine pascat
Adsit, ego dextram dextra, iaculisque sagittas
Opponam, & quanta mihi sint in corpore vires,
Testabor lucta. nullûsne parabitur hostis?*

Mater.

*Hei fili, si quod mater tibi contulit vnquam
Obsequiû, hanc animi rabiem durûmq; furorem
Exue, caruleâmque brevis dilatio bilem
Mitiget, exiguum tempus concede furori,
Dum mea me victam doceat fortuna dolere.*

Thersites.

*Vsque adeo furor in venas & viscera serpit,
Vt ruptum videar collidere dentibus hostem.
Dum me bellipotës Gradius in arma vocabit.
Dj superi quot ego tenebrosa in tartara mittam!
Non tot habêt glandes hyberno tempore quercus
Chaonia, neque tot fruges cerealis Eleusis,
Nô tot apes Hybla, atq; thymo fœcûd' Hymet',
Quot dabit hac hostes morti mea dextera, surge
Si quis es infensi placeat cui gloria belli,
Heu stridor nemo se audet concredere pugna?*

Mater.

*Omnes te metuunt fili, victoria parta.
Vis certare leui zephyro? vis bella monere
In volucres ventos? ludit resonabilis Echo
Quicquid ais, ridetque tuas abstrusa loquelas.*

Thersites.

*Surge inquit si quis Martem pugnāq; laceffas,
Hostis adest, qui te media remoratur arena.*

Mater.

*Spes mihi placandi superest iam nulla furoris,
Iam licet ut toruæ furiosus pareat ira,
Non datur hunc querula motū cōpescere lingua,
Ultima spes erit in votis, ego cuncta vocabo
Numina, cōseruent natū, incolumēq; reducant.
Dū faciant fili quum te furor ira; Martis
In medias acies litēsque & tela vocabunt.
Ut neque tu quēquam perimas hastilib; hostem,
Nec te etiam occidat iaculis penetralibus hostis.*

Thersites.

*Dū faciant mater: verbis lingua; seuerus,
Mitū ero facto, & nullum, nisi dormiat, hostem
Aggrediar, firmisq; habeat religata catenis
Brachia, & ex ima nequeat consurgere terra,
Mater amica vale, solitus furor arma parare!
Imperat, atque iterum dubia me credere pugna.
Iam si cui maneat praesens in corpore virtus.
Qui velit intrepidus Marti committere vires,
Adsit, amor pugna, laudumq; incensa cupido
Me mouet, armata sed quæ mihi belua fronte
Occurrit? num Lemouica mirabile terra
Portentum, geminis testudo armata sagittis,
Corniculisq; minax? ego te mala belua perdam,
Tūne audes in me gemino consurgere cornu?
Heus famuli, manibus clypeos & tela parate.*

Miles.

Quam bellicosus est qui testudinem aggredi

non audeat?

Thersites.

*Heus famuli galeas simul Et thorocas ahenos
Induite, & nostrum hoc valido contundite bello.*

Mater.

Videtur esse Dares Virgilianus.

Thersites.

*Nullane vos pietas famuli, discrimina nulla
In tantam cogent assumere spicula pestem?*

Miles.

Credo si formica adesset, non aggredetur.

Thersites.

*Conde tuas cristas mala belua, cōde Et utrūque
Sanguineum cornu, rubra quid fronte minaris?
Aut ego confodiam longa tibi cuspide corpus.*

Miles.

Bone Iuppiter, qualis Thersites?

Thersites.

*Non cōdes inquam geminum mala bestia cornu?
Condidit extincta rabies iam praterit ira.
Quærere iam fas est aliis regionibus hostem.*

Miles.

Ego statim probabo tuas vires.

Thersites.

*Est' ne aliquis Sanson, tauros qui vincat inermis,
Qui ingulet magnos distenta fauce leones?*

Miles.

*Te qui magnifico laudas tua robora fastu
Nunc utrāque manū tollas, ego Marte probabo
Quid tam magnifico possint in corpore vires,*

Aut moriar.

Thersites.

Mater larga me contege palla,

Accipe me gremio.

Mater.

Quid habes charissime fili?

Thersites.

Armati plus mille equites mea terga sequuntur.

Mater.

Tu solus nequeas tantis obistere turmis?

Thersites.

*Non mater, sed si decimus me inuaderet hostis,
Non fugerem, tege me mater, ne forte repertum
Interimant, dubium est tanta me credere cladi.*

Miles.

*Tu qui magnificis te dicis ad arma creatum
Carminibus, magnos perquiris in arma Gigātes,
Egredere, & quanta doceas sint corpore vires.*

Thersites.

Contege me mater, nec verbum effuderis vllum.

Miles.

*Tu pedibus vicina meis cariōsa virago,
Vidistine hominem galea & thorace recinctum,
Qui superos omnes & cælum territat armis?*

Mater.

Non vidi princeps, alia regione recessit.

Miles.

*Consulte nam si armato sese offerat hosti,
Sentiet ille meo quantus de vulnere sanguis
Effluat, & nostro sit quanta in pectore virtus.*

TEXTORIS

Mater.

Egredere ô fili, toruus iam euannit hostis.

Nil timeas, tota cessit violentus arena.

Thersites.

Tu prudenter agis quicumq; es, nâque ego corpus

Hoc tibi fodissem iaculo, vitâque dedisses,

Audes me modici armatum incescere neruis?

Quem serpentigeri solum timuere Gigantes.

Accensiq; Iouis solus quia fulmina & iras

Negligo, & in media commota tonitrua nube:

Egredere, atque iterum primis te crede periclis,

Per caput hoc iuro, & dilecta viscera matris.

Discerpam in modicas raptim tua viscera partes.

Et medio impingua gladiû hunc ensemq; cerebro.

Miles.

Arma pares, clypeû opponas, & cõsere dextram,

Hostis adest quem tu metuenda in bella fatigas,

Abiicias tumida fastus Et carmina lingue.

Verba nihil profunt, mars experiatur utrûque,

Quid tu terga fuga mandas, hastamq; relinquis,

Et clypeum, volucrig; fugis velocius aura?

Conclusio.

*Spectator, ostendit hic dialogus verum esse quod
docet adagium illud, Canes qui multum latrant,
raro mordet. Nâ ut videre est, qui superbis vtun-
tur comminationibus, quiq; lingua sunt praefero-
ces & cælum armis territant, ubi res iam virum
postulat, sunt timidissimi.*

FINIS.

INTRODVNTVR

DVAE PERSONAE,

Mors, & Viator.

Mors.

Aduenastes:

Viator.

Tu quis?

Mors.

*Mors vltima linea rerum,**Sta.*

Viator.

Quid stabo?

Mors.

Licet.

Viator.

Sicne me stare necesse est?

Mors.

Sic iubeo:

Viator.

Quid vis?

Mors.

*Anima priuare caducum.**Corpus.*

Viator.

Quae caussa est?

Mors.

Lachesis sua fila peregit.

Viator.

Cur adeo breuis hora?

Mors.

Breuis cito deuolat aetas.

Viator.

Cur sola incedis?

Mors.

Nullos quòd viuere mecum

Permitto.

Viator.

Quid habes priuatos lumine sensus?

Mors.

Ne videam quos percutio.

Viator.

Cur corripis omnes?

Mors.

Non habeo lectos:

Viator.

Facies cur torua subintrat?

Mors.

Ante diem summum ne sim praecognita:

Viator.

Falcem

Quid fers?

Mors.

Hac fragilis meto semina lubrica vita.

Viator.

Cur arcum portas?

Mors.

Ignotis artibus altis

Vt feriam reges.

Viator.

Æqualis pondera libra:
Cur tibi sunt?

Mors.

Cunctis quia dicor gentibus æqua,
Viator.

Non parcis cuiquam?

Mors.

Non parco.

Viator.

Qua ratione?

Mors.

Omnibus æqua volo dici.

Viator.

Perimis sapientes?

Mors.

Mortuus est Salomon.

Viator.

Bellorum sternis alumnos?

Mors.

Mortuus est Hector.

Viator.

Nullis opibus redimuntur

Dites?

Mors.

Diuitia Cræsum non eripuerunt.

Viator.

An ceco gradiens princeps audacia vultu

Nullos eripuit?

Mors.

Cum lato Thessalus agro.

*Obrutus est Typhis, periit Pagaseus Iason,
Per quem rapta fuit sopito prada draconi.*

Viator.

Succurret nunquid grauitas?

Mors.

Periere Catones.

Viator.

Nulla ne religio?

Mors.

Diuinus cultor obinit.

Viator.

An nulla vires?

Mors.

Cecidisti maxime Sanfon.

Viator.

Nullane virginitas?

Mors.

Consumpta est virgo pudica

Penelope.

Viator.

Cur tam subito nos percutis ictu?

Mors.

Quod vobis dederat tepus fortuna, peractum est.

Viator.

Nondum conficior senio:

Mors.

Nulla obuia nobis

Est atas.

Viator.

Vu me iuuenem mactare securi?

Mors.

Cum senibus iuvenes perimo.

Viator.

Cohibeto furorem.

Mors.

Fata obstant.

Viator.

Nulla redimi pietate valebo?

Mors.

Non obstat morti pietas.

Viator.

Clementia, fatum

Nunquid tardabit?

Mors.

Nec agit clementia mortem.

Viator.

Si tibi dem nummos?

Mors.

Nequeunt me flectere nummi.

Viator.

Si tibi vota feram?

Mors.

Precibus non flector amicis.

Viator.

Si certare velim,

Mors.

Certes.

Viator.

An viribus vllis

Armorum superata cades?

Mors.

Non vincor ab armis,

Viator.

At cur tot iugulas populos?

Mors.

Supereffe recusant

Fatales Parce.

Viator.

Perimis cur falce feroci

Tot gentes?

Mors.

Subsunt mihi multa pericula fati.

Viator.

An regnas in aquis?

Mors.

Ego mille per aquora nautas

Fluctibus immerfi.

Viator.

Quod habes per stagna periculum?

Mors.

Sunt mihi Syrenes.

Viator.

Quid agunt?

Mors.

Dulcedine cantus

Sopitos reddunt nautas . sic mergitur undis

Cymba carens vigili nauta.

Viator.

Regnasne per vrbes?

Mors.

Hic mihi sunt lites.

Viator.

Quid agunt?

Mors.

Certamina fiunt,

Viator.

An sylvas habitas?

Mors.

Nemus est prædonibus aptum.

Viator.

Quid præda hac servire potest?

Mors.

Homicidia nobis

Preparat, & stricto peregrinum cõprimit ense

Viator.

Quas habitas terras?

Mors.

Dubie domus est data morti:

Certa mihi.

Viator.

Dic, Nulla potest te vincere causa?

Mors.

Vincere non poteris mortem, nullus superavit.

Sed tu quò graderis, quò te via ducit euntem?

Viator.

Nescio quò gradiar.

Mors.

Speras num vivere semper?

Viator.

Non spero.

TEXTORIS

Mors.

Quem vis igitur tibi sumere gressum?

Viator.

Ire volo ad superos

Mors.

Ad cælum pergere tentas?

Viator.

Tento equidem.

Mors.

Quò quaris iter tibi sumere?

Viator.

Mens est

Nescia.

Mors.

Nunquid ego paradisi limina seruo?

Viator.

Non seruas

Mors.

Cæli quoniam nunquam aula patescit,

Quin prius extinctus fueris, cape vulnera mortis.

Viator.

Méne mori fas est?

Mors.

Licetum est occumbere fato,

Occumbas igitur.

Viator.

Vitam permitte parumper.

Mors.

Suprema referas cito verba nouissima vocis:

Viator.

Summe

*Summe deum cui terra subest, quæ sydera laudat,
Qui regis imperio mundum, fluctusq; marinos,
Mortalem redimas peregrinum à carceris antro
Tartarei, maius carmen mihi fata recusant.*

Mors.

Expires, gladio cogor nam cingere guttur.

FINIS.

*SEQUENS DIALOGVS NO-
STRIS OMNIVM OCVLIS DVPLEX
proponit speculum, vitanda scilicet avaritia &
prodigalitatís. Primum tractum est ex verbis
Horatii scribentis eos delirare plurimum, qui lu-
cro & quaestui nimis indulget vt nepotibus cõ-
sulant: sunt autem eius verba.*

*Parcus ob heredis curam, nimiumq; severus,
Assidet insano.*

*Secundum tractum est ex historia notis-
sima de puero prodigo.*

*Interlocutores, Genius, Senex, Fortuna,
Interpres, Mors.*

Genius.

Q*Vid dicis rugose senex, frontemq; remittis,
Et tetricos semper terra defigis ocellos?
Cur lachrymis humere genas, atque
humida fletu*

*Tempora conspicio? nihil hæc suspiria profunt.
Si quis forte tibi consumit corpora morbus,
Vulneris edoceas causam, fortasse me debor,*

TEXTORIS

*Nāq; machaoniam manus hæc exercuit artem,
Responde caperate senex, frontemq; serena.*

Senex.

Quis tu?

Genius.

*Natura genius, qui nubila mentis
Discutio: fletus abigo, solatia mæstis
Affero, spinosas languentibus aufero curas,
Inuito ad risus, hilaris trieterica Bacchi,
Ad saltatrices choreas, atque oscula blanda,
Qualia Chæonia dant verna in fronde columbae,
Propterea si vis irata nubila mentis
Discutere, & rigidis animi deponere vepres,
Detege si qua tuis infixæ est plaga medullis
Tacta Philoëteta sanauit crura Machaon,
Peliaca sensit medicinam Telephus hæsta,
Hippolytum infernis serpens Epidaurius umbris
Abstulit, at morbi causam si forte reueles,
Certius his atque vtilius medicamen habeto,*

Senex.

*Si medicæ compertor opis mihi Phæbus adesset,
Phillyrides Chiron Amithæomusq; Melampus,
Et quem fulminiger iaculo tetigisse trifulco
Dicitur, Hippolyto miseranda morte redempto,
Non mihi discutiat curas, quas ira dolorque
Parturiunt, faciuntq; insomnes ducere noctes.*

Genius.

Nil tamen obstiterit conceptum prodere vulnus.

Senex.

Ne tibi longa meæ pariant fastidia nuge,

*Hus mihi cunctarum paupertas indiga rerum
Ingeminat curas animo, tacitâq; quietem
Eripit, atq; omnes facit interrumpere somnos.*

Genius.

*An te paupertas, cunctarumq; indiga rerum
Afficit aut torquet pœnuria?*

Senex.

*Vix mihi nummus
Plumbeus, vnde inopem possim nutrire senectâ.*

Genius.

Pauper es?

Senex.

*Argolico longe mendicior Iro,
Utq; mea exiui nudus genitricis ab aluo,
Sic ego sum nudis membris, & corpore nudo.*

Interpres.

*Quàm verû est Catonis verbum, Mëdicant semper
auari, dolium habent inexplebile : qui si Per-
sarum gazas & rubri maris lapillos incluserint,
adhuc pauperes se vocant.*

Genius.

*Forte aliquo athereos lasisti crimine diuos
O veterane senex.*

Senex.

*Adsit reuerentia vero,
Innumerus semper cumulaui altaria donis,
Votiuas pecudes sacris mactauimus aris.
Têque Hecatombæo informis Proserpina sacro
Excolui, tibi magne deûm Saturnia proles
Mille die quandoq; boues, totidemq; bidentes*

*Maſſaui : interdum magnorum horrentia centiū
Terga ſuum, & plenis vinū tibi ſape falernum
Porrexi pateris, & pocula multa paraui.*

Genius.

Mira refers, niſi ſint nuge.

Senex.

Phœbeia credas.

Atq; etiam Euboicis oracula reddita templis:

Genius.

*Tu forte etatem vitis luxuq; nephando,
Et multo infamem temeraſti crimine vitam;
Si neſcis, diua eſt, Nemefim dixere poëta,
Armata & ſcuticis, & acuto cinctā flagello,
Quo plerumq; ſolet ſcleratos plectere fontes.*

Senex.

*Iuro per infernos manes, Stygiamq; paludem,
Per furias omneis, tria virginis ora Diana;
Per numen patris aquorei, ſeuumq; tridentem,
Per te, qui refugis terram complecteris undis,
Oceane auſtripotens, & per Nereidas omnes,
Per Iouis ignitum fulmen, falcemq; recuruam
Saturni veteris, per numina cuncta deorum.
Me ſclerum viſſe vias cane peius & angue,
Vt Iouis armigerum roſtro pedibusq; minacem,
Attonita fugiunt penna ſtridente columba.*

Genius.

Motus eſ aeterno ſacra virtutis amore?

Senex.

*Sola mihi placuit virtus, nihil arctius unquam
Dilexi, aut animi ſtudio maiore petiui.*

Genius.

*Est igitur fallax fortuna bonisq; noverca,
Que sic destituit iustos, ditatq; nocentes.*

Senex.

*Fortuna est inimica bonis, contraria iustis,
Opprimat innocuos, & paupertate suprema
Afficit, atq; inopem cogit deducere vitam,
Castius Hippolyto quid enim natura creavit?
Et tamen hūc raptim volucres traxere quadrigæ,
Fortius cæto quid protulit Hercule mundus?
Hunc fortuna tamen crudis plerumq; leavis,
Obtulit, & Libycis iussit certare colubris.
Quis fuit Anea maior pietate vel armis?
Et tamen Aneas Libycis erravit in vadis.
Quis Larissæum bello superavit Achillem?
Hunc tamen Idæi Paridis fixere sagittæ.
Fortuna est rationis inops, & nescia veri.*

Genius.

*Pol licet hanc veteres cælo adscripsere poëta.
Que concedat opes numerofo & diuite cornu,
Præbeat iniustis sceptrum & diadema tyrannis.
Deq; casis & vomeribus bobusq; & aratris
Agricolæ inopes, quandoq; ad castra domosq;
Euehat auratas, & pulchra palatia regum,
Hanc tamen & satyris & amaro persequar ore,
Heus rerum regina potens, versatilis, anceps,
Que modo ridentem & blandū promittis ocellū,
Moxq; rotam incertam mutato numine voluis,
Huc paulisper ades, motumq; volucris alis
Aufer, & incerta vestigia comprime plantæ.*

*Hic quem prospectas confectum atate senectam,
Cuiq; vides rugis caperatam horrescere frontem,
Supremosq; dies vicino instare pheretro.
Te vocat iniustam, dirisq; armatus iambis,
Formidanda tuum trahit ad conuicia nomen.*

Fortuna.

Sed cur me sutyris & acutis mordet iambis?

Genius.

Quod nequeat modicis opibus nutrire senectam

Fortuna.

Quid? tenet innumeris opulenta araria nummis,

Genius.

Se vocat & membris & toto corpore nudum.

Fortuna.

Dic rugose senex, quo te fortuna flagello,

Qua lesit scutica?

Senex.

Compellor ad ostia dextram

Porrigere, atq; humile supplex mihi querere vi-

Interpres.

[Etum].

*Vide spectator, quam maligna & prapostera sit
auaris natura: quantumcūq; diuites sint & opu-
lenti, semper tamen paupertatem simulant, &
inopes videri volunt.*

Fortuna.

Mentiris veterane senex: opulencia rerum

Est tibi, quam nunquā veteres habuere Mycenæ,

Quæq; mari gemino incūbit celebrata Corinthus.

Senex.

Vix ego lactucis ad victum hortensibus utor.

Fortuna.

O reprobanda tua multum periuria lingua!
 Mille tibi agrorum sunt iugera, pascua mille;
 Quae volucris penna vix pica aut miluus oberret.

Senex.

Paupertate premor dura: vix est mihi pannus,
 Quo tremulum possum tutari à frigore corpus.

Interpres.

Vitam diis volentibus mihi liceret irrumperè in
 tuum thesaurum: ego facerem ne mentireris, par-
 temq; acciperent placentarij, partem fartores, par-
 tem pomarij, partem etiam illi myropola qui ficus
 vendunt & saccharum.

Fortuna.

Sunt tibi vinifera vites, quae vinà Falernis
 Nobiliora ferunt.

Senex.

Nulla est mihi vinea, praeter
 Labruscam, absumptamq; gelu, glacieq; niuali.

Fortuna.

Mille tibi pecudes latis in montibus errant,
 Mille greges ouium tibi sunt, balantq; per agros
 Lanigeri passim teneris cum matribus agni.

Senex.

Nulla mihi pecus est, nullus grex errat in agris

Fortuna.

Sunt armenta boum tibi plurima, sunt tibi tauri,
 Faecundam innumero sulcant qui vomere terrā.

Senex.

Nulla armēta boum mihi sunt, tauri quoq; nulli,

TEXTORIS

*Qui mihi discindant numeroſo vomere terram.
Fortuna.*

*Plena tibi ſubſunt cerealibus horrea granis.
Senex.*

*Non ſunt vlla mihi cerealibus horrea granis.
Fortuna.*

*Aurate tibi ſunt clamydes, pulchriq; tapetes
Purpura quos circum multis nitidiſſima luce
Maandris, volucresque vage, ceruiq; fugaces,
Quos acri venator equo curſuq; fatigat.
Senex.*

*Nec mihi ſunt clamydes vlla, nulliq; tapetes.
Fortuna.*

*Sunt tibi mille domus, quas Lydi regia Cræſi
Non ſuperat Phariæ moles aut inclita turris
Priſ. aq; coſlilibus Babylon circumdata muris.
Senex.*

*Nulla mihi domus eſt, Auſtris agitatæ Et Euris
Dormio ſub dio, caput inter ſaxa reclino.
Atq; paludigenis in ſterno corpora pannis.
Interpres.*

*Egregie mendicum ſe fingit.
Fortuna.*

*Vt video, tibi nulla ſitim myrmecia nummi,
Nulla famiem pariter minuit ſarrago bonorum,
Si tibi laxaret precioſos Lydia fontes,
Osque tuum impleret collectio turbidus auro
Pactolus, biberesq; Tagi ſtauentis harenas,
Teq; ſuis gemmis locuples ditaret Erythra,
Nondum extincta foret lucri furioſa libido,*

*Sed dum fatales Lachesis tibi clauferit annos,
Teq; suis Pluto lachrymosus iunxerit umbris,
Quas multo sudore paras longoq; labore
Has cito diuitias consumet prodigus haeres,
Vera mea cito percipies oracula vocis.*

Genius.

*Quid memoras annose senex? tu te esse fateris
Mendicum, fortuna negat. cur ergo recusas,
Et genio pariter latifq; incumbere ludis?
Quid tibi profuerint cumulata in scrinia gazæ?
Quid tot in effossa congesta araria terra?
Hoc tibi thesauro nutritur nulla voluptas:
Præterea dum te modico teget urna sepulchro,
Contentus panno exangues migrabis ad umbras.*

Senex.

*Spero ego bis denos me posse videre decembres.
Quid? valida mihi sunt nervoso in corpore vires:
Perdedit inferior nullos maxilla molares,
Et nondum mihi crura labant tardante senectæ.
Cur moriar? iam parce tuis me obtundere nugis.*

Fortuna.

*Vive tuo arbitrio, numerosos congere nummos.
Atq; Corinthiacis imple tua scrinia gazis.
Sed cito mors aderit lethali armata veneno,
Quæ tibi surripiet fragili de corpore vitam,
Omnia momento consumet paruulus haeres,
Qui modo cum pueris spaciola ludit in aula.*

Senex.

*Verba moues scopulis, Et inania murmura iactas:
Nanque ego vix media compleni tempora vita.*

Interpres.

Dij immortales! quanta est mortalium cecitas, sic omnes caligant & cecutiunt: ut quāvis mors excubet pro foribus, diu tamē se confidant victuros: neque reminiscantur interitus.

Mors.

*Exue thesauros, auriq; talenta relinquo,
Dimittenda tibi est vxor, pulchriq; nepotes,
Et methymneis vitis fœcunda racemis.
Huc propera rugo se senex, vitamq; relinque.
Nam tibi vicina est peritura linea vite.*

Senex.

*Quām torua hæc facies, & acerbo pallida vultu!
Quām triste edictum! dic nomen opaca virago.*

Mors.

Mors, regum atque inopum furiosus & hispidus horror.

Senex.

Nullāne te flectet magnarum copia rerum?

Mors.

Nulla.

Senex.

Et opes nulla?

Mors.

Nulla:

Senex.

Querimonia nulla?

Mors.

Nulla.

Senex.

Aurum nullum?

Mors.

Nullum.

Senex.

Non tortilis auri vincula?

Mors.

Non.

Senex.

Nulla precioso murice vestes.

Mors.

Nec vestes.

Senex.

Ego te per summi numina cœli

Oro, dies paucos misera permitte senectæ.

Mors.

Stat sua cuique dies, Lachesis sua fila peregit,

Æternus fati non est mutabilis ordo.

Senex.

Scilicet ad nigros animam descendere manes?

Nec iam lanificas mollit querimonia Parcas?

Saltem pauca mihi liceat mandare nepoti,

Parue nepos, ego diuitias, aurique talenta,

Auratas chlamydes, gemmas, gazasq; relinquo.

Aspice confectos auro argentoque lebetes,

Aspice magnifico fabricata palatia sumptu.

Hic ubi multiplices monstrant a sarota figuras,

Respice mille meis ludentes montibus agnos,

Mille greges ouium, mulorum armenta, boumq;

Hæc tibi congeßi diuturno corporis æstu,

Sæpe sitim passus, passus plerumq; calores:

*Nudus humi in duris scopulis plerūque quieui.
Dum pluuiam plena versaret aquarius urna,
Frigore dirigit, niuibŭsque, gelūque ſeuero.
Abſtinui venere & baccho, ludisſque relictis
Incubui lucro, commiſi lintea ventis.
Expoſui vitam Zephyris, ſcopulisq; frequenter,
Vorticibusq; quibus ſonat irrequieta Charybdis:
Per medias nemorum latebras, ſpelæa ſerarum,
Inter, & armatos tranſiui ſæpe latrones,
Noctem hyemēq; ferens, Et mille pericula mortis,
Vt tibi congererem nummos, cumuloſq; moneta
Saltem ſiqua tibi cura eſt, memorare parentis.
Haec tibi qui longo cumulauit tempore gaſas.*

Hæres.

*Ne dubites: delubra tibi pulcherrima condam,
Hic ubi mille noui cingent altaria flores,
Et centena mea tibi concidet hoſtia dextra,
Quotidie tibi quinque boues, totidemq; bidentes,
Hic meus occidet gladius, cultroq; cruento
Frondiſeris ſemper noua victima concidet aris.*

Interpres.

*Quot tauros immolabit, quot victimas dicabit
patruo? multas ſcilicet, maximā hercle bonorum
partē habebunt tabernæ vinariæ, partē ſpheriſte-
riæ, partē aleæ Et fritilli. Non modicā meretrices.*

Senex.

*Iamq; ego nec finem timeo, mortē me reſuſo,
Cōſulet huic animæ poſt mortem paruulus hæres.*

Interpres.

Conſulet gula potius, abſumetq; momento, quod

tu ieiunus multis annis congregasti.

Mors.

*Accipe mortifera violentum cuspide vulnus:
Iam morere, & nostra vitam depone sagitta.*

Hæres.

*Mortuus est patruus, calor omnis corpore cessit.
Ecce dies optata venit, votoq; frequenti,
Et nostris toties precibus quasita. recessit,
Immotas agitat nulla exhalatio venas,
Forte tamen simulat mortem, recubatq; supinus
Ut nostri indicium tacite cognoscat amoris,
Propterea fas est lachrymas simulare sepulchro,
Nam quid obest falso querimonia ficta ululatu?
Incipiam, populis saltem pius esse videbor.*

*Heu patrue, imberbem sic destituisse nepotem
Te decuit? fragilique prius decedere vita?
Heu quid agam? quis me simili amplectetur amore
Pupillum? O utinam me Cloto inimica priorem,
Atq; Acherontæas Lachesis pepulisset ad umbras.*

Interpres.

*Hæ sunt crocodili lachrymæ. Heredis fletus, sub
persona risus est, dicebat Publius mimographus.*

Hæres.

*Mors propera, & simili tollas mihi cuspide vitæ,
Nolo ego post patruum diuturnos vivere menses,
Mors propera, & simili tollas mihi cuspide vitæ,
Mortuus est, gelidaq; rigent per viscera vena,
Propterea in risum suspiriavertere fas est.*

*Nunc aperite licet capsas, quibus ille tegebat
Thesaurus longo pridem sudore paratos.*

*Iuppiter, ô opulens numerosi copia nummi,
O immensarum locuples farrago bonorum,
Et tamē ille senex comedebat oluscula, & herbas
Agrestes, sicco & ieiunia ventre ferebat.
Non ita parcus ero congesta pecunia multis
Temporibus tandem è tenebris prodibit in auras.
Iam primum fas est eleganti incumbere cultu,
Auratæque meis tunicas inducere membris.
Ut populus mihi per vicos assurgat eunti,
Hinc croceos fas est cerussa ornare capillos.
Acque Cytoriaca passim discernere buxo,
Ut placeat nitidis mea forma venusta puellis,
Vultne aliquis mecum volucris certare fritillo?
Est'ne aliquis diues cui grata sit alea pernox?
Surgat, ego plena statui certare crumena.*

Prima meretrix.

*Sorores, si quando prospera lucri occasio sese no-
bis obtulit, nunc maxime præsto est. adest enim
adolescens cui ut opinor nihil iucundius est potest,
quàm inter nos (quæ meretricum sumus pulcher-
rimæ) conuersari.*

Secunda meretrix.

*Egregiè sane oportet eum tondère, aut etiam ra-
dere ad cutem. Ego has ei plumas extorquebo,
Tu quæ es omnium longe astutissima, illum ag-
gredere. Nos deinceps caput ei demulcebimus,
percutiemus palpo, perungemus melle, nihilque
quod peritas deceat adulatrices, omitemus.*

Prima meretrix.

Ut ego te lubēs video pulcherrime adolescens, di-

Speres si quid hodie tua forma mihi charius est.

Secunda meretrix.

Pol ego nec cibum ore, nec somnum oculis capere potui, ex quo tempore recessisti à nobis.

Tertia meretrix.

Amplectere me mea rosa. tuus enim amplexus charior est mihi vita.

Interpres.

Vide meretricum insidias & blandimenta, cum se amare simulant quem nec nouerunt nec vident vnquam.

Hæres.

Cognoscitis me speciosa virguncula?

Prima meretrix.

Quis nō nouerit tam bene formatū & natū adolescentē, tam speciosum, tam melleū, tam pulchra facie, ludibūdis oculis, coma crocea, rubris genulis, manibus crystallinis, pauculo ventre, teretibus tibiis, pedibus neq; obtortis, neque oblongis,

Secunda meretrix.

Sine vt hanc osculer manum mi passercule relinque mihi linguam in labiis, voca me tuam amiculam, tuum columbulum, tuum turturillum.

Tertia meretrix.

Va vobis negligentes famuli, qui lutulentos tam speciosi adolescentis calceos non detergitis. Ego hercle mea manu hoc ipsum faciam nūc primum.

Hæres.

Dū immortales quis me felicior viuit hodie? ne mohercle vsquam.

Interpres.

Pœnitebit te felicitatis huius.

Hæres.

Hæc mihi ridet, alia me amplectitur, alia mellitis labiis me morsicat, lutulentos etiam detergit calceos. Nusquam gentium vidisse puto magis obsequiosas. Tenera virgūcula, ego hos anulos auratasq; crumenulas vobis dono.

Interpres.

Multas tibi plumas auferent, aut etiam relinquent implumem.

Prima meretrix.

Das mihi aureolum hoc xeniolum mi animule?

Hæres.

Do tibi, meum saccharum.

Prima meretrix.

Ego pol tui causa seruabo quandiu viuam, neque erit qui extorqueat nisi mors.

Secunda meretrix.

Ego hanc passeruli mei crumenam feram nō perisilem, ut solent ceteræ mulieres: sed in mammis, atque ut vicinior sit cordi, prope leuā papillam.

Tertia meretrix.

Anule gemmato longe mihi charior auro, Implicitum digitis te semper habebo decoris, Dum memor ipsa mei, dū spiritus hos reget artus.

Hæres.

Iuppiter! ut me amant ista puella. emoriar si usquam gentium maius argumentum beneuolentiæ reperi.

Interpres.

Interpres.

Non amant te, sed crumenam tuam, inconsulte.

Hæres.

Abi nebulo, ego sufficiens argumentum feci.

Interpres.

Vbi crumenam tuam exhauferint, certius multo periclitaberis.

Prima meretrix.

Sorores, oportet adhuc aliquid aruscare. Per Iouem ego morior, nisi te qualibet hora osculer plusquam milies.

Secunda meretrix.

Quum te suauior, nihil magis durius quam à complexu tuo auelli.

Tertia meretrix.

Permitte me pectere tuos capillos mea rosa, & unguento delibuerè.

Prima meretrix.

Pectamus ergo unâ, quoniam partem obsequij volo conferre.

Secunda meretrix.

Iuppiter, quàm bene olet hac casaries!

Tertia meretrix.

Spirare videtur balsama & myrrham.

Hæres.

Vultisne pannos sericos ad conficienda vobis dextrocheria, amicula?

Prima meretrix.

Melius te decet meum corculum: satis est mihi dum me ames.

TEXTORIS

Hæres.

Accipite accipite, ego his carere possum.

Secunda meretrix.

Maxime vellem habere fasciam aliquam pectoralem ad tegendas mammas.

Hæres.

Habe tibi, atque accipe.

Tertia meretrix.

Men' solam relinquis indonatam, quæ tamen plus cæteris te amo mi vitelle?

Hæres.

Absit, ego potius me mea tunica exuero.

Interpres.

Paulatim exhaurietur dolium, Et ad fundum exsiccabitur crumena.

Prima meretrix.

Fortunata sumus sororcula mea, quibus talem amicum reperire contigit.

Secunda meretrix.

Ne viuam, nisi meis medullis plus eum diligam.

Interpres.

Scilicet exitus docebit.

Tertia meretrix.

Maxime mihi placent hæ plumæ quas gestas in pileo, mea medulla.

Hæres.

Habe tibi cum plumis pileum.

Interpres.

Implumem te relinquent Et inuolucrum, priusquam ab eorum manibus effugias.

Prima meretrix.

Sorores, iā multū auri & argēti ab eo extorsimus. nudus est, ut videtis, tāquam, ex matre, Periculū est ne adactus paupertate velit reposcere quod dedit. propterea si me auditis, properemus hinc alio.

Secunda meretrix.

Me hercule, sane consulis: non constitui tamen hinc abire quin manibus inuoluerō furtim quicquid auri est in eius scrinio.

Tertia meretrix.

Rapuiſti omnia? fugiamus.

Hæres.

Ego iām contuli meis amasiis quicquid vestimentorum indutus eram. Superest ut alia mihi comparem. Ibo ergo ad scrinium, & illic capiam unde emam. Iuppiter! quid istud est! latrones omnia surripuerunt. Perſe, nisi melior fortuna subsidium ferat.

Interpres.

Serosapiūt Phryges: noluiſti parere recte monēti. Si nunc asciam cruribus tuis illiseris, patere.

Hæres.

Me miserum, sunt ne harpagatrices illæ meretriculæ quæ diuitias meas suis manibus inuoluerūt? ibo ad illas. nam si fecerunt, ioco forte fecerunt, non serio. Quod si serio, mei tamen miserebuntur, à quo tantum auri acceperunt. nisi misereantur; nihil superest mihi nisi ut properem ad furcas, & fauces laqueo constringam. Saluete amasia & amicula meæ.

TEXTORIS.

Prima meretrix.

Quis hic bubulcius aut stabularius mulio, qui nos compellat?

Hæres.

Men' dicitis mulionem?

Secunda meretrix.

Nempe tu sordidior es cloaca.

Hæres.

Hoc fecit mea in vos liberalitas.

Tertia meretrix.

Ecquis homo tressis & trioboli?

Hæres.

Non agnoscitis cui toties oscula porrexistis?

Prima meretrix.

Ego te osculata sum, porcarie?

Hæres.

Ego te suaviata sum plagiarie nebulo?

Tertia meretrix.

Pol ego stercoratas meas nates non traderem tibi osculandas.

Interpres.

Vide amicitiam meretricum. ubi omnem exhausserunt succum, personam non agnoscunt.

Hæres.

Vos toties tenuistis me gremio.

Prima meretrix.

Te scabiose?

Secunda meretrix.

Abi in malam crucem vlceroſe, putride, ſanioſe, cadueroſe. Audes hoc probo nos afficere, ut gre-

mio nostro te incubuisse dicas?

Tertia meretrix.

Egon' huic semitario homuncioni genna mea reclinauerim? abi ad furcas, & suspende te.

Interpres.

Vide spectator, hic prodigorum finis, ubi omnia stulte decoxerunt, nudi redeunt ad mendicitatem.

Meretrices verò similes sunt formicis, quæ vacua granaria deferunt. sic bona maiorum male parta male dilabuntur. Concludamus cum poëta.

Non minor est virtus, quàm querere, parta tueri.

FINIS.

INTRODVCVNTVR IN

HOC DIALOGO,

Mystillus, Thrasones.

& Taratalla.

Primus thraso.

N*unc audit populus. Surgas Mystille minister.*

Mystillus.

Exurgo, princeps.

Secundus thraso.

Tu Taratalla veni.

Taratalla.

Ecce adsum dux armipotens,

Primus thraso.

Dum turba quiescit:

Dic Mystille.

Mystillus.

Loquar.

Primus thraſo.

Quot mihi ſunt famuli?

Mystillus.

*Quot princeps? ferme innumeri. ſed vix habet
vnum.*

Primus thraſo.

Quid dicis?

Mystillus.

Sunt ſex millia, vel deus eſt.

Secundus thraſo.

Ho Taratalla veni: quot ſunt mihi pradia?

Thraſo.

Quot ſunt?

Innumera. hoc falſum eſt.

Secundus thraſo.

Quot mihi regna?

Thraſo.

Decem,

Nil habet.

Mystillus.

Hem.

Secundus thraſo.

Tu ditior es Cræſo atque Dario.

Sed nudo potius paupere p'auferior.

Primus thraſo.

Dic Myſtille: quot agrorum mihi iugera?

Mystillus.

Millia, vel deus est.

Primus thraſo.

Quot mihi diuitiæ?

Myſtillus.

Quas memorare queat princeps, nemo, quia nulla.

Primus thraſo.

Hem.

Myſtillus.

Sunt innumera.

Primus thraſo.

Nónne?

Myſtillus.

Ita, vel deus est:

Secundus thraſo.

Dic Taratalla, quot in caſtris mihi millia equorũ?

Taratalla.

Quot, princeps? plus ſex millia, vix aſinus.

Secundus thraſo.

Quot currus?

Taratalla.

Centum, nullus.

Secundus thraſo.

Quot caſtra?

Primus thraſo.

Ducenta.

Vix habet iſte caſam.

Secundus thraſo.

Quid canis?

Taratalla.

Innumera.

TEXTORIS

Primus thraſo.

Dic Myſtille pater quis erat mihi?

Myſtillus.

Rex, ſed agaſo.

Primus thraſo.

Qua mater?

Myſtillus.

Regis filia, ſed meretrix.

Primus thraſo.

Dic Taratalla, pater mihi quis fuit?

Taratalla.

Induperator.

Rex dux atque comes, ſed miſer agricola.

Secundus thraſo.

Mater?

Primus thraſo.

Regina, aut mendica.

Secundus thraſo.

Quid?

Taratalla.

Induperatrix,

Obſtetrix.

Secundus thraſo.

Frater.

Taratalla.

Rex, ſed agaſo.

Secundus thraſo.

Quid eſt?

Taratalla.

Rex x

Rex erat armipotens, ſed agreſti mulio.

Rex xx

Secundus thraſo.

Nobis

Quis cenſus, quot opes, quot bona?

Tarataſſa.

Multa, nihil.

Primus thraſo.

Dic Myſtill domi, quæ vina?

Myſtillus.

Falerna, ſed vnda.

Primus thraſo.

Qualia ſunt nobis ſercula?

Myſtillus.

Lanta, olera.

Primus thraſo.

Nunquid perdices, paui, peregrina coturnix

Multaque ſunt volucrum milia?

Myſtillus.

Multa, nihil.

Primus thraſo.

Quæ patri veſtis?

Myſtillus.

Quæ? argentea, ruſtica.

Primus thraſo.

Matri.

Myſtillus.

Aurea, ſed multis rupta foraminibus.

Primus thraſo.

Nupta ſoror quam dotem habuit?

Myſtillus.

Cum diuite regno

Mille talentorum millia, nil habuit.

Primus thraſo.

Et mater?

Myſtillus.

Duo regna, duas capras.

Primus thraſo.

Duo fratres?

Myſtillus.

Alter papa, alter præſul, vterque miſer.

Primus thraſo.

Cognati?

Myſtillus.

Reges omnes: figuli atque bubulci

Primus thraſo.

Quid dicis?

Myſtillus.

Reges, ſed miſeri agricola

Secundus thraſo.

Ho Taratalla domi quæ vaſa?

Primus thraſo.

Argentæa, verum

Terrea.

Secundus thraſo.

Quot, nunquid plurima?

Primus thraſo.

Multa, nihil.

Secundus thraſo.

Nunquid quotidie gero bellum?

Primus thraſo.

Tu geris, ergo Pulicibus.

Secundus thraſo.

Nunquid ſum validus?

Primus thraſo.

Validus,

Therſites alter.

Secundus thraſo.

Nónne audax?

Primus thraſo.

Inſtar Achillis.

Secundus thraſo.

In bello quid ago?

Primus thraſo.

Quid facis? interimis, vermiculos.

Secundus thraſo.

Nunquid primus paro praelia?

Primus thraſo.

Ultimus ingreditur, primus & egreditur.

Secundus thraſo.

Fracta mihi nunquid plerúmque eſt lancea?

Taratalla.

Fracta eſt.

Servandis porcis.

Secundus thraſo.

Méne timent populi?

Taratalla.

Te meruunt, propter ſcabiem.

Primus thraſo.

Mystille.

Mystillus.

Magiſter.

TEXTORIS

Primus thraſo.

Quid de me paſſim commemorant homines?

Nónne vocor prudens?

Myſtillus.

Prudens! deus optime, prudens.

Sed ſtultus.

Primus thraſo.

Nunquid viribus egregius?

Myſtillus.

Sancte deus, forti Sanſone potentior, at qui

Debilior muſca.

Primus thraſo.

Quid loqueris?

Myſtillus.

Validus.

Primus thraſo.

Quando domi maneo quid ago?

Myſtillus.

Tu nil niſi caſtra

Ædificas. tardis bobus aratra ligas.

Primus thraſo.

Quæ caſtra?

Myſtillus.

Ad nubes ſublimia, ſcilicet.

Primus thraſo.

Audi, Quot mihi ſunt equitum millia?

Myſtillus.

Multa, nihil.

Primus thraſo.

Quot turma?

Mystillus.

Innumera.

Secundus thraſo.

Surgas Taratalla,

Primus thraſo.

Magiſter.

Secundus thraſo.

Quo iaceo lecto?

Primus thraſo.

Non niſi molliculo.

Nudus humi dormit.

Secundus thraſo.

Quot me comitantur euntem?

Primus thraſo.

Cingeris innumeris: undique pulicibus,

Secundus thraſo.

Quot dedit in bello morti mea dextera?

Taratalla.

Sancte Iuppiter innumeros, credite vermiculos.

Secundus thraſo.

Quas aulas habeo?

Taratalla.

Pictas auro atque lapillis.

Secundus thraſo.

Nonne?

Taratalla.

Ita, vel deus eſt.

Secundus thraſo.

Quot mihi ſunt pecudes?

Taratalla.

Innumera.

Secundus thraſo.

Quot oues?

Taratalla.

Tercentum millia.

Secundus thraſo.

Tauri?

Taratalla.

Et totidem.

Secundus thraſo.

Muli?

Taratalla.

Milia multa, nihil.

Secundus thraſo.

Quid comedo?

Taratalla.

Pavos.

Secundus thraſo.

Et quid bibo?

Taratalla.

Nil niſi neſtar.

Potat aquam, & lardo vix ſatur eſſe poteſt.

Primus thraſo.

Myſtille argenti atque auri quot habere talenta

Me credis?

Myſtillus.

Tibi ſunt millia mille, nihil.

Primus thraſo.

Quot canibus venor lepores?

Myſtillus.

Multis, habet vnum.

Qui custodit oues, barbigerumq; gregem.

Primus thraſo.

Num me vidisti quondam certare? quot vrsos

Occidi?

Myſtillus.

Innumeros, ſcilicet aut deus eſt,

Formare ſolet miſeros.

Secundus thraſo.

Taratalla.

Taratalla.

Magiſter.

Secundus thraſo.

Dic quot ego euerſi mœnia?

Taratalla.

Multa deus!

Secundus thraſo.

Quot turres?

Taratalla.

Centum & mediam partem vnus.

Secundus thraſo.

Ho ho, quis neget hoc magna nobilitatis opus?

Quis neget in valido magnas mihi corpore vires?

Primus thraſo.

Quis neget athereo me ſimilem eſſe Ioui?

Secundus thraſo.

Thraſo recedamus, quoniam breuis hora recedit.

Contenta eſt noſtris tota cæterua iocis.

TEXTORIS
HVIUS DIALOGI INTER-
LOQVVTORES SVNT PAV-
per, & Fortuna.

Pauper loquitur.

Quæ regina?

Fortuna.

Potens rebus Fortuna caducis

Dinitias varias sedulitate mouens.

Pauper.

Cur sceptrum portas?

Fortuna.

Quia vastis impero terris:

Et me pro vero numine terra colit.

Pauper.

Quid rota designat?

Fortuna.

Miseros sublimat in altum,

Et sublimatos rursus ad ima trahit.

Pauper.

Quid profunt ala?

Fortuna.

Subito me turbine versant,

Et quanta curram mobilitate, docent.

Pauper.

Cur tegeris larua?

Fortuna.

Ne fiam cognita mundo,

Ex improviso fallere cuncta volens.

Pauper.

Cur

Cur risum simulas?

Fortuna.

Ridendo fallere novi,

Sub risus specie deprimo quenque mei.

Pauper.

Cur pila te portat?

Fortuna.

Me denotat esse fugacem,

Et docet in stabili stare nequire loco.

Pauper.

Cur visco plena es?

Fortuna.

Qui se putat esse beatum,

Vt posthac cursu deteriore ruat.

Pauper.

Cur inopem torques?

Fortuna.

Vt tota mente laboret,

Et nostro supplex pareat imperio,

Pauper.

Cur adeò levis es?

Fortuna.

Nequeo cohibere volatum,

Et me in multiplices convenit ire vias.

Pauper.

Quod nomen?

Fortuna.

Dicunt inopes me saepe nouercam,

Diuitibus cunctis dicor alumna potens.

Pauper.

TEXTORIS

Cur largiris opes?

Fortuna.

Vt nos opulentus honoret.

Pauper.

Cur aufers illis?

Fortuna.

Videant nempe omne caducum.

Non venit incerta spes adhibenda rei.

Pauper.

An subito pereunt?

Fortuna.

Cræsi te castra docebunt.

Indicat hoc Phrygiæ nobilis aula Mida.

Pauper.

An facias inopem de diuite?

Fortuna.

Lydia Cræso

Paruit, & Cræsi pertulit ipsa iugum.

Pauper.

Regnas in bellis?

Fortuna.

Victor qui deicit hostem,

Sæpius ipse eodem victus ab hoste cadit.

Pauper.

An regnas in aquis?

Fortuna.

Fauſta qui nauigat vnda,

Adverso flatu mox subeunte perit.

Pauper.

Es ne potens, referas, gaudeas fortuna ferendis?

Fortuna.

Hunc regem facio, qui modò pascor erat.

Pauper.

Cum tibi peruia sit donandi tanta potestas,

Et clari teneas solis utranque domum,

Da mihi virtutes.

Fortuna.

Nequeo.

Pauper.

Cur?

Fortuna.

Non ego præsum.

In nostro virtus non iacet arbitrio.

Pauper.

Sum iam decrepitus, iuuenem me redde.

Fortuna.

Nequirem,

Da mihi cælorum culmen

Fortuna.

Non præferor astris,

Sed soli subsunt cœlica regna deo.

Pauper.

Da mihi diuitias stabiles.

Fortuna.

Firmæ mihi non sunt.

Et mihi nil seruit mobilitate carens.

Pauper.

Ergo nihil firmum defers?

Fortuna.

Nil defero firmum,

TEXTORIS

Sed bona flabilibus do leuiora Notis.

Pauper.

*Cernite quàm variis fortuna volatibus erret,
Qua bona dat, leuibus sunt leuiora Notis.*

FINIS.

SEQUENTIS COMOEDIAE
PERSONAE.

*Moria, duo mendaces, duo deceptores,
O Enopola, pastifer, duo stulti.*

Moria loquitur.

C Enfores tetrici, quos nil nisi seria dictu,
Nil nisi verborum fulmina rauca, iuuat:
Contracta frontis caperatas ponite rugas,
Ponite contracti signa supercilij.
Ludicra presenti affertur comœdia circo,
Gaudia flebilibus larga ferens animis.
Tedia si vestro stomacho iucunda ministret,
Fabula, si fronti ludicra displiceant,
Ad grauium celeres discedite verba Catonum,
Grandiloqui numeros vertite Virgilij.
Seu vestre placeat mage rauca tragœdia menti
Atq; Thyestæ cœna cruenta domus:
Ite Cothurnati spectate Lycophronis artem
Dos ubi fastosi carminis hircus adest.
Si petitis mordax satyræ liuentis acetum,
Persius hoc vehemens, hoc Iuuenalis habet.
Ite aliò: nullos dabit hæc comœdia fletus,
Sed pulcher tumulos hos Ionianus habet.

Deductum tenero petitis si pollice carmen,

Aut lyricis lubeat pangere carminibus:

Mulcebit patulas Venusinus Horatius aures,

Et Nil nisi letificum fabula nostra dabit.

Scitis cur tumido spargam mea verba palato,

Et tumeam inflatis turgida visceribus?

Vnde hæc turgiditas creuit mihi, vultis habere?

Vnde grauis resono clamor in ore tonet?

Maxima pars hominum nostra se lege gubernat:

Et nostri canones sustinet imperij.

Tempore quo celebres duxisti Roma triumphos.

Atque tuas aquilas Phœbus vterq; tulit:

Millia multa tuis hominum subiecta catenis,

Roma tue laqueo sub dittonis erant.

Plura meas hominum patiuntur millia leges,

Plura meo collum supposuere iugo.

Moria sum Græcis, alio dixere Latini

Scriptores fatuam nomine stultitiam.

Tūne vides aliquos verbis petulantibus uti,

Quos lingua stimulat prodiga garrulitas?

Tūne vides alios qui se & sua stemmata laudāt,

Et claris genitos esse canunt atavis?

Tūne vides aliquos porrecta fronte poëtas

Se magno similes dicere Virgilio?

Nōne vides aliquos qui brachia inania iactāt,

Sēq; putant magnos vincere Scipiadæ?

Hunc toto vacuum non conspicias esse cerebro,

Dignum hunc qui virides nauiget Anticyras?

Omnes stultitiæ leges & iura sequuntur,

Omnes stultitiæ sub ditione manent.

Mentiri incipias tu prior, heus Pylades.

Primus.

Vidi barbigeras volitare: per aëra capras,

Secundus mendax.

In media vidi nube volare boues.

Primus mendax.

Vidi multipedes muscas pro bobus aratrum

Ducere, & impositum substinuisse iugum.

Secundus mendax.

Legislatoris vidi dua cornua Mosis,

Primus mendax.

His oculis plumas vidimus angelicas,

Secundus mendax.

Vidi carbones albos:

Primus mendax.

Ego lilia nigra:

Secundus.

Facta ego compactis mania cascolis.

Primus.

Vidi gallinas vidi, cum vulpe propinqua.

Secundus.

Agnam ego ieiunis concubuisse lupis.

Primus.

Vidi qui vino meliorem diceret vndam.

Secundus.

Vidi qui ferulas diceret esse bonas.

Primus.

Vidi discipulum pro præceptore precantem,

Secundus.

Vidi qui nollet ledere discipulum.

TEXTORIS

Primus.

Et scalas vidi quibus athera Christus adiuit.

Secundus.

Vidi qui nummos nollet habere senem.

Primus.

Exiguum leporem vidi iugulasse molossos.

Secundus.

Et muscam vidi qua iugulauit apros.

Primus.

Et vidi colubrum tangentem sydera crista,

Cuius erat Stygiis cauda propinqua locis.

Secundus.

Vidi formicam cuius pede facta columna est,

Quae pontem in rapido sustinet Eridano.

Primus.

Vidi qui traheret turres ac moenia vermem

Atque urbem propriis sedibus excuteret.

Secundus.

Vidi cum flammis intactas vrere stupas,

Primus.

Vidi ignes gelidos,

Secundus.

Ipse niues calidas.

Primus.

Vidi pisciculum traheret qui per mare naues,

Secundus.

Vidi formicam qua Rhodanum biberit,

Primus.

Vidi ramiferas quercus ductare choreas,

Secundus.

Vidi Saxa leui mobilia Notho.

Primus.

Et vidi Pario grauiores marmore plumas,

Secundus.

Et vacuum vidi piscibus esse fretum,

Primus.

Vidi qui ferrum croceo praeponeret auro.

Secundus.

Vidi asinum Gracas discere litterulas.

Primus.

*Quando per Ionium traherem mea carbasa
pontum,*

Et qua Dadaliden Icaron vnda leuat,

Vidi balenam cuius crescebat in aluo

Sylua ingens, patulis arboribus reuirens.

Secundus.

Ignotum Nili peterem dum scetilis ortum

Lustrarem & Pharia templa superba dea,

Terrigenam inueni mira feritate gigantem

Nubibus aëriis corpore contiguum:

Cuius maior erat poples & crassior index

Quàm Capitolina nobile turris opus,

Pesque vnus tegeret sex millia iugera campi,

Maiores porta hac extiterant oculi.

Primus mendax.

Dum inuenis fuscps irem peregrinus ad apros,

Pesque vagos passus dirigerem Numidas:

Occurrit mihi testudo velocior Euris,

Peruertens vlnos cornibus aëriis.

Secundus.

TEXTORIS

*Vidi apud Ætiopias hominem qui gutture largo
Quingentas vno dente vorabat oues.*

Primus.

*Hoc nihil est: vidi puerum qui ventre latranti
Vel sola cœna dente vorauit apros.*

Secundus.

Vidi qui primo tria dolia sumpserit haustu,

Primus.

Vidi qui gelidas aestuet inter aquas,

Secundus.

Vidi qui solis gauderet viuere rapis.

Primus.

Vidi homines vento quos alit aura suo.

Secundus.

Vidi qui rapidis nutrent corpora flammis,

Primus.

Vidi hominem solis viuere pulcibus.

Secundus.

Vidi hominem fuerat breuius cui culice corpus.

Primus.

Vidi cui Solis lumine maius erat.

Secundus.

*Atque ego vidi hominem qui ferrū dulcius vna
Diceret, atque cauo subere non grauius.*

Primus.

Vidi hominem mēbris cui verbera dira placerēt,

Secundus.

In medio vidi saxa natare fieto

Primus.

Maius adhuc vidi: vidi montem sine valle,

Secundus.

Visa mihi vallis sic sine monte fuit.

Primus.

Vidi caufidicos mutos,

Secundus.

Iustos ego fures,

Primus.

Et linore carens gloria visa mihi est.

Moria.

Mentitum satis est famuli: obmutescere mandas

Moria, tu vitula dignus, & hic vitula.

Vos ego diuitibus regum praefecero castris,

Vestra hinc tolletur gloria, crescet honos,

Sufficit: ad ludos conuertere vela secundos

Expedi: astuti surgite discipuli.

Contendatis vter fraudesq; dolosque parabit

Cautius, & melius subdola verba dabit.

Neuter muneribus mihi non donatus abibit,

Pellite corde metus, incipe Mopse prior.

Primus deceptor.

*Quid per deos immortales in hunc vaframentis
mihi fuerit contendendū, qui bardus est, & Am-
phistide stultior?*

Secundus deceptor.

*Men' bardum appellitas? Egon' tibi Amphistide
magis delirus videor? Erras maxime si verbis
tuis mihi terrorem incuti credas.*

Primus deceptor.

*Terrorem tibi incutere si possim, nolim pudet do-
lis & stratagematibus cōgredi qui nec in mari*

quidem aquam reperias: nec in silvis arbores.

Secundus deceptor.

Mihi hercle difficilius fateor aquam in mari reperisse, quàm in te falsuginis quicquam,

Primus deceptor.

Tu naso tenus quæ futura sunt conspicias.

Secundus deceptor.

Tu vero occipitio tenus quæ facta sunt aduertis,
Primus.

Sed quid vnquã fraudis gloria dignũ cõmẽtus es:
Secundus.

Tu verò qui tantopere gloriaris, quas vnquã tragulas in homines fabricasti?

Primus.

Astutia mea saliariter et opipare vixi semper: nec tamen obolum profudi.

Secundus.

Vulpino stratagemate nitidis semper vestimentis indutus sum, neque tamen quicquam sutoribus veteramentariis plagionibus aut alutariis quicquam impertini.

Primus.

Id ego mihi persuaferim scilicet.

Secundus.

Periculum si voles face,

Primus.

Iamprimum omnium si nobis vino fuerit opus, poteris ænopolam tabernæ vinariæ magistrũ technis aliquibus eludere?

Secundus.

Sancte Iuppiter, quid mihi illustre.

Primus.

*Istuc igitur prosperiter fiat: videam verum necne
siet quod tu satis predicas.*

Secundus.

Oenopola, seu venditor vinarie.

Oenopola.

Quis me vocat?

Secundus.

Adesdum: paucis te volo.

Oenopola.

Dic igitur vno verbo quid est quod me velis.

Secundus.

*Actutum cuncta recensuero, istinc foras et per-
egre quidem profecturus sum.*

Oenopola.

Quid demum?

Secundus.

*Nostin' pestilens nescio quod contagium passim
locorum serpere?*

Oenopola.

Novi.

Secundus.

Et aërem maxime contaminatum?

Oenopola.

Id est quod dicis.

Secundus.

*Huic malo nullum magis efficax dari potest re-
medium, quam si quis reiecta formidine domesti-
cos parietes nunquam ieiunus egrediatur.*

TEXTORIS

Oenopola.

Et id ego expertus sum.

Secundus.

Velim igitur si quod in penu aut oenopolio tuo vinum regale & nectare dulcius tibi extiterit, pin-tam (ut gallico utar) mihi actutum deferas, quo deficcatum iam guttur irrorare valeam.

Oenopola.

Faciam quod dixti.

Secundus.

Experire tu nunc cum manipulo, quibus ego utar.

Primus.

Si fuero expertus, moleste non feram.

Oenopola.

Heus tu qui vinum tibi deferri praeceperas, ades dum.

Secundus.

Auspicate veneris. Est ne bonum?

Oenopola.

Est optimum.

Secundus deceptor.

Anniculum, an bimum?

Oenopola.

Trimum hercle.

Secundus deceptor.

Precium accipe.

Oenopola.

Turoni duo supersunt.

Secundus deceptor.

Duodeno id tanti illum venit?

Oenopola.

Venit ad epol.

Secundus deceptor.

Ergo igitur ideo optimum, vade vade nihil aliud te volebam. Nunc degustabo & pitissabo ut experiar quale fiet. Revertere inquam, tabernarie fraudulente.

Oenopola.

Quid aliud est?

Secundus deceptor.

Quid aliud est? scelus.

Oenopola.

Perperam quicquam egi?

Secundus deceptor.

Perperā quicquā egisti? promiseras te vinū optimum daturum, quod non minimo venit precio.

Oenopola.

Et hercle dedi.

Secundus deceptor.

Dedisti furcifer, imo verò acetum stipticū & acidum. pitissa fraudulente. Corripite satellites latronem hūc. hic vnūquēque deludit. Sic rudes & ignaros fallit agricolas. Corripite inquam satellites, & ad furcas nunc primum ducite.

Oenopola.

Hei domine, ne velim sic tam grauiter in me succenseas. aliud ibo quasiturus, nec tamen abs te pecunia quicquam exigo, quin etiam acceptas tibi restituo.

Secundus deceptor.

Pōst ad furcas ducens.

Oenopola.

Inopis te nunc miserescat mei.

Secundus deceptor.

Aliud igitur longe melius quasiturus propera.

Oenopola.

Immortales tibi gratias ago q̄ me venia donaris

Secundus deceptor.

Festina inquam.

Oenopola.

Festino.

Secundus deceptor.

Quid tibi videtur tyrūcule, qui me fraudis ignarum prius duxeris? Vinum habeo optimum: gratis quidem, aliud nunc primum habiturus, nec obolum quidem daturus vnum.

Oenopola.

Euge aliud vinum longè præstantius, quod nec renuat Iupiter, tibi affero.

Secundus.

Ne me denuo fallas, te præsentē pitissabo. Placet istud, discede. Sed nunquam ad hunc vomitum tibi redire contingat.

Oenopola.

Vale domine.

Secundus.

Vale inquam, Ignarus ne fraudis tibi videor? Nunquam ego periclitari velim, quin ipse fraudem noveris.

Primus.

Cui vis nunc illudam?

Secundus.

Secundus.

Vinū suppetit: habendus est cibus, versutum stratagemata faterer, si quem pastiferū posses eludere.

Primus.

Potero, & citius quàm tu cenopolam fefelleris.

Secundus.

Agedum igitur.

Primus.

Pastifer.

Pastifer.

Ho ho.

Primus.

Quid hoc? rustici me dominum vocant.

Pastifer.

Domine.

Primus.

Est ne tibi farcimen aliquod delicatum?

Pastifer.

Quatuor, quinque, sex si voles, sunt mihi Iovis cerebro dulciora.

Primus deceptor.

Istinc igitur quoddam optimum quaesiturus propera.

Pastifer.

Actutum rediero quinque videbitis.

Primus deceptor.

En qui cenopolam fefelliſti, vide quo stratagemate claream.

Secundus deceptor.

Videam precor.

Pastifer.

Adest quod petis.

Primus.

Frigidiusculum mihi videtur istud.

Pastifer.

Alterum si voles aliquanto calidius ibo quesiturus.

Primus.

Propera, ut vel utrunque capiam, vel alterutrum eligam.

Pastifer.

Propero.

Primus.

Ego tantisper dum redierit istud subterforaminabo: Et quicquid intus succi Et carniū latet, clanculum extraham.

Secundus deceptor.

Bene est.

Pastifer.

Alterum tibi offero. nisi igitur voles utrunque, alterutrum eligas.

Primus.

Istud novissimum oblatum eligo: Sufficiet ut opinor,

Quanti constat?

Pastifer.

Tribus duodenis:

Primus deceptor.

Ha, tu rides.

Pastifer.

Da duos propter nostram antiquam necessitudinem, accipe, bene vale.

Primus deceptor.

Quid ais? quid ais?

Secundus deceptor.

Hominem egregie fefellisti.

Primus deceptor.

Moria inter promissa munera utriusque nostrum exolve qui cautius fefellerit.

Moria.

Tanta hercle mihi visa est utriusque astutia, & adeo quidem subdola, ut utrum victorem iudicem me lateat. Nihil tamen sitis solliciti. Nemo ex hoc numero mihi non donatus abibit.

Tertia iam nostrae tollenda est palma palaestra

Surgite tyrones, ludum reuocate sequentes,

Confligatis vter vestrum sit stultior.

Primus stultus.

Ipsè,

Victor ero.

Secundus stultus.

Certè potius clauam Herculi ab ipso

Eriperes

Primus.

Et Meonio tu carmen Homero.

Moria.

Incipito, his nihilum prodest contendere verbis.

Primus stultus.

Interdum in medijs volui cenare latrinis,

*Et rabido fœdum deglubere stercus hiatu,
Quum tamen Et carnes Et candens panis ad-
essent.*

Secundus stultus.

*Crater sæpe fuit mihi calceus, unde remotis
Ebiberem cyathis.*

Primus.

*Quum cælo maximus imber
Efflueret, rapidum proieci corpus in aquor
Vitanda caussa pluuia.*

Secundus.

*Dum pergo, sequensque
Umbra mihi apparet, raptis plerumque sagittis
Hanc iugulare volo, vel aperto figere Marte.*

Primus.

*Nesciui plerumque parens quis me peperisset,
An pater, an mater.*

Secundus stultus.

*Correptas sæpe ego muscas
Carceribus clausi, quæ me dormire volentem
Turbarent stimulus.*

Primus.

*Hircos mulgere bicornes
Tentavi,*

Secundus.

*Volui interdum numerare quot essent
In pratis herbe, vasto quot in equore gutta.*

Primus.

*Sapius in nitido Solis candore lucernam
Apposui.*

Secundus.

*Visco squamosos carpere pisces
Tentavi.*

Primus.

*Volui coniectos ungere crines
Vel pice vel visco.*

Secundus.

*Fallaces vivere vulpes
Cum tauris & equis volui, currumque sequentem
Iungere.*

Primus stultus.

Ego vinum ranis appono bibendum:

Secundus.

Dormivi in mensa.

Primus.

In lecto plerumque comedi.

Secundus.

*Quum vellem interdum lignis affigere clauos,
Et quo percuterem nullus mihi malens esset,
Percussi capite & duro me vulnere laesi.*

Primus stultus.

*Quum mihi qua corpus vincirem zona deesset,
Mammaram tenus à pedibus de corpore pellem
Extraxi. & zonam tali mihi more paraui.*

Secundus.

*Dum mecum stulti loquerentur, stultior esse
Contendi.*

Primus stultus.

*Coram populo me saepe poetam
Iactavi, aut alia dixi virtute potentem.*

TEXTORIS

Secundus.

*Implicitos vrbis si forte perambulo vicos,
Obſtupeo Et miror quòd culmina ſumma do-
morum*

Non ſe reclinent: vt me plerùmque ſalutent.

Primus.

*Cădelam interdum pluuiâ aut humore madētem
Siccandam expoſui flammis.*

Secundus.

*Ego ſæpe coquendas
In vitro carnes.*

Primus.

*Seruandas ſæpe ego miluo
Commifi.*

Secundus.

*Ipfè & alendos ſæpe moloſſis
Commifi lepores.*

Primus.

*Seruandos felibus ipſe
Caſcolos.*

Secundus.

*Audi, muſcoſas ſæpe ego nares
Emunxi vrtica.*

Moria.

Ludis imponite finem,

Hiſ aures patulas ſatis eſt obtundere verbis.

Primus.

Dic age vter tibi viſus ſtultior: I

Moria:

Id mihi dictū

*Difficile est, adeo mihi stultus uterque videtur,
 Ut dare iudicium nequeam. Concludere paucis
 Expedit, Et finem nostris imponere nugis.
 Nunc tanta humanas pungit recordia mentes
 Ut de stultiitia certent. Quid mentibus illud
 Imponat, princeps stultorum Moria dixi:*

*Si tibi spectator leuiuscula forte videtur
 Fabula, si modici versus, absiste precamur
 Mirari: sed tu quid dicat Horatius audi.
 Difficile est propriè communia dicere. tūque
 Rectius Iliacum carmen deducis in aëlus,
 Quàm si proferres ignota indictaque primus.*

F I N I S.

*HUIUS DIALOGI IN-
 TERLOCUTORES*

*sunt Fortuna Et
 Aulicus.*

Aulicus incipit.

A*H fortuna quàm egregiè me mea spe fefel-
 listi! Habebam te loco numinis, tibi assur-
 gebam, aras tuas victimis onerabam, ut felicem
 aliquam mihi largireris professionem, in qua re-
 quies esse.*

Fortuna.

Nunquid abunde satisfactum est tuo voto?

TEXTORIS

Aulicus.

Satisfactum est meo voto? qui nullam vnquam dormiui noctem satis ex animi sententia.

Fortuna.

Nullam noctem? fucata est igitur aulicorum prosperitas.

Nullum enim opinabar hominum genus cui prosperitas rideret melior.

Aulicus.

Nullum, Fortuna, nullū cui nō sit requies maior.

Fortuna.

Quid? vos aulici estis inter delicias,

Aulicus.

Inter immunditias, Fortuna,

Fortuna.

Hocce credibile est, sericatis comitem esse miseriam?

Aulicus.

Sericeis pannis operiuntur mille calamitates.

Fortuna.

Hoc diuitia permittunt?

Aulicus.

Quenam ille diuitia?

Fortuna.

Aurum & argentum quo vos omnes sericatis consueuistis abundare.

Aulicus.

Fortuna qui sericati sunt, byssōque & purpura diuite induti, plerūque nec obolum habent vnde restim emant.

Fortuna.

Vbinam ergo absumuntur vestigales illi prouentus? nonnulli vestrum decem habent quotannis aureorum milia. an tantum thesaurum absumit venter?

Aulicus.

Fortuna, non illud est.

Fortuna.

Quid ergo?

Aulicus.

Quid? alea, fitillus, sphaeristerium, luxus, equorum phalera.

Fortuna.

Nihilne aliud?

Aulicus.

Meretrices.

Fortuna.

Quid prater ea?

Aulicus.

Domestici latrones & economi. saepe figunt talene emisse quod vnico tantum aureo emptum est. Prater ea adulatores qui canda blandiuntur, qui ceruices confricant, qui percutiunt palpo, qui nos palam plenis buccis ad caelum ferunt, qui virtutem in nobis commendant, Et hirudinum instar exugunt quicquid possunt.

Fortuna.

Vos tamen nunquam video nisi sericatos & gemmatos.

Aulicus.

Ha Fortuna, creditores sunt quibus si pistrina, sylvas, stagna, fundos, & pradia vendiderimus; non satisfaceremus dimidiatim. Vis dicam? nos animam debemus.

Fortuna.

Semper tamen utimini sternacibus & praestantissimis equis,

Aulicus.

Ha ha paupertatē dissimulamus, Fortuna: tanē sunt permulti qui nō habēt vnde asinū nutriāt.

Fortuna.

Sed non aestimas plurimi illas epularum delicias, pauos è Samo, Phrygias Attagenas, grues molicas, hedos recentes, pelamides Chalcedonias, muranas Tartesias, pectunculos Chios, Rhodios helopes, scaros Cilices, nuces Thasias, quae mensis vestris quotidie solent apponi?

Aulicus.

Egregie dicis Fortuna, habemus interdū scaroriū iecinora, phasianorū & pauoniū cerebella, linguas Phoenicopterorū, plerūmq; muranarum lactes ceterasque patina, Vitellinae cupedias: sed hoc ipsum non facit ad voluptatem.

Fortuna.

Quid ni?

Aulicus.

Primum omnium non est certa hora prandij aut cenae.

Viuimus nō nostro sed domini arbitrio, non praedemus nisi cum soli illi lubet, si cenam aut ludum

proroget in longam noctem, sumus in expectando.
Fortuna.

Quid interim? non dormitis?

Aulicus.

Ha Fortuna! piaculū est & sacri cōmissum non expectare dominū. nephas est dormire priusquam venerit. si liceat, erunt parasiti qui vigilabūt & gratiam & fauorem praripient, & in beneuolentiam dominī se profundius intrudent.

Fortuna.

Semper tamen est vobis lauta culina, semper dapilis mensa.

Aulicus.

Sic ita tribuis hoc magnā felicitatē, ventrem saginare, & nihil aliud proficere?

Fortuna.

Interim tamen semper viuitis.

Aulicus.

Et canes victum reperiunt, at ut laute viuamus, putas tamen securas esse quas comedimus dapes?

Fortuna.

Vnde immineret discrimen?

Aulicus.

Vnde Iuppiter? insidiis malenolorum.

Fortuna.

Quid dispendij possunt adferre insidia illa?

Aulicus.

Quid? nescis aulicos omnes emendicasse à Longobardis veneficia.

Fortuna.

TEXTORIS

Hocce credibile est uti veneficiū, & potionatio poculis?

Aulicus.

Vtuntur Fortuna, idq; ita ut nemini securo esse liceat, nullum est illic frequentius malum.

Fortuna.

Quid audio?

Aulicus.

Argumentum Et historiam. Visne argumeto probare quod dixi?

Fortuna.

Agedum, non recuso.

Aulicus.

Vide apud te quot præsides Et episcopi agminatim mortui habentur paulo tempore.

Fortuna.

Erant fortasse senio confecti.

Aulicus.

Plerique vix mediam ætatis partem absoluerāt.

Fortuna.

Ita forte placuit fati.

Aulicus.

Fata illa accelerata sunt, & ante maturum tempus aduecta.

Fortuna.

Hoc si ita est, adhuc tamen promptum est vobis facile cauere.

Aulicus.

Quonam illud modo?

Fortuna.

Si fideles sint vobis domestici.

Aulicus.

Bene dicis Fortuna, si fideles.

Fortuna.

Nónne res ita se habet.

Aulicus.

Tot habemus hostes, quot familiares:

Fortuna.

Omnes tamen domestici vos utròque genu complicito salutant & reuerentur.

Aulicus.

Altera manu ferunt lapidem, altera panem ostendant.

Fortuna.

Adduci nequeo ut istud credam.

Aulicus.

Est quod credas, multi amicitiam verbis palam simulant qui sub columbina specie teterrimam ferunt caudam scorpionis.

Fortuna.

Et quãobrem familiares vestri vobis insidiarẽtur?

Aulicus.

Inuidia.

Fortuna.

Quamobrem inuiderent? persuadere mihi nequeo inuidiam vobiscum habitare.

Aulicus.

Hoc tantum fabulosum est quantum si dicas Iouem esse sine liberis. Fortuna, nusquam gentium nullibi terrarum, aut hominum maiores sunt fla-

tus lioris aut inuidia.

Fortuna.

Dic ergo: vnde lior iste enascitur?

Aulicus.

Quandoq; ex fumo, ex re nihili, si dominus sereniore vultu huic arriserit q̃ illi, si Taratallam salutet insalutato Mistyllo, si arcanum aliquod committas Fabulino absente Nasica, si Tentidiani propius quam Gellii corpori suo admiserit. si dextram porrexerit Diodoro relicto Corbulone.

Fortuna.

Nascuntur liores ex his fumis?

Aulicus.

Ex longe minoribus Fortuna, inuidia crepabit Hermogenes si viderit Hiarbitam placere domino.

Fortuna.

Saltem qui beneuolentiam dominorum sibi comparant, felices putandi sunt.

Aulicus.

Felices utcunque, si fauor ille sit pertinax & diuturnus.

Fortuna.

Quid? nonne sibi constant principes?

Aulicus.

Vt mulieris animus. Vis paucis dicā? versatiliores sunt cothurno, & Proteo mutabiliores.

Fortuna.

Quamobrem mutarent sententiam, & versatili essent animo?

Aulicus.

Ma! nephas est percunctari causam.

Fortuna.

Semper tamen habet pedagogos doctrina & sanctitate preditos.

Aulicus.

Fortuna, nescio cui mortalium hodie sit habenda fides. Nam qui seueros illis & tetricos palam se ostendunt pedagogi, eisdem nudato capite blandiuntur intus, & appellant reges tragicos. Fortuna, nescio cuinam mortalium hodie sit habenda fides.

Fortuna.

Non confidis hominum probitati?

Aulicus.

Vbinam est illa probitas? in fronte? miror te adhuc ista nescire, quum sis omnium rerum largitrix & domina.

Fortuna.

Si concessero has in aulica vita esse calamitates, non fatebor tamen vos esse miseros propterea.

Aulicus.

Quid impediet vt non fatearis?

Fortuna.

Alie felicitates plurime.

Aulicus.

Quae nam sunt illae?

Fortuna.

Videtur tibi modica voluptas diuersas regiones circumspicere, hominum mores intueri, illustra-

re vrbes, & vbiq̃ue terrarum nullam non experi-
riri voluptatem? Quæ omnia vobis aulicis acce-
dunt quotidie.

Aulicus.

Qui non experti sunt, opinantur multum mellis
esse in nostra conditione: expertis verò nihil vide-
tur deterius.

Fortuna.

Scire nequeo satis quorsum tendant istæ tua
verba.

Aulicus.

Quando foras proficiscimur, quam nobis volupta-
tem putas inesse?

Fortuna.

Eam saltem, quòd diuersos hominũ mores videtis.

Aulicus.

Quid si perferamus miserias?

Fortuna.

Miseras! rtinam miseri omnes nihil aliud pate-
rentur infelicitatis.

Aulicus.

Est' ne illud felicitatis, imbre humectari, cadere
in lutum, in tenebris ambulare, equũ habere stri-
gosum & macilentum, dormire in cubilibus qui-
bus scabiosi, cæcrofi, leprosi, podagrici, vlcerosi, pa-
ralytici forte iacuerunt?

Fortuna.

Plura, vt opinor, nõ toleratis quàm principes ve-
stri: quos tamen aiunt inter delicias in culcitris
subalarib⁹ p̃dicũ plumis refertismolliter quiescere.

Aulicus

Aulicus.

Ut video, non satis nosti miseriam nostram quam ut intelligas, illud imprimis cōpertum habe, vix unicuique esse dominum in familia qui bene quiescat.

Fortuna.

Alij quid?

Aulicus.

Nullus ordo sed sempiternus horror inhabitans, Omnes imperare volūt, servire nulli. hic ait suis tantum muneris esse, vinum praeministrare domino, alius cubicularium se vocat, alius oconomum, non reperitur qui ea curare velit quae aliquid praeseferant vile.

Fortuna.

Hec tamen (ut suspicor) non impediunt quo minus munda sint omnia vobis.

Aulicus.

Immunda omnia: & quo quisque sordidior est, eo plerūque laudatior. Alij ubi satis se ingurgitarunt vino, reclinant ebria capita et ceruices in scamna & scrinia, et quencūque possunt locū. Videres alios sumptum praeter modū vinū ructare, alios euomere: si qui vigilant, dormientibus oppedunt, aut eorum nares tetra aliquo odore suffumigant.

Fortuna.

Verum (ut opinor) liberum est vobis per ociū stare in templis, & ab aurora usque ad vesperum cum diis versari.

Aulicus.

Date mihi peluim. hac verba excitant nauseam

AA

*Stomacho meo aulici refugiunt templa non minus
quàm carceres.*

Fortuna.

Video tamen permultos eo nonnunquam ire.

Aulicus.

*Hoc ergo faciunt ne impj videantur, & religio-
nis contemptores. aut si qui fortasse illuc iuerint,
eunt non vt orent, sed vt deuoratum plus aquo ci-
cum longa deambulatione digerant, aut pernicio-
sum saturo ventre somnum fabulosis impediunt
colloquiis.*

Fortuna.

*Verum est alia felicitas, cuius nondum memini,
generis vestri nobilitas immodicam laudem vobis
parturit.*

Aulicus.

*Nobilitas nostra cogit vt velimus nolimus, vitã
nostram exponamus periculis quæ reges delirant.*

Fortuna.

*At cum estis in aula illa regia, & populus videt
vos sericatos, paludatos, purpuratos, gemis orna-
tos, & monilibus, suspicit & veneratur.*

Aulicus.

*Cum sumus in pagis nostris, aureæ vestes comu-
tantur in penulas, gemmatae caligæ in soccos: & si
precedens aulica vita luxuria opulentiam nostrã
penitus absorbuerit, subiectos radimus, extorque-
mus quicquid possumus, conuertimus omnia cum
puluisculo.*

Fortuna.

Si subditis desit pecunia?

Aulicus.

Extorquemus gallinas, tauros, arietes, & quicquid agrestis gazæ comperimus. prægnatibus interdum paganorum mulierculis auferimus lectum & culcitram, & solum stramen relinquimus.

Fortuna.

Non te istud mouet, quod in aula principum magna est spes futuri boni?

Aulicus.

Spem non video.

Fortuna.

Dant tamen interim per luxum.

Aulicus.

Frequentius per vim extorquent.

Fortuna.

Quæ semel amarunt, nunquam relinquunt indotatum.

Aulicus.

Hodie te amat: cras vitrum ruperis, odio persequetur: Propterea Fortuna si vis mihi gratificari, eripe me his miseriis.

Fortuna.

Non constitui tibi quicquam aliud largiri.

Aulicus.

Vado ergo. nam certum est mihi vnamquamque potius subire miseriam, quam diutius huic insistere professioni. vado igitur, & me quibuscunque periculis expono. Valetе auditores, & expectate hic tanti sperdum redeam.

FINIS.

Ad 3

TEXTORIS
SEQUENTIS DIALOGI
INTERLOQVVTORES SVNT

*Amor, Salomon, Interpres,
Hercules, David, &
Eremita.*

Amor.

S *Cire cupis venas quo torreat igne cupido,
Quasve gerat faculas deliciosus amor?
Quas paret insidias, quo se præmuniat hamo,
Et quibus incautos arripiat laqueis?
Audi laurigeræ lusus numerosq; Camæna:
Accipies quali vulnere ladat amor,
Salomon.*

*Vis fili æterna requiem tibi querere vita,
Cælicolasq; inter ciues & amœna piorum
Agmina spirituum, fœlicem viuere vitam?
Abstineas vitiis, & mundo corpore viuas:
Illorum fugias commercia, qui tibi virus,
Qui tibi delicias, luxûsq; & molle venenum
Obtulerint, Et qui te ad vina Et scorta vocarint.
Vis fili hanc animam tenebris auferre malignis?
Vis Acherontææ dominum regemq; cauernæ
Fallere, tartaræ vis prædam auferre Megera.
Abstineas verbis quæ sunt lasciuia petulcis,
Immundam spirant venerem terramq; mephitim,
Nam prætexitatos iuuenes, croceaq; decoros
Casarie solet immundus corrumpere sermo,
Et tener infirmas titillat sermo medullas.
Vis fili in tuto tua carbasi sistere portu?
Sirenum fuge blanditias, & acumina linguae,*

Et caue ne meretrix periura & subdola casses
 Comparet, atque suis pedicis tua crura moretur.
 Lingua meretricis fauus est, & blandior omni
 Ambrosia, succo pariter iucundior omni,
 Ridet, adulatur, tremulo blanditur oculo:
 Nec muris adeò firmis complexibus hærent,
 Flexipedes hedera, nec mollis concha lucrini
 Arctè adeò iuncta est, ut se tibi complicat illa.
 Nã medium amplexans, cõpressaq; basia donãs,
 Fallaci mordet linguamq; humerosq; labello,
 Castoriiq; tenax vinclum promittit amoris.
 Verũ ubi iam in vacua sentit nihil esse crumena,
 Mutatis verbis aliò vestigia mutat.

Interpres.

Sãctissima sunt huius Salomonis præcepta, si quis
 eis morẽ gereret, & tanq̃ oracula amplecteretur.
 Salomon.

Vis fili ad tutæ portum tranare salutis?
 Despicias luxus queis gaudet iniqua voluptas.
 Quid tibi candentes prona ceruice capilli?
 Quid madida vngueto facies, madidataq; mēbra
 Profuerint tandem, nitidaq; superbia forme?
 Annulus in digitis & gemma diues & auro?
 Quid ve chlamys Samiũ gemmis cõspersa tyrãni
 Profuerit? quid opes, omnesq; libidinis artes?
 His animam pedicis trahit insidiosa voluptas.

Amor.

Te Curium tua verba docent, hic sermo parentũ,
 Hæc morosa refert grauitas & vita Catonem:
 At tamen arrepto si vis contendere telo,

*Multa quoq; armatis impingere vulnera dextris;
Non renuo pugnam, aut alacri certare duello,
Siue graues cestus, & iniquo pondere massas,
Seu liceat validis torquere hastilia nervis.*

Salomon.

*Quis tu, qui modicas audes attollere vires,
Quum tibi sit fragilis formæ nunc umbra pusilla?*

Amor.

Quis? noscine hominem?

Salomon.

*Nudus mihi cerneris infans,
Pigmeo breuior.*

Amor.

*Maior mihi corpore virtus.
Quam gracilis doceat facies, & paruula membra.*

Salomon.

Dic, quod nomen?

Amor.

Amor.

Salomon.

*Dic quæso quas tibi vires
Præbuerit male suada Venus, petulansq; voluptas.*

Amor.

*Mollitiem quanuis oculi splendore micantes
Promittant, tenereq; manus, mellitaq; membra,
Quem tamen intacta percussi cuspidis ictu,
Ardet, ut in mediis stipula sulphurq; cauernis.
Vis sentire mei lethalem vulneris ictum?*

Hoc patere, & nostræ toleres incendia flammæ.

Salomon.

*Intima quàm torrent dira mihi viscera flammæ!
 Quis rog' in venas serpit? quæ incēdia flagratur,
 Vror ut ignifera perit arida spica sub Ætna
 Qui morosa dabam tetrici præcepta Catonis,
 Carpebam imberbis qui facta inhonesta iuuentæ;
 Succubui flammis, refugo quas parturit arcu
 Illecebrosus Amor, fucataq; melle voluptas.
 Ut video, Veneri sapientia nulla resistit.*

Hercules.

*Sanguine claua rubens, Et multa morte ferarum,
 Me docet esse Iouis natum: quem noscit Iberus
 Et Tartasiaco semota in littore Gades,
 Et quem flammiferi rutilans videt orbita Solis.
 Fatidici vates nostræ miracula vitæ,
 Egregiasq; canunt vires, & robor: nullis
 Expugnata feris, nullis concussa leanis,
 Morte ferox serpens & fertilis iclibus Hydra,
 Cui caput obryxo præcinctum splenduit auro,
 Et deprensa pedum cursu, celeriq; volatu:
 Igniferas taurus spirans ex ore fauillas.
 Qui paterat terrere vagæ centum oppida Cretæ,
 Concidit arata nodofo robore claua.
 Harpyias fœdis maculantes aëra pennis,
 Nubibus in mediis rapui tetigiq; sagittis.
 Arcadas antiquos radiato Sole priores,
 Fulmineus terrebat aper, syluisq; relictis
 Cogebat donibus ferratos claudere postes:
 Cui tamen eripui setoso in corpore vitam.
 Quis dabit Alcida similem? mea vincula sensit
 Cerberus immanis terrens Acheronta latratu,*

*Meq; tua Pluton pater expauere tenebrae,
Dum me ad Tanareas inuitus portitor umbras
Vexit, & informem compressi pondere nauim.*

Amor.

*Mira refers, certasse feris, truncasse colubros.
Eripuisti animam metuendo dentibus apro,
Aëripedem ceruum, volucer cui cesserat Eurus
Pegasea rapuisse fuga, occidisse rapaces
Harpyias, taurum manibus iugulasse cruentis,
Hoc opus hic labor est, cui non Maurisius Atlas
Sufficiat, valida quanuis ceruice humerisque
Sustineat firmis molem stellantis olympi.
Et quanuis tibi sint neruoso in corpore vires,
Tam robusti humeri, ceruix tam firma, caputq; in
Quod queat auratum securè incumbere cælum.
Si tamen inuicta tecum certare palastra
Forte velis, ego nec tecum certare recuso.*

Hercules.

*Tu pupe imbellis croceo redimite capillo,
Cui sunt vnguiculi molles, lasciuus hædo
Corpus lanigera pellis quoq; mollior agnæ,
Ridentes oculi, quales virguncula, nondum
Nubilis in molli solet ostentare inuenta,
Mêne audes verbis incessere nudule pupe?*

Amor.

*Sum nudus fateor, forma est mihi mollis, et omnes
Lasciuo tenere mihi sunt in corpore partes.
Mollius est oleæ guttur, & mollior alis
Pêrdicum facies, & rubri more pyropi.
Splēdet vterq; oculus, niuū instar mollia splēdet*

*Crura, utrunq; femur vincit canore ligustrum:
Quæ quanuis deceant imbelles signa puellas,
Clauigero tamen audebo certare giganti,
Et fortasse mea victus moriere sagitta.*

Hercules.

*Quid tua tela mihi poterunt obsistere? nunquid
Reptilis occidit magnum formica elephantem?
An forte Enceladū vincet Pigmæus, & omnes
Titanas? vincētne alacrem testudo molossum?
Has contemno minas. si quid tua spicula possūt
Vtere, missilibus tenebres mihi corda sagittis.*

Amor.

*Accipe mortiferum vulnus, cognosce sagittis
Quanta sit in nostris quāq; insidiosa potestas.*

Hercules.

*Nunc video aligeri nihil esse Cupidinis arcu
Acrius, atq; tua Venus illecebrosa sagitta,
Ille ego monstorum domitor, nūc ardeo & vrōr,
Ardet ut incensis Lipare fumosa camini.
Nunc ego me victum fateor, clypeoq; relicto
Turpiter in media cedo fugitiuus arena.*

Dauid.

*Inter fatidicos prima est mihi gloria vates,
Et mea prospiciunt presagi verba propheta,
Ille ego sum Dauid, tortæ qui verbere funda,
Magna Philistæi percussis membra gigantis.
Religionis amor diuino me cremat igne,
Cura mea est cælum: duce ego pietatis amore,
Eiicio stimulos Veneris, pedicāsque dolosas,
Queis solet incantos capere insidiosa libido.*

Amor.

*Magna tua est virtus, sola est tibi cura salutis.
Tu Veneris laqueos & blandimenta recusas:
Nulla Venus tibi titillat mentemq; animumq;
Plurima fatidico presagia concinis ore,
Sacrifici te psalimicinem sanctum esse fatentur.
Vus tamen armata mecum contendere dextra?
Iunge manum manui toto spectante theatro.
Non ego conflictum tenuo.*

Dauid.

*Tu paruula musca,
Pigmaō breuior, tremula quem verberare penna
Concutiunt Palamedis aues Scarabaeus & ater,
Audes fatidicum lingua irritare prophetam?
Quare parem tibi Pygmaeum, cui debile corpus,
Cui faciles humeri, cui sit mollissima forma:
Nam tecum armatis manibus certare puderet.*

Amor.

*Experiere meo quia sint in vulnere vires,
Quamq; pharetrigero sit torridus ignis Amori.
Ni tibi cornea sit praeduro in corpore fibra,
In venis adamas, & subter viscera marmor,
Vita tibi triplex, tria colla tricorporis umbra,
Experiere meo nihil esse potentius ictu.*

Dauid.

*Quanta mihi, superi, serpunt incendia venis?
Quam mihi flagrantēs torrent incendia venas,
Visceribus calor est, quem Tethis utroq; nequiret
Delere oceano, variisq; reciproci vndis
Euripus trimaris, pontusve uterq; Corinthi:*

*Nec qui venturos prasagit spiritus annos,
 Subsidium confert sensim crepitante fauilla
 Labitur in cineres resolutum debile corpus.
 Mallem ego Thessalicis intus frigere venenis
 Et bibere ignotas quas Caucasus educat herbas:
 Socratica q̃; grauem succum potare cicuta,
 Pralata q̃; sibi quicquid Medea Creusa
 Præbuit incertis cecidit cum regia flammis.*

Amor.

*Tu tamen audebas nostris illudere telis,
 Mortiferas q̃; mea pennas videre pharetra:
 Nonne vides quanta Veneri modo filius arte
 Eminent, & iaculum quàm certo torqueat ictu?
 Hæc tua, quã pateris, maneat fortuna superbis.
 Sed vasto nihil esse potest sub cardine mundi,
 Quod quandoq̃; acri non torreat igne Cupido.*

Eremita.

*Ecce ego deserta latebrosus cultor eremi,
 Nil nisi radices comedens, lapidosa q̃; corna,
 Agrestes q̃; herbas, quas concoquit ignis aheni
 Suppositus, cui longa terunt ieiunia corpus,
 Ossa cutem penetrant, laxo cui viscera ventre
 Dependunt, macra est facies, vix languida crura
 Insistunt pedibus geminis, spelca ferarum
 Incolo, quasque habitat villosa leana latebras.
 Et ne porrecto me pungat melle voluptas
 Furtiuusque dolis trahat insidiosa libido,
 Pungo me scuticis, & acutis vulnere flagris,
 Ne lasciuius Amor paruos mihi pungat ocellos,
 Aut me suauiloqua seducat forma puella,*

*Linteolo faciem mihi velo, & pectore prono
Quadrupedum aspicio tellurem more ferarum.*

Amor.

*Magna tua est virtus, et iter meditaris ad astra:
Macra tibi est facies:ieiuno corpore latrat
Venter, et ossa cutem penetrant, veneremq; repellis:
Te faciam tamen iniectis ardere fauillis,
Flammataq; dea Veneris flagrare sagitta.*

Eremita.

*Tequae tuasq; faces atque ignea spicula temno,
Nec Veneris timeo pedicas, vtare flagello
Qualicumque voles, virtus tibi nostra resistet.*

Amor.

*Experiare mea nunc ergo vulnera dextra,
Disce pharetrati non spernere numen Amoris.
Iuppiter ignifero terras qui fulmine torquet,
Neptunus refugis qui terras alluit undis,
Exanimis torua facie qui concutit umbras,
Sustinuere mea lethalem cuspidis ictum.*

Eremita.

*Rugosum quisquis mira gravitate Catonem,
Atque supercilio fabios Curiosque seneros
Mentiris, castaque audes te dicere vita,
Tolle tuæ rugas elataq; cornua forma,
Moribus antiquis noli confidere, quamuis
Et Veneris flammæ, teneriq; Cupidinis ignes
Per multos castus superaueris ante decembres.
Agrestes colui latebras, atque antra ferarum,
Abstiniui venere & Baccho, ieiunia macro
Corpore seruavi multos abstemius annos:*

*Sic ut iam à Veneris stimulo securo putarem
Viscera, & ignitas iam deferuisse fauillas,
Attamen ecce noua torret præcordia flamma
Acrior ignifera vasta fornace Chimera
Sæuus amor. Pauci igitur conclusio fiat,
Omnia vincit amor, nulla superabilis arte.*

F I N I S.

I N T R O D U C V N T V R

I N H O C D I A L O G O

Troia, Salomon, Sanson.

Troia.

Flete senes,

Salomon.

Plorate viri,

Sanson.

Lugete puella.

Troia.

Causa iubet,

Salomon.

Res est congrua,

Sanson.

Fata volunt.

Troia.

Flere licet,

Salomon.

Plorare inuat,

Sanson.

Lugere necesse est,

Troia.

Fletus adest,

Salomon.

Desunt gaudia,

Sanfon.

Risus abest.

Troia.

Absit Amor,

Salomon.

Cithara taceant,

Sanfon.

Querimonia surgat

Troia.

Terra fleat,

Salomon.

Doleant omnia,

Sanfon.

Cuncta gemant,

Troia.

Cuncta gemant.

Salomon.

Chorae pereant,

Sanfon.

Moriantur amores,

Troia.

Cedant vana,

Salomon.

Cadant basia,

Sanfon.

Flete senes,

Troia.

Flete senes.

Salomon.

Plorate viri,

Sanfon.

Lugete puella.

Troia.

Causa inbet,

Salomon.

Res est congrua,

Sanfon.

Fata volunt.

Troia.

Troia vocor,

Salomon.

Salomon ego sum.

Sanfon.

Sanfon ego dicor,

Troia.

Pulchra fui,

Salomon.

Sapiens ipse ego,

Sanfon.

Fortis ego,

Troia.

*Nos tres quos variis cruciauit fœmina damnis,**Dicemus quid sit fœmina, quid ve ferat.*

Salomon.

*Nos tres infornii iugulauit fœmina cultro,**Fœmina cerbercum digna fouere canem.*

Sanfon.

*Nos tres implicuit tacitis fortuna catenis,
Fœmina tartareo nubere digna Ioui.*

Troia.

*Nos tres in dubium contraxit fœmina rete,
Fœmina. Manaliis proiicienda lupis.*

Salomon.

*Nos tres à recto virtutum calle retraxit
Fœmina, Trinacria viua cremanda specu.*

Sanfon.

*Nos tres Idaliæ Veneri servire coëgit
Sola Perillaum digna probare bouem.*

Sanfon.

*Troia: quid est mulier? nos diffinire necesse est
Quid sit, quid ve ferat fœmina Troia quid est?*

Troia.

*Est ex Lerneis oriunda paludibus Hydra.
Turgida saxifica Gorgonis ora gerens.*

Salomon.

*Est mel interna concludens parte venenum,
Mascula Palladia corpora voce trahens.*

Sanfon.

*Est flos arcano portans in cortice vermes.
Frigida sub niuea toxica pelle ferens.*

Troia.

*Est Siren capiens verbis fallacibus aures,
Ignoto mergens naufraga vela mari.*

Salomon.

*Est fallax blandam pratendens scorpio caudam,
Qui dum blanditur, mordet & interimit.*

Sanfon.

Sanſon.

*Eſt roſa quæ prima dulcedine fundit odorem,
At graue formoſa ſub cute virus olet*

Troia.

*Eſt Circe, niſi ſe cautum quis præſtet Vlyſſem,
In fœdos vertens corpora noſtra ſues.*

Salomon.

*Eſt hyarpia ferox deturpans aëra penniſ,
Quæ ſolet humanum dilaniare genus.*

Sanſon.

*Eſt ſerpēs, vermiſ, vultur, crocodiliſ, Et hydra
Gorgone portentum durius hydrigena.*

Troia.

Fœmina blanditur.

Salomon.

Laqueos parat,

Sanſon.

Arma miniſtrat.

Troia.

Decipit,

Salomon.

Excacat corpora

Sanſon.

Membra necat.

Troia.

Debilitat vires,

Salomon.

Hominem attrahit,

Sanſon.

Oſſa perurit,

TEXTORIS

Troia.

Flet.

Salomon.

Ridet,

Sanfon.

Simulat,

Troia.

Dat,

Salomon.

Petit:

Sanfon.

Odit,

Troia.

Amat

Salomon.

Haurit opes,

Sanfon.

Plenas solet euacuare crumenas.

Troia.

Bella gerit,

Salomon.

Frangit mœnia,

Sanfon.

Castra domat.

Troia.

Fert violas,

Salomon.

Gaudet speculis,

Sanfon.

Solet esse iocosa,

Troia.

Gaudet odore

Salomon.

Petit basia.

Sanfon.

Corpus amat.

Troia.

Disponit crines

Salomon.

Faciem lauat,

Sanfon.

Ocia quarit.

Troia.

Ludere vult,

Salomon.

Sumptu gaudet.

Sanfon.

Amat choreas.

Troia.

Vult bene vestiri,

Salomon.

Bene pecti,

Sanfon.

Et pexa videri,

Troia.

It tacite,

Salomon.

Atque mali est prodiga,

Sanfon.

Parca boni,

Troia.

Figrescit,

Salomon.

Querula est,

Sanfon.

Solet illaqueare maritum.

Troia.

Contemnit mores,

Salomon.

Est vaga,

Sanfon.

Mobilis est.

Troia.

Bella mouet propriis,

Salomon.

Fratres committit in arma.

Sanfon.

Auctori res est perniciofa suo.

Troia.

Cum Salomon sapiens fueris, sapientia non te

Eripuit. res est imperiofa Venus.

Salomon.

Et tu Troia potens fueras, te nulla redemit.

Nobilitas, non te Pergamus eripuit.

Troia.

Tu Sanfon robustus eras, nec te tua virtus

Seruauit, fraudes fepe ministrat amor.

Sanfon.

Incolumem nec te Priami fecere nepotes,

Troia tua cecidit nobilitatis honos,

Troia.

O Salomon non te moles celeberrima templi
Eripuit:cautos saepe sefellit amor.

Salomon.

Nec te Troia tui saluam fecere Penates,
Quin minus Argolico diruta Marte fores.

Troia.

O Sanson non te praestantes robore nerui
Seruarunt:sciuit te superare Venus.

Sanson.

Nec te praestantes Hybleo marmore turres,
Troia reseruarunt,nec Venus aut Cybele.

Troia.

Priamides phrygia si nunquam pastor ab vrbe
Iffet ad Argolica florentia moenia Spārtha,
Vxorem Menelae tuam rapturus, haberet
Troia recens nomen;vicinaque nubibus esset
Clara domus Priami,nec putrida saxa laterent
In campis,nec tot Simois correpta sub undis
Corpora Troianae prolis cooperta iacerent.
Si te inquam Phrygius nusquam rapuisset a-
dulter,

Tyndari non geminos bellis armasset Atridas
Ardor vindictae:nec si Priameius Hector
Te iugulauisset falsis Patrocle sub armis
Hectora non etiam fortis mactasset Achilles,
Non itidem Paris incuruo clarissimus arcu
Læsibilem solo pede traiecisset Achillem.
Nec Paridem Pyrrhus nec Pyrrhum immans
Orestes.

*Quid reliquos omnes memorem. quos Marte finis-
tro*

Ipsa decennali vidi periisse ruina.

*Quid iactum aëria summo de vertice turris
Astyanacta loquar? quid caesa cadauera dicam?*

A Gracis? credas mendacia verba Maronis,

Qui canit Aeneam certasse viriliter armis,

Blandiri Augusto cupiens. Maro falsa recenset,

Fatali cum dicit equo venisse ruinam.

Nullus equus Troiā, nec machina Palladis vlla

Venit, Et antiqua patefecit limina Troie,

Sed Troiam Gracis referavit proditor ipse

Aeneas, socius Eneto cum Pulydamante,

Queis comes Antenor fuerat. sic sum data Gracia,

Sic me nocturna Graij inuasere procella.

Quid mihi tam dira cladis monumēta parauit?

Fœmina, quæ primos belli mihi contulit ignes.

Salomon.

Ipsæ ego si nunquam muliebri captus amore

Libera fœmineis donassem colla catenis;

Friuo'la vanorum nūquam simulachra deorum,

Pronus adorassem, non idololatra fuisset.

A vera sed quid me religione retraxit?

Fœmina, quæ menti rationis detrahit usum.

Sanfon.

Non me terruerat feritas fugienda leonis,

Non me mille viri iaculis innadere quibant,

Rumpebam Paria fabricatas rupe columnas,

Frangebam silices, superabam castra, domabam

Extremos quicquid fuerat crudele per agros,

Me tamen exciso delusit fœmina crine,

Fœmina Getulo conuiuere digna leoni.

Troia.

Deludit sensus.

Salomon.

Eneruat corda.

Sanfon.

Medullas

Vrit.

Opes haurit,

Salomon.

Homicidia plurima

Patrat,

Sanfon.

Gaudet adulteriis.

Troia.

Stupris,

Salomon.

Incestibus,

Sanfon.

Astu

Gaudet,

Troia.

Amat rixas,

Salomon.

Est perfida,

Sanfon.

Fallit amantem.

Troia.

Decipit ignaros,

TEXTORIS

Salomon.

Et vires fortibus auferat,

Sanfon.

Mefregit.

Salomon.

Me me idolis feruire coëgit,

Sanfon.

Abftulit illa mihi vires,

Troia.

Mea Pergama rupit,

Salomon.

Me ftultum fecit,

Sanfon.

Mihi crines forcipe rafit.

Troia.

Fraudibus exultat,

Salomon.

Querit conuiuia,

Sanfon.

Bacchi

Orgia concelebrat.

Troia.

Populo vult grata videri,

Salomon.

Vult dici fapiens.

Sanfon.

Querit formofa vocari.

Troia.

Gaudet honore,

Salomon.

Iocos adamat.

Sanfon.

Vana omnia querit,

Troia.

Est fallax.

Salomon.

Est vasa,

Sanfon.

Nequit compescere linguam.

Troia.

Est mendax.

Salomon.

Et hypocrisim amat.

Sanfon.

Scelus omne ministrat.

Troia.

Quis generi humano Paradisi limina clausit?

Salomon.

Fœmina. Quis lyrici cantus Dauida peritum

Fecit adulterium committere?

Sanfon.

Fœmina. Sed quis

Aneam valido fecit conflagrare Turno?

Troia.

Fœmina. Quis veteres fecit pugnare Sabinos

Contra Romanos pastores?

Salomon.

Fœmina. Sed quid

Causa fuisse tui narratur Pyrame casu?

Sanfon.

*Fœmina. Baptista sed quis capitale propheta
Supplicium inferri praecepit?*

Troia.

Fœmina. Regis

Ægisti natos decies quis quinque peremit?

Salomon.

Fœmina. quis socios olim mutavit Vlyssis

In porcos magno incantamine?

Sanfon.

Fœmina. Sed quis

Olim Dulichium tardasse putatur Achillem,

Quo minus ad bellum properaret?

Troia.

Fœmina. Quis te

Sardanapale habitum muliebrem sumere iussit?

Salomon.

Fœmina. Sed contra te quis fortissime Theseu

Iussit Amazonides concurrere?

Sanfon.

Fœmina. Verum

Facta procis belli qua causa est prima curulis?

Troia.

Fœmina. Quis sobolem Davidis morte cruenta

Occidi ferro praecepit?

Salomon.

Fœmina. Sanfon,

Cur tam longævis odiis Agamemnona fortem

Æacides habuit? que causa est?

Sanfon.

Fœmina. Troia

*Dicito, quis mediis submergi fecit in rudis
Leandrum forma speciosum?*

Troia.

*Fœmina. Quisnam
Orphea membratim discerpfit?*

Salomon.

*Fœmina. Sed quis
Fecit ab inferno Plutonem exurgere, & Æthna
Frugales campos inquirere?*

Sanfon.

*Fœmina. Quisnam
Fecit ut Alcides vitam finiuerit igni?*

Troia.

*Fœmina. Quis diri flamma combussit amoris
Infantem Cacus, cui nomen Acontius extat?*

Salomon.

*Fœmina. quis propriis lacerandum Actæona
quondam*

Donauit canibus per syluas?

Sanfon.

*Fœmina. quisnam
Incestus vitium fecit patrare Thyestem?*

Troia.

*Fœmina. quis vasta sorberi fecit abyssos
Amphiarum ratem Græcorum?*

Salomon.

*Fœmina. quisnam
Andromedem fecit monstro exposuisse marino?*

Sanfon.

Fœmina. quis frenis rapidorum fecit equorum

Hippolytum iuuenem discerpi?

Troia.

Famina. quisnam

Romule te cum fratre tuo proiecit in undas?

Salomon.

Fæmina. quis pariter furioso suavit Orestis

Vt Pyrrhum gladio iugularet?

Sanfon.

Fæmina. quisnam

Fecit ut immuni gladio se occiderit ultro

Petus? quis suavit Pelopi ut se mergeret undis?

Troia.

Fæmina. quis contra Lapidas certare bimembres

Arboribus insit Centauros?

Salomon.

Fæmina. verum

Quis sceleris falso accusavit Pelea fortem?

Sanfon.

Fæmina. quis tenerum à colubro permisit Opheltem

Dimissum in campis occidi?

Troia.

Fæmina. verum

Quis filum Et lanas robustis nere lacertis

Amphitryoniadem stimulavit?

Salomon.

Fæmina. sed quid

Argolicum regem fecit pugnare Dario?

Sanfon.

Fæmina. quis proprio sibi mortem adsciscere cultro

Impulit indigna pereuntem morte Lycambem?

Troia.

*Fœmina. Lysimacho formosum occidere natum.**Quis queso verbis persuasit?*

Salomon.

*Fœmina. quisnam**Fecit ut Archemoron extinxerit anguis in herba?*

Sanfon.

*Fœmina. quis Phæbo Græcis immittere pestem.**Suasit & innumeras arumnas?*

Troia.

*Fœmina. sat sit.**Fœminea satis hic fuimus de fraude locuti:**Plura tamen restât, et adhuc maiora supersunt.*

Salomon.

Sunt qua se perimunt.

Sanfon.

*Sunt qua iugulare maritos,**Nituntur.*

Troia.

Sunt qua vigilant occidere fratres.

Salomon.

Sunt qua bella mouent,

Sanfon.

*Sunt qua nec stupra nec ullas**Spumigenæ Veneris flammæ vitate laborant.*

Troia.

*Byblis concubuit fratri: Et tandem sibi mortem**Conscinit laqueo.*

Salomon.

Canace de fratre scelesto

Infantem peperit.

Sanfon.

*Sed quid? concumbere patri
Myrrha furens non erubuit.*

Troia.

*Mixta est quoque patri
Nyctimene.*

Salomon.

*Docti Chryseis mater Homeri
Fecit adulterium.*

Sanfon.

*Pulchram Nyctei da tauri
Cecus amor traxit.*

Troia.

*Fæli de crinibus angues.
Palladis in templo liuentis facta Medusa
Stupra docent.*

Salomon.

*Tanto longæua Semiramis igni
Ferbuit, & tanta Veneris fuit incita flamma,
Vt brutalis equi, nedum commercia nati,
Quæsierit.*

Sanfon.

*Matrem fertur nouisse Iocastam
Oedipus.*

Troia.

*Insano se Demophoontis amore
Suspendit Phyllis.*

Salomon.

Matris delubra Cybelles

Hippomenis coitu violare ausa est Atalanta.

Sanfon.

*Absyrtum fratrem lacerans Medea necavit:
Atq; ut prædonem sequeretur Iasona, patrem
Decepit, tandem à profugo deserta marito,
Occidit natos.*

Troia.

*Celebrans trieterica bacchi
Pentheia formosum mater iugulavit Agave.*

Salomon.

*Ignaro coram fallax Theroctea marito
Innocuum iuuenem falsi accusare reatus
Non verita est.*

Sanfon.

*Non erubuit senissima Progne
Occisum natum comedendum offerre marito.*

Troia.

Ægypti præses sese Cleopatra peremit.

Salomon.

Erigone laqueo vitam clausisse putatur.

Sanfon.

*Ino cum puero Melicerta se dedit escam
Piscibus.*

Troia.

*Æthiopam Circe impellente putatur
Dimissi se Lycus.*

Salomon.

*Docta præferre Minerva
Se non erubuit dextris subtilis Arachne.*

Sanfon.

Pellibus hircinis Isaac Rebeca sefellit.

Troia.

Et capitolinam virgo Tarpeia turrim

Donavit regi Latio, populisq; Sabinis.

Salomon.

Et variis Circe novit mutare figuris

Incautos homines.

Sanfon.

Regina Cherotina cines

Innocuos non erubuit transfigere ferro.

Troia.

Et Cyri pariter iunioris reprobamater,

Fecit ut immundos alerent sibi corpora vermes,

Quis corrosa forent.

Salomon.

Mulier scelerata Polyxo

Fecit in arboreis Helenum pendere lacertis.

Sanfon.

Consciuitq; sibi gladio Sophronia mortem.

Troia.

Tullia causa tue mortis fuit optime Servi.

Salomon.

Luxuriosa fuit quoque Iulia.

Sanfon.

Bacchades omnes

Ebria nocturno replebant guttura poti.

Troia.

Hac est femine prolis clarissima virtus.

Salomon.

Hac bene facta patent muliebria.

Sanfon.

Sanfon.

Cernite quales

Sint lusus qualesq; ioci, qualisve voluptas.

Troia.

Si cautos homines deludat fœmina fallax

Quid mirum? cum luxuria seruire potentes

Fecerit illa deos?

Salomon.

Fama est ex syderis aula

Descendisse Iouem toties,

Sanfon.

Dixere poëta

Diuersas solitos olim vestire figuras

Esse deos, quò luxuriam complere valerent.

Troia.

Iuppiter Europam delusit imagine tauri.

Salomon.

Ab Ioue quæ fuerat volitans effecta coturnix.

Astiterit, Iouis armigeri certamine raptæ est.

Sanfon.

Iuppiter effigiem niuei vestitus oloris

Fecit olorina Leedam succumbere penna.

Troia.

Iuppiter in Satyrum quòdam Nycteidæ versus,

Antiopam impleuit gremio peperitq; gemellos.

Salomon.

Amphitryonis habes speciem te Alcmena fefellit.

Sanfon.

Te pariter rapuit Danaë pluuia aurea factus.

Troia.

Ignis erat quando peramatam Asopida lusit,
Salomon.

Mnemosynen rapuit pastoris imagine capta.
Sanfon.

In colubrum versus aliam rapuisse putatur.
Troia.

Quid de Neptuno memorem, quem forma iuueni
Formosa lectum fecit temerare puella?

Salomon.

Idem & Aloidas geminos simulatus Enipeus
Suscepit.

Sanfon.

Pulchram rapuit Bisaltida balans,
Effectus veruex.

Troia.

Et frugum flaua repertrix
Neptuno miscetur equo

Salomon.

Sensit quoque talem
Hydrigenis horrens colubris tua Pegase mater.

Sanfon.

Fœmina multorum scelerum est amplissima causa.
Troia.

Oppressit pariter Marchareida Cynthius olim
Pastoris formam non dedignatus Apollo.

Salomon.

Erigonem Bacchus rapuit mutatus in vnam.
Sanfon.

Vt Saturnus equum se finxerit hoc tibi notum,
Philyra nam de te genuit Chirona bimbrem.

Troia.

*Si lascia deos, in tantum traxerit ignem.
 Fœmina, diuersis vt se vestire figuris
 Sint soliti pro luxuria, quid dixerò mirum
 Si pereant homines?*

Salomon.

*Fertur superare gigantes.
 Iuppiter, ipse tamen muliebri est victus amore.*

Sanfon.

*Te colubri rapiant rabidi, sis præda leonum,
 Te voret infernus, perimat te cuspide tigris,
 Omnia te fugiant te tartara sola requirant,
 Te crucient superi: pulsataq; more triumphî.
 Equoreis pereas tanquam Palinurus in undis,
 Prospera nulla tibi sit nox, nullum tibi tempus
 Vitæ sit, Phœbus renuat tibi spargere lumen,
 Non tibi demonstret rubicundum Cynthia cornu
 Te comedant vermes, tellus tibi deneget vnas,
 Pontus aquas, & flaua Ceres non det tibi germē.
 Mille tibi veniant morbi: te mergat abyssus
 Fel tibi pro potu detur, tibi sit malus aër,
 Sit tibi rara quies, perimat te frigida pestis,
 Non tibi sint epulæ nisi stercora: semper abundes
 Fletibus assiduâ, singultibus ilia rumpe,
 Aut moriari siti, vel missum ex æthere fulmen
 Te perimat, moriari fame, te mille dolores
 Perpetuo vexent, aliquis te deuoret vrsus,
 Te perimant tygres, pascant tua viscera cornos,
 Cerbereis nubas canibus, facies tibi crebris
 Humescat lachrymis, precor vt nō ante quiescas,*

TEXTORIS

*Quàm se blanda lupis comedendam præbeat
agna.*

*Semper vexeris, nullum fauceat tibi lumen,
Est' ne satis? non, non: victum tibi terra recuset,
Morte repentina pereas. va ve tibi fallax
Fœmina, sanguineas dignissima pascere tygres,
Pascere digna lupos, digna & satiare leones,
Sed brevis ut stricta fiat conclusio pausa,
Fertilis in terra paucos datura creauit,
Quos flamma intactos mulier scelerata relin-
quat.*

*Vicerunt multi colubros, portenta leones,
Quos tamen immundo superauit fœmina luxu.*

FINIS.

IN HOC DIALOGO IN-
TRODVCVNTVR QVAE
facile agnoscentur.

Pauo.

Postquam centoculum domuit Cyllenius
Hermes
Pastorem, ipsius tribuit mihi pronuba Iuno
Insomnes oculos caudæ apponendo superbae,
Sum siquidem pauo gaudens sublimibus alis:
Regalesque domos habitans nobis caro dura est,
Vox satanae par est, incedo more latronum,
Scintillant penne. Samos insula protulit: ipsa
Me Iuno seruat, dicor Iunonius ales.

Aquila.

Si quis laudet aues, præferri debeo cunctis

In cælum nulla territa nube volans.

Me Iouis armigerum veteres dixere poëta:

Dicta ego sum reliquis pulchrior alitibus.

Quando formosus Ganymedes natus in Ida

Arguto dulces pangeret ore iocos:

*Hunc ipsa innocuis raptum vinguibus intuli
ad astra*

Nanque erat illius forma decora Ioui.

Nulla avis est quæ me possit superare volatu,

Sola aquila est summi fida ministra Iouis.

Cygnus.

Cygnus ego dicor, veteres qui primus Amyclas

Incolui, gratus diuis, qui dirigo currum

Idaliæ veneris, nam me Venus aurea servat,

Est mihi Sirenum cantus, nam morte propinqua

Desleo venturum facundo gutture finem,

Præfigisq; meæ mortis dulcem effero cantum,

Pennarum corpus fluuiali aspergere lymphæ

Gaudens, & vastis alas immergere stagnis.

Non habitare casas soleo: regalibus aulis

Exulto, si quis duro me vulnere ladat

Et viuum perimat, citò pascet in arbore cornos.

Vultur.

Vultur ego appellor: curuatos mordicus vngues

Hostibus insigens, fœda ego dicor avis.

Et putri infectas assumo cadauere carnes

Et mihi quæq; caro mortua præda fuit.

Me multi quauis odio carnine spernant,

Et reliquis dicar fœdior alitibus:

T E X T O R I S

*Non tamen olfactu reperitur charior ales,
Non homo, non pardus, non leo, non aquila,
Bubo.*

*Bubo vocor modulis semper feralibus utens
Infortunatis referens prasagia rebus,
Me cunctæ fugiunt volucres, cunctæq; repellunt,
Vnde ego dum reliquæ volitant, abscondita teclis
Deliteo, quando tenebrosa nocte quiescunt,
Obscurum celeres immitto per aëra pennas,
Et tanquam fures radiosum negligo lumen.
Si forsan cantet ferali carmine bubo
Tristia venturæ docet infortunia pestis.*

Grus.

*Grus vocor: agresti semper nocitura colono
Nam missum in viridi detraho germen agro.
Nascentesque fabas depascor mollibus aruis
Vnde grues nunquam curuus arator amat,
Nunquam sola volo, lateri semper comes astat,
Aërium nunquam turba peragrat iter,
Turmatim incedunt sociæ, perq; aëra pennis
Unitæ scindunt, sunt Palamedis aves.*

Cornix.

*Appellor nymbose hyemis prænuncia cornix,
Cras cras cras canto, durus sed me odit arator,
Nanq; nuces rapio, at quisquis cognouerit artem
Augurj, expertus rebus dare signa futuris,
Cornicem, foueat, quoniam dignissima semper
Ales aruspicio cornix memoratur habendo.
Et quanquam toto nigra sit mihi corpore pluma
Sinq; nigra ipse tamē me Phœbus semper amavit.*

Perdix.

Inter aues reliquas dicor mœstissima perdix:

Inter pennatas prima ego quæror aues.

Me noctu inquirunt domini, laqueosque mi-
nistrant,

Vt misera in casses pergere possit auis.

Cur me tot laqueis infidus decipit auceps?

Pra reliquis auibz est mihi grata caro.

Vilibus an cernas pratendi retia coruis?

Non nimia dura est asperitate caro.

Verum sum mollis, domino comedenda mi-
nistror

Et soleo summis regibus esse cibus

Miluus.

Sum miluus pullis & gallinis odiosus,

Nam cum dira famas vacuo me ventre laceffit,

Huc, illuc, istuc gradior, redeo atque recurro,

Hinc, istinc, illinc redeo, sto illic, hic & istic.

Hac, illac, istac peruici transeo penna.

Tandem ego dum leuibz secui satis æra pennis,

Ore cibum arripio tollens ad sydera prædam.

Insidiis pullis: luget gallina, nec vltra,

Correptum expectat fœtum. quisquis bene viuus,

A te miluinos semper procul ciice fures.

Phœnix.

Solus ego phœnix annoso tempore viuo

In summis degens montibus Arcadiæ.

Rarus ego in terris: quicquid rarū, preciosum est.

Aurum sic ferro rarius esse vides.

Postquam quod dederit tempus fortuna peregi,

*Cogor & extremos claudere morte dies:
E' syluis magnos lignorum congero acervos,
Incenso tradens ossa cremanda rogo.*

Anser.

*Anser ego dicor, strepero sed garrulus ore,
Per quem servata est à Gallo milite Roma,
Dum Capitolinam cupiens invadere turrim,
Hostica Romuleis tentoria figeret armis,
Semper ego seruo fluuios, & nutrio plumam,
Qua possint homines mollem contexere lectum,
Hoc in me scelus est, nimia quòd garrulitatis
Fæmineo generi prohibent me exempla dedisse.*

Accipiter.

*Accipitrem aërium cautus me nominat auceps,
Quòd reliquas possim fallere primus aues.
Me semper felix dominorum dextera portat,
Vt reliquas volucres protinus ore sequar.
Non ego sum veluti miluus, sed differo ab illo:
Nam solum pro se quaritat ipse cibum:
Ipse mihi & domino perquirere gestio pradam:
Possessor rapto non ego dicor auis.
Cruribus apta meis ego tintinnabula gesto:
Vt sic sim reliquas notior inter aues.*

Gallus.

*Sum gallus, media designans tempora noctis,
Auroramq; canens dum prima clara diei
Lux oritur, tenebrisq; micat lux alma fugatis,
Me cum gallinis saepe in pradam improbus
aufert
Armatus miles, dum villas transit agrestes.*

*Carnem habeo mollem, breuiorem dat caro vitam:
Si fierem coruus me nullus miles amaret.
In paruis habito domibus: nam diligo granum
Quod dat aratori cereali messis arista.*

Psittacus.

*Psittacus appellor, viridis cui splendicat ala,
Inter pennatas primus habendus aues.
Sum siquidem humana qui voce propinquius
utor,*

*Humanum visus saepe sonare sonum,
Praesenti populo pergratum profero χαιρει,
Vox mea me multis denotat esse hominem.
Qui me conspiciunt, credunt mirabile visu,
Quod pennata hominum voce loquatur auis.*

Hirundo.

*Garrula ventura aestatis praeuncia hirundo
Dicor, quae soleo in summis habitare caminis,
Erectos nidos, aestiuum & diligo tempus,
Exoptet quannuis hyemalia tempora cornix.
Nam ego prima hyeme, & dum nullo frigora
regnant*

*Intercepta gelu, discedo, & desero frigus,
Ad calidas partes orientis abire coacta:
Nec semper ver est si sola volarit hirundo.*

Passer.

*Plumeus appellor passer, qui tempore verno
Gaudeo praedulci saepius ore canens.
Gaudeo peruigiles victum mihi querere siluas,
Et si sum exilis dulciter ore cano.
Quisquis eris magnus, caueas contemnere paruos,*

Sæpe etenim magnos corpora parua domant.

Gryphus.

*Gryphus ego dicor diris metuendus in armis,
Cui nusquam Libyci possunt certare leones,
Non pariter factu tygrus lymphatica raptō.
Constricti mihi sunt ungues, ac ungula mordax,
Qua penetrem clypeos: mihi nec lorica nec ensis
Nec galea obsistunt, armatum bellicus unguis
Sublimare potest equitem. non se mihi Gorgon
Offerat, aut validi summ⁹ labor Herculis Hydra,
Gryphus ego appellor, qui cunctas vincere solus
Dicor aues odiosus: equis etenim mihi pugna est.
Qua me semper equis hostem cōferre necesse est.*

Mergus.

*Me summi pascunt procures, quoniam caro mollis
Est mihi, sic molli carne peremptus ero.*

Pellicanus.

*Sum Pelecanus, reliquas qui vinco volucres
Alituumq; genus, qui rostro vulnero corpus,
Et mihi pro pullis lugubrem comparo mortem,
Nam mihi traiecto veniens è pectore sanguis
Educit natos, tanti est mihi pignus amoris.
Quisquis es, in vita proprios sic dilige natos,
Et tu perpetuæ nomen lucrabere fame.*

Turtur.

*Sum turtur lachrymās, viuens per pascua graminis,
Agricolis semper sic odiosa fui,
Appellor fluuiialis anas, qui semper arenis
Infigo rostrum limo victum mihi quarens.
Sæpe mihi vibrans alacres ballista sagittas,*

*Dulcibus in fluuiis (dubium mors impia funus
Preparat) infingit, nec possum occurrere telo.*

IN DIALOGVM SEQVENTEM

ARGVMENTVM.

Maximilianus Frederici cæsaris filius Bellici furoris suafu Gallis bellum minitatur, qui ad imperiale diadema iter ei præcluserant: reiectaque pace, fortunæ arborem ascendendo in terram lapsus proprio se tentat confodere gladio. Pacis tamen consilio ac monitis ad se reuersus, bellicū furorem tandē eiicit.

*Colloquutores, Maximilianus, Furor
Bellicus, & Pax.*

Maximilianus incipit.

Ergone Francigenæ durum patiere ferocis
Roma iugū? tātū neferet sine Marte triūphū
Gallas, & immēsum quōdā dominata per orbem
Ardua barbaricus subiget Capitolia Mauors?
Sic ne Quirinales nullo mihi Franca cruore
Lilia præripient fasces? spoliabor auitis
Sedibus? an Latij nobis illustre sinister
Inuidet altitonans sceptrum? si imne paterni
Exheres solij? potius resoluta dehiscat
Terra mihi, aut Stygias me Iuppiter igne sub
vndas

Trudat, & immanis iccur immortale recuruo
Vultur edat rostro, latōve Ixionis orbi,
Inferar, & corpus fugiāque sequarq; rotatum,
Perpetuōve feram tua Sisyphæ saxa labore,
Malāve siccatis fugientia prendere labris
Cogar, & arenti lymphas haurire palato.

Futor bellicus.

*Sic igitur totum perages inglorius ævum,
Nec primæ quicquam conaberis addere laudi?
Quò vires abiere tue? quò viuida quondam
Dextera? quò Latie virtus mauortia gentis?
Siccine degenerant aquilæ? sic mascula cedunt
Pectora, quæ medos toties Gallumque comatum
Nervosaq; manu fortes domuere Lemanos?
Sic tibi Romuleum claudet sine sanguine Gallus
Ad diadema viam? nodo sua colla iugali
Roma dabit, Libycæq; lues Oenotria vulpis?
Nunc age martigenas accerse in bella cohortes,
Et toto Hesperium petito molimine regnum,
Nónne parata ferox pro laude subire duellum
Suppetit ala tibi? quænam te tanta retardat
Segnicies? abrumpe moras, differre paratis
Sæpe nocet.*

Maximilianus.

*Superos & conscia sydera testor,
Ausonias vel ego nullo prohibente secures
Assequar, aut dira, numerofo milite fretus,
Obuia quæque dabo morti. temeraria discet
Gallia Romana quàm magna potentia genti,
Quàm valida armatos dextra pruripit in hostes.*

Furor.

*Egregium hand dubie, Latio nec inutile scepro
Moliris facinus, sic nomen ad alta volabit
Astra tuum, totòque potens dominaberis orbi.
Sic fortes Marius Cymbros Panumq; Ingurthæ
Sub sua sanguineo iuga marte venire cœgit.*

*Sic Senonum populos Cæsar flauosq; Britannos,
 Aruernosque truces, Germanumq; subegit,
 Oppida, sic vrbes atque arua Philistia David
 Et Carthagineas deleuit Scipio tures.*

Pax.

*Quo raperis demens? quam te vexat erinnys?
 Quæ noua successit rabies? hæc tradita regi
 Dexteræ Liligero? quisnam te talia Cæsar
 Tam subito posito furor egit in arma calore?
 Siccine sancta piæ dissolues vincula pacis?
 Ictaque inhumano temerabis fœdera ritu?
 Iam tandem assueto, bellorum Auguste tumultus
 Cõprime, bifrontem claudatur sua limina Ianû.*

Furor.

*Delirat, nimio ve madens post prandia Baccho,
 Et stabili raptæ hæc detrusa est cardine mentis.
 Tolle moras, vanumq; necis depone pauorem,
 Mors etenim forti magis expectanda Monarchæ,
 Quàm metuenda venit. cõtempnit Scauola mortẽ,
 Contempnit Decius, fortis contempnit Achilles.*

Maximilianus.

*Scilicet infensos quæ tristis Euyro per hostes,
 Quæ fortuna trahet, ferro tentanda cruento
 Est via, quæ tyrio tandem conspectus in ostro
 Alta triumphali vehar in Capitolia curru.*

Pax.

*Ære tamen leuis es, fuluo caret arca metallo:
 Vnde sibi accitus stipendia miles habebit?*

Maximilianus.

Debita permittam tolli mihi sceptræ? Kalendis

TEXTORIS

*Id patiar Graiis: tumidū prius agna profundū,
Aut tenuis solo formica vorabit hiatu.*

Pax.

*Hec rationis inops, tibi iam canescere crines
Incipiunt: tempusne ferum compescere martem?
Decrepitos saltem curis mordacibus annos
Exue, & emerita pacem concede senectæ
Ocia vult senium.*

Maximilianus.

*Nolisque velisque, virili
In pugnam prodibo manu, totisq; superbos
Viribus in celtas Gallūque monebo rebellem.*

Pax.

*Non ita principibus subeunda pericula primo
Intuitu veniunt, equali singula lance,
Sunt trutinanda prius, celeri quàm lintea vento
Carbasa credantur, nec enim sua farra colonus
Culta mandat humo, donec quæ sidera picto
Imperitent cælo, varia explorauerit art.
Adde quòd antiquis bellorum attrita ruinis
Roma diu optatam sub te sperare quietem
Incipit, & vultu Saturnia terra supino
Orat ut effrenem studeas pacare Gradium.*

Maximilianus.

*Ecquid adhuc nostra frustra circūstrepis auri?
Inculto nullum est holitori fœnus ab horro
Nec nisi cum magno pariter sudore triumphus.
Si fortasse cadam, missoque per aëra telo
Traiectus moriar, qui Romula regna gubernet,
Et mea nudato qui funera vindicet ense,*

*Dives opum belloq; potens successor abundat,
 Præterea assiduis vitam clausisse sub armis,
 Laus erit, at patrios redeam si victor in agros,
 Digna profecto mihi merces, celebrisq; resurget
 Gloria, si vero caluam contraria frontem
 Prætendat Nemesis, Galloque subactus ab hoste
 Tristibus addicar tenebroso carcere pœnis,
 Parua quidem ductoris erit iactura redempti.*

Pax.

*In te quaeso redi: tantum moderare furorem
 Caesar, & indomitum tondere caueto leonem,
 Nec temere ancipiti puppis credatur Abydo.
 Compertumne tibi satis est quàm viuida Gallis
 Dextera, q̄ calidus vegetet præcordia sanguis?
 Hoc equidem Paduana satis satis Itala norunt
 Arua, sat Allobroges, studiisq; asperrima belli
 Parthenope, & campo stratus Genuensis aperto,
 Octauoq; probat deuicta Britannia Carlo.
 Nulla etenim supero tellus supponitur axi,
 Quam non armipotens æquo certamine vincat
 Francia, virtutis gladius murusque ruentis
 Æneus in Turcas adamantinus omnia contra
 Tela Gothi clypeus, quem non truculentus acuta
 Rhinoceros cornu, quem non laniare superbus
 Possit aper, Venetusque leo, pardusque rebellis.*

Maximilianus.

Fœmineo ne regam voto? discede.

Pax.

*Relictam
 Perfide, sed serò, repetes.*

Maximilianus.

Commercia tecum

Posthac nulla velim,

Pax.

Facti te saepe pigebit.

Sed tardè gregibus clauduntur ouilia raptis,

Furor.

Fac age nobilium tibi sceptrà gerenda Quiritiũ

Dentur, & auspicihus superis ad summa vehare

Culina fortuna. fac imperialia forti

Arma manu Latiiq; geras insignia regis

Vt postquam exierit voti sententia compos,

Dum Venetas Fræcũs pperat Lodoicus in oras,

Maiori Gallos moueas molimine.

Maximilianus.

Iacta est

alea

Pax.

Quo male sane ruis? tibi scilicet ingens

Exorietur honos.

Maximilianus.

Procul hinc fuge, nihil mihi tecum

Amplius.

Pax.

Hinc igitur cedam. proh quantã malorum

Ilias Ausoniis impendet finibus, vnde.

Vnde tibi ista recens rabies præcordia pulsat?

Furor.

Quis nouus iste fragor? tibi rex Romæ caueo

Ecce prehensa manu nimio frons pondere pressa

Rumpitur.

Rumpitur.

Maximilianus.

*O fatis nimium contraria nostris
Fata, sub aethereo quisquàmne infauſtior axe?
Semper an ingenti curarum mole ſepultus
Vixero? quin moriar potius, potiùſque ſupremam
Fatifera lucem claudat mors turbida falce.
Discite primates orbis, qui lata tenetis
Imperia, incerta minimum non credere ſorti.
Quin morere, Et Stygias vltro deſcende ſub
vmbraſ,
Intima tranſſoſſus proprio præcordia telo.*

Pax.

*Siſte manum: poſitis animum compeſcito frenis,
Et temerata precor meliori fœdera firmes
Robore, nec vano Gallorum regna deinceps
Marte velut toruum formica laceſſe leonem.
Cerne quot egregij Franciſ è finibus olim
Emerſere viri, ſeui quot fulmina belli
Alpinas armis domuere minantibus vrbes,
Hungarus hoc ſcythico nouit prognatus ab
Hunno
Antiquùmque trahens Abrahami à coniun-
ge nomen*

Sarracenus atrox, ſpurciſque potentia verpi.

Maximilianus.

Martie cede furor.

Pax.

Præſtat concordia bello.

Maximilianus.

Præstat dissidio.

Pax.

Martie cede furor.

Maximilianus.

Pace vireta nitent.

Pax.

Fructus habet arbor amænos.

Maximilianus.

Arbor habet fructus.

Pax.

Pace vireta nitent.

Maximilianus.

Appetit arma furor.

Pax.

Reddit sine cultibus aras.

Maximilianus.

Depopulatur agros.

Pax.

Appetit arma furor.

Maximilianus.

Obuia quæque necat.

Pax.

Sontes discrimine nullo.

Sternit et infontes.

Maximilianus.

Obuia quæque necat.

Pax.

Pace Minerva viger.

Maximilianus.

Vastat furor arua cruentus.

Pax.

Arua furor vastat.

Maximilianus.

Pace Minerva viget.

Pax.

Impie cede furor.

Maximilianus.

Sceptro inclementia reges

Efficit indignos,

Pax.

Impie cede furor.

*Gallica plaude manus, mœror procul omnis
abeſto,*

*Mœror abeſto procul Gallica plaude manus,
Franca per Oenotrios fruticantur lilia fines,*

Lilia coccineis ante ferenda roſis,

Lilia ſtellatum tangentia culmine cœlum,

Lilia ſupremi dona beata Iouis,

Ecce redit Veneto victor Iodocus ab orbe

Succubuitque tuo Brixia victa iugo,

Succubuit longo ſuperata Cremona labore,

Plaude tibi tantum Gallia naſta decus,

Gallica plaude manus &c.

Mœror abeſto procul &c.

Tuta reſrenato poles ocia ducere Marte

Dum tua tam clarus proteget arua pugil,

*Dum dabitur tanto Francum diadema Mo-
narchæ,*

Liligeros armis nemo laceſſet agros,

Nil aper exerto bacchans tibi dente nocebit,

DD ij

TEXTORIS

*Nil leo, nil aquila, nil & Iberus atrox:
Rhinocerotā domat, pardum necat ense rebellem.*

Ense necat pardum, rhinocerotā domat.

Gallica plaudē manus &c.

Mœror abest procul &c.

Voce labris animo cœlestia numina flecte,

Duret ut aternos gloria tanta dies.

EPIGRAMMATA ALI-

*QUOT IOANNIS RA-
nisi Textoris.*

DE PURITATE VIRGINIS, ET

Christi nativitate.

Q*Uum deus humanis voluit primordia rebꝫ
Fingere, Et incultum dissociare chaos:
Principio cœlum ac terras campōsque creavit,*

Illic astra locans, hic segetes statuens.

Fraternis lunam voluit succedere bigis.

Hæc noctem radiis porgeret, ille diem.

Et nubes voluit circum volitare caducas,

Vnde fluens teneram spargeret imber humum.

*Æræ dehinc statuit per quem sua flamina
princeps*

Carceris Æolij mitteret Hipputades:

Corporibus partem hanc leuibus cōcessit, ibique

Pennigeras passim currere iussit aues.

*Denique squammigeris habitandum piscibus
aquor*

Fecit, ubi vitreas currere iussit aquas.
 Hæc partem, licet huc fluuij fontèsque recurrât,
 Noluit innumeris crescere fluminibus.
 Utq; prius dictum repetam, secreuit ab astris
 Aëra, cuncta suo sunt elementa loco.
 Terra ferax curui nihil indiga vomeris, omnes
 Vbertim peperit tunc inarata dapes.
 Aurea permixtas non sensit messu arenas.
 Tunc vacuum tribulis germen habebat ager.
 Creuerunt viola sine semine, creuit acanthus,
 Emisit gemmas flos hyacinthe tuus,
 Et vario guttas clepsydra foramine spargens,
 Non fuerat: semen terra inarata dabat.
 Hic dominus posuit diuersæ animantia formæ,
 Rhinocerotæ, leas, tygres, apros, lepores,
 Lanigeras pecudes, damas, taurósque, canésque,
 Atque asinos veteris nunc pecus Arcadiæ.
 Et licet incuruis armasset dentibus aprum,
 Ramosis ceruum cornibus, vngue leas:
 His tamen extiterat stabilis cõcordia amorque,
 Securúmque lupo præbuit agna latus.
 Cum canibus poterant imbelles ludere dama,
 Et vicina alacri stare columba aquilæ.
 Tutus in effossis latitare lepusculus antris,
 Currere securus per noua prata lepus.
 Restabatque hominem sensus formare capacem,
 Quem foelix proprio germine terra aleret.
 Ergo deus modica compegit viscera massa,
 Atque Damasceno membra creata luto.
 Quem quoniam sociale animal cognouerat esse,

TEXTORIS

Sopiti ex cōsta protulit huic comitem.
 Atque horto clemens inclusit vtrunque virenti,
 Hic vbi perpetua murmurat amnis aqua.
 Hic rigat fontes, hic aura benigna tepēsque
 Spirat, Et aternis terra viret violis,
 Lilia non desunt, non alba ligustra, rubēsque
 Caltha, nec Assyrii quicquid odoris habent.
 Sunt etiā fructus, pyra, persica, poma, nucēsque,
 Castaneæ, cerasis mixtaeque pruna rubris.
 Hic vtrunque deus statuit, mediūsque locauit.
 Deliciis, miræ qui locus ambrosiæ est.
 Hic etiam omnigenis concessit fructibus vti:
 Immense fuerat quod probitatis opus.
 Vno interdixit tantum, tantum vnus vsum
 Abstulit, at reliquas contulit ambrosias.
 O dolor, irrepfit serpens Et Gorgone peior
 Anguicomæ Et colubris senior hydra tuus.
 Quæ tam dulce bonum tristans vtrique parenti
 Concessum, misera tabuit inuidia.
 Ferbuit Aetnea veluti fornace recoctus
 Imperio feruet nunc Iouis Enceladus.
 Impatiens igitur tanti furiosa doloris,
 Induit humanam protinus effigiem.
 His demum properè verbis vtrunque parentem
 Conuenit, Et tacitis fraudibus illaqueat:
 O stulti, fructum vitæ gustare timetis,
 In quo stat rerum prauia cognitio?
 Gustate, Et vestri mandata repellite patris,
 Quod mandat, cuncta non sine fraude inbet.
 Vos arcana suæ deitatis nosse pauescit,

Participes laudis vos timet esse sua.
 Carpite, gustetis, nulla formidine pectus
 Hareat, ignavum pellite corde metum.
 His dictis, bibito sumpsit prior Eva veneno,
 Atque avidis primum dentibus arripuit,
 Cunctanti morsum mox obtulit illa marito,
 Et rogat ut velito compleat ora cibo.
 Fœminea & colubri deceptus fraude momordit:
 Sic summi legem fregit uterque dei.
 Protinus immani dominus succensuit ira,
 Iussa dolens legis iam temerata sua.
 Vade age, et armatus gladio vade angele præcept
 Ad paradisi acilimina fausta soli.
 Hinc primos hominum subito detrude parentes,
 Sudoris pœna viuet uterque sui.
 Dura laborifero ducentur aratra marito,
 Et sterilem duro vomere scindet humum.
 Terra feret tribulos, nascetur carduus agris,
 Crescet cum lolio non nisi rara seges.
 Stridorem in partu mulier durósque labores
 Sentiet, innumeris exululans lachrymis.
 Et famulus lathi morbus torquebit utrunque,
 Mixta siti esuriens crescet utrique fames:
 Totâque posteritas prima subiecta ruine,
 Post mortem furvas corruet in tenebras.
 Nullus erit saluus, nullus qui limina cœli
 Scandat, et æthereæ regna beata domus.
 O graue iudicium, natos peccata parentum
 Damnant, damnatur totâque posteritas.
 O Adam tenero nequisses parcere pomo?

Eua gula *Et* ventri parcere non poterat?
 Tandem post multos soles multosque Decembres
 Postque diuturnum tempus olympiadum.
 Maestas veterem diuina coërcuit iram
 Antiqui reuocans numina iudicij,
 Verbigenam in terras voluit descendere natum,
 Qui fieret pura in virgine verus homo.
 Venit, scemineaque humilis se clausit in aluo,
 Humani sumens corporis effigiem.
 Que fuit hac virgo tam sacri conscia partus,
 Et tam diuino digna puerperio?
 Virgo Palestina columen, laus, gloria gentis,
 Virgo Palestinis candidior violis.
 Virgo rosas superans, niueis mage candida cygnis,
 Purior *Et* conchis virgo cytheriacis.
 Cuius frons antestat ebur, cernixque ligustrum,
 Puraque Erythraeos lumina Sardonyches.
 Et cuius flauis cedit rosa verna capillis,
 Candidaque exiguis lilia brachiolis.
 In qua nulla fuit labecula, nullaque sordes
 Deformem impressit nullaque ruga notam.
 Innatum antiqua primaque ab origine crimen
 Non habuit: toto corpore pura fuit.
 At dices: primam, qua postera secla ruinam
 Sensere, *Et* primum cuncta habuere scelus.
 Stulte quid obgānis? qui cuncta elementa creauit,
 Qui pinxit rutilis aethera syderibus,
 Non est fas aliquid propria concedere matri,
 Quod nullis vnquam contulerit populis?
 Credis in impura Christum latuisse caverna,

*Credis in immundo delituisse vtero?
 Dic mihi, rex Gallus fædo dormire cubili
 An velit, aut spurcas incoluisse domos?
 An princeps olida vellet latitare cloaca?
 Hic vbi stat graecolens quicquid auernus
 habet?*

*Purpureis reges leclis auróque quiescunt?
 In fædo Christum vis latuisse vtero?
 Ergo Palaestina cesses maledicere nymphæ,
 Crimina nam primi nulla parentis habet.*

DE BREVITATE VITAE.

*Est leue Phœbeo telum quod mittitur arcu,
 Sunt volucres Parthi post sua terga faces.
 Est leue quod refugo descendit ab aethere fulmen,
 Turbida coeligenas dum manet ora deos.
 Est volucer boreæ flatu, si quando relaxat
 Æolij claustrum carceris Hippotades.
 Naufragæ pariter velox est turbo procella,
 Dum vaga Scyllæis carbasa mergit aquis.
 Sunt volucres etiam lepores, quos forte per herbas
 Auditi petulans terruit aura canis.
 Imbelles volitant mira leuitate columbæ,
 Vicinum inspiciant si Iouis armigerum.
 Aripedes miro decurrunt impete cerui,
 Quos venatoris perculit hasta ferox.
 Est agilis cælo veniens saxatilis imber,
 Miræque proiectæ grandinis est leuitas.
 Et lenis est multo vibratus robore scrupus,
 Stupea quem torto verbere funda iacit,
 Sulphure fecundi rapida est violentia saxi*

Quid caua terrifica machina fauce vomit.
 Creduntur celeres itidem volitare fauilla,
 Fumiferis torrens quas iacit Aetna globis.
 Fulmineo volitant Hyrcana turbine tygres
 Armatus catulis quas spoliauit eques.
 Et timidi leuis est Rhodani decursus in aquor,
 Dum vaga terrificis flatibus aura sonat.
 Et leuibus squamis tuus ô tibicen Arion
 Equoreas fertur scindere piscis aquas.
 Est leuis Elea certans mercede palæstra.
 Quem pugil infesto verbere pungit equus.
 Magna tua leuitas erat Hippodamia quadrigæ
 Diceris insanos quâ superasse procos.
 Semiferique fuit præceps violentia Nesi,
 Dum misero raptæ est Deianira viro.
 Téque agilis portauit equus validissime Perseu,
 Expositam dum te vexit ad Andromedam.
 Fama est te volucris Phaëthon cecidisse ruina
 Implicitus patriis dum rapereris equis.
 Et tu præcipiti raptæ es Proserpina curru,
 Luderet ut Siculis nescia mater agris.
 Si tamen obserues fugitiui temporis annos,
 Quàmque vagis pereat vita caduca ratis,
 Quàmque citis hominum discedat passibus ætas,
 Quàm volucris properet mors inopina gradu:
 Censebis tardas quas vibrat Apollo sagittas,
 Segnipedem ceruum quem petit hasta ferox.
 Sic pereunt anni, sic lubrica vita recedit,
 Sic brevis aligeris passibus hora perit.
 Quisquis es ergo tuæ studeas si forte salutis,

Si sapiſ, in mortem ſis vigil excubitor.

AD MAXIMILIANVM

QVONDAM INSVBRIVM

ducem in ingreſſu Nauarra.

Armipotens Caſar te tota Nauarra ſalutat,

Arcadicis breuior tota Nauarra caſis.

Dignus eras nitidi caperet quem regia Phœbi,

Factaque Caſarea larga theatra manu.

Nec tamen exigui magalia neglige ruris.

Nec modica numeros deſpice Calliopes.

Cernis vt occurrat iuuenum tibi turba, ſuperbit

Quod tanti fruitur principis intuitu.

Triſtatúrque ſibi ſpaciũ non maius haberi.

Quo titulus poſſit luxuriare tuis,

Hæc quum non habeat gemmas quas offerat,
offeret

Interni quicquid ſcrinia cordis habent.

Ocia dum noſtris aderunt maiora camœnis,

Indiciũ noſtri maius amoris erit.

DE PASSIONE CHRISTI.

Hunc ego cernicem proprij fregiſſe parentis

Dixero, & Arcadica concubuiſſe lupe:

Aut quondã in patrios cineres minxiſſe fatebor,

Aut rabiẽm Libycis eripuifſe feris,

Marmarica paſtum iurabo lacte leana,

Aut ſcopulis genitum dixero Caucaſiis:

Iurabo & miſerum ſpurcas habitafſe latrinas:

Vixiſſe & fœdis non niſi ſtercoribus.

Marcida vel turpi rapuiſſe cadauera coruo,

Extaque ieiunis putrida vulturibus:

Tartareis dicam flammis arsisse Megeræ.

Guttur tergemini more latrasse canis:

Vincere tartareos credam feritate leones,

Vincere & horrendas impietate lupas:

Mixtū Phasiaci potasse aut pharmacon herbis,

Et quæcunque parit toxica mæstus ager:

*Quicquid habent Psylli, quicquid vel Ponti-
ca tellus,*

Quicquid in os fluxit Socratis intrepidi

Huic furias corpus lauisse palustribus undis

Credidero & Stygio ter maculasse luto!

Vrsorum aut inter catulos mansisse fatebor,

Aut in Lerneis delituisse vadis.

Aut etiam in mediis serpentem ferre medullis.

Et colubros imis pascere visceribus.

Ferre triplex chalybis iurabo in pectore robur,

Et circa rigidum crescere saxa iecur.

Vinclâq; tortilibus portare adamantina fibris,

Ferre truces oculos, ferre Perilli animos

Ferre canis Stygi tria guttura, ferre Neronis

Sauitiam, & crudæ viscera Persephones.

Qui modò qui visa morientis imagine Christi,

Et mutilo visis corpore vulneribus:

Immotus siccis lachrymas cohiberet ocellis,

Nec rigidam exueret pectore duriciem.

Qui sacrum inspiceret venis exire cruorem,

Sauicia clauorum brachia cuspidibus.

Et solito posset pariter non parcere ludo,

Aut finem primis imposuisse iocis.

Qui transis, geminos huc flecte parumper ocellos

Ante crucem subitum siste viator iter.
 Hic deus est, cuius deitas elementa creauit.
 Mortales proprio qui regit arbitrio.
 Præbuit hic vdis habitandum piscibus æquor,
 Et refluus pontum currere iussit aquis.
 Et volucres nitidum volitare per aëra iussit,
 Iussit Et in syluis delituisse feras.
 Fæcundam æstiuis terram grauefecit aristis.
 Pomâque crispicomis fecit in arboribus.
 Irriguos vernis depinxit floribus hortos,
 Pratâque odoriferis humida graminibus,
 Fecit ut Assyrium pareret rosa dulcis odorem,
 Tangeret attiguas spina propinqua rosas.
 Turgida vini fluis penderet Et vua racemis,
 Et quacunque suas terra crearet opes.
 Piscibus iniecit squamas, armauit Et vrsum
 Unguibus, & dentes præbuit arma lupis.
 Utq; aliis pariter sese defenderet armis:
 Viuaci ceruo cornua longa dedit.
 Néve canum imbelles paterentur vulnere dama,
 Pegaseo leuius currere iussit equo.
 Denique ne longis onerem clamoribus aures,
 Humanis propriam contulit effigiem.
 Iussit Et hunc aliis vnum superesse creatis,
 Depressâque leas hunc timuisse iuba.
 Infunditq; animum regeret qui fictile corpus.
 Auspice quo sensus viueret interior,
 Libera quinetiam est animis infusa voluntas,
 Ut proprio liber viueret arbitrio.
 Sed postquã vetita decerpfit ab arbore pomum,

Tartareas moriens corrui in tenebras.
 Totaq; posteritas prima subiecta ruina,
 Præda fuit nigris languida demonibus.
 Nec sanctis licuit pœnam vitare prophetis,
 Verbigenæ aduentum qui cecinere dei.
 Vnus erat carcer miseris, locus vnus, & aula
 Extiterat cunctis vnica spiritibus.
 Hæc domus æternis horrebat opaca tenebris,
 Nullaq; diuinæ visio lucis erat.
 Supremiq; boni priuatio longa dolorem
 Auxerat, æternas agglomerans lachrymas.
 Et captiuorum gemitu chaos omne tremebat,
 Dixisses rapidi fulminis esse sonum.
 Flebilis at tandem cælos querimoniâ mouit,
 Et summi pepulit tecta suprema Dei.
 Hic igitur tactus lachrymis, fletuq; gementum,
 Spiritibus miseris contulit obsequium.
 Verbigenam in terras siquidem descendere iussit.
 Inq; Palaestina virginis ire vterum.
 Et fragilem nostræ formam sibi sumere carnis,
 Sumere & humani corporis effigiem.
 Paruit æterno proles diuina parenti:
 Verus in intacta virgine factus homo est.
 Huc oculos, huc huc oculos conuerte viator,
 Marmoreamq; animis exue duritiem.
 Aspice diuini clementia quanta Tonantis,
 Quanta sit & nati gratia verbigenæ.
 Hic mortis dominus morti se subdit acerba,
 O mira speculum mortis, & effigies.
 Quiq; pati nihilum poterat, vult ferre dolores,

*Vult perferre famem, vult tolerare sitim,
 Qui simul ac pura genitricis claustra reliquit,
 Maternoq; infans prodiit ex utero,
 Non aulas petiit: non plumas Sardanapali,
 Castraq; magnificis edita marmoribus.
 Non lautas epulas, aulaeq; maxima regum.
 Sidonia Pallas quæ fabricauit acu.
 Posthabuit stabulis aulas, magaliâ castris,
 Pratulit ingrediens pauperis antra casa.
 Posthabuit thermas afflatu segnis aselli,
 Et fœnum molli pratulit inde thoro.
 Non reuit (speculum summis hoc regibus esto)
 Molle super silices imposuisse caput.
 Nec sat erat primis cuncta hæc tolerasse diebus,
 Et medios inter delituisse greges:
 In cruce sacrilegi tandem nisi more latronis
 Traderet indignæ saucia membra neci.
 Erige peccator faciem mentemq; supinas
 Tolle manus, tanti sis memor obsequij.*

AD GRAVISSIMUM PA-

trein Dominum N. Boussard

Cancellarium Parisiensem.

*Claudere qui modica Rhodanû tentauerit vna.
 Aut numerum cunctis ponere syderibus:
 Qui volet exili pelagus concludere testa,
 Dicere quot pisces parturit Oceanus:
 Æstiuis quot apes modicas parit hybla diebus,
 Quotq; geris suauis dulcis Hymetæ fauos.*

Ponere littore & numerum conetur arena,
 Dicere quot foliis sylua superba vires:
 Quotq; Ceres campis flauas emittat aristas,
 Quot violas verno tempore terra parit:
 Anticyras nunquid dignus sorbere meracas.
 Effet, & immodici hic indigus hellebori?
 Dignus & à fœdis squillas auferre sepulchris,
 Aut superis porcum cadere numinibus,
 Virtutum pariter numerum titulosq; tuarum,
 Qui modicis sataget claudere carminibus,
 Sit licet & Musis & Phœbo digna loquutus,
 Et gerat egregia laurea ferta coma.
 Nunquid mentis inops fuerit, rationis & expers,
 Aut ausu plusquam præditus Icario?
 Ergo mihi sat erit dignum te dicere summos
 Fœlicesq; inter viuere semideos.
 Plura quid eloquerer, quum vastis cognita terris
 Laus tua, percurrat solis vtranq; domum?
 Nota satis nulla fas est aperire camœna:
 Hoc igitur sat erit commemorasse. Vale.

AD VIRGINEM

Oratio.

O Christi genitrix semên non passâ virile,
 Quæ pariens pura virginitate vires:
 Deum ecce tuas clamio peregrinus ad aures, uol
 Et te curuato flebilis oro genu.
 Ex oculis factum lachrymantibus aspice fontem,
 Pronaq; clamantis respice verba rei.
 Supplicium merui, nec me peccasse negabo,
 Aeterni dignum carceris exilio.

*Ni mihi cōtulerit subitum tua dextra iuuamen,
 Aut adiutrici suppetiere manu:
 Forsitan instantis patiar nocumenta pericli,
 Et quo non spero tempore, raptus ero.
 Forte mei aduenit vicinus terminus aui,
 Corporeasq; ferit mors inopina fores.
 Ergo dei genitrix, enixa puerpera natum,
 Qui propria amissas morte redemit oues:
 Aspice me in misera lachrymarum valle ge-
 mentem,
 Instantiq; animum subtrahe naufragio.
 Atq; redemptoris Christi mihi passio prosit,
 Lancea, crux, plaga, spongia, spina, cruor.
 Prosit & horrendis qui fixus in arbore clauis,
 Obtulerit crudis brachia vulneribus.
 Prosit & arreptos inter periisse latrones,
 Cui nullum in puro corpore crimen erat.
 Imprime vim tanti mihi virgo pudica doloris.
 Sitq; tui mihi mens conscia cordis,
 Fac me parua lauet preciosi gutta cruoris,
 Et mihi tam sacro sanguine cor madeat.
 Hinc breuis exanimum dum clauserit vrna
 cadauer,
 In coelis profuga sit requies anima.
 Sit requies anima, quam toruo querit hiatus
 Carceris inferni belua. Virgo vale.*

EPITAPHIUM PRIMI

Præsidis Parisien. defuncti.

Quis modo non credat rigida penetrabile morti,

Vasta suo quicquid terra parit gremio?
 Cæcuerit ne aliquis tanta caliginis umbra
 Sausficæ mitti dignus ad Anticyras,
 Ut putet esse aliquid rigidas quod flectere Parcas
 Possit, & infernæ vulnera Persephones?
 Est aliquis qui se preciosa munere formæ,
 Aut immensarum pondere fretus opum,
 Speret inhumanas fati vitare ruinas,
 Atq; cruoribibæ flebile mortis iter?
 Est' ne aliquis tumidum faciat quem bellica
 virtus,

Centimani præstans robur & Enceladi?
 An quisquam regno titulisq; superbit auitis,
 Egregiis ducens nobile stemma atavis?
 Hos magis extrema deceat meminisse diei,
 Inspicere & cursu quàm fluat hora breui?
 Quod videt immensos orbis periisse monar. has,
 Corporis & nullas viuere reliquias.
 Et finem pauci faciant ubi Caesar, & ille
 Imperio cuius non satis orbis erat.
 In cineres abiere suos, pactumq; dederunt
 Vermibus, orbis opes nunc nihil esse docent.
 Et qui tortilibus reges traxere catenis,
 Arbitrio mortis supposuere caput.
 Sed si census, opes, regnum, metuenda potestas
 Fatipetas nequeant eripuisse homines:
 Quid mirum? propriis virtus non seruit amicis
 Quo minus ad dura vulnera mortis eant.
 Quid ne delirum credas fortasse viator,
 Accede & videas quem tegit iste lapis.

*Huic fuerat quicquid Ioue dignos, & Iouis
aula.*

Mortales posset reddere semideos.

Iusto dulcis, atrox scelerato, largus egenis,

Doctrina eximius, consilio sapiens.

Iudicio tardus, præstans gravitate, severus

Censura, & toto corpore mundus erat.

His meritis fortuna dedit sua præmia, quanvis

Parca bonis extet, prodiga sæpe malis.

Consul Burdegala primum fuit, inde secundus

Præses, successit maximus inde locus.

Et quo lucidius populo fuit agnita virtus,

Altius hoc crevit gloria, crevit honos.

Factus enim tuus est populosa Lutetia primus

Præses, ubi cursum fata dedere suum.

Nec tamen hæc dotes potuerunt resistere fati.

Nec generis pariter splendida nobilitas,

*Sed scio quid visum est superis: quia gloria
mundi*

Usque adeo claris non sat erat meritis.

Tradere cœlestis voluerunt gaudia palmæ,

Participemq; suis vivere deliciis.

Si fortasse petas nomen moriture viator,

Mandorus iacet hic mortuus, hoc satis est,

Decessit Blesis, canos non vêtus ad annos,

Nec primas senij vidit olympiades.

Profluvio fertur ventris peruisse, cadaver

Terra tenet, superi corripuere animam.

TEXTORIS II
CARMEN BELLICI
CONFLICTVS NAR-
ratiuum.

MArtius in terras iam profilit horror, &
atrox
Armorū rabies mediis bacchatur in agris,
Prodigaq; humani iam sanguinis ardet Enyo.
Effusum patula deglubens fauce cruorem
Sparsa comas, feruens focolis, armata venenis,
Ore ferox, nullo satiata cadauere, nullis
Corporibus, sed quò maiorem crescere stragem
Cernit, eò duris feruentior extat in armis.
Arcadico par ipsa lupo, cui forte latrantem
Si premat esuries stomachum, dentesq; rapaces
Affligat triduana fames, ingressus ouile
Non vno ventris rabiem satiauerit agno;
Quin semper crescente siti non ante quiescit,
Vindictæ igneras pecudes quàm toruus ad vnā
Fuderit, atq; sitim supremæ in sanguine claudat.
Præterea nigris frontem redimita colubris
Exilit Alecto, maioris semina flammæ
Faucibus eructans: oleumq; datura camino,
Hæc vtrâsq; acies animat, promittit vtrique
Vincens lauros, & docti rhetoris instar
Persuadet, quicquid fieri cautiſſima suasi,
In mortem currunt equites, peditesq; decorum
Persuasi in media vitam profundere pugna,
Vulneribus factis inhiant, in vtranq; parati
Fortunam, seu forte mori, seu viuere detur.

Efficit immensas nubes saxatilis imber
 Telorum, tenebrisq; diem permixtus opacat.
 Insolitis, timidum faciens pallescere Phœbum,
 Atq; iterum versa cursum mutare quadriga.
 Dira Thyestæ velut olim fercula mense,
 Horrentem ad primum, fama est, rediisse cubile,
 Vix bene quæ triplex viderunt Nestoris ævum
 Sufficiunt iaculis quercus vlmique parandis,
 Non veneris myrtos, non quas turrata Cybelle
 Conseruat pinus? non quas Tyrinthius heros
 Dilexit, superum contemptrix ora deorum.
 Intactus patitur: quis spretis omnia truncat.
 Numinibus, sacrosq; tibi Bacche optime lucos,
 Rumpuntur clypei, galeas horrere videres
 Pannicomas, raucoq; tubas incendia cantu
 Spargere, & effusis superare tonitrua bombis,
 Ferrea lunatus tot spicula proiicit arcus
 Ut nunc ruricolis requies sit nulla, ministris
 Mulciberi non Lemniacis torpere caminis
 Detur: & impletis vento requiescere flabris,
 Sed nudam liceat sudare Pyragmona membris,
 Rustica præfixis (miserum) spoliantur aratra
 Vomeribus: nec habet falcem gemebundus
 arator,
 Prædia qua flauis spoliet ieiunus aristis,
 Aut qua frigidulus discindat ligna securi,
 Omnia deglubit violenti Martis abyssus,
 Hic perit inter aquas, alius consumitur igni.
 Huic iaculum fibras penetrat: cadit ille, cadentem
 Nemo inuat, mediis sic interit obrutus armis:

Illos morsus equi, quosdam necat ungula, multos
 Armiorum rimas quærens interficit ensis.
 Hic vno, geminis alius priuatur ocellis,
 Illis dextra manibus, plerisque sinistra: quibusdam
 Vtraque, nonnullis inhonesto vulnere nares
 Truncantur, quosdam contorta in crura sagittæ
 Flexipedes reddunt, huic altera scinditur auris,
 Quatuor hic digitos, tres hic, vnum ille reportat,
 Traiectoque alius sua conspicit ilia ventre.
 Et si sola hominum patientur corpora vulnus,
 Inuentum bombarda nouum radicitus vrbes
 Diruit ereptis veniam dare nescia templis,
 Nesciaque auratis diuorum ignoscere spectris
 Hac si nubiuago maculauerit aëra fumo,
 Nec tibi sol clarus, nec erit tibi lucida Phœbe,
 Non oculis septem poteris spectare triones.
 Tu tibi tartareas iurabis adesse tenebras.

CARMEN DE PACE.

Agricolæ pigris infundite semina campis,
 Vt spicata duplex fœnus arista gerat.
 Reptile cornigeris inuertite bobus aratrum,
 Torpentes itidem vomer hincet agros.
 Et quum protulerint flauis sua gramina culmi,
 Iugera productis tunc spoliare comis.
 Nec vos mortiferi turbent incendia belli,
 Omnia pestifera semina litis eunt.
 Infernas te Persephone comitatus ad umbras
 Mars, habitat Stygiæ carceris exilium.
 Præteritis Bellona iacet viduata triumphis,
 Et veteris sceptrum perdidit imperij.

*Pax hominum votis quoties quesita resurgit,
Et capit auricomi Solis utraq; domum.
Nec modica patitur scintillam vivere litis,
Quin terras omnes imperiosa tenet.
Dicite Io iuvenes, redeunt Saturnia regna,
Venit & antiquæ religionis honos.
Ecce hilares suavis tendit concordia pennas,
Vernaq; Cecropia crescit oliua deæ.
Claudite Romulida Iani modo templa bifrontis,
In media captus langueat æde furor.
Innumerisq; etiam victus post terga catenis
Sanguineo rabie percitus ore fremat,
Tu modo Lemniacis requiem concede ministris
Ferrea cœligenæ qui facis arma Ioui.
Nil opus est missa Parthi post terga sagitta
Tela nec inflexis arcubus acta iuuant.
Penthesileam nec opus vectare securim
Qua levis Harpalice Thermodoonta secat.
Saxea nil profunt Balearis verbera funda,
Nec quæ fulminiger proicit arma tonans.
Nil opus obiectis corpus defendere peltis:
Compressam galea nil onerasse comam.
Nec iuvat æris componere turribus ignes.
Aut tacitas summis turribus excubias.
Nec tereti fas est portas occludere ferro
Proditor à tutis urbibus hostis abest,
Dicite Io iuvenes: latum Paana canamus:
Mascula cœlitibus ponite thura deis,
Innocuæ siquidem venerunt tempora pacis,
Mortua sopita semina litis eunt.*

TEXTORIS

Per vicos celebres, per compita spargite flammās
 Suauidicis nubes tangite carminibus.
 Depositoq; metu ferratas pandite portas.
 Exulet à veteri Marspiter imperio.
 Neptuni bellator equus concessit oliuæ:
 Palladis arma tacent, pax diadema capit.
 Pax capit imperiū: Mauors discessit ad umbrās,
 Discessit Mauors, pax capit imperium.

VIRI CELEBRIS DE-
 functi Epita-
 phium.

O quos fata sinunt fungi vitalibus auris:
 Mortales cohibete gradum: spectate parumper
 Quid nostri gemitus, lachrymæ, suspiria, plāct⁹,
 Verbaq; mœsta velint, ut nostra pericula cantos
 Vos faciant quibus est maioris copia vitæ.
 Diuitias natis miseri cumulate parentes,
 Peruigiles nummis incumbite, parcite somno,
 Et ventis & aquis dubiam committite vitam.
 Vos quoque Pontifices cumulate nepotibus aurū.
 Dum tamen occurret vestra breuis vltima vitæ
 Linea, dum vestros Lachesis finiuerit annos,
 Nullus erit, nullus tota de plebe nepotum,
 Qui vestri memorem se prabeat inde sepulchri,
 Nedum animæ vel qui miserū sepelire cadauer,
 Effusaq; iacens corpus supponere terre
 Tunc velit. O iterum cumulate nepotibus
 aurum
 Pontifices, & opes natis cumulate parentes.

Ecce ego quem capulo claudit brevis vrna supino

Gallotum qui primus eram, charissimus ipsis
 Principibus, regi Lodoïco semper adherens,
 Diuitiis plenus, multis stipatus amicis,
 Dum vixi, innumeris studui ditare nepotem
 Diuitiis, sperans nostra post tempora vitæ
 Hunc fore, qui sacris libamina funderet aris,
 Et pro me precibus superos, ipsumq; tonantem
 Placaret, tumuliq; iacens sepeliret honore
 Corpus: & extrueret nobis sublime sacellum.
 Hanc tamen vt corui crocitantis more recepit
 Prædam expectatam, satis est, nil curat agendū,
 Nunc opibus nostro quondam sudore paratis
 Nutrit equos, magno celebrat conuiuia sumptu,
 Turgidus incedit, contracta fronte superbie:
 Stipatus famulis graditur: bellisq; videtur
 Aptior, ac pariter Ceticis mage idoneus armis,
 Quàm qui verbigenæ CHRISTI conducatur
 ouile,

Nec patrui corpus dignatur honore sepulchri.
 O ingratus nepos, quò nostri cura recessit
 Quò promissa fides: Stygiæ' ne obliuia Lethes
 Potasti? An grauidum sumpstisti fauce papauer?
 Siccine quod multis peperis sudoribus aurum
 Dilapidas? Sic nam nostri tibi cura recessit?
 Tu peregrine meo mihi mitior esto nepote,
 Posce deum precibus modicis, & poplite curuo,
 Det mihi cum Sanctis requiem per secula
 cuncta.

TEXTORIS

ALIVD.

Disce superba tui fastigia ponere vultus,
Et tetrici rugis parce supercilij,
Quisquis ad immensos viuis prouectus honores
Cui fortuna suo cuncta dat arbitrio,
Nec tibi maioris speres fore tempora vitæ:
Dilatatum vulnus proferet vna dies.
Nec semper Zephyris duces tua vela secundis,
Instant pestiferi tempora naufragij.
Mors quoq; missilibus semper redimita sagittis,
In custoditas excubat ante fores.
Vulnera si partis speras euadere nummis,
Atq; tuis Parcas flectere diuitiis.
Falleris, & lolio viuis, mihi copia rerum,
Argenti atq; auri maximus agger erat.
Nulla tamen potuit mortem lenire facultas,
Nullaq; nummorum copia, nullus amor.
Quòd tibi si reges fueris causatus amicos,
Aut gratum summis te fore principibus:
Quid tū si (verbo Seneca) mors omnib' æqua est,
Nec mage mendicis aspera quàm ducibus?
Plus reliquis me rex quòdam Lodoicus amabat,
Mors tamen insidiis cepit vtrumq; suis.
Quisquis ad immensos igitur conscendis honores,
Cui fortuna suo cuncta dat arbitrio,
Disce superba tui fastigia ponere vultus:
Et tetrici rugis parce supercilij.
Fac bene dum subita peragis modo tempora vitæ.
Fac bene dum rapidis passibus hora perit:
Nè ve salutem animæ satagas committere natis:

*Ne nimias viuens accumularis opes.
Est mihi nāque nepos qui partis sanguine nostro
Diuitiis opulens, ducitur illecebris.
Non nostra nō solum animæ memor esse videtur,
Quinetiam modici nec memor est tumuli.
Nec tenui corpus recubans operire sepulchro
Dignatur: nostra nec memor est anima.
Et ne te lateat nomen fortasse gementis,
Miles ego quondam Gallicus hic iaceo.
Funde preces pro me superis peregrine viator,
Præmodico claudit quem breui vrna loco.
Hic quæ tu modico clausum specularis in antro,
Fecit templa sacris plurima cœlitibus.
Erexit castrum visu spectabile, templis
Munera longa dedit, multaq; pauperibus.
Hoc duce Rotomagi ciues habuere senatum,
Et creuere suis lilia consiliis.
Quanta amplo tulerit Gallorum cōmoda regno,
Ipsius edocuit fiebilis interitus.
Hoc siquidem extincto sunt territa lilia bellis,
Aduersumq; habuit Gallia pontificem.
Qui tamen ornauit tantis altaria donis,
Rotomagum tanta qui cumulauit ope.
Nunc modica Et vili clausus requiescit in vrna,
Angustoq; iacens clauditur hoc tumulo.
Hæc est de patre vano modò cura nepotis,
Immemor accepti qui manet obsequij.
Discite mortales moniti ditare nepotes
Quid iuuet, & multis tollere diuitiis.
Hic moriens proprio donarat onile nepoti,*

Nec tamen est nostri corporis iste memor.

DE CONTEMNENDA VOLU-
ptate Elegia.

O quem mortifera titillat peste voluptas,

Et Sireneis pellicit illecebris.

Saua Dionæus cui preparat arma Cupido,

Et nocitura leuis mella propinat amor.

Si sapiis, insomni maneas vigilantior argo,

Assiduis persta cantus in excubiis.

Nam Cytheræa nouas artes, noua pectore versat

Consilia, & tacitas preparat insidias.

Allicit interdum lasciuis pectora verbis,

Qualia Sirenum gutture missa putes,

Aut te si nequeat venali flectere lingua,

Altera perplexis fraudibus arma parat.

Hæc tenet Argolici fallax stratagema Sinonis,

Et tibi quicquid erat Dædale pennipotens.

Sæpe puellari cupiens te fallere forma,

Hyblæis vnget putrida membra fauis.

Ornabitque cutem fūco, tumidasq; mamillās

Detegēt, & nudos proferet illa humeros.

Vermigerum faciet bene olere cadauer amomo,

Corpus Idumæis imbuet illa rosas.

Et quos arte reget paruos sibi finget ocellos:

Plenæque vulpinæ simplicitatis erit.

Non nisi molliculis mittet sua verba labellis:

Purpureus risum detegēt illa genis.

Purgatos faciet lentisco fulgere dentes,

Maxilla innatum forte putabis ebur.

Sæpe Cytheriaco disponet pectine crines,

Ut croceam videas undique casariam.
 Aurifici cura lunatos proferet ungues.
 Turgidulo tumulum finget & in stomacho.
 Quem super imponet clarissima tortilis auri
 Vinctula cœlitibus vel placitura deis.
 Ne vetuo cultu careas avidissime venter,
 Defluet ad teneros pendula Zona pedes.
 Est etiam cultus cariosis clunibus idem,
 Quo caro tota suis affluat illecebris,
 Hic tumidus multas pânus tibi proferet vlnas,
 Vix triplex nexus conficit vlna duos.
 Sic bene dispositum tota nitet in cute corpus,
 Sic sunt purpureis illita membra rosis.
 Si tamen occultas partes spectare liceret,
 Colchica prospiceres toxica visceribus.
 Iliâ conspiceres tetram exhalare mephitim,
 In Stygio qualem credimus esse lacu.
 Illic reptitios producant ilia vermes.
 Quos alit immundi corporis atra caro.
 Vis paucis dicam quid olet dea mater amorum?
 Excrementitium nil nisi stercus olet.
 Si blandis igitur satagat te fallere verbis,
 Aut tibi fallaces præparet insidias:
 Auribus oclusis astutum imiteris Klyssēm
 Circeis ne tu decipiare dolis.

DE NATALI DOMINICO

Carmen.

Cur vagus angelicis resonat modo cantibus ær,
 Infernum querulo dum gemit ore chaos?

TEXTORIS

*Aëris & terra princeps de virginis aluo
Nascitur: & Stygiis tollit ouile lupis,
Et quid pallentes nox expulit atra tenebras?
Nocturno radians tempore rex oritur.*

AD VERSIPELLEM.

*Quod loqueris, non id sentis: tua mellea vox est,
Sed sunt vulpinis dicta referta malis.*

AD INVIDVM.

*Ducere difficile est teneros ad aratra iuuenços,
Et premere insolito libera colla iugo:
Libera lingua etiam frenos non passa pudentes,
Non valet insuetis verba tenere modis.*

DE AMICIS ACQVIRENDIS.

*Diligier quicunque cupis, des plurima, pauca
Accipe: sic poteris plures acquirere amicos.*

ALIVD.

*Quisquis amicitiam quæris, superantia census
Dona Mida tribuas, his solidatur amor.*

AD AMICVM.

*Salve doctiloquos inter dignissime vates,
Inclyta qui dulci concinis acta sono.
Vincis Gorgoneos qui scuto Palladis angues,
Cui suavis linguæ gloria celsa manet.
Carmina suscipias paruis resonantia plectris,
Qui viridi lauro tempora cincta geris.*

AD QVENDAM FORMOSVM
appetentem sacerdotium.

*Regales meritò poterunt lugere puella,
Si sacrum norint te fore presbyterum.*

*Nulla quidē in terris pulcherrima virgo quiescit,
Quæ tua non fieri sponsa benigna velit.*

AD QVENDAM FIDISSI-
mum Orestem.

*O mihi visceribus propriis & lumine vitæ
Charior, ô cordis gloria tota mei:*

*Quem mihi Lemniacis à longo tempore vinculis
Coniunxit chara pignus amicitie.*

*Meme perpetuos faustum iactabo per annos,
Semper & in nostro gaudia corde frement,*

*Quòd mihi contigerit talem reperisse sodalem,
Pro quo defereret Thesea Pirithous.*

*Pro quo Phocæum iuuenem Pelopæus Orestes
Patroclumque ferox linqueret Æacides.*

*Tu mea dulcedo, mea spes, mea vita, meum cor,
Solamenque meum, gaudiolumque meum.*

*Si doleas, doleo: si rides, rideo: gaudes,
Gaudeo. Si moreris, teque repente sequor,*

*Nisus ut Euryalum casum cognouit, in hostes
Irruit, ad Stygias & comes iuit aquas.*

*Nec tamen ante truci voluit procumbere fato,
Aspera quàm socij mors foret ultæ sui.*

*Sic ego, si rutilo quisquam tua viscera ferro
Impetat, ut noster dissocietur amor.*

*Protinus inuisam nitæ mihi tollere lucem,
Corde vel insano subtrahet ipse dolor,*

*At prius infestum gladio mactabimus hostem,
Si deus exiguis viribus addat opem.*

AD INVIDVM.

Zoile cur aliquo rides me vulnere læsum?

TEXTORIS

*Alterius semper Zoile vulnus amas,
Cur ploras si sum votorum Zoile compos?
Semper in alterius commoditate doles.
Dum fleo, tu rides, dum rideo, Zoile tu fles,
Invidia in risu non fuit esse duos.*

AD EVNDEM.

*Zoile miraris si te appellauero monstrum?
Si queris causam, Zoile caussa patet,
Nullū animal noui quod lingua mordeat vsquā
Hoc tamen est in te. quod tibi nomen erit?
Primum Marmarici norunt rugire leones:
More canum latras, non eris ergo leo.
Si canis es, tua proprietas est dentibus uti:
Tu lingua mordes, non eris ergo canis.
Tu non es ceruus, quia cornu non petis vllum:
Ergo te monstrum dicere iure queo.
Si fueris leo, siue canis, ceruus quoque vinax:
Si leo sis, bruti more leonis eas.
St canis es, fias furiosi praeda leonis:
Si ceruus, fias altera praeda canis.*

FRVSTRA EST DEPLO-
rare mortuos.

*Littus aras, piscaris in aëre, perfodis isthmum,
Qui gemis extincti tristia fata viri.*

AD PETENDOS AGROS.

*Postquā iam volucres multū cecinere Camæna:
Et longa Ismaria verba dedere cheli:
In vernis gaudent fessa requiescere campis:
Sape tulit fessis gaudia latus ager,*

Ergo

*Ergo animis iuuenum fessis permittite campos,
Vt studiis aptos reddat amica quies.*

AD AVUNCULUM.

*Hoc tibi ieiunum tradatur auuncule carmen,
Quod meus inculta protulit arte stylus.
Non mea Phœbeam sectatur musa poësim,
Nec fero Palladia congrua verba cheli.
Attamen insipido missos è gutture cantus,
Non indignata fronte videre velis.
Concedi tibi millenas exopto salutes,
Vt tua sit latos vita habitura dies.
Me non ignores sanum, sum corpore sano,
Nostra tamen nummis orba crumena dolet.
Mēbris parta salus, superest adhibenda crumena:
Hanc si tu sanes, vndique sanus ero.
Dum grauis est morbus, magnum medicamen
habendum est.
Nodosam podagrā pharmaca pauca abigūt.
Et quum difficilis descendit in ossa catarrhus
Exili morbus non eget auxilio.
Sic longos dudum perpeffa crumena dolores,
Vt sit sana, ingens supplicat auxilium.
Nec bene perpaucis sanabitur anxia nummis,
Auro sanari tutius illa potest.*

AD EUNDEM.

*Zoilus accedat, vacuas baubatibus auras
Zolei quatiant ore fremente canes.
Vtq; adamantæi solvatur nodus amoris,
In nostrum iaciant atra venena caput.*

TEXTORIS

*Atra venena spuant furiarum exerta colubris,
 Dêque theonimos lingua proterva sonos,
 Spernito mendaces, aures claudantur, & illos
 Effuge, perpetuo tempore viuet amor.
 Quicquid lingua loquax, aut vanus blattero
 dicet,
 Flôrescet stabilis pignus amicitie.
 Afferat Ætnæis fabricata incudibus arma,
 Afferat aut Parij marmora dura soli.
 Quicquid Caucasæ rupes, aut alta Carystos.
 Quicquid habent summo Cæspia saxa iugo,
 Istibus horrissonis contundat sydera: nunquam
 Perpetuæ vinclum franget amicitie.*

AD EVNDEM.

*Non ea Patrocli caussa fecisset Achilles,
 Quod pro te facerem frater amore tui.
 Transuersa poteris subito cognoscere Roma,
 Quod mihi te, & tibi me copulat vnus amor,*

EPITAPHIUM.

*Risi, ploro: fui, non sum: studui, requiesco:
 Lusi, non ludo: cecini, nunc muteo, paui
 Corpus, alo vermes: vigilauî, dormio: dixi
 Salue, dico vale: rapui, rapior: superauî,
 Vincor: certauî, pace vtor: iure ego vixi,
 Iure igitur morior: non obſto, obſtare nequirem,
 Terra fui quondam, rursus sum terra: nihil sum.
 Terra caduca vale, vermes saluete, recumbo.*

GRATIARVM ACTIO.

Rex tibi summe pias deuoto pectore grates

*Pro sumptis epulis nos tibi Christe damus.
 Est tibi casta parens, nostra via prima salutis,
 Quæ te tam sacris nutrit vberibus.
 O virgo & genitrix, ô nati filia, nobis
 Auxilium miseris stella marina veni.
 Stella marina veni, magnum rege vela per aquor,
 Ne fragiles rapiant horrida monstra rates.
 Horrida monstra fero nos quarunt undique
 morsu:
 Sed famulos serues numine diua tuo,
 Numine diua tuo mortis quum venerit hora,
 Duc nos ad superi regna beata poli.
 Gloria magna patri, pax viuus detur amœna,
 Defunctis requies, assiduûmque iubar.*

AD AMICVM.

*Cur amo quicquid amas? Et quod non vis, ego
 nolo?
 Vnum cor nobis præbuit vnus amor,
 Vnde fit vt rides si rideo? dum fleo tu sles?
 Nos vnit votis intemerata fides.
 Vnum cor sociis, amior vnus, Et vna voluntas,
 Æternum fœdus præbet amicitia.*

AD EVNDEM.

*Quando petit turtur syluas & lustra ferarum,
 Et flet cum sponsum nescit habere suum:
 Languida præ nimio moriuntur membra dolore
 Et vehemens cruciat pectora mœsta dolor.
 Sic ego Caucasæas rupes, scopulosq; trano
 Saxa, petens te, me cuius adurit amor.*

TEXTORIS

*Quem quum nō habeo, saevus furor ilia torquet,
Sordescit vitæ mobilis hora mea.*

AD EVNDEM.

*Sint licet hæc nostra vilissima fercula mensæ,
Istaque sit tenui mensa parata cibo:
Vos tamen, immensas rerum cognoscere vires
Quis datur, et modica quicquid in arte latet:
Hoc præsens epulum incundo sumite vultu
Antiquæ memores semper amicitie,
Hæc est vestra domus, vestra hic sunt omnia,
vestrum
Gymnasium, vestri sunt quoque discipuli.
Nunc quod vestra gravis gravitas hanc vis-
rit aulam,
Non aulam, at modicæ rusticæ tecta casæ:
Immensas agimus grates, sint omnia vobis
Prospera: post mortem sit sine fine quies.*

AD AMICVM, ET

AD INVIDVM.

*Invidus omnis eat, discedas Zoile mordax:
Zoile discedas: invidus omnis eat.
Invidus omnis eat, mendaces negligè linguas:
Negligè mendaces, invidus omnis eat.
Te (quicquid dicant inimici) semper amabo,
Semper amicus eris, quicquid amasse iuuet,*

AD AMICVM.

*Non ea Pirithoi Theseus fecisset amore
Qua faceret Pylades suavis Oreste tuus.*

*Non ego fortuna cæcos horrebo tumultus.
 Si mecum es, Stygios nec trepidabo greges,
 Non metuam Parthi stridentia tela fugacis,
 Missa nec Odrysia spicula dira manu.
 Thermodoontiacas audax penetrabo phalanges,
 Inferni agrediar guttura trina canis.
 Massageten penetrabo furēs, qui sanguine mixto,
 Lactea præcipitis pocula sumit equi.
 Cyaneos intrabo sinus, & culmen olympi
 Ripheāsque nives, Sithoniāsque petam.
 Tu mihi cuncta iube, Pindum transcendere ni-
 ualem.
 Frigus hyperboreum, Sarmaticumque gelu.
 Aggredere immota Getulos fronte leones.
 Saeva vel Hyrcanæ tygridis antra subi.
 Et quicquid potero, quod charus amabit Orestes,
 Mox indefessis artibus illud agam.*

DE AMICITIA.

*Antiquos recolit celebranda pœsis amicos,
 Concordes eadem laudat amicitias.
 Nil tamen agnouit nostris quod conferat annis,
 Aut nostræ laqueum vincat amicitia.
 Adde quod insani Pylades Phocæus Orestem
 Ad Scythica tulerit templa superba dea.
 Sæque Mycenæum fuerit mentitus Orestem,
 Nil dubitans socij fata subire sui.*

AD AMICVM.

*Si fortasse voles stabilem dissolvere nodum,
 Qui nos perpetua iungit amicitia.*

TEXTORIS

*Affer Lemniacis decocta metalla caminis:
 Affer & irati fulmina rauca Iouis.
 Accipe belligeri prædurum marmor Hymetti,
 Et lapidū quicquid Caucasus asper habet.
 Marmore, fulminibus, scopulis dissoluere nodum
 Nitere, tange, feri, percutere, firmus erit.
 Firmus & incusso non dissociabilis ictu,
 Nam tibi sum Theseus? tu mihi Pirithous.*

AD PATREM.

*Si mihi, ter centum nunc donet Iuppiter ora,
 Ipse tuas laudes promere non potero.
 Dum tamen undosi pisces per summa natabunt
 Aquora, & in vasto curua carina mari:
 Æthere dum pennis volucris depicta volabit,
 Dum feret exactus sydera clara polus:
 Ipse tuum nitidum clarum describere nomen,
 Quod semper dulci laude nitente vigeat.
 Ergo age sume meam tranquillo pectore chartam,
 Metrâque quæ nullo culta nitore micant.
 Musa licet magno non sit confecta cothurno,
 Luminibus tamen hæc grata sit (oro) tuis.*

AD AMICVM.

*Sæpe rogare soles qua tandem temporis hora
 Cessabit nostra Zelus amicitie.
 Hibernum marmor fac mollius esse butyro,
 In media facias nube volare boues.
 Iunge lupus agnos, fac recte incedere cancerum,
 Fac noctis tempus clarius esse die.
 Adde cati mures, miluis adiungito pullos,*

Fac noctem tenebris, luce carere diem.

Fac albos cornos, & nigros effice cygnos,

Redde gelu calidum, frigida non sit hyems.

Ignis frigidior sit aqua, fac ludere blandos

Cum canibus lepores, des aliquid vacuum.

Ventorum flatu cohibe, freta sint sine motu,

Piscis aquas fugiat: mors nihil interimat.

Gallina & vulpes sub eodem tegmine vivant,

Pax odio vivat, vivat amore odium.

Sit sine aquis pontus, facias montem sine valle,

Non habeat plantas sylva, nec astra polus,

Potet aquas formica maris, non sit deus vsquam,

Si sit, finem habeat, non moriatur homo.

Fac scopulos gemmas, fac ferro vilius aurum,

Ebrietas mores sobrietatis amet.

Fama loquax non sit, muliebrem comprime

linguam,

Fac venerem castam, non moritura mori.

Fac humiles Gallos, Italos quoque redde pudicos,

Fac sit ut Hispanis non temerata fides,

Velitibus furtum, & veneto deponere rapinas,

Fac sine avaritia vivere posse senes.

Aruernis rapas, Normanis tolle polentam,

Hypocrisim claustris, tolle iocos pueris.

Flamingos populos fac uti nolle butyro.

Sint simul atque semel partus & integritas.

Vita anima careat, Niuernenses male vivant,

Ver careat violis, Zoilus inuidia.

Quando feceris hoc, vel factum videris illud,

Cessabit nostra Zelus amicitia.

TEXTORIS

AD EVNDEM.

*Sit licet inter nos distantia magna locorum,
 Est tamen unito corde propinquus amor.
 Sit licet Et longe disiunctum corpore corpus,
 Est tamen aeterno pignore iuncta fides.
 Firmius esse puto nostri glutimen amoris,
 Quam sunt è Paria marmora tracta specu.
 Sic nostro firmi nexus in amore ligantur
 Ut nodos nunquam separet ira Iouis.
 Adde quòd hybernas quanquam transiueris
 Alpes,
 Quasi eris que vagi solis utranque domum?
 Aut te cum magno pascat Maurusia fœtu,
 Sis que pharetratos rectus ad usque Getas:
 Haud tamen ille tuus nostro de pectore vultus
 Excidet aut veteris fœdus amicitia.*

AD EVNDEM.

*O mihi Pirithoo semper fidissime Theseu,
 Suscipe fraterna carmina scripta manu.
 Hæc scripsi, ut quâto fueris mihi iunctus amore,
 Te nostræ doceat pagina Calliopes.
 Ut quem nulla tibi facit experientia notum,
 Versibus inscriptis edoceatur amor.
 In primis tibi sum frater, si frater haberi
 Sufficit, & pro te qui moriatur adest,
 Vnius ex una matris non venimus aluo.
 Ergo natura non mihi frater eris.
 Quos non una parens effecit sanguine fratres,
 Pignus amicitia reddit amore pares.*

Talem me credas, qui post te vivere nolit:
 Sed qui te viuo malit obire prius.
 Talem me credas, qui te quocunque iubebis,
 Iuerit, & Metas transeat Oceani
 Non ego me pro me, sed me pro te puto natum,
 Ergo sit inter nos intemerata fides.

CARMEN INVECTIVVM

IN FERVLAS.

Vltiores utinam mihi musa pararet iambos.
 Archilochi, Et veteris satyra pranobile carmen,
 Armatum stimulis, Et amaro peius echino,
 Quo ferulas tenera lignum exitiale iuuenta
 Plagosi sceptrum Orbiliſſi damnare liceret.
 Sauromatasque rogos vltra prescribere, va va
 Ve tibi ramorum mater miserabilis arbor,
 Quae tales generas scuticas, quae nil nisi virus
 Mortiferum rigida spinosior histrice mittis
 Congrua vulneribus, laniandis congrua membris.
 Aptaque detractum venis potare cruorem,
 Et nunquam missura cutem, nisi defluat ingens
 Sanguinis oceanus, nisi magnus decidat imber,
 Et mutili rubeant humeri: rubeatque supinus
 Infantum stomachus, distillent sanguine vena,
 Mille cicatrices pateant in ventre, fluantque
 Ilia, dum lacero rapiantur corpore pelles,
 Brachiaque exertis sint penè simillima fibris,
 Quas lupus occisi de corpore diripit agni,
 Quis modo feralem quis dixerit esse cupressum?
 Cui quaso salicis cortex videatur amarus?

*Aut quis Cyrneas damnarit carmine taxos?
 Arbor adest (tanta si digna est nomine planta)
 A sperior gladiis, ferro violentior omni,
 Deterior spinis, & acuti cuspide teli,
 Vnguibus vrsorum, violentis dentibus apri
 Serpentum peior spiris, pedibusque draconum,
 O scelerata arbor, si te immatura iuuenta
 Corpora, si sexus te detestatur vterque.
 Quid mirum? cum caelitibus miseranda supernis
 Displiceas, lauros seruat citharædus Apollo
 Grata Ioui est quercus, chara est quoque vinea
 Baccho,
 Nauigiis aptas seruat Berecynthia pinos.
 Delectant myrti Venerem, frondosa sub Hercle
 Populus, armigero cornus dilecta Gradiuo est.
 Ast te nullus amat Stygis te dixero plantam
 Persephones, nigrique sat am radice barathri,
 Digna es tartareis qua comburare caminis:
 Quandoquidem prodesse nequis, Iouis arbore
 glandes
 Hybernae veniunt, oleum dat planta Minerva
 Vineam fert ruas dulces, lapidosaq; corna
 Mespilus atque nuces corni, tu nil nisi spinas,
 Nil prater scuticas Et flagra nocentia nutris.
 O qui flammigerum iacularis ab aethere fulmen,
 Frugiferam ramis permittas crescere quercum,
 Utiles est: hanc percutias qua vulnera tantum
 Progenerat, tantumque ferendis apta flagellis.
 Si potes, in flammâsque, rapidis tonitrua cæli
 Proiice Et ardenti nutritam sulphure flammam.*

*Ardens Ætna globos iacias, vos antra Pelori
 Ardentes vibrare rogos, comburite plantam.
 Quæ pueros mutilat, quæ mollia terga fatigat.
 Brachia corrumpit, faciem deformat & ossa,
 Atterit, & miseros inhonesto vulnere clunes
 Lancinat, & tenera assiduum de pelle cruorem
 Elicit. ò fœdis arbor damnanda cloacis.
 Te nulla flectunt lachrymæ, te nulla gementum,
 Verba mouent, non vineta manus, non poples
 aduncus.*

*Non mollis iuuenû promissio, blandaque lingua.
 Prostrato parcit catulo brevis ira leonis.
 At tu Marmaricum superas feritate leonem.
 Blandus adulatur iuuenis, suauissima labro
 Verba mouet tremulo: ceruicem inclinat, ocellis
 Te poscit gemulis, te precipiente misellum
 Denudat corpus, monstratque rapacibus Euris
 Inflatos clunes, caligas demittit ad imos
 Usque pedes, te nulla tamen querimonia flectit,
 Nullaque signa mouent: lachrymarum maxi-
 mus imber*

*Non mouet. ò fœdis arbor damnanda cloacis!
 Te rapiant flammæ, Siculus te deuoret ignis.
 Equi tuo fiant serrate stipite furcæ.
 E foliis domus hydrorum, nidusque draconum,
 E trunco fiant immundis fulcra latrinis.
 Penthesileæam vel tu patiare securim,
 Quis quæso meruit pœnas, quo carcere claudi,
 Verbere quo plectis, quo ladi vulnere, vel quam
 Tormenti meruit faciem, qui primus in usum*

*Te tulit, eque tuo fecit sibi vimine sceptrum?
 Ferreus ille fuit, fuit illi cornea fibra,
 Robur & aes triplex in pectore, lacte lupino
 Nutritus, rabida natus de Tygridis aluo.
 Illum Getula nutriuit mamma leane,
 Illum vrsus genuit, fuit exitiabile monstrum,
 Per caput hoc iuro, dignus fuit in cruce cornos
 Pascere, Et immundis miseram dare vermibus
 escam,*

*Solertisque fuit dignus qui mora Perilli,
 Primus facta sua pateretur vulnera dextra.
 Ista per antiphrasim qui dicta putauerit, errat.*

DEFENSIO FERVLARVM.

*Quid me carminibus laceras? quid queris iambos?
 Quid veteris satyra conuicia caeca inuentus?
 Purpureum si forte tua de pelle cruorem,
 Elicio, tundoque incenso robore clunes,
 Vulnero, vel nudis infligo verbera membris,
 Si ventrem mutilo, si verbero brachia, venas
 Contero, vel crebris tibi perforo crura flagellis
 Me tibi propterea capitalem dixeris hostem?
 Infigine tuo censes ea verbera damno?
 Falleris: ipsa meis me sapius exuo ramis,
 Et foliis spoliata meis, mihi nil nisi duras
 Conseruo scuticas, & nil nudum nisi vimen,
 Ut tibi porrectum maius fateare iuuamen.
 Inspecte quid pro te patior, mea vimina flecti
 Permitto, rudibus laqueis me perfero stringi.
 Me vel ad usque tuas humilis propè deprimò
 plantas.*

*Si fortasse aliquis pungat tibi corpora pulex,
Protinus expello, modicos si sensero vermes,
Si sciero minimas ciunes tibi pungere muscae,
Impositis abigo, ramis, tibi confico venas.
Et nudos titillo humeros, tibi more periti
Tonforis traho corruptum de pelle cruorem.
Separo per mixtos crines, scabiem aufero, semen
Doctrina infundo, virtutum confero germen.
Hoc potes obsequium rapidis committere ventis?
Non meminisse potes meriti? resipisce parumper.
Virga tua siquidem studiosa est mater honoris,
Ne tamen exclamans capitalem dixeris hostem:
Nutricem potius dicas. iactantia verbo
Defuerit, ferulas torpentibus utile calcar,
Dignas crediderim quas aurea capsula recondat.
Et quibus Assyrio iuvenes libetis amomo,
Thuráque odorati spargatis mascula fumi,
Quas vel uterque genu curuato sexus adoret,
Sensissent ferulas si tempora prima Neronis,
Non tu, quem fausto generauit Corduba partu,
Efflasses animam truncata sanguina vena.
Non secto infelix periisset corpore mater.
Non simile Ideis vidisses Roma fauillis
Diluvium. felix igitur studiosa iuventus,
Cui tam diuini medicamina sumere ligni
Contigerit, stimulosque mei sensisse flagelli.
Censuerim parili faelices iure magistros,
Qui tam diuino, vitiorum germina, sceptro
Euciant, quantasque habeant in corpore vires.
Ictibus assiduis perhibent. iurabo parentem,*

Orbium lautis diuorum accumbere mensis,
 Quin & cœligena vicinum aſtare tonanti.
 Quod crebris ſemper iuuenilia corpora plagis
 Finxerit, atque malo vacuarit ſanguine venas.
 Iſta per antiphrasim credas ſtudioſa inuentus.

A D T H A I D E M D E F R A -
 gilitate vita.

Si tibi candentes niteant ô Thai ocelli,
 Formaꝫ conſpicuis amula ſyderibus,
 Si nimbus certet facies, manus alba liguſtris.
 Frons ebori, violis brachia, lingua fauus.
 Vincat Erythraum ceruix precioſa lapillum,
 Si labra Peſtanis inuidioſa roſis,
 Chæonia fuerit guttur ſi molle columba,
 Si facies teneris mollior anſeribus,
 Candida nobilibus certent ſi lilia venis,
 Corycio certent omnia membra croco:
 Compactas ſuperent quæ porrigis oſcula conchas,
 Et ſacer in mammis eſſe putetur odor,
 Herbaꝫ dicatur reliquis præſtantior, illa
 Clauiſa tuo meruit quæ latuiſſe ſinu.
 Annulus & Samij gemmam ſuperaiſſe ty-
 ranni,
 Qui fuit ante tuæ præda beata manus:
 Sitꝫ tuos fœlix tetigit quæ fascia crines,
 Sopitam fœlix qui te habuit thalamus:
 An tamen elato debes turgeſcere faſtu,
 Aſpicere & toruo quicꝫq; ſupercilio?
 Eſſe putas niuea decus immortale iuuenta?

Perpetuum forma credis habere decus?
 Forma quid est, nisi flos primaui labilis aui,
 Quem teneris membris subripit hora brevis?
 Forma quid est, nisi natura donum breve, donum
 Æolis longè mobilius Zephyris?
 Cui nunc pulchra nitet facies, cui tersa venustas,
 Et roseo multus fulget in ore decor:
 Cui crocei crines, cui ceruix purior auro,
 Cui coma cælesti dulcior ambrosia:
 Cras feret exanguis forsan contagia morbi,
 Qui niuei extinguet corporis omne decus.
 Contrahet aut tremula rugas in fronte senectæ,
 Sic brevis est forma prætereuntis honos.
 Sic variis species hominum est obnoxia morbis,
 Sic prima ætatis flos fugitiuus abire.
 Disce igitur Thais forma deponere fastum:
 Quem volucris lenius cernis abire Noto.
 At si tu hæc forsan nauci mea carmina pendas,
 Atque putes nugis vanius hæc Siculis:
 Te saltem faciant aliena pericula cautam,
 Arguit in primis perdita forma Helena.

ORATIO AD VIRGINEM

Mariam.

Pura dei mater, cæli castissima lampas
 Stella maris, radix virginitatis aue.
 Palma virens nardus redolens, pietatis asylum
 Iustitiæ riuus, fons bonitatis aue.
 Fons dulcis, regina poli, patrona reorum,
 Humana lucis præuia lampas aue.
 Lux terra, limen paradisi, gloria mundi,

Spes inopum, Christi regia mater aue.
 Virgo, tuum generis nostri est defendere causam.
 Ne miserum satanas deuoret ore pecus.
 Tuq; potes nostrae conducere lintea nauis.
 Ne sub auernali detineamur aqua.
 Te reparatricem nostrae licet esse ruinae,
 Ne cadat in nigrum machina tota chaos.
 Te penes est humana salus: nullamq; repulsam.
 In voto pateris regia sponsa tuo.
 Ergo pudica parens, o virgo puerpera Christi,
 Rebus in aduersis suppetiere reo.
 Scis quanto nixu, quantum subtilibus armis
 Corporibus demon praearet insidias.
 Torpenti nunquam declinat lumina somno,
 Vt dubia vinculis illaqueentur oues.
 Peruigiles agit excubias, pergitq; reditque,
 Amissas semper querit habere animas.
 Vidit enim hic homines Christi pro morte re-
 demptos,
 Et saluum ad superos euolare gregem.
 Inuidiam nostrae produxit origo salutis,
 Quae solet in faustis rebus habere locum.
 Ergo pudica parens illaesa puerpera Christi,
 In satana fraudes fer mihi suppetias.
 Irrita ne maneat regalis passio Christi,
 Sed fragili profint vulnera quaeq; anime.
 Per tua quae dulcem fuderunt vbera succum,
 Te precor, & claustris viscera casta tui:
 Vt quocunq; iero, mea sis certissima custos,
 Et nostrae semper fida magistra ratis.

*Seducit demon, stimulat caro, mundus adurit,
 Solus ego nequeo belligerare tribus.
 Sola trium poteris diras contundere fraudes,
 Sola trium vires vincere & arma potes.
 Quando igitur veniet pereuntis terminus aui,
 Quo mihi supremum finiet hora diem:
 Non me permittas armis hostilibus angi,
 Et nigra tartarea querere tecta Stygis
 Sed tua festinum concedat dextra leuamen,
 Et mihi cum sanctis sit sine fine quies.
 Sponsa dei, regina poli, dea mater amoris,
 Christi ex te nati filia pulchra vale.*

AD EANDEM.

*Salve munimen viuendum, regia mater
 Presidium populi, nutrix praeulcis, alumna
 Natura fragilis, virgo castissima, sacra
 Ianna virtutis, astrum, fomes pietatis,
 Lucis asylum, sobrietatis amoris imago,*

AD EANDEM.

*Virgo dei mater nullo corrupta virili
 Semine, sis nostra fida magistra ratis.*

AD DEVM OMNIPOTENTEM.

*Rex regum benedicte parens, qui trinus & vnus
 Regnas, infirma suppetiare anima.*

AD PATREM.

*Si nolis seruare greges ex ore luporum:
 Te saltem in pecudes non debet esse lupum.*

AD REGEM.

*Tu rex regnando regimen sic dirige regni:
 Vt post hoc regnum regna superna habites.*

TEXTORIS

AD EPISCOPVM.

*Pastor oues serua: seruando sis velut Argus:
Ne lupus inferni te voret, atq; gregem.
Tu tondere gregis lanas, non radere debes,
Custodi teneras vt vigil Argus oues.
Nil mirum si nulla salus sit ouilibus agris:
Custodes etenim cernimus esse lupos.*

DE IUDICIBVS.

*Exiles telis captiuat aranea muscas.
Pauperibus nudis fert sua vincla Cato.
Iustitia extiterat quondam sine lumine, sed nunc
Iustitiæ visum munera restituunt,
Si vis lucrari causam, satiare patronos
Conuenit, et donis frangere cauidicos.*

AD AMICVM.

*Limosum bibulas voluit quot littus arenas,
Frigida piscosum dum mare turbat hyems:
Aurifluo celeres volitant quot in aëre musca,
Dum media æstatis tempora verna calent:
Pinguia quot mittunt cereales iugera spicas,
Quotq; itidem spica grana minuta ferunt:
Squammosi gelido viuunt quot in aquore pisces,
Quot varias aër nutrit amœnus aues.
Quot foliis syluæ, quot guttis equor abundat,
Quot stellis æther, quot creat Hybla fauos.
Tot tibi perpetua succedant dona salutis,
Sit tibi per vitæ tempora fausta salus.
Nondum presagam norunt mea dicta pœsim,
Pieriis tinctum non fero guttur aquis.
Hoc tamen incultum quanuis tibi misero carmen:*

Non hoc Zoileo carpere dente velis.
 Sum velut immersus non notis Icarus undis,
 Qui mihi inexpertum querere nitor iter.
 Sum velut aethereæ Phaethō moderator habenæ,
 Qui volo non nota ducere palustra rota.
 Sum tanquam ductor Pagasæ navis Iâson,
 Qui volo in assueta carminis ire via.
 Sin tamen ignoto quanuis temerarius ausu,
 Et mihi non nota carminis arte loquar:
 Non tamen infigas sermoni mordicus vnguem,
 Sed potius grata fronte videre velis.
 Carmen non scribo ut videaris carminis expertus,
 Nam tua Pierius currit in ora latex
 Et tibi laurigera donarunt oscula muse:
 Est tibi Phœbea non minor arte lepôs.
 Thracia si lyrico cantet præconia vatis:
 Tuq; tuis pariter diceris esse decus.
 Sic solita non sunt Dryades assurgere Phœbo,
 Ipsa nec Andino Mantua vate tuncet,
 Ut te tota tuæ collaudat concio gentis,
 Iam te semideum sæcula nostra putant.
 Si te spectaret viuum Phœbeia Delos
 Te Clarium in terra crederet esse Deum.
 Si Smyrnam peteres, te forte putaret Homerum,
 Corduba Lucanum, Gnosia creta Iouem.
 Et brevis ut nostrum claudat sententia carmen,
 Normano populo crederis esse Deus.
 Iamque vale, errantem non spernas Psittace
 coruum,
 Obstreperam picam spernere nolit olor.
 GG ij

TEXTORIS

AD EVNDEM.

Quando Menætiades Phrygiis Patroclus in
armis

Hectoreo vulnus mortis ab ense tulit:

Quannus ob raptam Bryseida Phibius Achilles

Argiuis ducibus ferre negaret opem:

Attamen auditum post cæsi vulnus amici,

Sumpsit in Idæos protinus arma Phryges.

Vindictamq; petens Getuli more leonis

Sedit in Iliadas, ut lupo inter oves.

Nec prius abstinuit dubius furcosus in armis

Ultor quàm Phrygio dirus ab hoste fuit.

Sic rediit vindex prostrati iustus amici,

Conspersa Hectoreo tela cruore gerens.

Sed quorsum hæc? socij mortem expectavit

Achillis,

Non erat hoc vera pignus amicitie.

Ille sequi in gladios socium debebat euntem,

Uti post mortem sumpta iuuare nequit.

Inter nos habitat maioris Zelus amoris

Quàm sit Achilleæ nodus amicitie.

Si tibi conspicerem præsens instare periculum,

Obiicerem intrepide corpus in omne malum.

Nec credas quòd te sufferrem in corpore ladi,

Me viuo nunquam laesus ab hoste fores.

Et si me viuo percussus forte perires,

Hoc guttur cultris te moriente darem,

Quòd si interfector forsàn mihi de foret hostis,

Ista mea mortis conscia dextra foret.

Non ego me pro me, sed me pro te puto natum,

Ergo sit inter nos interemata fides.

EPITAPHIUM MAGI-
stri Ade de sancto
Victore.

Heres peccati, natura filius ire,

Exiliique reus nascitur omnis homo.

Vnde superbit homo, cuius conceptio culpa,

Nasci pœna, labor vita, necesse mori?

Vana salus hominis, vanus decor, omnia vana,

Inter vana nihil vanius est homine.

Dum magis alludit presentis gloria vita,

Præterit, immo fugit: non fugit immo perit.

Post hominem vermis, post vermem sit cinis:

heu heu,

Sic redit ad cinerem gloria nostra cinis.

Hic ego qui iaceo miser & miserabilis Adam,

Pro summo modicas munere posco preces.

Peccaui fateor, veniam peto, parce fatenti,

Parce pater, fratres parcite, parce deus.

CARMEN AD IMITA-
tionem Virgilij.

Querit avarus opes,

Vina racemus alit,

Nō sibi, sed cunctis

Hortus alit violas,

Iuppiter esse dedit,

Multa ministrat humus

Prata Molosse teris,

Nō tibi sed domino

Fercula serue paras,

Porrigit olla cibum,

Porrigit arbor opes.

GG ij

TEXTORIS

AD AMICVM.

<i>Est</i>	<i>Servire</i>	
	<i>Aliis.</i>	<i>Tenetur</i>
<i>Iure</i>	<i>Qui</i>	
<i>Sum</i>	<i>Servire</i>	
<i>Iure tibi</i>	<i>me.</i>	<i>Necesse est</i>
<i>Te nulli</i>	<i>Cunctos</i>	<i>Videris</i>
<i>Ant</i>	<i>Are</i>	
<i>Cum cunctos</i>	<i>Te laude</i>	<i>Cunctis</i>
<i>Es</i>	<i>Fero.</i>	

QVID FOEMINA.

Fœmina blanditur, laqueos parat, arma mi-
nistrat,
Decipit, excacat corpora, membra necat.
Debilitat vires, hominem attrahit, ossa perurit.
Flet, ridet, simulat, dat, petit, odit, amat.
Haurit opes, plenam solet euacuare crumenam,
Bella gerit, frangit mœnia, castra domat.
Fert violas, gaudet speculis, solet esse iocosa.
Gaudet odore, petit basia, corpus amat.
Disponit crines, faciem lauat, oĩa querit:
At tacite verbi est prodiga, parca boni.
Est ex Lernaïs oriunda paludibus Hydra
Turgida saxifica Gorgonis ora ferens.
Est mel interna concludens parte venenum,
Mascula Palladia corpora voce trahens.
Est flos arcano portans in vertice vermes,

Frigida sub tacita toxica pelle ferens.
 Sirenum verbis capiens fallacibus aures,
 Ignoto mergens naufraga vela mari.
 Est fallax blandam pratendens scorpio caudam,
 Quæ dum blanditur, mordet & interimie.
 Est rosa quæ suavi nares perfundit odore,
 At graue tam nitida sub cute virus olet.
 Est Cyrce, nisi se cautum quis præstet Vlysssem,
 In fœdas vertens corpora nostra sues.
 Est Harpyia ferox deturpans aëra pennis,
 Quæ solita est humilem dilaniare gregem.
 Est serpens, vulpes, vultur, crocodilus, & vrsus,
 Gorgone portentum durius hydrigena.

DE FORTUNA.

Fortune facies lachrymabilis atque iocosa est,
 Leta iuuat facies, sed lachrymosa nocet.

DE EADEM.

Cur nequit à cunctis fortuna nomen amari?
 Illam diues amat, cui maledicit inops,

DE STATV VITÆ CAR-
 men Elegiacum.

O homo, quid stolidi vario sermone popelli
 Gestis? quid vane laudis amore tumes?
 Quid verbosa iuuant indocta murmura plebis,
 Mobilior rabido quæ solet esse Noto?
 Vana quid insulsi prodest sententia vulgi?
 Optima dat vitio, deteriora probat.
 Sollicitus pendes, alieno ex ore superbis,

Illicito multis scenore quæris opes.
 Et nunc extremos properas festinus ad Indos,
 Nunc fragili tendis per vada cæca rate
 Nunc Aegyptiacos statuis percurrere fines,
 Nunc petis Adriaco rura propinqua mari.
 Vestis odorifero perfusa nitefcit amomo,
 Quod tegit in pingui decolor Indus homo.
 Articulos adamas, vultum cerussa decorat.
 Diuiduas ornant fæta venusta comas.
 Perniciosa suas exercent crimina vires,
 Allicit humanum tetra libido genus.
 Improbæ neglecta regnat probitate voluptas,
 Et Venus iniecta prodigiosa face.
 Innumeris potitur ventosa superbia regnis.
 Immoderatus opum corda gubernat amor.
 Aedificas semper, factas quoque diruis ades:
 Nunc ubi sublata est mensa, cubile petis.
 Diceris inconstans varius, mutabilis, excors,
 Vanus, iners, demens, mobilis, insipidus.
 Et sacrosancta Laris iam pridem numina lugent,
 Quod nequeas vnâ certus habere domum
 Si ducenda tibi coniunx iam sepe fuisset.
 Mille tibi posses iam numerare socrus.
 Audi & crede, nihil profunt hæc omnia,
 nempe
 Ista nequit stabilem vitâ tenere modum.
 Fabula vana sumus, vitâ est hæc ventus &
 aura:
 Prætereunt volucris tempora nostra die.

AD GENEROSISSIMOS,

& magna spei adolescentes, Antonium

& Franciscum Boheros, nobi-

lissimi Normania Qua-

storis filios.

Effodiat geminos mihi bubo sinister ocellos,

Pascaturq; meis noctua visceribus:

Infernasq; mihi tendat Proserpina larvas,

Ac me tartarei sollicitent Lemures,

Si vos praterream tacitos, duo sydera, fratres,

Sydera Ledaïs amula syderibus.

Nam quis præclara vobis fuit indole maior

Quem fouit gremio docta Nanarra suo?

Vobis ingenium vehemens, sitibundaq; semper

Doctrina & clari mens fuit eloquij.

Constans in studiis animus, spes semper honoris,

Vincendiq; pares magna cupido fuit.

Nec nisi victores nostra cessistis arena,

Seu prosa facta est lucta ea seu numeris.

Quis vos ignauo vidit torpere vaterno?

Aut non assidue Pierides colere?

Quis puerile aliquod verbum stultumve locutos?

Aut sacras morum destituisse vias?

Nec mirum si vos comitetur candida virtus,

Si sancti mores, si probitatis amor:

Nanque malos fructus nunquam bona parturit
arbos,

Nec lolium aut tribulos nobilis hortus alit.

Vobis diuina pater est virtutis amator

Matri sunt comites religio & pietas.

*Vobis Remigius doctrina semina fudit,
 Remigius lepto Tullius eloquio.
 Vos igitur merito morum nutriuit honestas,
 Et gremio virtus fouit amica suo.
 Quos tanta digni genuerunt laude parentes,
 Phœboq; aluit nectare Remigij.
 Nunc solita properate via duo sydera fratres,
 Sydera Ledaïs amula syderibus.
 Sit speculum vobis vtriusq; parentis honestas,
 Sit speculum docti gloria Remigij.
 Sæpe semper libeat solitis incumbere Musis,
 Et Phœbo & Musis dulce volumen adest.
 AD FRANCISCVM CLIV-
 uensem Regij sanguinis & probatiss-
 simæ indolis puerum Epigramma.
 O qui conspiciis Franciscæ parentibus ortum
 Ducis, & à summa nobilitate genus,
 Aspice quid faciat studiosus arator in agro,
 Vt pura æstiuo tempore grana legat.
 Euellit spinas, vepres obtruncat, amaras
 Demetit vrticas, decutit & lolium.
 Et tu si quæris virtutum nobile semen,
 Quale tuæ fulgor nobilitatis amat,
 Vrticas scelerum prima depone iuuenta,
 Quæ damno castis moribus esse solent.
 Sic tu regali facies opus indole dignum:
 Aptæ tuo generi sic tibi messis erit.
 Vt prouidentum monitis, alienaq; semper
 Gloria, dum viues, sit tibi pro speculo.
 Vtq; Themistocles olim excitus esse trophæis*

Miltiadis, priscis dicitur historicis:

*Sic te clara patris virtus, sic candida matris
Religio, ad mores & benefacta vocent.*

*Et quoniam nihil est nisi pondus inutile terra,
Qui sine doctrina viuit inanis homo:
Inuigila studijs, vt tanto nobilis ortu,
Sis etiam claro nobilis eloquio.*

*Si iuuet ad doctas animum conuertere Musas,
Iucundum musis ecce volumen habes.*

DE NATALI DOMINI.

*Sole iubar maius, luna praeclarius astrum
Nascitur, & toto fundit sua numina mundo.
Ecce Palaestina verus de virginis aluo
Egreditur vates, procul ô procul este prophani:
Ite procul quos ficta iuuant idola deorum,
Famosumq; Iouem stupris, dominum esse potentem
Scribitis, & tonitru refugas componere nubes,
Ignitumque manu terris immittere fulmen,
Verus adest dominus, qui cuncta elementa figuris
Exornans veris, calos, terram, aëra, pontum
Fecit, & omnigena fabricauit corpora firma.
Hic immortalis moribundum sumere corpus,
Virginis in claustro voluit, terrasque iacentes
Incolere, vt primi delens peccata parentis
Eriperet vinclus animas, praedamque barathro.
Tartareisque lupis captiuum auferret ouile.*

*Pangite pastores, pastorem nescia virgo
Masculi coitus, intacta protulit aluo.*

AD AMICVM.

Dum matutinum coniux Titonia lumen

Expulsis spargit tenebris, & lumine claro
 Circuit ingentes terras, exurgere cogor
 Anxius è somno fidum visurus amicum,
 Pracipites fero voce sonos, & flebile carmen.
 Erumpunt oculus lachrymae, mens pallida riso
 Semoto languet. quod Castoris absit amicus.
 Exurgas igitur, Pythiam solabere Damon:
 Solus ego tecum moriar. si sit tibi vulnus,
 Vulneris illius medium tolerabo dolorem,
 Si plores, plorare volo si morte recumbas,
 Tecum etiam moriar. si submergaris in undis,
 Te iam submerso nolo colo contingere portum,
 Si rides, ridere volo. iam vade peregre:
 Tecum etiam peregrinus ero. Si nauita fias,
 Nauta ero. si fias pauper de diuite, pauper
 Esse volo. si etiam fias de paupere diues,
 Nolo tibi fieri socius, satis est famulari.
 Et qui te laedet solam mittendo sagittam,
 Vno etiam telo geminos se ledere speret.

DE PACE.

Carmen.

Pax cœleste bonum sacris altaria flammis
 Atque tepescences suscitât igne focos.
 Pax hominum genitrix, pax est custodia rerum,
 Pax aperit iuris iustitiaq; forum.
 Nulla dies homini, nulla est sine pace voluptas,
 Nullus amor, nullum religionis opus.
 Pax vrbes, pax regna ligat, pax cōgregat orbem,
 Fiat vt ex multis vrbibus vnâ domus.

*Secula pax renouat, pax aurea tempora confert,
 Et mores prisca simplicitatis habet.
 Ingenua redeunt artes, academica florent.
 Ocia, Castalia sollicitantur aqua.
 Pax facit innocuos saltus, nemorumq; recessus,
 Tutus it & tutas aduena portat opes.
 Pax Cererem campis, & mittem collibus vnam
 Efficit armofo diuidit arua boue.
 Gramina pace virent, præpinguia pascua, letum
 Luxuriat multa fertilitate pecus.
 Pax vehit auratas peregrina per aquora mercès,
 Et steriles ponti non finit esse vias.
 Pax hilares mensas facit & conuiuia passim,
 Et recreat molli tristia corda mero.
 Pax aperit talamos, hymenæaq; carmina cantat,
 Excitat & resides non finit esse lyras.
 Pro gladiis lances gerit, & pro casside scuta,
 Et sua Palladia tempora fronde ligat.
 Gestit & ad Thyasos agili volat ardua saltu
 Et vocat ad festos agmina longa dies.*

MODVS RETINENDO-
 rum amicorum.

*Plurima des, per pauca petas, nil accipe. si nil
 Accipias, & pauca petas, & plurima dones,
 Gratus eris populo, te mille sequentur amici,
 Si nihilum trades, fies priuatus amico.
 Plurima si quæres, multam patiære repulsam.
 Si multa accipias populus te dicet auarum,
 Nil cape, pauca petas, da plurima, habebis
 amicos.*

TEXTORIS

DE BELLO.

*Bella necant homines, faciunt sine honoribus aras:
 Urbis & agrorum depopulantur opes.
 Ah pereat fuerit qui tanti criminis auctor,
 Tristiaque humanas misit ad arma manus.*

AD AMICVM.

*Vt Larisseum Patroclus amavit Achillem,
 Vt fuit in Pyladem certus Orestis amor:
 Pirithou vt Theseus, Pollucẽ vt Castor: Achates
 Arsit vt Idei Martia facta ducis:
 Sic ego amicitia stabili tua pectora nexu
 Vincio: quem nihil hinc dissociare potest.
 Mens eadem est nobis, & idem cor, vna voluntas.
 Qualescũque hilari perlege fronte modos.*

ORATIO AD

Christum.

*O deus aeterno qui dirigis omnia nutu,
 Cuique aër, cœlum, terra fretumque subest:
 Sacra Palestina clausit quem virginis aluius,
 Quem mundi florem flos sine labe tulit.
 Qui genitus sine matre deus sine semine natus
 Crederis, & mundum qui ditione regis:
 Da mihi nunc veniam rex te offendisse fatenti,
 Et cœli pateat rex precor aula domus.
 Ruptaque conspicui post stamina luminis aura
 Fac fruar: auxilium tu mihi quaeso feras.
 Fac mea tranquillo veniant ad littora flatu
 Carbasa: fac turbent nulla pericla ratem.
 Dirige tyrones tu rex ô maxime regum,
 Participes clara lucis vt esse queant.*

*Nulla salus nobis sine te est, nec caussa salutis,
Nec cuiquam aeterni luminis aura patet.
Da precor optatum vita traducere lumen,
Libera caelestes ut petat umbra domos.*

AD SPECTATORES.

*Si tenui incultum pangamus arundine carmen,
Et canat exiles nostra camæna modos.
Vos tamen eximij tetrica gravitate Catones
Parcite, de paruo gurgite parua fluunt.
Æquora balenas gignunt: paruo sed in alveo
Exilis tantum barbulus esse potest.
Vinea prædulces profert bene culta racemos,
Emittit tribulos non bene cultus ager.
Nos sumus inculti, nobis non spirat Apollo,
Dum bene culti erimus, messis erit melior.*

CAROLI FRANCORVM

REGIS HVIVSCENOMINIS

*octavi Oratio in bello Formouienſi
ad milites habita.*

*O fratres quos participes regni atque laboris
Assumpſi mecum, nec vos ſine dote reliqui,
Vos ego non ſamulos, ſed charos nomino fratres,
Quos amo plus vita: ſi quid Romana vetuſtas
In bello Fabios reſerat feciſſe potentes,
Hoc facite ut noſtris non ſit prælata diebus
Famapotēs veterū. Quoniā vel morte cadēdū eſt,
Aut decet inuiſos peſſundare fortiter hoſtes,
Nec vos perturbet mortis formido, nec ingens
Copia certantum qui nos ſubuertere ſperant.*

Nam si hodierna dies fuerit vestra vltima vita,
 Primum tamen vestri semper dicetur honoris.
 Si corpus pereat, clementum fama resumeret,
 Quid contraxistis frontem? mortemne timeatis,
 Quod peditum aduersa sit maior copia parti?
 Sunt hostes fateor plures: sed saepe duobus
 Præda fuit canibus multorum turba luporum,
 Sæpe vnus boreas densæ concurrere silvæ
 Audet, Et innumeras perflando dissipat vltimos,
 Si sumus in numero contra tot milia pauci,
 Quid tum propterea? causa potiore mouemur
 In tantas acies numero concurrere paucos
 Sæpe fit vt modico sociatus milite princeps
 Innumeram Xerxis valeat propellere gentem,
 Vos igitur, si qua est hodie spes vlla salutis,
 Cognati, fratres, vitæ præponite laudem,
 Nec nobis sit triste mori: nam corporis huius
 Immortitura breuem pensabit gloria mortem,
 Vester ego frater, quem sumpsit Gallia regem
 Indignum, pugna primos intrabo tumultus:
 Primus ego campum ingrediar, præponere vitæ
 Immortale decus spero. nec turpe putetis
 Corpus in externa moribundum perdere terram,
 Sed ne forte mei simulatum pignus amoris
 Credatur, vobis cunctis ego basia dono.
 Nec si nos omnes multus concluderit hostis,
 Sollicitos perferre animos, cautelam ego noui,
 Quæ nobis aditum medios quaramus in hostes.
 Conuenit ingentes ex sylua carpere ramos,
 Quos firmis laqueis collo necetamus equorum.

Sic ubi confligent inimici, curret in illos
 Cornipes, & quotquot timidos inuenerit hostes,
 Obruet in terram ramo. via talis habenda est.
 Est aliud mihi consilium, permittere fas est
 Cornipedes nostros semoto currere freno,
 Ut quos non poterit gladiatorum sternere cuspidis,
 Morsus equi perimat. Quare certare neces-
 sum est,
 Certate, & validis alacres incumbite nervis,
 Ex vobis aliquos regales ferre coronas
 Conuenit: ut nequeant hostes cognoscere regem.
 Hoc ego consilium vobis committo. Sed ecce
 Hostis adest, rauco clangat tarantara cornu.
 Concrepitent litui, clypeos adiungite dextris.
 Imus in hunc, mactate illos, curramus in istum
 Ignitos stertens voluat bombarda molares.
 Si quis cognorit baleares voluere fundas,
 Voluat, & immenso perterreat aëra iactu.
 Arcubus aptentur funes, & turbine mar & in
 Puluerulenta strepat tellus. aptate sagittas,
 Calcar equos pungat, facite ut vos esse viriles
 Fernouius testetur ager, curramus in hostes.
 Iam taceo nil verba iuuant, plus proderit ictus.
 Hoc dixisse sat est, morti praeponite famam.
 Debet in austeris quari victoria rebus.

AD AMICVM IRA-

TVM EPIGRAMMA.

CUr mea mens, mea dextra manus, mea de-
 xtera mamma.

Contrahis irata fronte supercilium?
 Cur tam submissa reddis mihi voce salutem.
 Reddere quam lata fronte solebat amor?
 Cur tua vox animi certè versatilis index,
 Pura Et aperta prius, tã modo rauca mihi est?
 Quando oculis quondam veniebas obuius istis,
 Spectare Actalicas pene videbar opes,
 Quas mihi fortune deferret nuncius, aut qui
 Pastori pomum contulit Iliaco.
 Dum licuit veras audire & reddere voces,
 Credebar magno ditior esse Ioue.
 Dum potui miscere sales, verbisque iocari
 Quis me stellifero maior in axe fuit?
 Sed mihi quæ toties mortalia fata resoluit,
 Inuidit tantos ceca nõuerca dies.
 Quando mihi occurris, vel quæ pertranseo, sulcas,
 Glandilegi videor cernere corpus apri,
 Qui mihi dentifero pugnam denunciât ore
 Frendeat increpitans incutiâtque minas.
 Gratia quæ tereti nativa sedebat in ore,
 Versa est in rugas, multiplicésque sinus.
 Et quem Democriti facies, angustâque frontis,
 Integritas diuis fecerat esse parem:
 Huic vultus qualem crinita immanibus hydri
 Tisiphone Et/ flagrans igne Megera facit.
 Mitior ambrosia fuerat, qui mollior albo
 Ausserulo, spinas durus Et/ asper habet.
 Quem mihi quæ latũ fortasse Aurora ferebat,
 Hæc erat aëstorum lumine candidior.

Quem nūquam satis hic oculus vidisse putabat,

Quem nunquam visa est sat tetegisse manus.

*Cur mea mens, mea dextra manus, mea dextra
papilla*

Contrahis irata fronte supercilium?

Hic tuus est, qui te tantum dilexit amicus,

Plus geminis oculis, plus ~~et~~ utraque manu.

Hic tuus est, qui te toties tremulo ore vocavit,

Qui pro te toties ora rigavit aquis.

Non tam est Alcida quæsitus Hylas puer olim

Nec tam quæsitæ est Penelopea procis,

Quàm sepe attonitis ego vocibus aëra rupi,

Sollicitus curans plus tua fata meis.

Pro quo sunt pugnata mihi tot bella, tot hostes

Quæsitæ, famæ tot mala verba mea

Quem cithara Chiron primis instruxit ab annis

Fecisse exequias fertur amicitia.

Quique prius Troiana latens neglexerat arma,

Ad pugnam chari sanguinis ultor iit.

Sensit amicitiam Pyladæ damnatus Orestes,

Nise tibi Euryali cognita flamma fuit.

Ingratum Æneam si cognovisset Achates,

In mediis hominem destituisset aquis.

At quoniam sincerus amor non indiget isto

Nomine, nec ficto corpore sana fides:

Nec socium Æneas nec Achates liquit amicum.

Non solet aduersis cedere rebus amor.

Nunquid officium vere præsentis amici,

In minimo videor deseruisse pilo?

HH ij

*Si tibi sum visus nunquam simulatus & asper,
Si tibi prestiterim quicquid amoris erat:
Cur mea mens, mea dextra manus, mea dextera
mamma,
Contrahis irata fronte supercilium?*

FINIS DIALOGORVM
aliquot & Epigrammatum
Io. Rauisij Textoris
Nuernen-
sis.




TABVLA IN HOC VOLV-

MINE CONTENTORVM.

D ialogus, Terra, etas, & alij pleriq; . fo.3.	
<i>Dialog. tres mūdani, mors, natura, &c.</i> 12.	
<i>Dialog. diues gloriosus, & adulatorēs, &c.</i> 31.	
<i>Comcedia Iuuenis, Pater, Vxor:</i> 44.	
<i>Dialogus Sapiens, Iuuenis, senex.</i> 50.	
<i>Dialog. Mundus, Liberum arbitrium, &c.</i> 54.	
<i>Epitaphiū Philippī Halenini equitis aurati.</i> 68.	
<i>Dialogus Malus rumor, concordia, &c.</i> 71.	
<i>Dialog. Tres epicuri, morbus, &c.</i> 77.	
<i>Dialog. Calliope, Lectio quarta, tres pugiles.</i> 89.	
<i>Dialog. Pecunia, Piger, Labor, Patiens Labo-</i> <i>ris,</i> 301.	
<i>Dialog. ecclesia, duo epi, tres hypocritæ, &c.</i> 107.	
<i>Dialog. Cōtemptor mūdi, mors, morbus, &c.</i> 122.	
<i>Dialog. Thersites, Vulcanus, mater Thersitis,</i> <i>miles.</i> 143.	
<i>Dialog. Mors, viator.</i> 149.	
<i>Dialog. de filio prodigo.</i> 153.	
<i>Dialog. Mystillus, duo thraſones, taratalla.</i> 163.	
<i>Dialog. Pauper & fortuna,</i> 168.	
<i>Dialog. Moria, duo mendaces, &c.</i> 170.	
<i>Dialog. Fortuna & Aulicus.</i> 180.	
<i>Dialog. Amor, Salomon, Interpres, &c.</i> 186.	
<i>Dialog. Troia, Salomon, Sanſon.</i> 191.	
<i>Dialog. Auium.</i> 202.	
<i>Dialogus, Maximilianus, Furor bellicus, &</i> <i>Pax.</i> 206.	

EPIGRAMMATA.

De puritate virginis & Christi natiuitate.	210.
De breuitate vite.	211.
Ad Maximilianum insubrium ducem.	214.
De passione CHRISTI.	ibidem.
Ad grauissimum patrem dominum Nicolaum Bouffard cancellarium Parisiensem.	216.
Oratio ad virginem Mariam.	ibidem.
Epitaphium primi prasidis Parisiensis.	217.
Carmen bellici conflictus narratiuum.	218.
Carmen de pace.	219.
Viri celebris defuncti epitaphium.	220.
Aliud idem.	221.
De contemnenda voluptate elegia.	222.
De natali dominico carmen.	223.
Ad versipellem.	ibidem.
Ad inuidum.	ibid. 224.
De amicis acquirendis.	ibidem.
Ad amicum.	ibidem.
Ad quendam formosum appetentem sacerdo- tium.	ibidem.
Ad quendam fidissimum Orestem.	224.
Frustra est deplorare mortuos.	ibidem.
Ad petendos agros.	ibidem.
Ad auunculum.	225.
Ad eundem.	ibidem.
Epitaphium.	ibidem.
Gratiarum actio.	226.
Ad amicum.	ibidem.





1968

